

ex libris Bibliothecae H. prae
a. H. honoratum R. p. p. n. n.



J. Haeckman sculp.

A. CORN. CELSI
mus-C. DE Tab-33^a

MEDICINA

LIBRI OCTO, 11^o 42

EX RECOGNITIONE

JOH. ANTONIDÆ

VANDER LINDEN,

D. & Prof. Med. Pract. ord.

In libris A. F. Prædicat. Berol. ad S. Honorat.



LVGDVNI BATAVA
Apud JOHANNEM ELSEVIRIVM
Academ. Typograph.

CICIODCLV.





CLARISSIMO VIRO,
DOMINO
GVIDONI PATINO,
BELLOVACO,
DOCTORI MEDICO PARISIEN-
SI, ET PROFESSORI REGIO,
AMICO SUO MAGNO
SALUTEM:



CLARISSIME VIR,

CICERONIS ista glo-
riatio est : *Latinos omnia invenisse me-
lius, quam Græcos; aut ab illis accepta
fecisse meliora.* Augusta profecto, &
magno viro magnarumque rerum
fiduciam habente digna ! Quam
& veram minimeque vanam de-
prehendit, quisquis à Romanis
posteritati tradita comparat cum

*

3

Græ-

Græcis. Ne longum abeam, O-
ratorum quidem laus ita ducta fuit
ab humili ad summum : fuere &
Philosophiæ studia sic ad Latinos
tractata, ut ne bibliothecis quidem
Græcis eguerint. Neque vulgare
est, quod de nostra arte Celsus
promeruit. Quam enim ab Hip-
pocrate, ab Asclepiade, ab aliis
Græcorum plurimis accepit scri-
bendi de Medicina materiam, hoc
ipso fecit meliorem, quod primus
eam sic conceperit, ut esset ad di-
scendum aptior, ad faciendum
promptior. Græcorum antea ne-
mini, quod sciam, id laudis datum,
quod artem redegerit in systema,
& corpus methodo constitutum.
Celsus præstitit, & res faciendæ
medicinæ utiles ac solum necessa-
rias ita ingeniose ac diligenter ex
antiquis elegit, ita per partes di-
gessit, hasque ipsas innexuit inter
se, ut vel Recentiores inter non
noverim, quem ipsi jure possis ante-
ponere.

ponere. Neque ad eam laudem refert , sermone tantum , an etiam opere fuerit medicus. Si enim coire ista semper necesse est, quotusquisque hodie medicus est? Cathedra-rios quippe videas medicinæ scientiam plerumque subtilius , quam ex usu, excolere, atque hoc per ambitionem , quam vocant veri scrutationem , agere, ut ingenio & facundia vincant. Contra, qui quæstui serviunt, bene gnari, morbos non eloquentia, sed remediis curari, ut populo placeant, ex quo ille major est , sufficere credunt secreta jactare & his curatorum longas ostentare tabellas. Hippocrates certe pro Medicis habet, qui veram artis sibi cognitionem compararunt : sed transferre ad usum suadet, & fructum eorum, quorum gratia est inventa. Saperene putandus est, qui lucernam accendit, & subter modium ponit? Sapit, & bene de se ac proximo meretur, qui

accensam imponit candelabro, ut
alluceat omnibus qui sunt in do-
mo. Cæterum hoc dubitare de
Celfo docti solent, fueritne in ope-
ribus Artis exercitatus. Quo de
quia meam aliquando sententiam
rogasti, dicam paucis. Magnum
quid medendi scientia est: majus,
prudentia atque sapientia. illa quip-
pe scientiæ oculus; hæc manus est.
Absque prudentia si est, neque tem-
pora lustrare Medicus rei bene ge-
rendæ, neque præcípites captare
occasiones potest. Absque sapien-
tia si est, tractare homines ignorat,
& suo quemque calopodio calcea-
re. Uti vero scientia nisi discendo,
hoc est, legendo, audiendo, cogi-
tando; ita prudentia & sapientia,
nisi faciendo & rebus se gerendis
accommodando, non comparantur.
Ex artis scientia Celfus si venit æ-
stimandus, vix persuaderi potest,
ut is non habeatur pro Medico, &
quidem usu longo atque exercita-
tione

tionē perfectō , qui suis scriptis
Medicinæ intima penetralia subiis-
se, abdita quæque enucleasse, peni-
tus abstrusa rimatum esse , suam
ubique de iis sententiam interpo-
nendo se prodit. Quod esse judi-
cium novisti ejus, qui præfatus olim
ad Rubeum fuit. Probum mihi, &
ex toto probatum. Si, quæ in nul-
lius non morbi curatione elucent,
prudentiam atque sapientiam spe-
ctemus, ubi, te quæso, unum Hip-
pocratem si excipias, utriusque aut
salubriora præcepta, aut fideliora
monita reperisti? Quæ, si numquam
noster venit in rem, quemadmo-
dum fuit assecutus? Putasne, secre-
ta atque arcana artis, hoc est inti-
mas & occultas ad salutem cujus-
que pertinentes rationes scire posse
eum, qui in conclave numquam
penetravit? Quæ sola felicitis inge-
nii magnitudine complexum, & ob
id alieni operis interpretem atque
Hippocratis ejusque sectatorum

discipulum , & exscriptorem habendum esse potius , quam medicinæ aliquem auctorem , judicium est viri egregie eruditi. Cui per me subscribere , quibus libet , licet. nam à me non impetro. Si rectum tamen, heu! quantos auctores amisimus! Ex toto quippe Galeni oceano , si dicere per invidiam fas est, non tot interiora medendi consilia quis hauserit , quam ex ubere hoc Cornelii rivo. Fateor, plus est in Galeno florum, ut & foliorum : sed fructuum plus in Celso est. Taceo multis locis sic illum loqui, ut , se fecisse medicinam, liquido satis demonstret : nullo sic , ut contrarium inde queat liquere. Solum obstare videtur, quod Plinius sua ætate, hoc est centum & viginti præter propter annis post , solam hanc artium Græcarum nondum exercuisse scribit Romanam gravitatem , & in tanto fructu paucissimos Quiritorium attigisse, eosque ipsos statim
ad

ad Græcos transfugisse; imo vero
authoritatem aliter quam Græce
eam tractantibus, etiam apud im-
peritos expertesque linguæ, non
fuisse. Si ex vero ista, sicuti cau-
sam non credendi non habemus
oculato testi; quei credimus Cel-
sum, ex gente Cornelia, omnium
Romæ nobilissima, oriundum, fa-
ctitasse artem, populus quam ex-
pertus damnavit? Non hoc ulli vo-
lo persuasum, fuisse ἐκ τῶν ὁδοῦ-
τῶν, quos vocat Modestinus l. 6. §. 1.
ff. de Excusationibus; atque adeo
solitum ἀνατῶν πάλιν φοιτᾶν, & æ-
gros visitatum circuire mercedis
causa. M. Catonem meminit idem
Secundus professum, esse commen-
tarium sibi, quo mederetur filio,
servis, familiaribus. Nec alia ra-
tione medicinam exercuisse Cor-
nelium puto; nec apud alios, nisi
forte, quod nonnemini video pla-
cere, in gravioribus casibus sit pas-
sus se adiri, & eam rogari operam,
quæ

quæ virum nobilem non dede-
ret. Verbo : talem opinor fuisse
Medicum , qualis Cato fuit, aut
quales sunt hodieque Regum ar-
chiatři. Qui, etsi non omnibus vi-
gilant, miserabilibus tamen perso-
nis & ad se, ceu Æsculapium ali-
quem, confugientibus suam negare
opem non sultinent; scientes, nul-
la re hominem magis accedere ad
Deum, quam salutem hominibus
dando. Præter hæc quæ aut dici in
eamdem sententiam, aut objici pos-
sunt, jam sunt ab aliis vel occupa-
ta vel refutata: ut necesse non sit
illis repetendis vel tempus prodi-
gere, vel doctas tuas aures & gra-
vioribus intentas curis obtundere.
Hoc unum dicam, qualis qualis no-
ster fuerit, dignissimus est, vel do-
ctrinæ cultu, vel elegantix nitore,
non solum qui legatur, sed qui
numquam de manibus deponatur.
Me, fateor, nullius post Hippocra-
tem lectione vel affici magis, vel
erudiri.

erudiri. Quo factum, ut & sæpius
relegerim, & numquam sine voto,
existeret aliquis, qui aut daret eum
nobis quam emendatissimum, aut
emendandi materiam suppeditaret.
Quam tuo tandem beneficio con-
secutus nobilem & locupletem, sta-
tim operi admovi manum; quo &
meæ satisfacerem cupiditati, & ex-
spectationi eorum, apud quos nul-
la non occasione & laudare Corne-
lium nostrum, & serio commenda-
re sum solitus. Quam autem feli-
citer mihi res sub manu successerit,
te velim vel in primis judicare.
Nam hæc inter plurimas mihi cau-
sa est, quod Celsum istum, quem
meum imagine quadam adoptionis
feci, celeberrimo tuo nomini, &
multis mihi nominibus suspiciendo
colendoque consecrarim. In seculi
quippe hujus & tam antiquitatis
fastidiosi, quam novitatis omnis
cupidi, conspectum proditurien-
tem, nec sine patrono ausum, cujus

in

in clientelam potius , quam tuam
debui dare ? Absque illis certe sub-
sidiis , quæ mihi numquam sine
summa laude loquendum studium
tuum juvandi publicum tulit, si fuisset ,
vel animum non applicuissem
ad recognitionem Authoris ut eru-
ditissimi , ita & corruptissimi. Quis
credat, post Egnatii, Cæsarii, Con-
stantini, Stephani, Pantini, Rons-
sei, Rubei, tot illustrium virorum
diligentissimas curas , fuisse mihi
plusquam bis mille locis corrigendum ?
Quo ipso quia fecisse me opus
putabam non pœnitendum, aut tuo
nomine & seculo indignum , etiam
hoc ausus sum illi inscribere. quam-
vis non ignorem multo plura ma-
joraque me debere amoris & bene-
ficiis in me tuis. Itaque te rogo,
Vir Clarissime, hanc cautionem ac-
cipere crediti, & animi ad omnem
se gratitudinis memoriam obligan-
tis. Certe hunc , quem eo vultu,
quo omnes literatos soles ample-
cti,

Et, suscipiendum tibi offero, si non
industriæ, saltem laboris mei fœ-
tam, testem esse volo, quanti & sim
& in perpetuum tibi sim futurus de-
bitor. Deus autem immortalis diu
te sospitem atque incolumem Rei
medicæ, literariæ, publicæ, imo
mihi & omnibus bonis conservet.
Dabam Lugduni - Batav. Mense
Augusto, anni CIOIOC LVII.

*Tui nominis atque dignitatis
cultor propensissimus*

JOH. ANTONIDES
VANDER LINDEN.



LECTORI S.

SISTO tibi, amice Lector,
A. CORN. CELSUM,
authorem latinissimum, me-
dicum sapientissimum pru-
dentissimumque. Cujus ego amorem tibi
si velim commendare, idem fecero, quod
hederam qui suspendit vino veteri & bo-
no. Quemadmodum namque virtutem
non potest non amare ac sequi, quisquis
ejus pulchritudinem atque pretium no-
vit: ita Celsum nemo non aestimat, nemo
non diurna versare manu, versare no-
cturna studet, quin in succum & sangui-
nem, quod ajunt, convertere, nisi qui
ignorat, quanto nitore atque cultu, quan-
ta industria atque solertia istos de Re
medica libros octo (solos nobis ex pluri-
bus eisque eruditissimis ingenii ac vi-
giliarum egregie elaboratarum monu-
mentis reliquos) scripserit, atque ex Hip-

Nonius Marcellus Verbo Cyma. p. 191. po-
Celsum Vocat, minoris Lectoritatis.

pocrate cumprimis, medicina parente,
contraxerit, adhibitis in omni graviore
negotio etiam in consilium aliis, & sem-
per quidem optimis authoribus. Quales
omnino necesse est fuisse, si sola confisus
ingenii magnitudine, nulla artis exerci-
tatione comparata notitia, tam admi-
randum nobis opus concinnare est aggres-
sus. Quod me non credere, jam supra
dixi. Scepticos in scribendo sequuntur,
author est Quintilianus. Quod si de ser-
monis ornatu intellexit, concedi potest:
non facile, si de modo doctrinae. Ita enim
scripsit, ut qui neutiquam dubitavit, non
suam modo sententiam aperte profiteri,
sed & summorum quoque virorum ad
incudem cum rationis tum experientiae
revocare; quin & necessaria ac laudan-
da in artibus libertate mutare praecepta
eorum, qui medendo scribendoque se o-
stendebant aberrare, non tam à placitis
& à doctrina majorum, quam ab officio
medici. quod Asclepiades esse dicebat,
referente nostro, ut tuto, ut celeriter, ut
jucunde curet. Vbiq̃ue autem ea usus est

*Corn. Q. l. 1. de virt. mod-
eratio- rei militaris et rusticae etiam, et
medicinae praecepta val. quit. Lignus vel
1750 propositis, ut oia. ita. scilicet. et volu-
Quintil. l. 12. cap. ultimo*

modestia Celsus, ut, etsi numquam tanti putaret authorem, quanti hominum salutem, neminem sua tamen laude fraudaret. Quamquam vero jam ipsius etate medicina esset in tres sectas, easque plurimum inter se dissentientes, diducta; ita tamen Dogmatica (quæ minime omnium deflecebat ab Hippocratica) se applicuit adhæsitque, ut nihilominus etiam ab Empirica atque Methodica principibus acceperit, quæ rationalis conjectura atque fidelis usus comprobassent: dignus vel ipso proposito, ut eum penetrasse cujusvis sectæ omnia, atque delectu habito, in banc velut multorum operum epitomen congestisse meliora quæque, credamus. Forma operis, supra quam nostrum putat vulgus, ornata est, & ordinata. Sermo toto in opere plenus, purus, venustus, castus, & quod præcipuum est, accommodus rei tradendæ; adeo ut in medicina quidem nemo uti meliore scribendi magistro queat. Ordo, quam in toto dilucidus, in partibus articulatus, tam est in utrisque appositus ad usum. Quem ut solum Celsus

sus spectavit, ita nihil eo non pertinens,
non necessarium attulit: quin, resectis om-
nibus, non dicam superfluis, sed quæ aliun-
de & possunt & revera debent accipi, eam
solummodo Medicinæ partem persecutus
est, in qua proprie & principaliter ars
consistit. Quo de dicerem plura, nisi te
discere hoc ex ipso authore malletm. Ego
certe, propter quæ dixi, illum mihi sem-
per habui familiarem, & dignum, in quo
non solum versando studii, sed & emen-
dando operæ plurimum, atque laboris pō-
nerem. Itaque conquisitis in eam rem
necessariis, quæ quidem potui, hoc in
præsenti egi, ut textum exhiberem quam
maxime emendatum. Feci id adjutus iis
subsidiis, quorum mox catalogum exhi-
bebo. Quantum fecerim, non aliunde
rectius cognosces, quam si conferre edi-
tionem hanc cum omnibus velis, quæ pro-
dierunt hætenus. Præter quæ dixi, sæpe
mihi fuit Hippocrates adeundus. Quem
quanti noster fecerit, non tam ex ore
ipsius, quam opere discies. quod, quia om-
nibus paginis quamplura exinde trans-
sumta

sumta continet , auctori meruit nomen
Hippocratis latini. Quæ causa mihi cu-
ratius utrumque conferendi, & colligen-
di quoque , quæ Foesius in doctissimis suis
ad Hippocratem notationibus pridem ob-
servavit. Quædam, sed admodum pauca,
ex ingenio tentavi, & nisi cum res aper-
te postularet. In cæteris, ubi mei mihi li-
bri & ingeniosa summorum virorum con-
jectura non prælucebant , malui errorem
retinere, aut locum in suspitione saltem
relinquere. Quod & eo securius mihi li-
cere putavi, quia Cl. D. Iohannem Rho-
dium, virum inter seculi & nostræ artis
primos, à multis annis ex multo plurimis
cum membranis tum libris emaculatiss-
imum & , quem ab Authore habuit, ni-
tori haut dubie restitutum ac luculentis-
simis commentariis illustratum, penes se
servare scio. Quem & rogo (si quid ve-
teris se amicitia memoria patitur roga-
ri) ut ne diutius protollat expectatio-
nem atque desiderium eorum , qui &
Celsum & Rhodium in pretio & amore
magno suo merito habent. Glossemata of-
fendi

fendi plura: nullum tamen, præter forte
unum, quod nimio erat ἀδεσδιόρυσεν
ausus sum de medio tollere; quia nullum
huc præeuntem habebam librum. Libro-
rum in capita distinctiones uti ab ipso
authore esse certum est ex VI. 12. &
VIII. 9. in fine: ita lemmata illis ad-
scripta esse à librariis, & è margine in ti-
tulos transsumpta, ne locus quidem dubi-
tandi est. unde & aliquid licere mihi in
istis putavi. quin, si forma operis sivisset,
redire eo, unde venerant authoris injussu,
jussissem. Præter hæc animus erat, no-
tas addere, & quasdam nostras in au-
thorem observationes: sed, præter quam
modo retuli, causa alia fuit libri forma.
Quam & ego & typographus Διμήτρη-
ς Πρίντς in præsens malebamus: ille, lu-
cri gratia; ego, authoris. Quem mihi
spes est reperturum tanto plures emtores
lectoresque, quanto est editio ista cæteris
emendatior, & elegantior atque aptior
ad circumferendum. Vale, & tuus mihi
favor sit stimulo ad tuum in commodum
majora metioraque conandum.

LIBRI,



LIBRI,

quorum mihi usus fuit in hoc opere recognoscendo.

Mss. seu *ὑπόγραφοι* codicis Parisiensis, descriptum anno CIO C XXIV. Communicavit V. cl. D. Ioh. Hoornbeeck, SS. Theol. D. & Profess. ordin. in Academia, ac V.D. Min. in Ecclesia, quæ est Lugd. Batarorum, Collega reverendus.

Liber editus Venetiis, apud Aldum. 1528. in 4. sed sedulo collatus atque emendatus à V. cl. Iac. Carpentario, Doct. Med. Parisiensi & Prof. Regio, ex codicibus duorum Med. Parisiensium; nempe Ioh. Fernelii, viri incomparabilis, & Ioh. Capellani, qui ei in comitina Archiatriæ anno CIO IO LVIII. successit apud Henricum II. Galliarum Regem. Mutuo dedit V. cl. D. Guido Patinus, Bellovacus, Doct. Med. Parisiensis & Professor Regius, amicus mihi eximius.

Alius ibidem editus 1549. in fol. cum Medicis antiquis. Quem sua manu V. cl. Nic. Nancelius contulit cum editionibus, quotquot suo tempore extabant, excepta Ste-
phanis

phani; toto opere ad marginem adscriptis non modo lectionibus, ubi à libro, qui erat pra manu, variabant; sed & propriis coniecturis, raro non bonis & doctis. Hunc quoque utendum dedit V. cl. D. Guido Patinus, ob singulare publicum iuvandi studium numquam & nulli non laudandus.

Alius Lugduni editus apud Ioan. Tornasium, 1554. in 12. cui ad oram V. ill. Ios. Scaliger. seculi miraculum, & Veteris cuiusdam codicis lectiones & suas emendationes atque notas adscripsit. Quem ipse testamento reliquit V. cl. D. Ælio Everhardo Vorstio, Botanices ac Medicinæ, dum viveret, Professori primario; ego autem usui acceptum debeo V. cl. D. Adolfo Vorstio, Parenti optimo in utraque & professione & dignitate successorì dignissimo, ac Collega meo honorando.

Varia lectiones, è Mss. Codice antiquo Bibl. Regiæ Parisiensis, qui inscriptus erat, Medicina antiqua, descripta anno 1631. à V. cl. D. Ioh. VValao, Med. Doct. & postea Professore insigni.

Varia lectiones è libro Sacri Iohannis, ab eodem excerpta. Et has & præcedentes mihi utendas dedit D. Antonius Clementius, è ~~παλαιός~~ παλαιός, Cl. D. VValai ex sorore nepos, iuvenis doctus, probus, pius, & si fata siverissent, longiore vita dignus.

Præter quæ contuli etiam eorum editiones, emendationes, annotationes, lectionesque varias, quorum in epistola ad Cl. D. Patinum feci mentionem. Quemadmodum & illa, quæ Ianus Cornarius in comm. ad Gal. de Comp. pharm. quæque alii & celebres inter Criticos (quos Fax artium liberalium exhibet) authores observarunt. Hoc quoque te scire tua interesse, Lector amice, putavi. Nunc adi ad Authorem. Quem, si cum cura & studio leges, spondeo, Lectio lecta, magis decies repetita, placebit.

A. CORN.



A. CORN. CELSI
M E D I C I N Æ
L I B E R P R I M V S.

P R Æ F A T I O.



V T ALIMENTA fanis corpo-
ribus Agricultura, sic fanita-
tem ægris Medicina promit-
tit. Hæc nusquam quidem
non est. Siquidem etiam im-
peritissimæ gentes herbas, a-
liaque prompta in auxilium vulnerum mor-
borumque noverunt. Veruntamen apud
Græcos aliquantò magis, quam in cæteris
nationibus, exulta est: ac ne apud hos
quidem à prima origine, sed paucis ante
nos seculis; utpote cum vetustissimus au-
thor Æsculapius celebretur. Qui, quoniam
adhuc rudem & vulgarem hanc scientiam
paulo subtilius excoluit, in deorum nume-
rum receptus est. Hujus deinde duo filii,
Podalirius & Machaon, bello Trojano
ducein Agamemnonem secuti, non me-
diocrem opem commilitonibus suis attu-
lerunt.

lerunt. Quos tamen Homerus non in pestilentia, neque in variis generibus morborum aliquid attulisse auxilii, sed vulneribus tantummodo ferro & medicamentis mederi solitos esse proposuit. Ex quo apparet, has partes medicinæ solas ab his esse tentatas, easque esse vetustissimas. Eodemque authore disci potest, morbos tum ad iram deorum immortalium relatos esse; & ab iisdem opem posci solitam. Verique simile est, inter non multa auxilia adversæ valetudinis, plerumque tamen eam bonam contigisse ob bonos mores, quos neque desidia; neque luxuria vitiant. Siquidem hæc duo corpora, prius in Græcia, deinde apud nos affligerunt. Ideoque multiplex ista medicina, neque olim, neque apud alias gentes necessaria, vix aliquot ex nobis ad senectutis principia perducit. Ergo etiam post eos, de quibus retuli, nulli clari viri medicinam exercuerunt; donec majore studio literarum disciplina agitari cœpit. quæ ut animo præcipue omnium necessaria, sic corpori inimica est. Primoque medendi scientia, sapientiæ pars habebatur. ut & morborum curatio, & rerum naturæ contemplatio sub iisdem authoribus nata sit: scilicet his hanc maxime requirentibus, qui corporum suorum robor in quiete cogitatione, nocturnaue vigilia minuerant. Ideoque multos ex sapientiæ professoribus peritos ejus fuisse accepimus: clarissimos vero ex his Pythagoram, &

Empe-

Empedoclem, & Democritum . Hujus autem (ut quidam crediderunt) discipulus Hippocrates Coss, primus quidem ex omnibus memoria dignis, ab studio sapientiæ disciplinam hanc separavit, vir & arte & facundia insignis. Post quem Diocles Carystius, deinde Praxagoras & Chrysippus, tum Herophilus & Erasistratus sic artem hanc exercuerunt, ut etiam in diversas
10 curandi vias processerint.

Iisdem temporibus in tres partes medicina diducta est: ut una esset, quæ victu: altera, quæ medicamentis: tertia, quæ manu mederetur. Primam *διατροφικὴν*, secundam *φαρμακὸν*, tertiam *χειρουργικὴν* Græci nominaverunt. Ejus autem, quæ victu morbos curat, longe clarissimi authores etiam altius quædam agitare conati, rerum quoque naturæ sibi cognitionem vendicaverunt, tanquam sine ea, trunca & debilis medicina esset. Post quos Serapion, primus omnium, nihil hanc rationalem disciplinam pertinere ad medicinam, professus, in usum & experimentis eam posuit.
25 Quem Apollonius, & Glaucias, & aliquanto post Heraclides Tarentinus, & alii quoque non mediocres viri secuti, ex ipsa professione se *ἰατρουργοὶ* appellaverunt. Sic in duas partes ea quoque, quæ victu curat,
30 medicina divisa est, aliis rationalem artem, aliis usum tantum sibi vendicantibus: nullo vero quicquam post eòs, qui supra comprehensi sunt, agitante, nisi quod acceperat: donec Asclepiades medendi ratio-

nem magna ex parte mutavit. Ex cujus
successoribus Themison nuper ipse quo-
que quædam in senectute deflexit. Et per
hos quidem maxime viros salutaris ista no-
bis professio increvit.

5

Quoniam autem ex tribus medicinæ
partibus, ut difficillima, sic etiam clarissi-
ma est ea, quæ morbis medetur, ante om-
nia de hac dicendum est. Et, quia prima in
ea dissensio est, quod alii sibi experimento- 10
rum tantummodo notitiam necessariam
esse contendunt: alii, nisi corporum rerum-
que naturalium ratione comperta, non satis
potentem usum esse proponunt: indican-
dum est, quæ maxime ex utraque parte di- 15
cantur, quo facilius nostra quoque opinio
interponi possit.

Igitur hi, qui rationalem medicinam
profitentur, hæc necessaria esse propo-
nunt: Abditarum & morbos continentium 20
causarum notitiam, deinde Evidentium,
post hæc etiam Naturalium actionum,
novissime Partium interiorum. Abditas
causas vocant, in quibus requiritur, ex qui-
bus principiis nostra corpora sint, quid se- 25
cundam, quid adversam valetudinem fa-
ciat. Neque enim credunt, posse eum scire,
quomodo morbos curare conveniat, qui,
unde hi sint, ignoret. Neque esse dubium,
quin alia curatione opus sit, si ex quatuor 30
principiis vel superans aliquid vel defi-
ciens adversam valetudinem creat; ut qui-
dam ex sapientiæ professoribus dixerunt:
alia, si in humidis omne vitium est; ut

Hero-

Herophilo visum est: alia, si in spiritu; ut Hippocrati: alia, si sanguis in eas venas, quæ spiritui accommodatæ sunt, transfunditur, & inflammationem, quam Græci *φλεγμονήν* nominant, excitat, eaque inflammatio talem motum efficit, qualis in febre est; ut Erasistrato placuit: alia, si manantia corpuscula per invisibilia foramina subsistendo iter claudunt; ut Asclepiades contendit. Eum vero recte curaturum, quem prima origo causæ non fefellerit. Neque vero inficiantur, experimenta quodque esse necessaria; sed, ne ad hæc quidem aditum fieri potuisse, nisi ab aliqua ratione, contendunt. Non enim quidlibet antiquiores viros ægris inculcasse; sed cogitasse, quid maxime conveniret; & id usu explorasse, ad quod, ante conjectura aliqua ducti essent. Neque interesse, an initio pluraque explorata sint, si à consilio tamen cœperunt. Et id quidem in multis ita se habere. Sæpe vero etiam nova incidere genera morborum, in quibus nihil adhuc usus ostenderit. ut ideo necessarium sit animadvertere, unde ea cœperint; ceu sine quo nemo mortalium reperire possit, cur hoc, quam illo, potius utatur. Et ob hæc quidem in obscuro positas causas persequuntur. Evidentes vero has appellant, in quibus quærant, initium morbi calor attulerit, an frigus; fames, an satietas; & quæ similia sunt. Occursurum enim initio dicunt eum, qui originem non ignoravit. Naturales vero corporis actiones

appellant, per quas spiritum trahimus & emittimus; cibum potionemque assumimus & concoquimus: itemque, per quas eadem hæc in omnes membrorum partes digeruntur. Tum requirunt etiam, quare; venæ nostræ modo submittant se, modo attollant: quæ ratio somni, quæ vigiliæ sit. Sine quorum notitia, neminem putant vel occurrere, vel mederi morbis, intra hæc nascentibus, posse. Ex quibus quia¹⁰ quammaxime pertinere ad rem concoctio videtur, huic potissimum insistent; & duce, alii, Erasistrato, arteri cibum in ventre contendunt: alii, Plistonico Praxagoræ discipulo, putrescere: alii credunt Hippocrati, ¹⁵ per calorem cibos concoqui. Acceduntque Asclepiadis æmuli, qui, omnia ista vana & supervacua esse, proponunt. Nihil enim concoqui, sed crudam materiam, sicut assumpta est, in corpus omne diduci. Et hæc ²⁰ quidem inter eos parum constant. Illud vero convenit, alium dandum cibum laborantibus, si hoc; alium, si illud verum est. Nam si teritur intus, eum quærendum esse, qui facillime teri possit. Si putrescit, eum, in quo ²⁵ hoc expeditissimum est. Si calor concoquit, eum, qui maxime calorem foveat. At nihil ex his esse quærendum, si nihil concoquitur: ea vero sumenda, quæ maxime manent, qualia assumpta sunt. Eademque ³⁰ ratione, cum spiritus gravis est, cum somnus aut vigilia urget, eum mederi posse arbitrantur, qui prius illa ipsa, qualiter eveniant, perceperit. Præter hæc, cum in interiori-

rioribus partibus & dolores & morborum
varia genera nascantur, neminem putant
his adhibere posse remedia, quas ipse igno-
ret. Necessarium ergo esse, incidere cor-
pora mortuorum, eorumque viscera atque
intestina scrutari. Longeque optime fecisse
Herophilum & Erasistratum, qui nocentes
homines, à regibus ex carcere acceptos, vi-
vos inciderint, considerarintque, etiam-
10num spiritu remanente, ea, quæ natura ante
clausisset, eorumque posituram, colorem,
figuram, magnitudinem, ordinem, duri-
tiem, mollitiem, lævorem, conflatum:
processus deinde singulorum & recessus,
15 sive quid inseritur alteri, sive quid partem
alterius in se recipit. Neque enim, cum do-
lor intus incidit, scire, quid doleat, eum,
qui qua parte quodque viscus intestinumve
sit, non cognoverit. Neque curari id, quod
20 ægrum est, posse ab eo, qui, quid sit, igno-
ret. Et cum per vulnus alicujus viscera
patefacta sunt, eum, qui sanæ cujusque
colorem partis ignoret, nescire, quid inte-
grum, quid corruptum sit; ideo nec succur-
25 rere quidem posse corruptis: aptiusque
extrinsecus imponi remedia, compertis
interiorum & sedibus & figuris, cognitaque
eorum magnitudine: similesque omnia,
quæ proposita sunt, rationes habere. Ne-
30 que esse crudele, sicut plerique proponunt,
hominum nocentium, & horum quoque
paucorum, suppliciis remedia populis in-
nocentibus seculorum omnium quæri.

Contrahi, qui se *ιμωθεντες* ab experien-

tia nominant, evidentes quidem causas, ut
necessarias, amplectuntur: obscurarum vero
causarum & naturalium actionum quæ-
stionem ideo supervacuam esse conten-
dunt, quoniam incomprehensibilis natura
fit. Non posse vero comprehendere, patere
ex eorum, qui de his disputarunt, discor-
dia: cum de istâ re, neque inter sapientiæ
professores, neque inter ipsos medicos con-
veniat. Cur enim potius aliquis Hippocra-
ti credat, quam Herophilo? cur huic potius,
quam Asclepiadi? Si rationes sequi velit,
omnium posse videri non improbables: si
curationes, ab omnibus his ægros perdu-
ctos esse ad sanitatem. Itaque neque dispu-
tationi, neque authoritati cujusquam fi-
dem derogari oportuisse. Etiam sapientiæ
studiosos maximos medicos esse, si ra-
tiocinatio hos faceret: nunc illis verba
superesse, deesse medendi scientiam. Dif-
ferre quoque pro natura locorum, ge-
nera medicinæ; & aliud opus esse Romæ,
aliud in Ægypto, aliud in Gallia. Quod si
morbos hæ causæ facerent, quæ ubique eæ-
dem essent, remedia quoque ubique eadem
esse debuisse. Sæpe etiam causas apparere,
utputa lippitudinis, vulneris; neque ex his
patere medicinam. Quod si scientiam hanc
non subiciat evidens causa, multo minus
eam posse subicere, quæ in dubio est. Cum
igitur illa incerta incomprehensibilisque
sit, à certis potius & exploratis petendum
esse præsidium; id est, his, quæ experien-
tia in ipsis curationibus docuerit, sicut
in

in cæteris omnibus artibus. Nam ne agricolam quidem aut gubernatorem disputatione, sed usu fieri. Ac, nihil istas cogitationes ad medicinam pertinere, eo quoque disci, quod, qui diversa de his senserint, ad eandem tamen sanitatem homines perduxerint. Id enim fecisse, quia non ab obscuris causis, neque à naturalibus actionibus, quæ apud eos diversæ erant; sed ab experimentis, prout cuique responderant, medendi vias traxerint. Ne initia quidem ab istis quæstionibus deductam esse medicinam, sed ab experimentis. Aegrorum enim, qui sine medicis essant, alios propter aviditatem primis diebus protinus cibum assumpsisse, alios propter fastidium abstinuisse, levatumque magis eorum morbum fuisse, qui abstinerant. Itemque alios in ipsa febre aliquid edidisse, alios paulo ante eam, alios post remissionem ejus: optime deinde his cessasse, qui post finem febris id fecerant. Eademque ratione alios inter principia protinus usos esse cibo pleniore, alios exiguo; gravioreque eos factos, qui se implerant. Hæc similiaque cum quotidie inciderent, diligentes homines notasse, quæ plerunque melius responderent: deinde ægrotantibus ea præcipere cœpisse. Sic medicinam ortam, subinde aliorum salute, aliorum interitu, perniciofa discernentem à salutaribus. Repertis deinde medicinæ remediis, homines de rationibus eorum differere cœpisse: nec post rationem, medicinam esse

se inventam; sed post inventam medicinam, rationem esse quæsitam. Requiritur etiam, ratio idem doceat, quod experientia, an aliud. Si idem, supervacuam esse: si aliud, etiam contrariam. Primo tamen remedia exploranda summa cura fuisse, nunc vero illa explorata esse: neque ulla aut nova genera morborum reperiri, aut novam desiderari medicinam. Quod si jam incidat mali genus aliquod ignotum, non ideo tamen fore medico de rebus cogitandum obscuris: sed eum protinus visurum, cui morbo id proximum sit; tentaturumque remedia similia illis, quæ vicino malo sæpe succurrerint; & per ejus similitudinem opem reperiaturum. Neque enim se dicere, consilio medicum non egere, & irrationabile animal hanc artem posse præstare; sed has latentium rerum conjecturas ad rem non pertinere, quia non intersit, quid morbum faciat, sed quid tollat. Neque ad rem pertinere, quomodo, sed quid optime digeratur: sive hac de causa concoctio intercitat, sive de illa; & sive concoctio sit illa, sive tantum digestio. Neque quærendum esse, quomodo spiremus; sed, quid gravem, tardumque spiritum expediat: neque, quid venas moveat; sed, quid quæque motus genera significant. Hæc autem cognoscere experimentis. Et in omnibus, ejusmodi cogitationibus in utramque partem differi posse. Itaque ingenium & facundiam vincere morbos autem, non eloquentia, sed remediis curari. Quæ si quis elinguis usu discre-

discreta bene norit, hunc aliquanto majorem medicum futurum, quam si sine usu linguam suam excoluerit. Atque ea quidem, de quibus est dictum, supervacua esse tantummodo. Id vero, quod restat, etiam crudele; vivorum hominum alvum atque præcordia incidi; & salutis humanæ præsidem artem, non solum pestem alicui, sed hanc etiam atrocissimam inferre: cum præsertim ex his, quæ tanta violentia quærantur, alia non possint omnino cognosci, alia possint etiam sine scelere. Nam colorem, lævorem, mollitiem, duritiem, similiaque omnia, non esse talia, inciso corpore, qualia integro fuerint. Tum quia, corporibus inviolatis, hæc tamen metu, dolore, inedia, cruditate, lassitudine, & mille aliis mediocribus affectibus sæpe mutantur. Unde multo magis verisimile; interiora, quibus major mollities & lux ipsa nova est, sub gravissimis vulneribus & ipsa trucidatione mutari. Neque quicquam esse stultius, quam quale quid vivo homine est, tale existimare esse moriente, imo jam mortuo. Nam de utrum quidem, ut nihilominus aerem contineat, spirante homine posse diduci: simulatque vero ferrum ad præcordia accessit, & discissum transversum septum est, quod membrana quædam superiores partes ab inferioribus diducit (*διὰ φεγγύα* Græci vocant) hominem protinus animam amittere: itaque demum mortui præcordia & viscus omne in conspectum latrocinantis medici dari: quod necess-

neceſſe ſit tale eſſe, quale mortui ſit, non quale vivi fuit. Itaque conſequi medicum, ut hominem crudeliter jugulet; non ut ſciat, qualia vivi viſcera habeamus. Si quid tamen ſit, quod adhuc ſpirante homine; conſpectui ſubjiciatur, id ſæpe caſum offerre curantibus. Interdum enim gladiatorem in arena, vel militem in acie, vel viatorem à latronibus exceptum ſic vulnerari, ut ejus interior aliqua pars, & in alio 10 alia, aperiatur; atque ita ſedem, poſitum, ordinem, figuram, ſimiliaque cognoscere prudentem medicum, non cædem, ſed ſanitatem molientem; idque per miſericordiam diſcere, quod alii dira crudelitate 15 cognoverint. Ob hæc, ne mortuorum quidem lacerationem neceſſariam eſſe. Quæ, etſi non crudelis, tamen foeda ſit, cum aliter pleraque in mortuis ſe habeant: quantum vero in vivis cognosci poteſt, ipſa curatione 20 oſtendat.

Cum hæc per multa volumina, perque magnæ contentionis diſputationes à medicis ſæpe tractata ſint, atque tractentur: ſubjiciendum eſt, quæ proxima vero 25 dèri poſſint, neque addiſta alterutri opiniononi, neque ab utraque nimium abhorrentia, ſed media quodammodo inter diverſas ſententias. quod in plurimis contentionibus deprehendere licet, ſine ambigitione verum ſcrutantibus, perinde ut in hac ipſa re. Nam quæ demum cauſæ, vel ſecundam valetudinem præſtent, vel morbos excitent; quomodo ſpiritus, aut cibus, 30
vel

vel deferatur, vel digeratur, ne sapientiæ quidem professores scientia comprehendunt, sed conjectura prosequuntur. Cujus autem rei non est certa notitia, ejus opinio
5 certum reperire remedium non potest. Verumque est, ad ipsam curandi rationem nihil plus conferre, quam experientiam. Quanquam igitur multa sint, ad ipsas artes proprie non pertinentia, tamen eas adju-
10 vant, excitando artificis ingenium. Itaque ista quoque naturæ rerum contemplatio, quamvis non faciat medicum, aptiorem tamen medicinæ reddit. Profecto verisimile est, & Hippocratem & Erasistratum
15 & quicumque alii, non contemni febres & ulcera agitare, rerum quoque naturam ex aliqua parte scrutati sunt, non ideo quidem medicos fuisse, verum ideo quoque majores medicos extitisse. Ratione vero opus
20 est ipsi medicinæ, si non semper inter obscuras causas, neque inter naturales actiones, tamen sæpe. Est enim hæc ars conjecturalis, neque respondet ei plerumque non solum conjectura, sed etiam experien-
25 tia. Et interdum non febris, non cibus, non somnus subsequitur, sicut assuevit. Rarius, sed aliquando morbus quoque ipse novus est: quem non incidere, manifeste falsum est; cum ætate nostra quædam, ex
30 naturalibus partibus carne prolapsa & arente, intra paucas horas expiraverit; sic ut nobilissimi medici neque genus mali, neque remedium invenerint. Quos ideo nihil tentasse judico, quia nemo in splendida
persona

persona periclitari conjectura sua voluerit; ne occidisse, nisi servasset, videretur. Veri tamen simile est, potuisse aliquid excogitare, detracta tali verecundia, & fortasse responsurum fuisse id, quod aliquis esset expertus. Ad quod medicinæ genus, neque semper similitudo aliquid confert; & si quando confert, tamen idipsum rationabile est, inter multa similia genera, & morborum & remediorum, cogitare, quo potissimum medicamento sit utendum. Cum igitur talis res incidit, medicus aliquid oportet inveniat, quod non ubique fortasse, sed sæpius tamen etiam respondeat. Petet autem novum quoque consilium, non ab rebus latentibus (istæ enim dubiæ & incertæ sunt) sed ab his, quæ explorari possunt; id est, evidentibus causis. Inter est enim, fatigatio morbum, an sitis; an frigus, an calor; an vigilia, an fames fecerit; an cibi vinique abundantia, an intemperantia libidinis. Neque ignorare hunc oportet, quæ sit ægri natura: humidum magis, an magis siccum corpus ejus sit: validi nervi, an infirmi: frequens adversa valetudo, an rara: eaque, cum est, vehemens esse soleat, an levis; brevis, an longa: quod is vitæ genus sit secutus; laboriosum, an quietum; cum luxu, an cum frugalitate. Ex his enim, similibusque, sæpe curandi nova ratio ducenda est. Quamvis ne hæc quidem sic præteriri debent, quasi nullam controversiam recipiant. Nam & Erasistratus non ex his fieri morbos dixit; quoniam
nam

niam & alii, & iidem alias post ista non febricitarent.

Et quidam Methodici seculi nostri, sub authore (ut ipsi videri volunt) Themisone contendunt, nullius causæ notitiam quicquam ad curationes pertinere: satisque esse, quædam communia morborum intueri. Et quidem horum tria genera esse, unum adstrictum, alterum fluens, tertium mixtum. Nam modo parum excernere ægros, modo nimium: modo alia parte parum, alia nimium. Hæc autem genera morborum, modo acuta esse, modo longa; & modo incrementum, modo consistere, modo minui consuevisse. Cognito igitur eo, quod ex his est, si corpus adstrictum est, digerendum esse: si profluvio laborat, continendum: si mixtum vitium habet, occurrendum subinde vehementiori malo. Et aliter acutis morbis medendum, aliter vetustis: aliter incrementibus, aliter subsistentibus, aliter jam ad sanitatem inclinantibus. Horum observationem medicinam esse. quam ita finiunt, ut quasi viam quandam, quam *μὲθόδον* Græci nominant, eorumque, quæ in morbis communia sunt, contemplatricem esse contendant. Ac neque rationalibus se, neque experimenta tantum spectantibus annumerari volunt: cum ab illis eo nomine dissident, quod in conjectura rerum latentium nolunt esse medicinam: ab his eo, quod parum artis esse in observatione experimentorum credunt. Quod ad Erasistratum pertinet, primum, ipsa evidentia ejus
opini-

opinionem repugnat; quia raro, nisi post horum aliquid, morbus venit. Deinde non sequitur, ut quod alium non afficit, aut eundem alias, id ne alteri quidem, aut eodem tempore alio noceat. Possunt enim quædam subesse corpori, vel ex infirmitate ejus, vel ex aliquo affectu, quæ vel in alio non sunt, vel in hoc alias non fuerunt, eaque per se non tanta, ut concitent morbum; tamen obnoxium magis aliis injuriis corpus efficiant. Quod si contemplationem rerum naturæ (quam non temere Medici sibi vendicant) satis comprehendisset, etiam illud scisset, nihil omnino ob unam causam fieri, sed id pro causa apprehensum, quod contulisse plurimum videtur. Potest autem id, dum solum est, non movere, quod junctum aliis maxime movet. Accedit ad hæc, quod ne ipse quidem Erasistratus, qui transfuso in arterias sanguine febrem fieri dicit, idque nimis repleto corpore incidere, reperit, cur ex duobus æque repletis, alter in morbum inciderit, alter omni periculo vacarit; quod quotidie fieri apparet. Ex quo disci potest, ut vera sit illa transfusio, tamen illam non per se, cum plenum corpus est, fieri; sed cum horum aliquid accesserit.

Themisonis vero æmuli, si perpetua, quæ promittunt, habent, magis etiam, quam illi rationales sunt. Neque enim, si quis non omnia tenet, quæ rationalis alius probat, protinus alio novo nomine artis indiget: si modo, quod primum est, non
me-

memoriæ soli, sed rationi quoque insistit. Sin, quod vero propius est, vix ulla perpetua præcepta medicinalis ars recipit, iidem sunt, quod ii, quos experimenta sola sustinent: eo magis, quoniam, si compresserit aliquem morbus, aut fuderit, quilibet etiam imperitissimus videt. Quid autem compressum corpus resolvat, quid solutum teneat, si à ratione tractum est, Rationalis est
10 medicus: sin, ut ei, qui se rationalem negat, confiteri necesse est, ab experientia, Empiricus. Et ita apud eum morbi cognitio extra artem, medicina intra usum est. Neque adjectum quicquam Empiricorum
15 professioni, sed dentum est; quoniam illi multa circumspiciunt, hi tantum facillima, & non plus, quam vulgaria. Nam & hi, qui pecoribus ac jumentis medentur, cum propria cujusque ex mutis animalibus nosse
20 non possint, communibus tantummodo insistent. Et exteræ gentes, cum subtilera medicinæ rationem non noverint, communia tantum vident. Et qui ample valetudinarios nutriunt, quia singulis sum-
25 ma cura consulere non sustinent, ad communia ista confugiunt. Neque, hercules, istud antiqui medici nescierunt, sed his contenti non fuerunt. Ergo etiam vetustissimus author Hippocrates dixit, mederi
30 oportere, & communia, & propria intuentem. Ac ne isti quidem ipsi intra suam professionem consistere ullo modo possunt. Siquidem & compressorum & fluentium morborum genera diversa sunt; facilius-
que

que id in his, quæ fluunt, inspicere potest. Aliud est enim sanguinem, aliud bilem, aliud cibum vomere: aliud dejectionibus, aliud torminibus laborare: aliud sudore digeri, aliud tabe consumi. Atque in partes quoque humor erumpit, ut oculos, auresque. quo periculo nullum humanum membrum vacat. Nihil autem horum sic, ut aliud curatur. Ita protinus in his à communi fluentis morbi contemplatione ad propriam medicinam descendit. Atque in hac quoque rursus alia proprietatis notitia sæpe necessaria est; quia non eadem omnibus, etiam in similibus casibus, opitulantur. Siquidem certæ quædam res sunt, quæ in pluribus ventrem aut astringunt, aut resolvunt. Inveniuntur tamen, in quibus aliter, atque in cæteris, idem eveniat. In his ergo communium inspectio contraria est, priorum tantum salutaris. Et causæ quoque æstimatio sæpe morbum solvit. Ergo etiam ingeniosissimus seculi nostri medicus, quem nuper vidimus, Cassius, febricitanti cuidam & magna siti affecto, cum post ebrietatem eum premi coepisset cognosceret, aquam frigidam ingessit. Qua ille epota, cum vini vim miscendo fregisset, protinus febrem somno & sudore discussit. Quod auxilium medicus opportune providit, non ex eo, quod aut strictum corpus erat, aut fluebat; sed ex causa, quæ ante præcesserat. Estque etiam proprium aliquid & loci & temporis, istis quoque authoribus. Qui, cum disputant, quem-

quemadmodum sanis hominibus agendum sit, præcipiunt, ut gravibus aut locis aut temporibus magis vitetur frigus, æstus, satietas, labor, libido; magisque ut conquiescat iisdem aut locis aut temporibus, si quis gravitatem corporis sentit; ac neque vomitu stomachum, neque purgatione alvum sollicitet. Quæ vera quidem sunt; à communibus tamen ad quædam propria descendunt. Nisi persuadere nobis volunt, sanis quidem considerandum esse, quod cælum, quod tempus anni sit: ægris vero non esse. Quibus tanto magis omnis observatio necessaria est, quanto magis obnoxia
15 offensis infirmitas est. Quinetiam morborum in iisdem hominibus aliæ atque aliæ proprietates sunt: & qui secundis aliquando frustra curatus est, contrariis sæpe restituitur. Plurimæque in dando cibo discrimina
20 reperiuntur: ex quibus contentus uno ero. Nam famem facilius fert adolescens, quam puer: facilius in denso cælo, quam in tenui: facilius hieme, quam æstate: facilius uno cibo, quam prandio quoque assuetus: facilius
25 inexercitatus, quam exercitatus homo. Sæpe autem in eo magis necessaria cibi festinatio est, qui minus inediam tolerat. Ob quæ conjicio, eum, qui propria non novit, communia tantum intueri debere: eumque, qui
30 nosse propria potest, illa quidem non oportere negligere, sed his quoque insistere. Ideoque, cum par scientia sit, utiliorem tamen medicum esse amicum, quam extraneum. Igitur, ut ad propositum meum redeam,

deam,rationalem quidem puto medicinam
esse debere: instrui vero ab evidentibus
causis; obscuris omnibus, non à cogitatio-
ne artificis, sed ab ipsa arte rejectis. Inci-
dere autem vivorum corpora, & crudele,
& supervacuum est: mortuorum vero, di-
scentibus necessarium. Nam positum &
ordinem nosse debent. Quæ cadavera me-
lius, quam vivus & vulneratus homo, re-
præsentant. Sed & cætera, quæ in vivis
cognosci modo possunt, in ipsis curationi-
bus vulneratorum paulo tardius, sed ali-
quanto mitius usus ipse monstrabit. His
propositis, primum dicam,quemadmodum
Sanos agere conveniat: tum ad ea transibo,
quæ ad Morbos & curationes eorum per-
tinebunt.

CAPUT I.

Quemadmodum sanos agere conveniat.

20

SANUS homo, qui & bene valet, &
suxæ spontis est, nullis obligare se legibus
debet; ac neque medico, neque iatro-
alipia egere. Hunc oportet varium habere
vitæ genus: modo ruri esse, modo in urbe,
sæpiusque in agro: navigare, venari, quie-
scere interdum, sed frequenter se exercere.
Siquidem ignavia corpus hebetat, labor
firmat. illa maturam senectutem, hic lon-
gam adolescentiam reddit. Prodest etiam
interdum balneo, interdum aquis frigidis
uti: modo ungi, modo id ipsum negligere:
nullum cibi genus fugere, quo populus
utatur: interdum in convictu esse, inter-
dum.

dum ab eo se retrahere : modo plus justo, modo non amplius assumere: bis die potius, quam semel cibum capere: & semper quam plurimum, dummodo hunc concoquat. 5 Sed ut hujus generis exercitationes cibi-que necessarii sunt; sic athletici supervacui. Nam & intermissus propter aliquas civiles necessitates ordo exercitationis corpus affligit: & ea corpora, quæ more 10 eorum repleta sunt, celerrime & senescunt, & ægrotant.

De Concubitu.

Concubitus vero neque nimis concupiscendus, neque nimis pertimescendus est. 15 Rarus, corpus excitat; frequens, solvit. Cum autem frequens, non numero, sit, sed natura, ratione ætatis, & corporis, scire licet, eum non inutilem esse, quem corporis neque languor, neque dolor sequitur. 20 Idem interdiu pejor est, tutior noctu: ita tamen, si neque illum cibus, neque hunc cum vigilia labor statim sequitur. Hæc firmis servanda sunt: cavendumque, ne in secunda valetudine adversæ prælidia con- 25 sumantur.

C A P. 11.

Quæ imbecillis servanda sint.

30 **A**T imbecillis (quo in numero magna pars urbanorum, omnesque pene cupidi literarum sunt) observatio major necessaria est: ut, quod vel corporis, vel loci, vel studii ratio detrahit, cura restituat.

stituat. Ex his igitur, qui bene concoxit, mane tuto surget: qui parum, quiescere debet; & si mane surgendi necessitas fuerit, redormire. Qui non concoxit, ex toto conquiescere, ac neque labori se, neque exercitationi, neque negotio credere. Qui crudum sine præcordiorum dolore ructat, is ex intervallo aquam frigidam bibere, & se nihilominus continere. Habitare vero ædificio lucido, perflatum æstivum, hibernum solem habente: cavere meridianum solem, matutinum & vespertinum frigus; itemque auras fluminum atque stagnorum; minimeque nubilo cœlo, soli aperienti se committere, ne modo frigus, modo calor moveat: quæ res maxime gravedines destillationesque concitat. Magis vero gravibus locis ista servanda sunt, in quibus etiam pestilentiam faciunt. Scire autem licet, integrum corpus esse, cum quotidie mane urina alba, dein rufa est. Illud concoquere, hoc concoxisse significat. Vbi expectatus est aliquis, paulum intermittere: deinde, nisi hiems est, fovere os multa aqua frigida debet. Longis diebus meridiari potius ante cibum; sin minus, post eum. Per hiemem potissimum totis noctibus conquiescere. Sin lucubrandum est, non post cibum id facere, sed post concoctionem. Quem interdiu vel domestica, vel civilia officia tenuerunt, huic tempus aliquod servandum curationi corporis sui est. Prima autem ejus curatio, exercitatio est. quæ semper antecedere cibum debet:

in eo, qui minus laboravit, & bene concoxit, remissior: in eo, qui assuetus est, & minus concoxit, amplior. Commode vero exercent, clara lectio, arma, pila, cursus, ambulatio. atque hæc non utique plana, commodior est: siquidem melius ascensus quoque & descensus, cum quadam varietate corpus moveat; nisi tamen id perquam imbecillum est. Melior autem est sub divo, 10 quam in porticu: melior, si caput patitur, in sole, quam in umbra: melior in umbra, quam parietes aut viridaria efficiunt, quam quæ tecto subest: melior recta, quam flexuosa. Exercitationis autem plerumque finis 15 esse debet sudor, aut certe lassitudo, quæ citra fatigationem sit: idque ipsum, modo minus, modo magis faciendum est. Ac ne his quidem, athletarum exemplo, vel certa esse lex, vel immodicus esse labor 20 debet. Exercitationem recte sequitur, modo unctio, vel in sole, vel ad ignem; modo balneum, sed in conclavi quammaxime & alto & lucido & spaciofo. Ex his vero neutrum semper fieri oportet; sed sæpius 25 alterutrum, pro corporis natura. Post hæc paulum conquiescere opus est. Ubi ad cibum ventum est, nunquam utilis est nimia satietas: sæpe inutilis nimia abstinencia: sæpe, si qua intemperantia subest, tutior est 30 in potione, quam in esca. Cibus à salsamentis, oleribus, similibusque rebus melius incipit. Tum caro assumenda est, quæ assa optima, aut elixa est. Condita omnia duabus de causis inutilia sunt, quoniam & plus pro-

propter dulcedinem assumitur, & quod modo par est, tamen ægrius concoquitur. Secunda mensa bono stomacho nihil nocet, in imbecillo coacescit. Si quis itaque hoc parum valet, palmulas, pomaque, & similia melius primo cibo assumit. Post multas potiones, quæ aliquantum sitim excesserunt, nihil edendum est: post satietatem, nihil agendum. Vbi expletus est aliquis, facilius concoquit, si, quicquid assum-
 10 pfit, potione aquæ frigida includit, tum paulisper invigilat, deinde bene dormit. Si quis interdiu se implevit, post cibum neque frigori, neque æstui, neque labori se debet committere. Neque enim tam faci-
 15 le hæc inani corpore, quam repleto nocent. Si quibus de causis futura inedia est, labor omnis vitandus est.

C A P. III.

20

*Observationes quædam, prout res nova incidunt,
 & corporum genera, & sexus, & ætates,
 & tempora anni sunt.*

AT QVÆ hæc quidem pene perpetua sunt: quasdam tamen observationes
 25 desiderant & novæ res, & corporum genera, & sexus, & ætates, & tempora anni. Nam neque ex salubri loco in gravem, neque ex gravi in salubrem transitus satis tutus est. Ex salubri in gravem,
 30 prima hieme: ex gravi in eum, qui salubris est, prima æstate transire melius est. Neque vero ex multa fame nimia satietas: neque ex nimia satietate fames idonea est.

Peri-

Periclitaturque &, qui semel, &, qui bis die cibum incontinenter, contra consuetudinem, assumit. Item, neque ex nimio labore subitum ocium, neque ex nimio ocio subitus labor, sine gravi noxa est. Ergo, cum quis mutare aliquid volet, paulatim debet assuescere. Omnem etiam laborem facilius vel puer vel senex, quam insuetus homo sustinet. Atque ideo quoque nimis ociosa vita utilis non est; quia potest incidere laboris necessitas. Si quando tamen insuetus aliquis laboravit, aut multo plus, quam solet, etiam is qui assuevit, huic jejuno dormiendum est: multo magis, si etiam os amarum est, vel oculi caligant, aut venter perturbatur. Tum enim non dormiendum tantummodo jejuno est, sed etiam in posterum diem ita permanendum, nisi cito id quies sustulit. Quod si factum est, surrogere oportet, & lente paululum ambulare. At si somni necessitas non fuit, quia modice magis aliquis laboravit, tamen ingredi aliquantum eodem modo debet.

Communia deinde omnibus sunt. post fatigationem cibum sumpturis, ubi paululum ambulaverunt, si balneum non est, calido loco, vel in sole, vel ad ignem ungi, atque sudare: si est, ante omnia in tepidario residere: deinde, ubi paululum conquieverunt, intrare & descendere in solium; tum multo oleo ungi, leniterque perfricari; iterum in solium descendere: post hæc, os aqua calida fovere, deinde frigida. Balneum his fervens idoneum non est. Ergo si

nimum alicui fatigato pene febris est, huic
abunde est, loco tepido demittere se ingui-
nibus tenus in aquam calidam, cui paulum
olei adjectum sit: deinde totum quidem
corpus, maxime tamen eas partes, quæ in
aqua fuerunt, leniter perfricare ex oleo,
cui vinum & paulum contriti salis sit adje-
ctum. Post hæc, omnibus fatigatis aptum
est, cibum sumere, eoque humido uti;
aqua, vel certe diluta potione esse conten-
tos; maximeque ea, quæ moveat urinam.
Illud quoque nosse oportet, quod ex labore
sudanti frigida potio perniciosissima est:
atque etiam, cum sudor se remisit, itinere
fatigatis inutilis. A balneo quoque venien-
tibus Asclepiades inutilem eam judicavit.
Quod in his verum est, quibus alvus facile,
nec tuto, resolvitur, quique facile inhorres-
cunt: perpetuum in omnibus non est,
cum potius naturale sit, potione æstuan-
tem stomachum refrigerari, frigentem
calefieri. Quod ita præcipio, ut tamen fa-
tear, ne ex hac quidem causa sudanti adhuc
frigida bibenda esse. Solet etiam pro-
desse, post varium cibum, frequentesque
dilutas potiones, vomitus, & postero die
longa quies, deinde modica exercitatio. Si
assidua oscitatio urget, in vicem modo aqua,
modo vinum bibendum est, raroque balneo
utendum. Levatque lassitudinem etiam la-
boris mutatio: eumque, quem novum ge-
nus cujusdam laboris pressit, id, quod in
consuetudine est, reficit. Fatigato quoti-
dianum cubile tutissimum est: insolitum
con-

contra, lassat. Quod enim contra consuetudinem est, nocet, seu molle, seu durum est.

Proprie quædam ad eum pertinent, qui
5 ambulando fatigatur. Hunc reficit in ipso
quoque itinere frequens frictio: post iter,
primum sedile, deinde unctio; tum calida
aqua aut balneo magis inferiores partes, quã
superiores foveat. Si quis vero exustus in
10 sole est, huic in balneum protinus eundum
est, perfundendumque oleo corpus & caput:
deinde in solium bene calidum descendendum
est, tum multa aqua per caput infundenda,
prius calida, deinde frigida est.
15 At ei, qui perfrixit, opus est in laconico
primum involuto sedere, donec insudet;
tum ungi; deinde lavari: cibum modicum,
potiones meracas assumere.

Is vero, qui navigavit, & nausea pressus
20 est, si multam bilem evomuit, vel abstinere
cibo debet, vel paulum aliquid assumere.
Si pituitam acidam effudit, utique sumere
cibum, sed assueto leviozem: si sine vomitu
nauseavit, vel abstinere, vel post cibum
25 vomere. Qui vero toto die, vel in vehiculo,
vel in spectaculis sedit, huic nihil
currendum, sed lente ambulandum est.
Lenta quoque in balneo mora, dein cœna
exigua prodesse consueverunt. Si quis in
30 balneo æstuat, reficit hunc ore exceptum,
& in eo retentum acetum: si id non est, eodem
modo frigida aqua assumpta. Ante
omnia autem scire convenit naturam corporis;
quia alii graciles, alii obesi sunt; alii
B 2 calidi,

calidi, alii frigidiores; alii humidi, alii sicciores; alios adstricta, alios resoluta alvus exercet. Raro quisquam non aliquam partem corporis imbecillam habet. Tenuis vero homo implere se debet, plenus extenuare, calidus refrigerare, frigidus calefacere, madens siccare, siccus madefacere. Itemque alvum firmare is, cui fusa: solvere is, cui adstricta est. Succurrendumque semper parti maxime laboranti est. 10

De causis qua implent corpus.

Implet autem corpus modica exercitatio, frequentior quies, unctio, & si post prandium est, balneum, contracta alvus, modicum frigus hieme, somnus plenus & 15 non multum nimis longus, molle cubile, animi securitas, assumpta per cibos & portiones maxime dulcia & pingua, frequentior cibus, & quantum plenissime potest digerere. 20

De his, qua extenuant corpus.

Extenuat corpus aqua calida, si quis in eam descendit, magisque si salsa est: in jejuno balneum, inurens sol, & omnis calor, cura, vigilia, somnus nimium vel 25 brevis vel longus: lectus, per æstatem, terra; hieme, durum cubile: cursus, multa ambulatio, omnisque vehemens exercitatio, vomitus, dejectio, acidæ res & austæræ, & semel in die assumptæ epulæ, & vini non 30 perfrigidi potio jejuno in consuetudinem adducta.

Cum vero inter extenuantia posuerim vomitum & dejectionem, de his quoque pro-

propria quædam dicenda sunt. Rejectum esse ab Asclepiade vomitum in eo volumine, quod de tuenda sanitate composuit, video: neque reprehendo, si offensus eorum fess consuetudine, qui quotidie ejiciendo vorandi facultatem moliuntur. Paulo etiam longius processit. Idem purgationes quoque eodem volumine expulit. Et sunt hæc perniciosæ, si nimis valentibus medicamentis fiunt. Sed hæc tamen submo-
10 da esse, non est perpetuum: quia corporum temporumque ratio potest ea facere necessaria, dum & modo, & non nisi cum opus est, adhibeantur. Ergo ille quo-
15 que ipse, si quid jam corruptum esset, expelli debere confessus est. Ita non ex toto res condemnanda est. Sed esse ejus etiam plures causæ possunt: estque in ea quædam paulo subtilior observatio adhibenda.

20

De Vomitu.

Vomitus utilior est hieme, quam æstate. nam tum & pituitæ plus, & capitis gravitas major subest. Inutilis est gracilibus, & imbecillum stomachum habentibus:
25 utilis vero plenis & biliosis omnibus, si vel nimium se replerunt, vel parum concoxerunt. Nam, si plus est, quam quod concoqui possit, periclitari, ne corrumpatur, non oportet: si jam corruptum est, nihil
30 commodius est, quam id, qua via primum expelli potest, ejicere. Itaque, ubi amari ructus cum dolore & gravitate præcordiorum sunt, ad hunc protinus confugiendum est. Idem prodest ei, cui pectus æstuat,

& frequens saliva, vel nausea est; aut sonant aures, aut madent oculi, aut os amarum est. Similiterque ei, qui vel cœlum, vel locum mutat; hisque, quibus, si per plures dies non vomuerunt, dolor præcordia infestat. Neque ignoro, inter hæc præcipi quietem. quæ non semper contingere potest agendi necessitatem habentibus: nec in omnibus idem facit. Itaque istud luxuriæ causa fieri non oportere 10 confiteor: interdum valetudinis causa recte fieri, experimentis credo. Commoneo tamen, ne quis, qui valere & senescere volet, hoc quotidianum habeat. Qui vomere post cibum volet, si ex facili facit, aquam tantum tepidam ante debet assumere; si difficilius, aquæ vel salis, vel mellis paulum ad- 15 jicere. At, qui mane vomiturus est, ante bibere mulsum, vel hyssopum esse, aut radiculam debet; deinde aquam tepidam, 20 ut supra scriptum est, bibere. Cætera, quæ antiqui medici præceperunt, stomachum omnia infestant. Post vomitum, si stomachus infirmus est, paulum cibi, sed hujus idonei, gustandum; & aquæ frigidæ cyathi 25 tres bibendi sunt, siquidem vomitus fauces exasperavit. Qui vomuit, si mane id fecit, ambulare debet, tum ungi, deinde cœnare: si post cœnam, postero die lavari, & in balneo sudare. Huic proximus cibus me- 30 diocris utilior est: isque esse debet cum pane hesterno, vino austero meraco, & carne assa, cibisque omnibus quam siccissimis. Qui vomere bis in mense vult, melius

lius consulet, si biduo continuerit, quam si post quintumdecimum diem vomuerit; nisi hæc mora gravitatem pectori faciet.

De Dejectionibus.

5 Dejectio autem à medicamento quoque petenda est, ubi venter suppressus parum reddit, ex eoque inflationes, caligines, capitis dolores, aliaque superioris partis mala
10 crescunt. Quid enim inter hæc adjuvare possunt quies & inedia, per quæ illa maxime eveniunt? Qui deicere volet, primum
15 cibus vinisque utatur his, quæ hoc præstant. Dehinc, si parum illa proficiunt, aloë sumat. Sed purgationes quoque, ut interdum
20 necessariæ sunt, sic, ubi frequentes sunt, periculum afferunt. Assuescit enim non ali corpus; & ob hoc infirmum erit; cum omnibus morbis obnoxia maxime infirmitas sit.

20 *De his, quæ calefaciunt & refrigerant corpus.*

Calefaciunt unctio, aqua salsa, magisque si calida est; omnia salsa, vinum aust-
rum. Contra refrigerant, in jejunio, amara,
25 carnosa; si post cibum est, balneum, & somnus, nisi nimis longus est; & omnia acida; aqua quam frigidissima; oleum, si aqua miscetur; & lotus.

De his, quæ humidant & siccant.

30 Humidant autem corpus labor minor, quam ex consuetudine, frequens balneum, cibus plenior, multa potio; post hanc, ambulatio, & vigilia. Per se quoque ambulatio multa & vehemens, & matutinæ exerci-

tationi non protinus cibus adjectus; ea genera escæ, quæ veniunt ex locis frigidis, & pluviis, & riguis. Contra siccant immodica exercitatio, fames, unctio, sine aqua calor, sal immodicus, frigida aqua, & cibus exercitationi statim subjectus, & is ipse ex siccis & æstuosis locis veniens.

De his, quæ alvum adstringunt & solvunt.

Alvum adstringit labor, sedile, cretato figularis corpori illita, cibus imminutus, & is ipse semel die assumptus ab eo, qui bis solet: exigua potio, neque adhibita, nisi cum cibi quis quantum assumpturus est, cepit: post cibum quies. Contra solvit aucta ambulatio atque esca, motus qui post cibum est, subinde potiones cibo immixtæ. Illud quoque scire oportet, quod ventrem vomitus solutum comprimit, compressum solvit. Itemque compressum solvit is vomitus, qui statim post cibum est: solvit is, qui tarde supervenit.

De ætatum varietate.

Quod ad ætates vero pertinet, in ediam facillime sustinent mediæ ætates, minus juvenes, minime pueri & senectute confecti. Quo minus fert facile quisque, eo sæpius debet cibum assumere; maximeque eo eget, qui increscit. Calida lavatio, & pueris & senibus apta est. Vinum dilutius pueris, senibus meracius, neutri ætati, quæ inflationes movent. Juvenum minus, quæ assumant, & quomodo curentur, interest. Quibus juvenibus fluxit alvus, plerumque in

in senectute contrahitur. Quibus in adolescentia fuit adstricta, sæpe in senectute solvitur. Melior est autem in juvene ferior, in sene adstrictior.

5

De varietate temporum.

Tempus quoque anni considerare oportet. Hieme plus esse convenit; minus, sed meracius bibere; multo pane uti; carne potius elixa, modice oleribus; semel die cibum capere, nisi si nimis venter adstrictus est. Si prandet aliquis, utilius est exiguum aliquid, & ipsum siccum sine carne, sine potione sumere. Eo tempore anni calidis omnibus potius utendum est, vel calorem moventibus. Venus tum non æque perniciosa est. At vere paulum cibo demendum, adjiciendumque potioni, sed dilutius tamen bibendum est: magis carne utendum, magis oleribus, transeundum paulatim ab elixis ad assa. Venus eo tempore anni tutissima est.

De diata ciborum potionumque.

Æstate vero & potione & cibo sæpius corpus eget; ideo prandere quoque commodum est. Eo tempore aptissima sunt & caro & olus: potio quam dilutissima, ut & sitim tollat, nec corpus incendat: frigida lavatio, caro assa, frigidi cibi, vel qui refrigerent. Vt sæpius autem cibo utendum, sic exiguo est.

Autumnalis diata.

Per autumnum vero, propter cœli varietatem, periculum maximum est. Itaque neque sine veste, neque sine calceamentis

mentis prodire oportet, præcipueque diebus frigidioribus, neque sub divo noctu dormire, aut certe bene operiri. Cibo vero jam paulo pleniore uti licet; minus, sed meracius bibere. Poma nocere quidam putant, quæ immodice toto die plerunque sic assumuntur, ut ne quid ex densiore cibo remittatur. Ita non hæc, sed consummatio omnium nocet. Ex quibus in nullo tamen minus, quam in his noxa est. Sed his uti non sæpius, quam alio cibo convenit. Denique aliquid densiori cibo, cum hic accedit, necessarium est demi. Neque æstate vero, neque autumnno utilis venus est. Tolerabilior tamen per autumnum: æstate in totam, si fieri potest, abstinendum est.

C A P. I V.

De his, quibus Caput infirmum est.

PR O X I M U M est, ut de his dicam, qui partes aliquas corporis imbecillas habent. Cui caput infirmum est, is si bene concoxit, leniter perfricare id mane manibus suis debet; nunquam id, si fieri potest, veste velare, aut ad cutem tondere: utileque lunam vitare, maximeque ante ipsum lunæ solisque concursus: sed nusquam post cibum progredi. Si cui capilli sunt, eos quotidie pectere: multum ambulare; sed, si licet, neque sub tecto, neque in sole: utique autem vitare solis ardorem, maximeque post cibum & vinum: potius ungi, quam lavari; nunquam ad flammam ungi, interdum ad prunam. Si in balneum venit,

venit, sub veste primum paulum in tepidario insudare, ibi ungi, tum transire in calidarium: ubi sudarit, in solium non descendere, sed multa calida aqua per caput
5 se totum perfundere, tum tepida, dein frigida; diutiusque ea caput, quam cæteras partes perfundere; deinde id aliquandiu perfricare; novissime detergere & ungere. Capiti nihil æque prodest atque aqua frigida. Itaque is, cui hoc infirmum est, per
10 æstatem id bene largo canali quotidie debet aliquandiu subjicere. Semper autem, etiamsi sine balneo unctus est, neque totum corpus refrigerari sustinet, caput
15 tamen aqua frigida perfundere. Sed cum cæteras partes attingi nolit, demittere id, ne ad cervices aqua descendat; eamque, ne quid oculis, aliisve partibus noceat, defluentem subinde manibus ad hoc regere-
20 re. Huic modicus cibus necessarius est, quem facile concoquat: isque, si jejuno caput læditur, assumendus etiam medio die est: si non læditur, semel potius. Bibere huic assidue vinum dilutum lene, quam
25 aquam magis expedit; ut, cum caput gravius esse cœperit, sit, quo confugiat: eique ex toto neque vinum, neque aqua semper utilia sunt: medicamentum utrumque est, cum invicem assumitur. Scribere, legere,
30 voce contendere, huic opus non est, utique post cœnam: post quam nec cogitatio quidem ei satis tuta est; maxime tamen vomitus alienus est.

C A P. V.

De his, qui lippitudine, gravedine, destillatione, tonsillisque laborant.

NEQVE vero his solis, quos capitis imbecillitas torquet, usus aquæ frigidaë prodest; sed iis etiam, quos assiduæ lippitudo, gravedines, destillationes, tonsillæque male habent. His autem non caput tantum quotidie perfundendum; sed os quoque multa frigida aqua fovendum est: præcipueque omnibus, quibus hoc utile auxilium est, contendum est, ubi gravius cœlum Austri reddiderunt. Cumque omnibus inutilis sit post cibum aut contentio, aut fatigatio animi; tum his præcipue, qui vel capitis, vel arteriæ dolores habere consueverunt, vel quolibet alios oris affectus. Vitari etiam gravedines, destillationesque possunt, si quam minime is, qui his opportunus est, aerem vel loca aquasque mutat; si caput in sole protegit, ne incendatur, neve subitum ex repentino nubilo frigus dimoveat. Si post concoctionem jejunos caput radit. Si post cibum neque legit, neque scribit.

C A P. VI.

Ad solutam Alvum remedia.

QUEM vero frequenter citâ alvus exercet, huic opus est pila similibusque superiores partes exercere; dum jejunos est, ambulare; vitare solis aërium ardorem, continua balnea; ungi

ungi citra sudorem; non uti cibis variis, minimeque jurulentis aut leguminibus, oleribusve his, quæ celeriter descendunt; omnia denique sumere, quæ tarde conco-
 5 quuntur. Venatio, durique pisces, & ex domesticis animalibus assa caro maxime juvant. Nunquam vinum falsum bibere expedit, ne tenue quidem; aut dulce; sed austerum, & plenius, neque id ipsum per-
 10 vetus. Si mulso uti volet, id ex decocto melle, faciendum est. Si frigidaë potiones ventrem ejus non turbant, his utendum potissimum est. Si quid offensæ in cœna sensit, vomere debet; idque postero quo-
 15 que die facere: tertio, modici ponderis panem ex vino esse, aut ova fricta ex oleo, vel ex defruto, similibusque aliis: deinde ad consuetudinem redire. Semper autem post cibum conquiescere, ac neque inten-
 20 dere animum, neque ambulatione quamvis leni dimoveri.

C A P. VII.

Remedia ad Coli dolorem.

25 **A**T si laxius intestinum dolere consuevit, quod *κρίλον* nominant, cum id nihil nisi genus inflationis sit, id agendum est, ut concoquat aliquis; ut le-
 ctione, & aliis generibus exerceatur; utatur
 30 balneo calido, cibis quoque & potionibus calidis; denique omnimodo frigus evitet, item dulcia omnia, leguminaque, & quicquid inflare consuevit.

Quæ agenda sint Stomacho laborantibus.

SI Q U I S vero stomacho laborat, legere
clare debet; post lectionem ambulare; 5
tum pila, vel armis, aliove quo genere,
quo superior pars movetur, exerceri. Non
aquam, sed vinum calidum bibere jejunus.
Cibum bis die assumere; sic tamen, ut faci-
le concoquat. Vti vino tenui & austero; 10
& post cibum, frigidis potionibus potius.
Stomachum autem infirmum indicant
pallor, macies, præcordiorum dolor,
nausea, & nolentium vomitus, in jejuno do-
lor capitis. Quæ in quo non sunt, is fir- 15
mi stomachi est. Neque credendum uti-
que nostris est, qui cum in adversa valetu-
dine vinum aut frigidam aquam concu-
pierunt, deliciarum patrocinium in accusa-
tionem non merentis stomachi habent. At, 20
qui tarde concoquunt, & quorum ideo
præcordia inflantur, quive propter ardo-
rem aliquem noctu sitire consueverunt,
ante quam conquiescant, duos tresve cya-
thos per tenuem fistulam bibant. Prodest 25
etiam adversus tardam concoctionem cla-
re legere, deinde ambulare, tum vel ungi
vel lavari; assidue vinum frigidum bibe-
re; & post cibum, magnam potionem, sed,
ut supra dixi, per siphonem: deinde omnes 30
potiones aqua frigida includere. Cui vero
cibus acescit, is ante eum bibere aquam
egelidam debet, & vomere. At si cui ex
hoc frequens dejectio incidit, quotiens
alvus

alvus ei constiterit, frigida portione potissimum utatur.

C A P. I X.

5 *Quid observandum sit dolore Nervorum laborantibus.*

SI C U I vero dolere nervi solent, quod in podagra chiragrave esse consuevit, huic, quantum fieri potest, exercendum id est, quod affectum est, objiciendumque labori & frigori: nisi cum dolor increvit; sub quo quies optima est. Venus semper inimica est. Concoctio, sicut in omnibus corporis affectibus, necessaria. 15 Cruditates enim id maxime lædit, & quotiens offensum corpus est, vitiosa pars maxime sentit. Ut concoctio autem omnibus vitiis occurrit, sic rursus aliis frigus, aliis calor. Quæ sequi quisque pro habitu 20 corporis sui debet. Frigus inimicum est seni, tenui, vulneri, præcordiis, intestinis, vesicæ, auribus, coxis, scapulis, naturalibus, ossibus, dentibus, nervis, vulvæ, cerebro. Idem summam cutem facit pallidam, 25 aridam, duram, nigram. Ex hoc horrores tremoresque nascuntur. At prodest juvenibus, & omnibus plenis. Erectiorque mens est, & melius concoquitur, ubi frigus quidem est, sed cavetur. Aqua vero frigida 30 infusa, præterquam capiti, etiam stomacho prodest. Item articulis doloribusque, qui sunt sine ulceribus. Item rubicundis nimis hominibus, si dolore vacant. Calor autem adjuvat omnia, quæ frigus infestat: item lip-

lippientes, si nec dolor, nec lachrymæ sunt: nervos quoque, qui contrahuntur; præcipueque ea ulcera, quæ ex frigore sunt. Idem corporis colorem bonum facit: urinam movet. Si nimius est, corpus effœminat, nervos emollit, stomachum solvit. Minime vero aut frigus aut calor tuti sunt, ubi subita insuetis sunt. Nam frigus, lateris dolores, aliaque vitia; frigida aqua, strumas excitat. Calor concoctio-
nem prohibet, somnum aufert, sudore digerit, obnoxium morbis pestilentibus corpus efficit.

CAP. X.

Observatio in Pestilentia.

15

Est etiam observatio necessaria, qua quis in pestilentia utatur adhuc integer, cum tamen securus esse non possit. Tum igitur oportet peregrinari, navigare. 20 Ubi id non licet, gestari, ambulare sub divo, ante æstum, leniter; eodemque modo ungi: & ut supra comprehensum est, vitare fatigationem, cruditatem, frigus, calorem, libidinem; multoque magis se continere. 25 Si qua gravitas in corpore est, tum neque mane surgendum, neque pedibus nudis ambulandum est; minimeque post cibum, aut balneum: Neque jejuno, neque coenato vomendum est: neque movenda alvus; 30 atque etiam, si per se mota est, comprimenda est. Abstinendum potius, si plenus corpus est. Itemque vitandum balneum, sudor, meridianus somnus, utique
si ci-

si cibus quoque antecessit; qui tamen semel die tunc commodius assumitur; insuper etiam modicus, ne cruditatem moveat. Alternis diebus invicem, modo aqua, modo vinum bibendum est. Quibus servatis, ex reliqua victus consuetudine quam minimum mutari debet. Cum vero hæc in omni pestilentia facienda sint, tum in ea maxime, quam Austri excitarint. Atque etiam peregrinantibus eadem necessaria sunt, ubi gravi tempore anni discesserunt ex suis sedibus, vel ubi in graves regiones venerunt. Ac si cætera res aliqua prohibebit, utique abstinere debebit: atque ita à vino ad aquam, ab hac ad vinum, eo, qui supra positus est, modo, transitus ei esse.

20

LIBER SECVNDVS.

Præfatio.

25



INSTANTIS autem valetudinis signa complura sunt. In quibus explicandis non dubitabo auctoritate antiquorum virorum uti, maximeque Hippocratis; cum recentiores quoque medici, quamvis in curationibus mutarint, tamen hæc illum optime prælagisse fateantur. Sed antequam dico, quibus præcedentibus morborum timor sublit; non alienum videtur exponere, quæ tempora anni, quæ tempestatum genera, quæ partes ætatis, qualia

lia corpora maxime tuta vel periculis opportuna sint, quod genus adversæ valetudinis in quoque timeri maxime possit. Non quod non omni tempestatum genere, omnis ætatis, omnis habitus homines per omnia genera morborum & ægrotent & moriantur; sed quod frequentius tamen quædam eveniant. Ideo utile est scire unumquemque, quid, & quando maxime caveat.

C A P. I.

10

Quæ anni tempora, quæ tempestatum genera, quæ partes ætatis, qualia corpora vel tuta vel morbis opportuna sint, & quod valetudinis genus in quoque timeri possit.

15

I G I T U R saluberrimum ver est: proxime deinde ab hoc, hiems: periculosior æstas: autumnus longe periculosissimus. Ex tempestatibus vero optimæ æquales sunt, 10
sive frigidæ, sive calidæ: pessimæ, quæ maxime variant. Quo fit, ut autumnus plurimos opprimat. Nam fere meridianis temporibus calor: nocturnis atque matutinis, simulque etiam vespertinis, frigus est. 15
Corpus ergo, & æstate, & subinde meridianis caloribus relaxatum, subito frigore excipitur. Sed ut eo tempore id maxime fit, sic quandocunque evenit, noxium est. Ubi æqualitas autem est, saluberrimi sunt sereni 30
dies: meliores pluvii, quam tantum nebulosi, nubilive: optimique hieme, qui omni vento vacant: æstate, quibus Favonii perflant. Si genus aliud ventorum est, salubriores

briores Septentrionales, quam Subsolani,
vel Austri sunt. Sic tamen hæc, ut inter-
dum regionum sorte mutantur. Nam fere
ventus ubique à mediterraneis regionibus
5 veniens, salubris; à mari, gravis est. Ne-
que solum in bono tempestatum habitu
certior valetudo est; sed peiores morbi
quoque, si qui inciderunt, leviores sunt, &
promptius finiuntur. Pessimum egro est cor-
10 lum, quod ægrum fecit. adeo ut in id quo-
que genus, quod naturâ pejus est, in hoc sta-
tu salubris mutatio sit. Ætas media tutissi-
ma est: quia neque juventæ calore, neque se-
nectutis frigore infestatur. Longis morbis
15 senectus, acutis adolescentia magis patet.
Corpus autem habilissimum quadratum
est, neque gracile, neque obesum. Nam
longa statura, ut in juvenia decora est, sic
matura senectute conficitur. Gracile cor-
20 pus infirmum: obesum hebes est. Vere
tamen maxime, quæcunque humoris motu
novantur, in metu esse consuerunt. Ergo
tum lippitudines, pustulæ, profusio sangui-
nis, abscessus corporis, quæ αἰμοσιμαΐα Græ-
25 ci nominant, bilis atra, quam μελαγχολίαν
appellant, infania, morbus comitialis, an-
gina, gravedines, destillationes oriri solent.
Hi quoque morbi, qui in articulis nervis-
que modo urgent, modo quiescunt, tum
30 maxime & inchoantur & repetunt. At
æstas non quidem vacat plerisque his mor-
bis; sed adjicit febres, vel ardentes, vel ter-
tianas, vomitus, alvi dejectiones, auricu-
larum dolores, ulcera oris, canculos, cum in
cæteris

cæteris quidem partibus, tum maxime ob-
 scœnis; & quicquid sudore hominem resol-
 vit. Vix quicquam ex his in autumnum non
 incidit: sed oriuntur eo quoque tempore fe-
 bres incertæ, lienis dolor, aqua inter cutem, 5
 tabes, quem Græci *φθίσις* nominant; urinæ
 difficultas, *σπληνελίαν* quam appellant; tenu-
 iores intestini morbus, quem *εὐλαδία* nomi-
 nant. Fit item lævitas intestinorum, quæ
ἀσυνπερία vocatur; coxæ dolores, morbi 10
 comitiales. Idemque tempus & diutinis
 malis fatigatos, & ab æstate, etiam proxi-
 ma pressos interimit; & alios novis mor-
 bis conficit; & quosdam longissimis impli-
 cat, maximeque quartanis, quæ per hie- 15
 mem quoque exerceant. Neque aliud ma-
 gis tempus pestilentiae patet, cujuscumque
 ea generis est; quamvis variis rationibus
 nocet. Hiems autem capitis dolores, tuf-
 sim, & quicquid in faucibus, in lateribus, 20
 in visceribus mali contrahitur, irritat.

Ex tempestatibus, Aquilo tussim movet,
 fauces exasperat, ventrem astringit, urinam
 suppressit, horrores excitat, item dolorem
 lateris & pectoris. Sanum tamen corpus 25
 spissat, & mobilius atque expeditius red-
 dit. Auster aures hebetat, sensus tardat,
 capitis dolorem movet, alvum solvit, to-
 tum corpus efficit hebes, humidum, lan-
 guidum. Cæteri venti, quo huic vel illi 30
 propiores sunt, eo magis vicinos his il-
 lisve affectus faciunt. Calor omnis &
 jecur & lienem inflamat, mentem he-
 betat, & ut anima deficiat, ut sanguis pro-
 rumpat,

rumpat, efficit. Frigus modo nervorum distentionem, modo rigorem infert; illud *απ' αὐτῶν*, hoc *τέ τιν' ὅ* Græce nominatur: nigrorem in ulceribus, & horrorem in febribus excitat. In siccitatibus, acutæ febres, lippitudines, tormina, urinæ difficultas, articulorum dolores oriuntur. Per imbres, longæ febres, alvi dejectiones angina, canceri, morbi comitiales, resolutio nervorum, quam *παράλυσις* Græci nominant. Neque solum interest, quales dies sint, sed etiam quales ante præcesserint. Si hiems sicca Septentrionales ventos habuit, ver autem Austros & pluvias exhibet, fere
15 subeunt lippitudines, tormina, febres, maximeque in mollioribus corporibus, præcipue in muliebribus. Si vero, Austri pluvixque hiemem occuparunt, ver autem frigidum & siccum est, gravidæ quidem
20 foeminæ, quibus tam adest partus, abortu periclitantur: hæ vero quæ gignunt, imbecillos, vixque vitales edunt. Cæteros lippitudo arida &, si seniores sunt, gravedines atque destillationes male habent. At si à prima hieme Austri ad ultimum ver continuarint, laterum dolores, & insania febricitantium, quam *φρενίτις* appellant, quam celerrime rapiunt. Vbi vero calor à primo vere orsus æstatem quoque
30 similem exhibet, necesse est multum sudorem in febribus subsequi. At si sicca æstas Aquilones habuit, autumnno vero imbres Austrique sunt, tota hieme, quæ proxima est, tussis, destillatio, raucitas, in quibusdam etiā
tabes

tabes oritur. Sin autem autumnus quoque æque siccus iisdem Aquilonibus perflatur, omnibus quidem mollioribus corporibus, inter quæ muliebria esse proposui, secunda valetudo contingit: durioribus vero instare possunt, & vridæ lippitudines, & febres partim acutæ, partim longæ, & hi morbi, qui ex atra bile nascuntur.

Quod ad ætates vero pertinet, pueri proximique his verè optime valent, & æstate prima tutissimi sunt: senes æstate & autumni prima parte; juvenes hieme, quique inter juventam senectutemque sunt. Inimicior senibus hiems, æstas adolescentibus est. Tum si qua imbecillitas oritur, proximum est, ut infantes, tenerosque adhuc pueros serpentina ulcera oris, quæ *αφθæ* Græci nominant, vomitus, nocturnæ vigiliæ, aurium humor, circa umbilicum inflammationes exercent. Propria etiam dentientium, gingivarum exulcerationes, distentiones nervorum, febriculæ, alvi dejectiones, maximeque caninis dentibus orientibus male habent. Quæ pericula plenissimi cujusque sunt, & cui maxime venter adstrictus est. At ubi ætas paulum processit, glandulæ, & vertebrarum, quæ in spina sunt, aliquo inclinationes, strumæ, verrucarum quædam genera dolentia, *αγκυροποιήσις* Græci appellant, & plura alia tubercula oriuntur. Incipiente vero iam pube, ex iisdem multa, & longæ febres, & sanguinis ex naribus cursus. Maximeque omnis pueritia, primum circa quadragesimum diem, deinde septimo

septimo mense, tum septimo anno, postea circa pubertatem periclitatur. Siqua etiam genera morborum in infantem inciderunt, ac neque pubertate, neque primis coitibus, neque in foemina primis menstruis finita sunt, fere longa sunt: sæpius tamen his morbi pueriles, qui diutius manserunt, terminantur. Adolescentia morbis acutis, item comitialibus, tabique maxime obiecta est: fereque juvenes sunt, qui sanguinem exspuunt. Post hanc ætatem laterum & pulmonis dolores, lethargus, cholera, infania, sanguinis per quædam etiam velut ora venarum, *αιμορροΐδης* Græci appellant, profusio. In senectute, spiritus & urinæ difficultas, gravedo, articulorum & renum dolores, nervorum resolutiones, malus corporis habitus, *καχεξία* Græci appellant, nocturnæ vigiliæ, vitia longiora aurium, oculorum, etiam narium, præcipueque soluta alvus, & quæ sequuntur hanc, tormina, vel lævitas intestinorum, cæteraque fusi ventris mala. Præter hæc graciles, tabes, dejectiones, destillationes, item viscerum & laterum dolores fatigant. Obesi plerunque acutis morbis, & difficultate spirandi strangulantur, subitoque sæpe moriuntur. quod in corpore tenuiore vix evenit.

C A P. II.

De signis adversæ valetudinis futuræ.

ANTE adversam autem valetudinem, ut supra dixi, quædam notæ oriuntur; quarum omnium commune est,

est, aliter se corpus habere, atque consuevit; neque in pejus tantum, sed etiam in melius. Ergo si plenior aliquis, & speciosior, & coloratior factus est, suspecta habere bona sua debet. Quæ quia neque in eodem habitu subsistere, neque ultra progredi possunt, fere retro, quasi ruina quadam, revolvuntur. Pejus tamen signum est, ubi aliquis contra consuetudinem emacuit; & colorem decoremque amisit: quoniam in his, quæ superant, est quod morbus demat; in his quæ desunt, non est quod ipsum morbum ferat. Præter hæc, protinus timeri debet, si graviora membra sunt; si crebra ulcera oriuntur; si corpus supra consuetudinem incaluit; si gravior somnus pressit; si tumultuosa somnia fuerunt; si sæpius expergiscitur aliquis, quam assuevit, deinde iterum soporatur; si corpus dormientis circa partes aliquas contra consuetudinem insudat, maximeque si circa pectus, aut cervices, aut crura, vel genua, vel coxas. Item, si marcet animus; si loqui & moveri piget; si corpus torpet; si dolor præcordiorum est, aut totius pectoris, aut, qui in plurimis evenit, capitis; si salivæ plenum est os; si oculi cum dolore vertuntur; si tempora astricta sunt; si membra inhorrescunt; si spiritus gravior est; si circa frontem intentæ venæ moventur; si frequentes oscitationes; si genua quasi fatigata sunt, totumve corpus lassitudinem sentit. Ex quibus sæpe plura, nunquam non aliqua febrem antecedunt. In primis tamen illud con-

considerandum est, num cui sæpius horum aliquid eveniat, neque ideo corporis ulla difficultas subsequatur. Sunt enim quædam proprietates hominum, sine quarum notitia non facile quicquam in futurum præfagiri potest. Facile itaque securus est in his aliquis, quæ sæpe sine periculo evasit. Ille sollicitari debet, cui hæc nova sunt; aut qui ista nunquam sine custodia sui tuto habuit.

C A P. III.

Quæ bona in ægrotantibus signa sint.

15 **V**BI vero febris aliquem occupat, scire licet, non periclitari, si in latus aut dextrum aut sinistrum, ut ipsi in usu est, cubat, cruribus paulum reductis; qui fere sani quoque jacentis habitus est: si facile convertitur; si noctu dormit, si inter-
 25 diu vigilat; si ex facili spirat; si non conflatur; si circa umbilicum & pubem cutis plana est; si præcordia ejus sine ullo sensu doloris æqualiter mollia in utraque parte sunt: quod si paulo tumidiora sunt, tamen
 30 digitis cédunt & non dolent. Hæc valetudo, ut spacium aliquod habebit, sic tuta erit. Corpus quoque, quod æqualiter molle & calidum est, quodque æqualiter totum insudat, & cujus febricula eo sudore fini-
 35 totur, securitatem pollicetur. Quando jam ad sanitatem venit corpus, sternutamentum etiam inter bona indicia est, & cupiditas cibi vel à principio servata, vel etiam post fastidium orta. Neque terrere debet

ea febris, quæ eodem die finita est: ac ne ea quidem, quæ, quamvis longiore tempore tenuit, tamen ante alteram accessionem ex toto quievit, sic, ut corpus integrum, quod *εὐλαξάνης* Græci vocant, fieret. Si quis autem incidit vomitus, mixtus esse ex bile & pituita debet: & in urina subsidere album, læve, æquale; sic ut etiam, si quæ quasi nubes in imum deferantur. Ac venter ei, qui à periculo tutus est, redditio mollia, figurata, atque eodem fere tempore, quo secunda valetudine assuevit, modoque convenientia his, quæ assumuntur. Pejor citata alvus est: sed ne hæc quidem terrere pro-
 rinus debet, si matutinis temporibus coacta; magis est, aut si procedente tempore paulatim contrahitur, et rufa est, neque foeditate odoris similem alvum sani hominis excedit. Ac lumbricos quoque aliquos sub fine morbi descendisse, nihil nocet. Si inflatio sine inflammatione in superioribus partibus dolorem tumoremque fecit, bonum signum est sonitus ventris inde ad inferiores partes devolutus; magisque etiam, si sine difficultate, cum stercore excessit. 25

C A P. IV.

Mala signa agrotantium.

CONTRA gravis morbi periculum est, ubi supinus æger jacet, porrectis manibus, & cruribus: ubi residere vult in ipso acuti morbi impetu, præcipueque pulmonibus laborantibus: ubi nocturna vigilia premitur; etiam si interdiu somnus

nus accedit, ex quo tamen pejor est, qui inter quartam horam & noctem, quam qui à matutino tempore ad quartam. Pessimum tamen est, si somnus neque noctu, neque interdium accedit: id enim fere sine continuo delirio esse non potest. Neque vero signum bonum est, somno ultra debitum urgeri: pejusque, quo magis sopor interdium, noctuque continuat. Mali etiam morbi testimonium est, vehementer & crebro spirare. à sexto die cœpisse inhorrescere: pus expuere: vix excreare: dolorem habere continuum: difficulter ferre morbum: jactare brachia & crura: sine voluntate lachrymare: habere humorem glutinosum dentibus inhaerentem; cutem circa umbilicum & pubem macram; præcordia inflammata, dolentia, dura, tumida, intenta; magisque, si hæc dextra parte quam sinistra sunt: periculosissimum tamen est, si venæ quoque ibi vehementer agitantur. Mali etiam morbi signum est, nimis celeriter emacrescere: caput & pedes manusque frigidas habere, ventre & lateribus calentibus; aut frigidas extremas partes acuto morbo urgente; aut post sudorem inhorrescere; aut post vomitum singultum esse, vel rubere oculos; aut post cupiditatem cibi, postve longas febres hunc fastidire; aut multum sudare, maximeque frigido sudore; aut habere sudores non per totum corpus æquales, quique febrem non finiant. Malæ etiam febres, quæ quotidie tempore eodem revertantur; quæve semper pares

accessiones habeant, neq; tertio quoque die
levantur; quæve sic continent, ut per ac-
cessiones increcant, per decessiones tan-
tum molliantur, nec unquam integrum
corpus dimittant. Pessimum est, si ne leva-
tur quidem febris, sed æque concitata con-
tinuat. Periculosum est etiam, post arqua-
tum morbum febrem oriri; utique si præ-
cordia dextra parte dura manserunt, aut
dolentibus iis læva. Nulla acuta febris le-
viter terrere nos debet. Neque unquam
in acuta febre, aut à somno non est terribi-
lis nervorum distentio. Timere etiam ex
somno, malimorbi est. Itemque in prima
febre protinus mentem esse turbatam,
membrumve aliquod esse resolutum. Ex
quo casu quamvis vita redditur, tamen id
fere membrum debilitatur. Vomitus etiam
periculosus est sinceræ pituitæ vel bilis;
pejorque, si viridis, aut niger est. At mala
urina est, in qua subsidunt subrubra aut
livida: deterior, in qua quasi fila quædam
tenuia atque alba: pessima ex his, si tan-
quam ex furfuribus factas nubeculas re-
præsentat. Diluta quoque, atque alba, vi-
riosa est, sed in phreniticis maxime. Alvus
autem mala est, ex toto suppressa. Pericu-
losa etiam, quæ inter febres fluens con-
quiescere hominem in cubili non patitur;
utique, si quod descendit, est perliquidum,
aut albidum, aut pallidum, aut spumans.
Præter hæc periculum ostendit id, quod
excernitur, si est exiguum, glutinosum,
læve, album, idemque subpallidum: vel si
est

est aut lividum, aut biliosum, aut cruentum, aut peioris odoris, quam ex consuetudine. Malum est etiam, quod post febres longas sincerum est.

5 C A P. V.

De signis longæ valetudinis.

Post hæc indicia, notum est longum morbum fieri: sic enim necesse est, nisi occidit. Neque ulla alia spes in magnis est, quam ut impetum morbi trahendo aliquis effugiat, porrigaturque in id tempus, quod curationi locum præstet. Protinus tamen signa quædam sunt, ex quibus colligere possumus, morbum, et si non interemerit, longius tamen tempus habiturum. Vbi frigidus sudor inter febres non acutas circa caput tantum, & cervicem oritur; aut ubi, febre non quiescente, corpus insudat; aut ubi corpus modo frigidum, modo calidum est, & color alius ex alio fit; aut ubi, quod inter febres aliqua parte abscessit, ad sanitatem non pervenit; aut ubi æger pro spacio parum emacrescit. Item, si urina modo liquida & pura est, modo habet quædam subsidencia; si lævia atque alba rubraque sunt, quæ in ea subsident; aut si quasdam quasi miculas repræsentat; aut si bullulas excitat.

30 C A P. VI.

De indiciis mortis.

Sed inter hæc quidem, proposito metu, spes tamen superest. Ad ultima vero

jam ventum esse testantur, nares acutæ, collapsa tempora, oculi concavi, frigida languidaque aures & imis partibus leniter versæ, cutis circa frontem dura & intenta, color aut niger aut perpallidus; multo-
toque magis, si ita hæc sunt, ut neque vigilia præcesserit, neque ventris resolutio, neque inedia. Ex quibus causis interdum hæc species oritur, sed uno die finitur. Itaque diutius durans, mortis index est. Si vero in morbo vetere jam triduo talis est, in propinquo mors est: magisque, si præter hæc oculi quoque lumen refugiunt, & illachrymant; quæque in iis alba esse debent, rubescunt; atque in iisdem venulæ pallent; pituitaque in iis innatans, novissime angulis inhærescit; alterque ex his minor est; iique aut vehementer subsederunt, aut facti tumidiores sunt; perque somnum palpebræ non committuntur, sed inter has ex albo oculorum aliquid apparet; neque id fluens alvus expressit: eademque palpebræ pallent, & idem pallor labra & nares decolorat: eademque labra, & nares, oculique, & palpebræ, & supercilia, aliquave ex his pervertuntur; isque propter imbecillitatem jam non audit, aut non videt.

Eadem mors denunciatur, ubi æger supinus cubat, eique genua contracta sunt: ubi deorsum ad pedes subinde delabitur: ubi brachia & crura nudat, & inæqualiter dispergit, neque iis calor subest: ubi hiat: ubi assidue dormit: ubi is, qui mentis suæ non est, neque id facere sanus solet,

let, dentibus stridet: ubi ulcus, quod aut ante, aut in ipso morbo natum est, aridum, & aut pallidum, aut lividum factum est. Illa quoque mortis indicia sunt, ungues, & digitique pallidi; frigidus spiritus: aut si manibus quis in febre, & acuto morbo, vel insania, pulmonisve dolore, vel capitis, in veste floccos legit, fimbriasve diducit, vel in adjuncto pariete, si qua minuta e-
10minet, carpit. Dolores etiam circa coxas & inferiores partes orti, si ad viscera transierunt, subitoque desierunt, mortem sub-
esse testantur; magisque, si alia quoque signa accesserunt. Neque is servari potest,
15qui sine ullo tumore febricitans, subito strangulatur, aut devorare salivam suam, non potest: cuive in eodem febris corporis-
que habitu cervix invertitur, sic ut devo-
rare æque nihil possit: aut cui simul & con-
20tinua febris & ultima corporis infirmitas est: aut cui, febre non quiescente, exter-
rior pars friget, interior sic calet, ut etiam sitim faciat: aut qui, febre æque non quies-
cente, simul & delirio & spirandi difficul-
25tate vexatur: aut qui, epoto veratro, ex-
ceptus distentione nervorum est: aut qui ebrius obmutuit. Is enim fere nervorum
distentione consumitur, nisi aut febris ac-
cessit, aut eo tempore, quo ebrietas solvi-
30debet, loqui coepit. Mulier quoque gravi-
da acuto morbo facile consumitur: & is, cui somnus dolorem auget: & cui protinus,
in recenti morbo, bilis atra vel infra vel
supra se ostendit: cuive alterutro modo se

promittit, cum jam longo morbo corpus
ejus esset extenuatum & confectum. Sputum
etiam biliosum, & purulentum, siue
separatim ista, siue mixta proveniunt, in-
teritus periculum ostendunt. Ac, si circa
septimum diem tale esse coepit, proximum
est, ut is circa quartumdecimum diem de-
cedat, nisi alia signa mitiora pejorave ac-
cesserint. quæ quo leviora graviorave
subsecuta sunt, eo vel seriore mortem, 10
vel maturiorem denunciant. Sudor quo-
que frigidus in acuta febre pestiferus est:
atque in omni morbo vomitus, qui varius,
& multorum colorum est; præcipueque, si
malus in hoc odor est. Ac sanguinem quo- 15
que in febre vomuisse, pestiferum est. Urina
vero fulva & tenuis in magna cruditate esse
consuevit; & sæpe, antequam spacio matu-
rescat, hominem rapit. Itaque si talis diutius
permanet, periculum mortis ostendit. 20
Pessima tamen est, præcipueque mortifera,
nigra, crassa, mali odoris. Atque in viris
quidem & mulieribus talis deterrima est.
In pueris vero, quæ tenuis & diluta est. Al-
vus quoque varia, pestifera est; & quæ 25
strigmentum, sanguinem, bilem, viride
aliquid, modo diversis temporibus, modo
simul, & in mistura quadam, discreta ta-
men repræsentat. Sed hæc quidem potest
paulo diutius trahere. In præcipiti vero 30
jam esse denunciat, quæ liquida, eadem-
que vel nigra, vel pallida, vel pinguis est;
utique, si magna foeditas odoris accessit.
Illud interrogari me posse ab aliquo scio:
si cer-

si certa futuræ mortis indicia sunt, quomodo interdum deserti à medicis convalescant, quosdamque fama prodiderit in ipsis funeribus revixisse? Quinetiam vir 5 jure magni nominis Democritus, ne finitæ quidem vitæ satis certas notas esse, proposuit, quibus medici credidissent: adeo illud non reliquit, ut certa aliqua signa futuræ mortis essent. Adversus quod ne il- 10 lud quidem dicam, quod in vicino sæpe quædam notæ positæ, non bonos, sed imperitos medicos decipiunt (quod Asclepiades sciens, funeri obvius inclamavit, eum vivere, qui efferebatur:) nec protinus cri- 15 men artis esse, si quod professoris sit. Illa tamen moderatius subjiciam. Conjecturalem artem esse medicinam, rationemque conjecturæ talem esse, ut cum sæpius aliquando responderit, interdum tamen fallat. 20 Non itaque, si quid vix millesimo in corpore aliquem decipit, id fident non habet, cum per innumerabiles homines respondeat. Idque non in his tantum, quæ pestifera sunt, dico: sed in his quoque, quæ 25 salutaria. Siquidem etiam spes interdum frustratur, & moritur aliquis, de quo medicus securus primo fuit. Quæque medendi causa reperta sunt, nonnunquam in pejus aliquibus vertunt. Neque id evitare humana 30 imbecillitas in tanta varietate corporum potest. Sed est tamen medicinæ fides, quæ multo sæpius, perq; multo plures ægros prodest. Neq; tamen ignorare oportet, in acutis morbis fallaces magis notas esse & salutis, & mortis.

CAP. VII.

De notis, quas aliquis in singulis morborum generibus habere possit.

SED cum proposuerim signa, quæ in omni adversa valetudine communia esse consueverunt; ad ea quoque transibo, ut, quas aliquis in singulis morborum generibus habere possit notas, indicem. 10 Quædam autem sunt, quæ ante febres, quædam quæ inter eas, quid aut intus sit, aut venturum sit, ostendunt. Ante febres, si caput grave est, aut ex somno oculi caligant, aut frequentia sternutamenta sunt, 15 circa caput aliquis pituitæ impetus timeri potest. Si sanguis, aut calor abundat, proximum est, ut aliqua parte profluvium sanguinis fiat. Si sine causa quis emacrescit, ne in malum habitum corpus ejus decadat, metus est. Si præcordia dolent, aut inflatio gravis est, aut toto die non concocta fertur urina, cruditatem esse manifestum est. Quibus diu color sine morbo regio malus est, hi vel capitis doloribus con- 25 ficiantur, vel terram edunt. Qui diu habent faciem pallidam & tumidam, aut capite, aut visceribus, aut alvo laborant. Si in continua febre puero venter nihil reddit, mutaturque ei color, nec somnus accedit, 30 ploratque is assidue, metuenda nervorum distentio est. Frequens autem destillatio in corpore tenui longoque, tabem timendam esse testatur. Vbi pluribus diebus non descen-

descendit alvus, docet, aut subitam dejectionem, aut febriculam instare. Vbi pedes tument, & longæ dejectiones sunt, aut dolor in imo ventre & coxis est, aqua inter cutem instat. sed hoc morbi genus ab ilibus oriri solet. Idem propositum periculum est his, quibus, cum voluntas desidendi est, venter nihil reddit, nisi & ægre & durum. Cum tumor in pedibus est, idemque modo dextra, modo sinistra parte ventris, invicem oritur atque finitur, à jocinore id malum proficisci videtur. Ejusdem morbi nota est, ubi circa umbilicum intestina torquentur (*σπόφοι* Græci nominant) coxæque dolores manent, qui neque tempore, neque remediis solvuntur. Dolor autem articulorum, prout in pedibus, manibusve, aut alia qualibet parte sic est, ut eo loco nervi contrahantur; aut si id membrum, ex levi causa fatigatum, æque frigido, calidoque offenditur, *ποδάγρα* *χονδράρως*, vel ejus articuli, in quo id sentitur, morbum futurum esse denunciat.

Quibus in pueritia sanguis ex naribus fluxit, dein fluere desit, hi vel capitis doloribus conflictentur necesse est, vel in articulis aliquas exulcerationes graves habebant, vel aliquo morbo etiam debilitentur.

Quibus foeminis menstrua non proveniunt, necesse est capitis acerbissimi dolores sint, vel quælibet alia pars morbo infestetur. Eademque his pericula sunt, quibus articulorum vitia, ut dolores, tumoresque, sine podagra similibusque morbis, oriuntur,

tur, & desinunt. Vtique, si sæpe tempora
iisdem dolent, noctuque corpora insudant,
frons prurit, lippitudinis metus est. Si
mulier à partu vehementes dolores habet,
neque præterea signa mala sunt, circa vi-
gesimum diem aut sanguis per nares erum-
pet, aut in inferioribus aliquid abscedet.
Quicumque etiam dolorem ingentem cir-
ca tempora & frontem habebit, ei alterutra
ratione finiet: magisque, si juvenis erit, 10
per sanguinis profusionem; si senior, per
suppurationem. Febris autem, quæ subito
sine ratione, sine bonis signis finita est, fe-
re revertitur. Cui fauces sanguine & in-
terdiu & noctu replentur, sic, ut neque 15
capitis dolores, neque præcordiorum, ne-
que tussis, neque vomitus, neque febricu-
la præcesserit, hujus aut in naribus, aut in
faucibus ulcus reperietur. Si mulieri in-
guen & febricula orta est, neque causa ap- 20
paret, ulcus in vulva est. Urina autem
crassa, ex qua quod desidit, album est, si-
gnificat circa articulos, aut circa viscera
dolorem, metumque morbi esse. Eadem
viridis, aut viscerum dolorem; tumorem- 25
que cum aliquo periculo subesse, aut cor-
pus certe integrum non esse, testatur. At
si sanguis aut pus in urina est, vel vesica
vel renes exulcerati sunt. Si hæc crassa,
carunculas quasdam exiguas aut quasi ca- 30
pillas habet, aut si bullat, aut male olet,
aut interdum quasi arenam, interdum
quasi sanguinem trahit, dolent autem coxæ,
quæque inter has superque pubem sunt, &
acce-

accedunt frequentes ructus, interdum vomitus biliosus, extremæque partes frigesunt, urinæ crebra cupiditas, sed magna difficultas est, & quod inde excretum est, sanguis simile, vel rufum, vel pallidum est, paulum tamen in eo levamenti est, alvus vero cum multo spiritu redditur, utique in renibus vitium est. At si paulatim destillat, vel si sanguis per hanc editur, & in eo quædam cruenta concreta sunt, idque ipsum cum difficultate redditur, & circa pubem interiores partes dolent, in eadem vesica vitium est. Calculosi vero his indiciis cognoscuntur. Difficulus urina redditur; paulatimque, interdum etiam sine voluntate, destillat. Eadem arenosa est. nonnunquam aut sanguis, aut cruentum, aut purulentum aliquid cum ea excernitur. Eamque quidam promptius recti, quidam resupinati, maximeque hi qui grandes calculos habent, quidam etiam inclinati reddunt, colemque extendendo, dolorem levant. Gravitatis quoque cujusdam in ea parte sensus est; atque ea cursu, omni que motu augetur. Quidam etiam, cum torquentur, pedes inter se, subinde mutatis vicibus, implicant. Foeminae vero oras naturalium suorum manibus admotis scabere crebro coguntur. Nonnunquam, si odigitum admoverint, ubi vesicæ cervicem is urget, calculum sentiunt. At, qui spumantem sanguinem excreant, his in pulmone vitium est. Mulieri gravidæ sine modo fusa alvus elidere partum potest. Eidem si lac

lac ex mammis profluit, imbecillum est, quod intus gerit. Duræ mammæ, sanum illud esse, testantur. Frequens singultus, & præter consuetudinem continuus, jecur inflammatum esse, significat. Si tumores super ulcera subito esse desierunt, idque à tergo incidit, vel distentio nervorum, vel rigor timeri potest: at, si à priore parte id evenit, vel lateris acutus dolor, vel insania expectanda est. Interdum etiam hujusmodi casum, quæ tutissima inter hæc est, profusio alvi sequitur. Si ora venarum, sanguinem solita fundere, subito suppressa sunt, aut aqua inter cutem, aut tabes sequitur. Eadem tabes subit, si in lateris dolore orta suppuratio intra quadraginta dies purgari non potuit. At, si longa tristitia cum longo timore & vigilia est, atræ bilis morbus subest. Quibus sæpe ex naribus fluit sanguis, his aut lienis tumet, aut capitis dolores sunt: quos sequitur, ut quædam ante oculos tanquam imagines obversentur. At, quibus magni lienes sunt, his gingivæ malæ sunt, & os olet, aut sanguis aliqua parte prorumpit. Quorum si nihil evenit, necesse est in cruribus mala ulcera, & ex his nigræ cicatrices fiant. Quibus causa doloris, neque sensus ejus est, his mens laborat. Si in ventrem sanguis confluxit, ibi in pus vertitur. Si à coxis, & ab inferioribus partibus dolor in pectus transit, neque ullum signum malum accessit, supurationis eo loco periculum est. Quibus sine febre aliqua parte dolor, aut prurigo,

cum

cum rubore & calore est, ibi aliquid suppurat. Vrina quoque, quæ in homine parum sano liquida est, circa aures futuram aliquam suppurationem esse denunciat.

5 Hæc vero, cum sine febre quoque vellentium, vel futurarum rerum notas habeant, multo certiora sunt, ubi febris accessit; atque etiam aliorum morborum tum signa nascuntur. Ergo protinus infamia timenda est, ubi expeditior alicujus, quam sani fuit, sermo est, subitaque loquacitas orta est, & hæc ipsa solito audacior: aut ubi raro quis & vehementer spirat, venasque concitatas habet, præcordiis duris &
15 tumentibus. Oculorum quoque frequens motus; & in capitis dolore offusæ oculis tenebræ: vel, nullo dolore substante, somnus ereptus, continuataque nocte & die vigilia; vel prostratum contra consuetudinem corpus in ventrem, sic, ut ipsius alvi dolor id non coegerit; item, robusto adhuc corpore, insolitus dentium stridor, infantiæ signa sunt. Si quid etiam abcessit, & ante quam sputum prodiret, manente
25 adhuc in corpore solita febre, subsedit, periculum affert primum furoris, deinde interitus. Auris quoque dolor acutus, cum febre continua vehementique, sæpe mentem turbat: & ex eo casu juniores
30 interdum intra septimum diem moriuntur; seniores tardius: quoniam neque æque magnas febres experiuntur, neque æque insaniunt. ita sustinent, dum is affectus in pus vertatur. Suffusæ quoque sanguine mulie-

mulieris mammæ, furorem venturum esse, testantur. Quibus autem longæ febres sunt, his aut abscessus aliqui, aut articulorum dolores erunt. Quorum faucibus in febre illiditur spiritus, instat his nervorum distentio. Si angina subito finita est, in pulmonem id malum transit; idque sæpe intra septimum diem occidit: quod nisi incidat, sequitur; ut aliqua parte suppuret. Denique, post alvi longam resolutionem, tormina: post hæc, intestinorum lævitas oritur. Post nimias destillationes, tabes. Post lateris dolorem, vitia pulmonum: post hæc, insania. Post magnos fervores corporis, nervorum rigor, aut distentio. Vbi caput vulneratum est, delirium: ubi vigilia torfit, nervorum distentio: ubi vehementer venæ supra ulcera moventur, sanguinis profluvium erit.

Suppuratio vero pluribus modis excitatur. Nam si longæ febres sine dolore, sine manifesta causa remanent, in aliquam partem id malum incumbit, sed in junioribus tantum: nam in senioribus ex ejusmodi morbo quartana fere nascitur. Eadem suppuratio fit, si præcordia dura & dolentia ante vigesimum diem hominem non sustulerunt, neque sanguis ex naribus fluxit, maximeque in adolescentibus; utique, si inter principia aut oculorum caligo, aut capitis dolores fuerunt: sed tum in inferioribus partibus aliquid abscedit. At si præcordia tumorem mollem habent, neque habere intra sexaginta dies desinunt, hæret-

hæretque per omne id tempus febris, tum in superioribus partibus fit abscessus: ac, si inter ipsa initia sanguis è naribus non fluit, circa aures erumpit. Cumque omnis longus tumor ad suppurationem fere spectet, magis eo tendit is, qui in præcordiis, quam is, qui in ventre est: & is qui supra umbilicum, quam is qui infra est. Si lassitudinis etiam sensus in febre est, vel in maxillis, vel in articulis aliquid abscedit. Interdum quoque urina tenuis & cruda sic diu fertur, ut alia salutaria signa sint, exque eo casu plerunque infra transversum septum (quod *Ἀφ' ἡγέρων* Græci vocant) fit abscessus. Dolor pulmonis, si neque per sputa, neque per cucurbitulas, neque per sanguinis detractionem, neque per victus rationem finitus est, vomicas aliquas interdum excitat, aut circa vigesimum diem, aut circa tricesimum, aut circa quadagesimum, nonnunquam etiam circa sexagesimum. Numerabimus autem ab eo die, quo primum febricitavit aliquis, aut inhorruit, aut gravitatem ejus partis sensit. Sed hæ vomicæ modo à pulmone, modo à costarum parte nascuntur. Quod suppurat, ea parte, quam afficit, dolorem inflammationemque concitat, ipsumque calidius est: & si in partem sanam aliquis decubuit, onerare eam ex pondere aliquo videtur. Omnis etiam suppuratio, quæ nondum oculis patet, sic deprehendi potest: si febris non dimittit, eaque interdum levior est, noctu increscit; multus sudor oritur; cupidi-

tas tussendi est, & pene nihil in tussi ex-
 creatur; oculi cavi sunt; malæ rubent; ve-
 næ sub lingua inalbescunt; in manibus fi-
 unt adunci ungues; digiti, maximeque
 summi, calent; in pedibus tumores sunt; 5
 spiritus difficiliter trahitur; cibi fastidium
 est; pustulæ toto corpore oriuntur. Quod
 si protinus initio dolor & tussis fuit, & spi-
 ritus difficultas, vomica vel ante vel circa
 vigesimum diem erumpet. Si serius ista 10
 coeperint, necesse est quidem incrementum
 sed quo minus cito adfuerint, eo tardius
 solventur. Solent etiam in gravi morbo
 pedes cum digitis unguibusque nigrescere.
 quod si non est mors consecuta, & reli- 15
 quum corpus convaluisset, pedes tamen de-
 cidunt.

C A P. V I I I.

*Quæ notæ in quoque morbi genere vel
 spem vel pericula ostendant.*

20

SEQUITUR, ut in quoque morbi ge-
 nere proprias notas explicem, quæ vel
 spem, vel periculum ostendant. Ex ve-
 fica dolenti, si purulenta urina processit, 25
 inque eo læve & album subsedit, metum
 detrahit. In pulmonis morbo, si sputo ipso
 levatur dolor, quamvis id purulentum est,
 tamen, si æger facile spirat, facile excreat,
 morbum ipsum non difficulter fert, potest 30
 ei secunda valetudo contingere. Neque
 inter initia terreri convenit, si protinus
 sputum mistum est rufo quodam sangui-
 ne, dummodo statim sedetur. Laterum do-
 lores,

lores, suppuratione facta, deinde intra
quadragelimum diem purgata, finiun-
tur. Si in jecinore vomica est, & ex ea
fertur pus purum & album, salus ei fa-
cilis. Id enim malum in tunica est. Ex sup-
purationibus vero hæ tolerabiles sunt,
quæ in exteriorem partem feruntur, &
acuuntur. At ex his, quæ intus procedunt,
hæ leviores, quæ conclusæ cutem non af-
ficiunt, eamque & sine dolore & ejusdem
coloris, cujus reliquæ partes sunt, fiunt
esse. Pus quoque, quacumque parte erum-
pit, si est læve, album & unius modi, sine
ullo metu est; & quo effuso, febris proti-
nus conquievit, desieruntque urgere cibi
fastidium & potionis desiderium. Si quan-
do etiam suppuratio descendit in crura,
sputumque ejusdem factum pro rufo pu-
rulentum est, periculi minus est. At in ta-
robe ejus, qui salvus futurus est, sputum
esse, debet album, æquale, totum, ejusdem-
que coloris, sine pituita: eique etiam si-
mile esse oportet, si quid in nares à capi-
te destillat. Longe optimum est, febrem
omnino non esse: secundum est, tantillam
esse, ut neque tantulum cibum impediat,
neque crebram sitim faciat. Alvus in hac
valetudine ea tuta est, quæ quotidie co-
cta, eaque convenientia his, quæ assumun-
tur, reddit. Corpus id, quod minime tenue,
maximeque lati pectoris atque setosi est,
cujusque cartilago exigua, & carnosæ est.
Super tabem si mulieri quoque suppressa
menstrua fuerunt, & circa pectus atque
scapu-

scapulas dolor manfit, subitoque sanguis
erupit, levare morbus solet. nam & tussis
minuitur, & sitis atque febriculæ desinunt.
Sed iisdem fere, nisi redit sanguis, vomica
erumpit: quæ quo cruentior, eo melior est. 5
Aqua autem inter cutem minime terribi-
lis est, quæ nullo antecedente morbo cœ-
pit: deinde, quæ longo morbo supervenit;
utique, si firma viscera sunt; si spiritus fa-
cilis; si nullus dolor; si sine calore corporis
est; æqualiterque in extremis partibus ma-
crum est; si venter mollis; si nulla tussis; nulla
sitis; si lingua, ne per somnum quidem, ina-
rescit; si cibi cupiditas est; si venter medica-
mentis movetur; si per se excernit mollia & 15
figurata; si non extenuatur; si urina, & vini
mutatione, & epotis aliquibus medicamen-
tis mutatur; si corpus sine lassitudine est, &
motum facile sustinet: si quidem in quo om-
nia hæc sunt, is ex toto tutus est: in quo plu- 20
ra ex his sunt, is in bona spe est. Articulo-
rum vero vitia, ut podagræ chiragræque, si
juvenes tentarunt, neque callum induxe-
runt, solvi possunt: maximeque tormini-
bus leniuntur, & si quocumque modo ven- 25
ter fluit. Item morbus comitialis ante pu-
bertatem ortus, non ægre finitur. Et, in quo
ab una parte corporis venientis accessionis
sensus incipit, optimum est à manibus pe-
dibusve initium fieri: deinde, à lateribus: 30
pessimum inter hæc, à capite. Atque in his
quoque ea maxime profunt, quæ per de-
jectiones excernuntur. Ipsa autem deje-
ctio sine ulla noxa est, quæ sine febre est;
si ce-

si celeriter desinit; si contrectato ventre nullus motus ejus sentitur; si extremam alvum spiritus sequitur. Ac ne tormina quidem periculosa sunt, si sanguis & strigmenta descendunt, dum febris cæteræque accessiones hujus morbi absint: adeo ut etiam gravida mulier, non solum conservari possit, sed etiam partum reservare. Prodestque in hoc morbo, si jam ætate aliquis processit. Contra, intestinorum lævitas facilius à teneris ætatibus depellitur: utique, si ferri urina, & ali cibo corpus incipit. Eadem ætas prodest & in coxæ dolore, & humerorum, & in omni resolutione nervorum. Ex quibus coxa, si sine torpore est, si leviter friget, quamvis magnos dolores habet, tamen & facile & mature sanatur: resolutumque membrum, si nihilo minus alitur, fieri sanum potest. Oris resolutio etiam, alvo cita finitur. Omnisque dejectio lippienti prodest. At varix ortus, vel per ora venarum subita profusio sanguinis, vel tormina, insaniam tollunt. Humerorum dolores, qui ad scapulas vel manus tendunt, vomitu atræ bilis solvuntur. Et quisquis dolor deorsum tendit, sanabilior est. Singultus sternutamento finitur. Longas dejectiones supprimit vomitus. Mulier sanguinem vomens, profusis menstruis, liberatur. Quæ menstruis non purgatur, si sanguinem ex naribus fudit, omni periculo vacat. Quæ locis laborat, aut difficulter partum edit, sternutamento levatur. Cui calor & tremor est, salutis delirium est.

Lieno-

Lienosis bono tormina sunt. Denique, ipsa febris, quod maxime mirum videri potest, sæpe præsidio est. Nam & præcordiorum dolores, si sine inflammatione sunt, finit; & in jocinoris dolore succurrit; & nervorum distentionem rigoremque, si postea cœpit, ex toto tollit; & ex difficultate urinæ morbum tenuioris intestini ortum, si urinam per calorem movet, levat. At dolores capitis, quibus oculorum caligo, & rubor cum quadam frontis prurigine accedunt, sanguinis profusione, vel fortuita, vel etiam petita, summoventur. Si capitis, ac frontis dolores ex vento, vel frigore, aut æstu sunt, gravedine & sternutamentis finiuntur. Febrem autem ardentem, quam Græci *καυσάδα* vocant, subitus horror exolvit. Si in febre aures obtusæ sunt, si sanguis è naribus fluxit, aut venter resolutus est, illud malum desinit ex toto. Nihil plus adversus surditatem, quam biliosa alvus potest. Quibus in fistula urinæ minuti abscessus, quos *Φινγελæ* Græci vocant, esse cœperunt; iis, ubi pus ea parte profluxit, sanitas redditur. Ex quibus cum pleuraque per se proveniant, scire licet, inter ea, quæ ars adhibet, naturam plurimum posse. Contra, si caput in febre continenti dolet, neque quicquam remittit, malum atque mortiferum est: maximeque id periculum est pueris, à septimo anno ad quartumdecimum. In pulmonis morbo, si sputum primis diebus non fuit, deinde à septimo die cœpit, & ultra septimum mansit, pericu-

periculosum est: quantoque magis mixtos, neque inter se diductos colores habet, tanto deterius. Et tamen nihil pejus est, quam sincerum id edi, siue rufum est, siue cruentum, siue album, siue glutinosum, siue pallidum, siue spumans: nigrum tamen pessimum est. In eodem morbo periculosa sunt, tussis, destillatio; etiam, quod alias salutare habetur, sternutamentum. Periculosissimumque est, si hæc secuta subita dejectio est. Fere vero, quæ in pulmonis, eadem in lateris doloribus, & mitiora signa, & asperiora esse consuerunt. Ex jecinore si pus cruentum exit, mortiferum est. At
15 ex suppurationibus hæc pessimæ sunt, quæ intus tendunt, sic ut exteriorem quoque cutem decolorent: ex his deinde, quæ in exteriorem partem prorumpit, quæ maximæ, quæque planissimæ sunt. Quod si, ne
20 rupta quidem vomica, vel pure extrinsecus emisso, febris quieverit, aut quamvis quieverit, tamen repetit; item, si sitis est, si cibi fastidium, si venter liquidus, si pus est lividum & pallidum, si nihil æger ex-
25 creat nisi pituitam spumantem, periculum certum est. Atque ex his quidem suppurationibus, quas pulmonum morbi concitant, fere senes moriuntur: ex cæteris juniores. At in tabe sputum mixtum purulentum, febris assidua, quæ & cibi tempora eripit, & siti affligit, in corpore tenui periculum subesse testatur. Si quis etiam in eo morbo diutius traxit, ubi capilli fluunt; ubi urina quædam araneis similia superfi-
dentia

dentia ostendit; atque in sputis odor foedus est; maximeque, ubi post hæc orta dejectio est, protinus moritur: utique, si tempus autumnii est. quo fere, qui cætera parte anni traxerunt, resolvuntur. Item, pus expuisse in hoc morbo, deinde ex toto spueri desiisse, mortiferum est. Solet etiam in adolescentibus is morbus, ex vomica, fistulave oriri. qui non facile sanescunt, nisi si multa signa bonæ valetudinis subsecuta sunt. Ex reliquis vero minime facile sanantur virgines, aut ex mulieres, quibus supervenit tabes, quod menstrua suppressa sint. Cui vero sano subitus dolor capitis ortus est, dein somnus oppressit, sic ut is stertat, neque expergificatur, intra septimum diem pereundum est: magis si, cum alvus cita non antecesserit, palpebræ dormientis non coeunt, sed album oculorum apparet. Quos tamen ita mors sequitur, si id malum non est febre discussum. At aqua inter cutem, si ex acuto morbo cœpit, ad sanitatem raro perducitur: utique, si contraria his, quæ supra posita sunt, subsequuntur. Equæ in ea quoque tussis spem tollit: item, si sanguis fursum deorsumve erupit, & aqua medium corpus implevit. Quibusdam etiam in hoc morbo tumores oriuntur, deinde desinunt, deinde rursus assurgunt. Hi quidem tutiores sunt, quam qui supra comprehensi sunt, si attendunt: sed fere fiducia secundæ valetudinis opprimuntur. Illud jure aliquis mirabitur, quomodo quædam simul & affligant nostra

nostra corpora, & parte aliqua tueantur. Nam, si ve aqua inter cutem quem implevit, si ve in magno abscessu multum puris coit, simul id omne effudisse, æque mortiferum est, ac si quis sani corporis vulnere factus exanguis est. Articuli vero cui sic dolent, ut super eos ex callo quædam tubercula innata sint, nunquam liberantur: quæque eorum vitia vel in senectute cœperunt, vel
10 in senectutem ab adolescentia pervenerunt, ut aliquando leniri possunt, sic nunquam ex toto finiuntur. Morbus quoque comitialis post annum quintum & vigesimum ortus ægre curatur: multoque ægri-
15 sus is, qui post quadragesimum annum cœpit; adeo ut in ea ætate aliquid in natura spei, vix quidquam in medicina sit. In eodem morbo, si simul totum corpus afficitur, neque ante in partibus aliquis venientis mali sensus est, sed homo ex improvise concidit, cujuscumque is ætatis est, vix sanescit: si vero aut mens læsa est, aut nervorum facta resolutio, medicinæ locus non est. Dejectionibus quoque si febris accessit;
25 si inflammatio jecinoris, aut præcordiorum, aut ventris; si immodica sitis; si longius tempus; si alvus varia; si cum dolore est, etiam mortis periculum subest: maximeque, si inter hæc tormina vetera esse cœperunt. Isque morbus maxime pueros absumit usque ad annum decimum: cæteræ ætates facilius sustinent. Mulier quoque gravida ejusmodi casu rapi potest: atque, etiam si ipsa convaluit, partum tamen per-
30 dit.

dit. Quinetiam tormina ab atra bile orsa mortifera sunt: aut si sub his, extenuato jam corpore, subito nigra alvus profluxit. At intestinorum lævitas periculosior est, si frequens dejectio est; si venter omnibus; horis & cum sono & sine hoc profluit; si similiter noctu & interdiu; si, quod excernitur, aut crudum est, aut nigrum, & præter id, etiam læve, & mali odoris; si sitis urget; si post potionem urina non redditur (quod ¹⁰ evenit, quia tunc liquor omnis non in vesicam, sed in intestina descendit;) si os exulceratur; si rubet facies, & quasi maculis quibusdam colorum omnium distinguitur; si venter est quasi fermentatus, pinguis atque ¹⁵ rugosus; si & cibi cupiditas non est. Inter quæ cum evidens mors sit, multo evidentior est, si jam in longinquum quoque id vitium est: maxime etiam, si in corpore senili est. Si vero in tenuiore intesti- ²⁰ no morbus est, vomitus, singultus, nervorum distentio, delirium, mala sunt. At in morbo arquato, durum fieri jecur, perniciosissimum est. Quos lienes male habent, si tormina prehenderunt, deinde conversa sunt; vel in aquam inter cutem, vel in intestinorum lævitatem, vix ulla medicina periculo subtrahit. Morbus intestini tenuioris ex urinæ difficultate, nisi febre resolutus est, intra septimum diem occidit. Mulier; ex partu, si cum febre vehementibus etiam & assiduus capitis doloribus premitur, in periculo mortis est. Si dolor atque inflammatio est in his partibus, quibus viscera

con-

continentur, frequenter spirare, signum
malum est. Si sine causa longus dolor capi-
tis est, & in cervices ac scapulas transit,
rursusque in caput revertitur, aut à capite
5 ad cervices scapulasque pervenit, pernici-
osus est: nisi vomitum aliquam excitat, sic,
ut pus extusiliatur; aut nisi sanguis ex ali-
qua parte prorumpit, aut nisi in capite multa
porrigo, totove corpore pustulæ ortæ sunt.
10 Æque magnum malum est, ubi torpor at-
que prurigo pervagantur, modo per totum
caput, modo in parte; aut sensus alicujus ibi
quasi frigoris est, eaque ad summam quoque
linguam perveniunt. Et, cum in iisdem ex
15 abscessibus auxilium sit, eo tamen difficilior
sanitas est, quo minus sæpe sub his malis illi
subsequuntur. In coxæ vero doloribus, si
vehemens torpor est, frigescitque crus &
coxa, alvusque nisi coacta non reddit, id-
20 que, quod excernitur, mucosum est, jam-
que ætas ejus hominis quadragesimum an-
num excessit, is morbus erit longissimus,
minimumque annuus; neque finiri poterit,
nisi aut vere, aut autumno. Difficilis æque
25 curatio est, in eadem ætate; ubi humerorum
dolor vel ad manus pervenit, vel ad scapu-
las tendit, torporemque & dolorem creat,
neque bilis vomitu levata est. Quacunque
vero parte corporis membrum aliquod re-
30 solutum est, si neque movetur, & emacre-
scit, in pristinum habitum non revertitur;
eoque minus, quo vetustius id vitium
est, & quo magis in corpore senili est. Om-
nique resolutioni nervorum ad medicinam

non idonea tempora sunt hiems & autumnus : aliquid sperari potest vere & æstate. Isque morbus mediocris vix sanatur, vehemens sanari non potest. Omnis etiam dolor minus medicinæ paret, qui sursum proficit. Mulieri gravidæ si subito mammæ emacuerunt, abortus periculum est. Quæ neque peperit, neque gravida est, si lac habet, à menstruis defecta est. Quartana æstiva, brevis : autumnalis fere longa est, maximeque, quæ cœpit hieme appropinquante. Si sanguis profluxit, deinde secuta est dementia cum distentione nervorum, periculum mortis est. Itemque, si medicamentis purgatum, & adhuc inanem, nervorum distentio oppressit : aut si in magno dolore, extremæ partes frigent. Neque is ad vitam redit, qui ex suspendio, spumante ore, detractus est. Alvus nigra, sanguini atro similis, repentina, sive cum febre, sive etiam sine hac est, perniciosa est.

C A P. IX.

De Morborum curationibus.

COGNITIS indiciis, quæ nos vel spes consolentur, vel metu terreant, ad curationes morborum transeundum est. Ex his quædam communes sunt, quædam propriæ. Communes, quæ pluribus morbis opitulantur. Propriæ, quæ singulis. Ante de communibus dicam. Ex quibus tamen quædam non ægros solum, sed sanos quoque sustinent, quædam in adversa tantum valetudine adhibentur.

Omne

Omne vero auxilium corporis, aut demit aliquam materiam, aut adjicit, aut evocat, aut reprimat, aut refrigerat, aut calefacit, simulque aut durat, aut mollit. *¶* Quædam non uno modo tantum, sed etiam duobus inter se non contrariis adjuvant. Demitur materia, sanguinis detractione, cucurbitula, dejectione, vomitu, frictione, gestatione, omnique exercitatione corporis, abstinence, sudore. De quibus protinus dicam.

C A P. X.

De Sanguinis detractione per venas.

15 **S**ANGVINEM, incisa vena, mitti novum non est: sed nullum pene morbum esse, in quo non mittatur, novum est. Item, mitti junioribus, & sceminis uterum non gerentibus, vetus est. In pueris vero idem
20 experiri, & in senioribus, & in gravidis quoque mulieribus, vetus non est. Siquidem antiqui, primam ultimamque ætatem sustinere non posse hoc auxilii genus judicabant; persuaserantque sibi, mulierem
25 gravidam, quæ ita curata esset, abortum esse facturam. Postea vero usus ostendit, nihil ex his esse perpetuum, aliasque potius observationes adhibendas esse, ad quas dirigi curantis consilium debeat. Interest
30 enim, non quæ ætas sit, neque quid in corpore intus geratur, sed quæ vires sint. Ergo, si juvenis imbecillus est; aut si mulier, quæ gravida non est, parum valet, male sanguis mittitur. emoritur enim vis, siquæ supererat,

hoc modo erepta. At firmus puer, & robustus senex, & gravida mulier valens, tuto sic curantur. Maxime tamen in his medicus imperitus falli potest: quia fere minus roboris illis ætatibus subest. Mulierique prægnanti post curationem quoque viribus opus est, non tantum ad se, sed etiam ad partum sustinendum. Non, quicquid aut intentionem animi, aut prudentiam exigit, protinus ejiciendum est: cum præcipua in hoc ars sit, quæ non annos numeret, neque conceptionem solam videat, sed vires æstimet, & ex eo colligat, possit necne superesse, quod vel puerum, vel senem, vel in una muliere duo corpora simul sustineat. Interest etiam inter valens corpus, & obesum; inter tenue, & infirmum. Tenuioribus magis sanguis, plenioribus magis caro abundat. Facilius itaque illi detractionem ejusmodi sustinent: celeriusque eâ, qui nimium est pinguis, affligitur. Ideoque vis corporis melius ex venis, quam ex ipsa specie æstimatur.

Neque solum hæc considerata sunt, sed etiam morbi genus quod sit: utrum superans, an deficiens materia læserit: corruptum corpus sit, an integrum. Nam si materia vel deest, vel integra est, istud alienum est. At si vel copia sui male habet, vel corrupta est, nullo modo melius succurritur. Ergo vehemens febris, ubi rubet corpus, plenæque venæ tument, sanguinis detractionem requirit: item viscerum morbi, nervorumque resolutio, & rigor, & disten-

distentio : quidquid denique fauces difficultate spiritus strangulat; quicquid subito suppressit vocem; quisquis intolerabilis dolor est; & quacumque de causa ruptum, & aliquid intus atque collisum est: item malus corporis habitus; omnesque acuti morbi, qui modo, ut supra dixi, non in firmitate, sed onere nocent.

Fieri tamen potest, ut morbus quidem id desideret, corpus autem vix pati posse videatur: sed, si nullum tamen appareat aliud auxilium, periturusque sit, qui laborat, nisi temeraria quoque via fuerit adjutus, in hoc statu boni medici est ostendere, quam nulla spes sine sanguinis detractione sit; faterique, quantus in hac ipsa re metus sit: & tum demum, si exigatur, sanguinem mittere. De quo dubitare in ejusmodi re non oportet. satius est enim anceps auxilium experiri, quam nullum. Idque maxime fieri debet, ubi nervi resoluti sunt; ubi subito aliquis obmutuit; ubi angina strangulatur; ubi prioris febris accessio pene confecit, paremque subsequi verisimile est, neque eam videntur sustinere ægri vires posse.

Cum sit autem minime crudo sanguis mittendus, tamen ne id quidem perpetuum est. neque enim semper concoctionem res expectat. Ergo, si ex superiore parte aliquis decidit, si contusus est, si ex aliquo subito casu sanguinem vomit, quamvis paulo ante sumpsit cibum, tamen protinus ei demenda materia est, ne, si subsederit, corpus af-

figat. Idemque etiam in aliis casibus repentinis, qui strangulabunt, dictum erit. At, si morbi ratio patiatur, tum demum nulla cruditatis suspitione remanente id fiet. Ideoque ei rei videtur aptissimus adversæ valetudinis dies secundus, aut tertius. Sed ut aliquando etiam primo die sanguinem mittere necesse est, sic nunquam utile post diem quartum est, cum jam spatio ipso materia vel exhausta est, vel corpus corruptum; ut detractio imbecillum id facere possit, non possit integrum. Quod si vehemens febris urget, in ipso impetu ejus sanguinem mittere, hominem jugulare est. expectanda ergo intermissio est: si non decedit, cum crescere desiit: si neque remissio speratur, tunc quoque, quamvis peior, sola tamen occasio non omittenda est.

Fere etiam ista medicina, ubi necessaria est, in biduum dividenda est. Satius enim, primum levare ægrum, deinde per-purgare, quam simul omni vi effusa fortasse præcipitare. Quod si in cura quoque aquæ, quæ inter cutem est, ita respondet; quanto magis necesse est in sanguine re-spondeat?

Mitti vero is debet, si totius corporis causa sit, ex brachio: si partis alicujus, ex ea ipsa parte, aut certe quam proxima; quia non ubique mitti potest, sed in temporibus, in brachiis, juxta talos. Neque ignoro, quosdam dicere, quam longissime sanguinem inde, ubi lædit, esse mittendum; sic enim averti materiæ cursum; at illo modo

in idipsum, quod gravatur, evocari. Sed idiplum falsum est. proximum enim locum primo exhaurit: ex ulterioribus autem eatenus sanguis sequitur, quatenus emittitur: ubi is suppressus est, quia non trahitur, ne venit quidem. Videtur tamen usus ipse docuisse, si caput fractum est, ex brachio potius sanguinem mittendum esse: si quod in humero vitium est, ex altero brachio. 10 credo, quia si quid parum cesserit, opportuniore hæ partes injuriæ sunt, quam quæ jam male habent. Avertitur quoque interdum sanguis, ubi alia parte prorumpens, alia emittitur. desinit enim fluere. qua no- 15 lumus, inde objectis quæ prohibeant, alio dato itinere.

Mittere autem sanguinem cum sit expeditissimum, usum habenti; tamen ignaro difficillimum est. Iuncta enim est vena ar- 20 teriis, his nervi. Ita, si nervum scalpellus attigit, sequetur nervorum distentio, eaque hominem crudeliter consumit. At arteria incisa neque coit, neque sanescit: interdum etiam, ut sanguis vehementer 25 erumpat, efficit. Ipsius quoque venæ, si forte præcisa est, capita comprimuntur, neque sanguinem emittunt. At si timide scalpellus demittitur, summam cutem lacerat, neque venam incidit. Nonnunquam 30 etiam ea latet, neque facile reperitur. Ita multæ res id difficile incito faciunt, quod perito facillimum est.

Incidenda ad medium vena est. Ex qua cum sanguis erumpit, colorem ejus habi-

tumque oportet attendere. Nam si is crassus & niger est, vitiosus est; ideoque utiliter effunditur: si rubet & pellucet, integer est; eaque missio sanguinis adeo non prodest, ut etiam noceat, protinusque is suppressendus est. Sed id evenire non potest sub eo medico, qui scit ex quali corpore sanguis mittendus sit. Illud magis fieri solet, ut æque niger assidue primo die profluat. quod quamvis ita est, tamen si jam satis fluxit, suppressendus est: semperque ante finis faciendus est, quam anima deficiat.

Deligandumque brachium superimposito expresso ex aqua frigida penicillo; & postero die adverso medio digito vena frigidanda, ut recens coitus ejus resolvatur, iterumque sanguinem fundat. Sive autem primo, live secundo die sanguis, qui crassus & niger initio fluxerat, & rubere, & pellucere cœpit, satis materiæ detractum est, atque quod superest, sincerum est: ideoque protinus brachium deligandum, habendumque ita est, donec valens cicatrix sit; quæ celerrime in vena confirmatur.

25

C A P. XI.

De Sanguinis detractione per Cucurbitulas.

CUCURBITULARVM vero duo genera sunt: æneum, & corneum. Ænea, altera parte patet; altera, clausa est. Cornea, altera parte æque patens, altera foramen habet exiguum. In æneum linamen-

mentum ardens conjicitur, ac sic os ejus corpori aptatur, imprimiturque, donec inhæreat. Cornea, per se corpori imponitur; deinde, ubi ea parte, qua exiguum foramen est, ore spiritus adductus est, superque cera cavum id clausum est, æque inhærescit. Vtraque non ex his tantum materiæ generibus, sed etiam ex quolibet alio recte fit. Ac si cætera defecerunt, caliculus quoque aut pultarius, oris compressioris, ei rei commode aptatur. Vbi inhæsit, si concisa ante scalpello cutis est, sanguinem extrahit: si integra est, spiritum. Ergo ubi materia, quæ intus est, lædit, illo modo: ubi inflatio, hoc imponi solet.

Vfus autem cucurbitulæ præcipuus est, ubi non in toto corpore, sed in parte aliqua vitium est, quam exhauriri ad confirmandam valetudinem satis est. Idque ipsum testimonium est, etiam scalpello sanguinem, ubi membro succurritur, ab ea potissimum parte, quæ jam læsa est, esse mittendum: quod nemo cucurbitulam diversæ parti imponit, nisi cum profusionem sanguinis eo avertit; sed ei ipsi, quæ dolet, quæque liberanda est.

Opus esse cucurbitula potest in morbis longis (quamvis & iis jam spacium aliquod accessit) siue corrupta materia, siue spiritu male habente. In acutis quoque quibusdam, si & levare corpus debet, & ex vena sanguinem mitti, vires non patiuntur. Idque auxilium ut minus vehemens, ita magis tutum; neque unquam periculosum est.

est, etiamsi in medio febris impetu, etiamsi in cruditate adhibetur. Ideoque ubi sanguinem mitti opus est, si incisa vena præceps periculum est, aut nobili in parte corporis vitium est, etiam huc potius confugiendum est. cum eo tamen, ut sciamus, hic ut nullum periculum, ita levius præsidium esse; nec posse vehementi malo, nisi æque vehemens auxilium succurrere.

CAP. XII.

10

De Dejectione.

DEJECTIONEM autem antiqui variis medicamentis, crebraque alvi ductione in omnibus fere morbis moliebantur: dabantque aut nigrum veratrum, aut filiculam, aut squamam æris, quam *λεπίδα χαλκός* Græci vocant; aut lactucæ marinæ lac, cujus gutta pani adjecta abunde purgat; aut lac vel asininum, vel bubulum, vel caprinum, eique salis paulum adjiciebant, decoquebantque id, & sublati his, quæ coierant, quod quasi serum supererat, bibere cogeant.

Sed medicamenta stomachum fere lædunt. Ideoque omnibus catharticis aloe miscenda est. Alvus si vehementius fluit, aut sæpius ducitur, hominem infirmat. Ergo numquam in adversa valetudine medicamentum ejus rei causa recte datur, nisi ubi is morbus sine febre est. Vt cum veratrum nigrum, aut atra bile vexatis, aut cum tristitia insanientibus, aut iis, quorum nervi parte aliqua resoluti sunt, datur. At ubi

ubi febres sunt, satius est ejus rei causa cibos porionesque assumere, qui simul & alant, & ventrem molliant. Suntque valetudinis genera, quibus ex lacte purgatio convenit. :

5

2. De Alvi ductione.

Plerunque vero alvus lotionibus ducenda est. quod, ab Asclepiade quoque sic vituperatum, ut tamen servatum sit, video plerunque seculo nostro præteriri. Est autem
10 ea moderatio, quam is secutus videtur, aptissima, ut neque sæpe medicina tentetur, & tamen semel, vel summum bis, non omittatur, si caput grave est; si oculi caligant; si morbus majoris intestini est, quod
15 Græci *καλον* nominant, si in imo ventre, aut in coxa dolores sunt; si in stomachum quædam biliosa concurrunt, vel etiam pituita eo se, humorve aliquis aquæ similis confert; si spiritus difficiliter redditur; si
20 nihil per se venter excernit; utique, si juxta quoque stercus est, & intus remanet; aut si stercoris odorem nihil dejiciens æger ex spiritu suo sentit; aut si corruptum est, quod excernitur; aut si prima inedia febrem non
25 sustulit; aut si sanguinem mitti, cum opus sit, vires non patiuntur, tempusve ejus rei præterit; aut si multum ante morbum aliquis potavit; aut si is, qui sæpe, vel sponte, vel casu purgatus est, subito habet alvum
30 suppressam. Servanda vero illa sunt, ne ante diem tertium ducatur: ne ulla cruditate substantive: ne in corpore infirmo, diuque in adversa valetudine exhausto: neve in eo, cui satis alvus reddit quotidie, qui-
ve

ve eam liquidam habet: neve in ipso accessionis impetu; quia, quod tum infusum est, alvo continetur, regeſtumque in caput, multo gravius periculum efficit. Pridie vero abſtinere debet æger, ut aptus tali curationi ſit. Eodem die ante, aliquot horis, aquam calidam bibere, ut ſuperiores ejus partes madeſcant: tum immittenda in alvum eſt, ſi levi medicina contenti ſumus, pura aqua; ſi paulo valentiori, muſa; ſi leni, 10 aqua, in qua ſcœnum græcum, vel ptifana, vel malva decocta ſit: ſi reprimendi cauſa, ex verbenis. Acris autem eſt marina aqua, vel alia ſale adjecto: at utraque decocta commodior eſt. Acrior ſit, adjecto vel oleo, 15 vel nitro, vel melle quoque. Si acrior eſt, eo plus extrahit, ſed minus facile ſuſtinetur. Id quod infunditur, neque frigidum eſſe oportet, neque calidum; ne alterutro modo lædat. Cum infuſum eſt, quantum 20 fieri poteſt, continere ſe in lectulo debet æger, nec primæ cupiditati dejectionis protinus cedere: ubi neceſſe eſt, tum demum deſidere. Pereque eo modo dempta materia, ſuperioribus partibus levatis, mor- 25 bum ipſum mollit. Cum vero, quotiens res coëgit, deſidendo aliquis ſe exhauſit, pauliſper debet conquieſcere; & , ne vires deficiant, utique eo die cibum aſſumere. qui plenior, an exiguus ſit dandus, ex ra- 30 tione ejus accessionis, quæ expectabitur, aut in metu non erit, æſtimari oportebit.

CAP. XIII.

De Vomitu.

5 **A**T vomitus, ut in secunda quoque va-
letudine sæpe necessarius biliosis est;
sic etiam in his morbis, quos bilis
concitavit. Ergo omnibus, qui ante febres
horrore & tremore vexantur: omnibus, qui
cholera laborant: omnibus etiam cum qua-
10 dam hilaritate insanientibus; & comitiali
quoque morbo oppressis necessarius est.
Sed, si acutus morbus est, sicut in cholera;
si febris est, inter rigores, asperioribus me-
dicamentis opus non est; sicut in dejectio-
15 nibus quoque supra dictum est. Satisque
est, ea vomitus causa sumi, quæ sanis quo-
que sumenda esse proposui. At ubi longi-
valentesque morbi sine febre sunt, ut comi-
tialis aut insania, veratro quoque albo
20 utendum est. Id neque hieme, neque æsta-
te recte datur: optime, vere: tolerabiliter
autumno. Quisquis daturus erit, id agere
ante debet, ut accepturi corpus humidius
sit. Illud scire oportet, omne ejusmodi me-
25 dicamentum, quod potui datur, non sem-
per ægris prodesse, semper sanis nocere.

CAP. XIII.

De Frictione.

30 **D**E frictione vero & gestatione adeo
multa Asclepiades, tanquam inventor
ejus, posuit in eo volumine, quod
Communium auxiliorum inscripsit, ut,
cum trium tantum faceret mentionem,
hujus

hujus & vini & gestationis, tamen maximam partem in hoc consumpserit. Oportet autem neque recentiores viros in his fraudare, quæ vel reppererunt, vel recte secuti sunt; & tamen ea, quæ apud antiquiores aliquos posita sunt, authoribus suis reddere. Neque dubitari potest, quin latius quidem, & dilucidius, ubi & quomodo frictione utendum esset, Asclepiades præceperit; nihil tamen reperit, quod non à vetustissimo¹⁰ autore Hippocrate paucis verbis comprehensum sit: qui dixit, Frictione, si vehemens sit, durari corpus: si lenis, molliari: si multa, minui: si modica, impleri. Sequitur ergo, ut tum utendum sit, cum aut ad-¹⁵stringendum corpus sit, quod fluens est: aut molliendum, quod induruit: aut digerendum in eo, cui copia nocet: aut alendum id, quod tenue & infirmum est.

Quas tamen species, si quis curiosius²⁰ æstimet (quod jam ad medicum non pertinet) facile intelliget, omnes ex una causa pendere, quæ demit. Nam & adstringitur aliquid, eo dempto, quod interpositum, ut id laxaretur, effecerat: & molliatur, eo de-²⁵tracto, quod duritiem creabat: & impletur, non ipsa frictione, sed eo cibo, qui postea usque ad cutem, digestionem quadam relaxatam, penetrat. Diversarum vero rerum in modo causa est.

Inter unctionem autem & frictionem multum interest. Ungi enim, leniterque pertractari corpus, etiam in acutis & recentibus morbis oportet; in remissione tamen,

& ante cibum. Longa vero frictione uti, neque in acutis morbis, neque incrementibus convenit; præterquam cum phreneticis somnus ea quæritur. Amat autem hoc auxilium valetudo longa, & jam à primo impetu inclinata. Neque ignoro, quosdam dicere, omne auxilium necessarium esse incrementibus morbis, non cum jam per se finiuntur. Quod non ita se habet. Potest enim morbus, etiam qui per se finem habiturus est, citius tamen adhibito auxilio tolli, quod duabus de causis necessarium est: & ut quam primum bona valetudo contingat; & ne morbus, qui remanet, iterum, quamvis levi de causa, exasperetur. Potest enim morbus minus gravis esse, quam fuerit; neque ideo tamen solvi; sed reliquiis quibusdam inhærere, quas admodum aliquod auxilium discutiat.

20 Sed ut, levata quoque adversa valetudine, recte frictio adhibetur; sic nunquam adhibenda est febre incremente: verum, si fieri poterit, cum ex toto corpus ea vacabit; sin minus, certe cum ea remiserit. Eadem autem modo in totis corporibus esse debet, ut cum infirmus aliquis implendus: modo in partibus; aut quia ipsa ejus membri imbecillitas id requirit, aut quia alterius. Nam & capitis longos dolores ipsius

30 frictio levat; non in impetu tamen doloris: & membrum aliquod resolutum ipsius frictione confirmatur. Longe tamen sæpius aliud perfricandum est, cum aliud dolet: maximeque cum à summis, aut à mediis parti-

partibus corporis evocare materiam volumus; ideoque extremas partes perfricamus. Neque audiendi sunt, qui numero finiunt, quoties aliquis perfricandus sit. Id enim ex viribus hominis colligendum est. Ut si quis perinfirmus est, potest satis esse quinquagies: si robustior, potest ducenties esse faciendum. inter utrumque deinde, prout vires sunt. Quo fit, ut etiam minus sæpe in muliere, quam in viro: minus sæpe in puero, vel sene, quam in juvene, manus dimovendæ sint. Denique, si certa membra perfricantur, multa valentique fricatione opus est. Nam neque totum corpus infirmari cito per partem potest, & opus est, quam plurimum materiæ digeri, sive ipsum membrum, sive per id aliud levamus. At, ubi totius corporis imbecillitas hanc curationem per totum id exigit, brevior esse debet & lenior; ut tantummodo summam cutem emolliat, quo facilius capax ex recenti cibo novæ materiæ fiat. In malis jam ægrum esse testatur, ubi exterior pars corporis friget, interior cum siti calet, ut supra posui. Sed tunc quoque unicum in frictione præsidium est, quæ si calorem evocavit, potest alicui medicinæ locum facere.

CAP. XV.

De Gestatione.

30

GESTATIO quoque longis & jam inclinatis morbis aptissima est. utilisque est & his corporibus, quæ jam
ex

ex toto febre carent, sed adhuc exerceri per se non possunt; & his, quibus lentæ morborum reliquiæ remanent, neque aliter eliduntur. Asclepiades etiam in recenti, vehementique, præcipueque ardente febre, ad discutiendam eam, gestatione dixit utendum. Sed id periculose fit; meliusque in quiete ejusmodi impetus sustinetur. Si quis tamen experiri volet, sic experiatur, si
10 lingua non erit aspera, si nullus tumor, nulla durities, nullus dolor visceribus, aut capiti, aut præcordiis suberit. At ex toto, nunquam gestari corpus dolens debet, siue id in toto, siue in parte est; nisi tamen so-
15 lis nervis dolentibus; neque unquam in crescente febre, sed in remissione ejus.

Genera autem gestationis plura sunt: quæ adhibenda sunt & pro viribus cujusque, & pro opibus; ne aut imbecillum hominem nimis digerant, aut humili desint.
20 Gestationum lenissima est navi, vel in portu, vel in flumine; vel lectica, aut scamno: acrior, vehiculo: vehementior, in alto mari navi. Atque hæ ipsæ & intendi &
25 leniri possunt. Si nihil horum est, suspendi lectus debet, & moveri. Si ne id quidem est, at certe uni pedi lecti fulmentum subjiendum est, atque ita lectus huc & illuc manu impellendus. Et levia quidem ge-
30 nera exercitationis infirmis conveniunt: valentiora vero his, qui jam pluribus diebus febre liberati sunt; aut his, qui gravium morborum initia sic sentiunt, ut adhuc febre vacent (quod & in tabe, & in stomachi:

machi vitiis, & cum aqua cutem subiit, & interdum in morbo regio fit) aut ubi quidam morbi, qualis comitialis, qualis infania est, sine febre, quamvis diu, manent. In quibus affectibus ea quoque generas exercitationum necessaria sunt, quæ comprehendimus eo loco, quo, quemadmodum sani, neque firmi homines se gerere debent, præcepimus.

CAP. XVI.

10

De Abſtinentia.

ABSTINENTIAE vero duo genera sunt. Alterum, ubi nihil assumit æger: alterum, ubi non nisi quod oportet. Initia morborum primum famem, sitimque desiderant: ipsi deinde morbi, moderationem, ut neque aliud quam expedit, neque ejus ipsius nimium sumatur. neque enim convenit juxta inediam protinus satietatem esse. Quod si sanis quoque corporibus inutile est, ubi aliqua necessitas famem fecit; quanto inutilius est infirmo, nedum ægro? Neque ulla res magis adjuvat laborantem, quam tempeſtiva abſtinentia. Intemperantes homines apud nos, sibi cibi tempora, modum curantibus dant. Rurſus alii, tempora medicis pro dono remittunt, ſibiipſis modum vendicant. Liberaliter agere ſe credunt, qui cætera illorum arbitrio relinquunt; in genere cibi liberi ſunt, quaſi quærat, quid medico liceat, non quid ægro ſalutare ſit. Cui vehementer nocet, quoties in ejus, quod aſſumitur,

vel

C A P. XVII.

De Sudore.

5
SUDOR duobus modis elicitur: aut sicco calore, aut balneo. Siccus calor est, & arenæ calidæ, & laconici, & clibani, & quarundam naturalium sudationum, ubi
10 à terra profusus calidus vapor ædificio includitur, sicut super Batas in murtetis habemus. Præter hæc, sole quoque, & exercitatione is movetur. Ut iliaque hæc genera sunt, quoties humor intus nocet, isque di-
15 gerendus est. Ac nervorum quoque quædam vitia sic optime curantur. Et cætera infirmis possunt convenire: Sol, & exercitatio tantum robustioribus; qui tamen sine febre, vel initio morbi, vel etiam non
20 gravibus morbis tenentur. Cavendum autem est, ne quid horum vel in febre, vel in cruditate tentetur.

At balnei duplex usus est. Nam modo, discussis febribus, initium cibi plenioris,
25 viniq; firmioris, valetudini facit; modo febrem ipsam tollit. Fereque adhibetur, ubi summam cutem relaxari, evocarique corruptum humorem, & habitum corporis mutari expedit. Antiqui timidius eo ute-
30 bantur: Asclepiades audacius. Neque terere autem ea res, si tempestitiva est, debet: at ante tempus, nocet. Quisquis febre liberatus est, simulatque ea uno die non accessit, eo, qui proximus est post tempus accessio-

cessionis, tuto lavari potest. At si circuitum habere ea febris solita est, sic ut tertio, quartove die revértatur, quandocunque non accessit, balneum tutum est. Manentibus vero adhuc febribus, si hæ sunt lentæ, lienesque jamdiu male habent, recte medicina ista tentatur: cum eo tamen, ne præcordia dura sint, neve ea tumeant, neve lingua aspera sit, neve aut in medio corpore, aut in capite dolor ullus sit, neve tum febris increseat. Et in his quidem febribus, quæ certum circuitum habent, duo balnei tempora sunt; alterum, ante horrorem; alterum, febre finita. In his vero, qui lentis febriculis diu detinentur, cum aut ex toto recessit accessio; aut si id non solet, certe lenita est, jamque corpus tam integrum est, quam maxime esse in eo genere valetudinis solet.

Imbecillus homo, iturus in balneum, vitare debet, ne ante frigus aliquod experiatur: ubi in balneum venit, paulisper resistere, experiri que, num tempora adstringantur, & an sudor aliquis oriatur: illud si incidit, hoc non secutum est, inutile eo die balneum est: & perungendus est is leniter, & referendus, vitandumque omnimodo frigus, & abstinencia utendum. At si temporibus integris, primum ibi, deinde alibi sudor incipit, fovendum os aqua calida; tum in solio desidendum est: atque ibi quoque videndum, num sub primo contactu aquæ calidæ summa cutis inhorrescat, quod vix tamen fieri potest, si priora recte

recte accesserunt. certum autem id signum inutilis balnei est.

Ante vero , quam in aquam calidam se demittat, an postea aliquis perungi debeat, sex ratione valetudinis suæ cognoscat. Fere tamen (nisi ubi nominatim , ut postea fiat, id præcipietur) moto sudore leniter corpus perungendum ; deinde in aquam calidam demittendum est. Atque hic quoque
10 habenda virium ratio est : neque commit-
tendum , ut per æstum anima deficiat ; sed maturius is auferendus , curioseque vesti-
mentis involvendus est, ut ne ad eum fri-
gus aspiret : & ibi quoque , antequam ali-
15 quid assumat, insudet.

Fomenta quoque calida sunt , milium, sal, arena. quodlibet eorum calefactum, & in linteum coniectum ; etiam solum lin-
teum , si minore vi opus est : at si maiore ,
20 extincti titiones, involutique panniculis, & sic circumdati. Quinetiam calido oleo re-
plentur utriculi : & in vasa fictilia (quas à similitudine lenticulas vocant) aqua con-
jicitur, & sal sacco lineo excipitur , demit-
25 titurque in aquam bene calidam, tum super id membrum, quod fovendum est, colloca-
tur. Iuxtaque ignem, ferramenta duo ignita sunt , capitibus paulo latioribus : alterum ex his demittitur in siccum salem , & aqua
30 super leviter aspergitur ; ubi frigere coepit, ad ignem refertur: idem & in altero fit; de-
inde invicem in utroque : intereaque de-
scendit salsus & calidus succus, qui contra-
ctis aliquo morbo nervis opitulatur. His
omni-

omnibus commune est, digerere id, quod vel præcordia onerat, vel fauces strangulat, vel in aliquo membro nocet. Quando autem quoque utendum sit, in ipsis morborum generibus dicetur.

CAP. XVIII.

Qui cibi, potionesve, aut valentis, aut mediæ; aut imbecillæ materiæ sint.

CVM de his dictum sit, quæ detrahendo juvant: ad ea veniendum est, quæ nos alunt, id est cibum, & potionem.

Hæc autem non omnium tantum morborum, sed etiam secundæ valetudinis communia præsidia sunt. Pertinetque ad rem, omnium proprietates nosse: primum, ut sani sciant, quomodo his utantur: deinde, ut exsequentibus nobis morborum curationes, liceat species rerum, quæ assumendæ necessario erunt, subjicere: neque necesse sit subinde singulas eas nominare.

Scire igitur oportet, omnia legumina, quæque ex frumentis panificia sunt, generis valentissimi esse (valentissimum voco, in quo plurimum alimenti est:) item omne animal quadrupes domi natum; omnem grandem feram, quales sunt caprea, cervus, aper, onager; omnem grandem avem, quales sunt anser, & pavo, & grus; omnes belluas marinas, ex quibus cetus est, quæque his pares sunt: item mel, & caseum. Quominus mirum est, opus pistorium valentissimum esse, quod ex frumento, adipe, melle, caseo constat. In media vero materia,

teria numerari ex oleribus debere ea, quorum radices, vel bulbos assumimus: ex quadrupedibus, leporem: aves omnes à minimis ad phœnicopterum: item pisces omnes, qui salem non patiuntur, solide faliuntur. Imbecillissimam vero materiam esse, omne olus, & quicquid in cauliculo nascitur, qualis est cucurbita, & cucumis, & capparitis: omnia poma, oleas, cochleas, itemque conchyliis

Sed quamvis hæc ita discreta sint, tamen etiam, quæ sub eadem specie sunt, magna discrimina recipiunt; aliaque res alia vel valentior est, vel infirmior. Siquidem plus
15 alimenti est in pane, quam in ullo alio. Firmius est triticum, quam milium: id ipsum, quam hordeum: & ex tritico firmissima sili-go; deinde similia; deinde cui nihil ademptum est, quod *αὐτὸ πῦρον* Græci vocant: in-
20 firmior est, ex polline: infirmissimus, cibarius panis. Ex leguminibus vero valentior faba, vel lenticula, quam pisum. Ex oleribus valentior rapa, napique, & omnes bulbi (in quibus cepam quoque, & allium numero)
25 quam pastinaca, vel quæ specialiter radicola appellatur. Item firmior brassica, & beta, & porrum, quam lactuca, vel cucurbita, vel asparagus. At ex fructibus succulorum valentiores uvæ, ficus, nuces, palmu-
30 læ, quæque poma proprie nominantur. Atque ex his ipsis firmiora, quæ succosa, quam quæ fragilia sunt. Item ex his avibus, quæ in media specie sunt, valentiores
ex, quæ pedibus, quam quæ volatu magis

nituntur: & ex his, quæ volatu fidunt, firmiores sunt grandiores aves, quam minutæ, ut ficedula & turdus. Atque eæ quoque, quæ in aqua degunt, levio-rem cibum præstant, quam quæ natandi scientiam non habent. Inter domesticas vero quadrupedes, levissima suilla est; gravissima, bubula. Itemque ex feris, quo majus quodque animal, eo robustior ex eo cibus est. Pisciumque eorum, qui ex media materia sunt, quamvis maxime utimur, tamen gravissimi sunt: tum ex quibus salsamenta quoque fieri possunt, qualis lacertus est; deinde hi, qui, quamvis teneriores, tamen duri sunt, ut aurata, corvus, sparus, oculata; tum plani: post quos etiam leviores sunt, lupi, mulque; & post hos, omnes saxatiles.

Neque vero in generibus rerum tantummodo discrimen est, sed etiam in ipsis: quod & ætate fit, & membro, & solo, & coelo, & habitu. Nam quadrupes vel omne animal si lactens est, minus alimenti præstat: itemque quo tenerior pullus cohortalis est. In piscibus quoque media ætas, quæ nondum summam magnitudinem implevit. Deinde ex eodem suc, ungulæ, rostrum, aures, cerebellum. Ex agno, hœdove, cum petiolis totum caput aliquanto, quam cætera membra, leviora sunt; adeo ut in media materia poni possint. Ex avibus, colla, alæ recte infirmissimis annumerantur. Quod ad solum vero pertinet, frumentum quoque valentius est collinum, quam

quam campestre. Levior piscis inter saxa editus, quam in arena; levior in arena, quam in limo. Quo fit, ut ex stagno, vel lacu, vel flumine eadem genera graviora sint. Leviorque, qui in alto, quam qui in vado vivit. Omne etiam ferum animal domestico levius; & quodcumque humido cœlo, quam quod sicco natum est. Deinde eadem omnia pingua, quam macra; recentia, quam salsa; nova, quam vetusta, plus alimenti habent. Tum res eadem magis alit jurulenta, quam assa; magis assa, quam frixa. Ovum durum valentissimæ materiæ est; molle, vel sorbibile; imbecillissimæ. Cumque panificia omnia firmissima sint, elota tamen quædam genera frumenti, ut alica, oryza, ptisana, vel ex iisdem facta sorbitio, vel pulticula, & aqua quoque mandens panis, imbecillissimis annumerari potest.

Ex potionibus vero, quæcunque ex frumento facta est, itemque lac, mulsum, defrutum, passum, vinum aut dulce, aut vehemens, aut mustum, aut magnæ vetustatis, valentissimi generis est. At acetum, & id vinum quod paucorum annorum, vel austerrum, vel pingue est, in media materia est. ideoque infirmis nunquã ejus generis dari debet. Aqua omnium imbecillissima est. Firmiorque ex frumento potio est, quo firmitus fuit ipsum frumentum: firmior ex eo vino, quod bono solo, quam quod tenui; quodque temperato cœlo, quã quod aut nimis humido, aut nimis sicco, nimiumque aut frigido;

aut calido natum est. Mulsum, quo plus mellis habet; defrutum, quo magis decoctum; passum, quo ex sicciore uva est, eo valentius est. Aqua levissima pluvialis est; deinde fontana, tum ex flumine, tum ex puteo; posthæc ex nive; aut glacie; gravior his, ex lacu; gravissima, ex palude. Facilis etiam, & necessaria cognitio est naturam ejus requirentibus. Nam levis, pondere apparet; & ex his, quæ pondere pares sunt, eo melior quæque est, quo celerius & calefit & frigescit; quoque celerius ex ea legumina percoquantur.

Fere vero sequitur, ut, quo valentior quæque materia est, eo minus facile concoquatur; sed si concocta est, plus alat. Itaque utendum est materiæ genere pro viribus; modusque omnibus pro genere sumendus. Ergo imbecillis hominibus, rebus infirmis opus est: mediocriter firmos, media materia optime sustinet: & robustis apta validissima est. Plus deinde aliquis assumere ex levioribus potest: in his magis, quæ valentissima sunt, temperare sibi debet.

CAP. XIX.

25

Quæ natura ac proprietas cuiusque rei sit, qua vescimur.

NE QUÆ hæc sola discrimina sunt; sed etiam aliæ res boni succi, aliæ mali sunt; quæ *ἰσχυρὰ*, & *ἡκρόχυνα* Græci vocant: aliæ lenes, aliæ acres: aliæ crassiorem pituitam in nobis faciunt, aliæ tenuiorem: aliæ idoneæ sunt stomacho, aliæ

aliæ alienæ : Itemque aliæ inflant , aliæ ab hoc absunt : aliæ calefaciunt , aliæ refrigerant : aliæ facile in stomacho accescunt , aliæ non facile intus corrumpuntur : aliæ movent alvum , aliæ supprimunt : aliæ citant urinam , aliæ tardant : quædam somnum movent , quædam sensus excitant. Quæ omnia ideo noscenda sunt , quoniam aliud alii , vel corpori , vel valetudini , convenit.

10

C A P. XX.

De his, quæ boni succi sunt.

BONI succi sunt, triticum , filigo, alica,
 15 Boryza, amyllum, tragus, ptisana, lac,
 calcæus mollis, omnis venatio, omnes
 aves, quæ ex media materia sunt : ex majoribus quoque hæ, quas supra nominavimus : medii inter teneros durosque pisces, ut mullus, & lupus : olera, lactuca, urtica,
 20 malva, cucumis, cucurbita, portulaca, cochleæ, palmulæ : ex pomis quodcumque neque acerbum, neque acidum est : vinum dulce, vel lene, passum, defrutum, oleæ, quæve ex his duobus in alterutro servatæ
 25 sunt : vulvæ, rostra, trunculique suum, omnis pinguis caro, omnis glutinosa, omne jecur, ovum forbile.

C A P. XXI.

De his, quæ mali succi sunt.

30

MALI vero succi sunt, milium, panicum, hordeum, legumina, caro domestica permacra, omnisque caro
 falsa, omne salîamentum, garum, vetus caseus,

seus, sifer, radícula, rapa; napi, bulbi, brassica, magisque etiam cyma ejus, asparagus, beta, cucumis, porrum, eruca, nasturtium, thymum, nepeta, satureia, hyssopum, ruta, anethum, feniculum, cuminum, anisum, lapathum, sinapi, allium, cepa, lienes, renes, intestina, pomum quodcumque acidum vel acerbum est, acetum, omnia acria, acida, acerba, oleum, pisces quoque saxatiles, omnesque, qui ex tenerrimo genere sunt, aut hi, qui rursus nimium durivrosique sunt, ut fere quos stagna, lacus, limosive rivi ferunt, quive in nimiam magnitudinem excesserunt.

CAP. XXII.

15

Quæ res lenes, quæve acres sint.

LENES autem sunt, sorbitio, pulticula, laganum, amyllum, ptisana, pinguis caro, & quæcunque glutinosa est. quod fere quidem in omni, quæ domestica, fit, præcipue tamen in ungulis, trunculisque suum, in petiolis capitulisque hœdorum & vitulorum & agnorum, omnibusque cerebellis. Item lac, & quæ proprie dulcia nominantur, defrutum, passum; nuclei pinei. Acria sunt, omnia nimis austera, omnia acida, omnia salsa; & mel quidem, quo melius est, eo magis. Item allium, cepa, eruca, ruta, nasturtium, cucumis, beta, brassica, asparagus, sinapi, radícula, intubus, ocimum, lactuca, maximaque olerum pars.

C A P. XXIII.

*De his, quæ crassiores, quæve tenuiores
pituitam faciunt.*

5 **C**RASSIOREM autem pituitam faciunt,
ova forbilia, alica, oryza, amyllum,
ptisana, lac, bulbi, omniaque fere
glutinosa. Extenuant eandem, omnia salsa,
atque acria, & acida.

10

C A P. XXIV.

De his, quæ stomacho idonea sunt.

15 **S**TOMACHO autem apta sunt, quæcunque
austera sunt, & quæ acida, quæque con-
tacta sale modico sunt. Item panis sine
fermento, & elota alica, vel oryza, vel pti-
fana; omnis avis, omnis venatio; atque
utraque vel affa, vel elixa: ex domesticis
animalibus bubula: si quid ex cæteris sumi-
20 tur, macrum potius, quam pingue: ex sue,
ungulæ, rostra, aures, vulvæque steriles:
ex oleribus, intuba, lactuca, pastinaca, cu-
curbita elixa, fiser: ex pomis, cerasum,
morum, sorbum, pirum fragile, quale cru-
25 stuminum vel nævianum est: item pira,
quæ ponuntur, tarentina, atque signina;
malum orbiculatum, aut scandianum, vel
amerinum, vel cotoneum, vel punicum,
apsinthium, muricēs, purpuræ, cochleæ,
30 uuvæ ex olla, molle ovum, palmulæ, nuclei
pinei, oleæ albæ ex dura muria, eadem ace-
to intinctæ, vel nigræ, quæ in arbore bene
permaturuerunt, vel quæ in passo, defruto-
ve servatæ sunt: vinum austerum, licet

jam asperum sit, item resinaturn: duri ex media materia pisces, ostrea, pectines, murices, purpuræ, cochleæ: cibi, potionefque frigida, vel fervida.

CAP. XXV.

Quæ res alienæ stomacho sint.

AL IENA vero stomacho sunt, omnia tepida, omnia falsa, omnia jurulenta, omnia prædulcia, omnia pingua, 10 sorbitio, panis fermentatus, idemque vel ex milio, vel ex hordeo, oleum, radices olerum & quodcunque olus ex oleo garove estur, mel, mulsurn, defruturn, passurn, lac, omnis caseus, uva recens, ficus & viridis 15 & arida, legumina omnia, quæque inflare consueverunt: item thymurn, nepeta, satureia, hyssopurn, nasturtium, lapathurn, lampfana, juglandes. Ex his autem intelligi potest, non, quicquid boni succi est, pro- 20 tinus stomacho convenire; neque quicquid stomacho convenit, protinus boni succi esse.

CAP. XXVI.

De his, quæ inflant.

25

INFLANT autem, omnia fere legumina, omnia pingua, omnia prædulcia, omnia jurulenta, musturn, atque etiam id vinurn, cui nihil adhuc ætatis accessit: ex 30 oleribus, allium, cepa, brassica, omnesque radices, excepto sisere & pastinaca, bulbi, ficus etiam arida, sed magis virides, uva recentes, nuces omnes, exceptis nucleis pineis,

pineis, lac, omnisque caseus, quicquid denique suberudum aliquis assumpsit.

De his, quæ minime inflant.

Minima inflatio fit ex venatione, aucupio, piscibus, pomis, oleis, conchiliis, ovis vel mollibus vel forbilibus, vino vetere. Feniculum vero, & anethum, inflationes etiam levaut.

C A P. XXVII.

10

De his, quæ calefaciunt, aut refrigerant.

AT calefaciunt, piper, sal, caro omnis jurulenta, allium, cepa, ficus arida, balsamentum, vinum, & quo meracius est, eo magis.

Refrigerant, olera, quorum crudi caules assumuntur, ut intubus, & lactuca: itemque coriandrum, cucumis, elixa cucurbita, beta, mora, cerasa, mala austera, pira-
20 fragilia, caro elixa, præcipueque acetum, siue cibus ex eo, siue potio assumitur.

C A P. XXVIII.

De his, quæ intus facile corrumpuntur.

25 **F**ACILE autem intus corrumpuntur, panis fermentatus, & quisquis alius quam ex tritico est, & omne pistorium opus, lac, mel; itemque lactentia atque teneri pisces, ostrea, olera, caseus & recens & vetus,
30 crassa vel tenera caro, vinum dulce, mulsum, defrutum; passum; quicquid denique vel jurulentum est, vel nimis dulce, vel nimis tenue.

De his, quæ intus minime vitiantur.

At minime intus vitiantur, panis sine fermento, aves, & eæ potius duriores, duri pisces, neque solum aurata puta, aut scarus, sed etiam loligo, locusta, polypus: item bubula, omnisque dura caro; eademque aptior est, si macra, si falsa est; omniaque falsamenta: cochleæ, murices, purpuræ: vinum austerum, vel refinatum.

C A P. XXIX.

10

De his, quæ alvum movent.

At alvum movent, panis fermentatus, magisque si cibarius vel hordeaceus est; brassica, si subcruda est, 15 lactuca, anethum, nasturtium, ocimum, urtica, portulaca, radícula, capparis, allium, cepa, malva, lapathum, beta, asparagus, cucurbita, cerasa, mora, poma omnia mitia, ficus etiam arida, sed magis viridis, uvæ 20 recentes pingues, minutæ aves, cochleæ, garum, falsamentum, ostrea, pelorides, echini, musculi, & omnes fere conchulæ, maximeque jus earum; saxatiles, & omnes teneri pisces, sepiarum atramentum; si 25 qua caro assumitur pinguis, eadem vel jurulenta, vel elixa; aves, quæ natant; mel crudum, lac, lactentia omnia, mulsum, vinum dulce vel salsum, aqua, omnia tenera, tepida, dulcia, pingua, elixa, jurulenta, 30 falsa, diluta.

C A P. XXX.

De his, quæ alvum adstringunt.

5 **C**ONTRA adstringunt, panis ex filigine,
vel ex simila; magis, si sine fermento est; magis etiam si tostus est; intenditurque vis ejus etiam, si bis coquitur: pulicula vel ex alica, vel ex panico, vel ex milio; itemque ex iisdem sorbitio; & maioris, si hæc ante fricta sunt: lenticula, cui vel beta, vel intubus, vel ambuleia, vel plantago adjecta est; magisque etiam, si illa ante fricta est: per se etiam intubus, vel ex plantagine, vel ambubeia fricta; minuta
15 olera, brassica bis decocta; dura ova; magisque, si assa sunt: minutæ aves, merula, palumbes; magisque, si in posca decocta est: grus, omnesque aves, quæ magis currunt, quam volant; lepus, caprea; jecur ex his,
20 quæ sebum habent, maximeque bubulum, ac sebum ipsum: caseus, qui vehementior vetustate fit, vel ea mutatione, quam in eo transmarino videmus; aut si recens est, ex melle, mulsove decoctus: item mel co-
25 ctum, pira immatura, sorba, magisque ea, quæ torminalia vocantur, mala cotonea, & punica, oleæ vel albæ vel præmaturæ, myrta, palmulæ, purpuræ, murices, vinum resinatum vel asperum, item meracum,
30 acetum; mulsuni quod inferbuit, asperum item defrutum, passum, aqua vel tepida vel præfrigida, dura, id est, ea quæ tarde putrescit, ideoque pluvialis potissimum, omnia dura, macra, austera, aspe-
ra,

708 A. CORN. CELSI *Lib. 2.*
ra, tosta, & in eadem carne, assa potius,
quam elixa.

C A P. XXXI.

De his, quæ urinam movent.

5

VRINAM autem movent, quæcunque
in horto nascentia boni odoris sunt,
ut apium, ruta, anethum, ocimum,
mentha, hyssopum, anisum, coriandrum,
nasturtium, eruca, feniculum. præter hæc, 10
asparagus, capparis, nepeta, thymum, satu-
reia, lampfana, pastinaca, magisque agre-
stis, radícula, siser, cepa. Ex venatione,
maxime lepus, vinum tenue, piper & ro-
tundum & longum, sinapi, apsinthium, 15
nuclei pinei.

C A P. XXXII.

De his, quæ ad somnum apta sunt.

SOMNO vero aptum est papaver, lactu- 20
ca, maximeque æstiva, cujus caulicu-
lus jam lacte repletus est; morum, por-
rum.

De his, quæ sensum excitant.

Sensus vero excitant, nepeta, thymum, 25
satureia, hyssopum, præcipueque pule-
gium, ruta, & cepa.

C A P. XXXIII.

De his, quæ materiam evocant.

30

EVOCARE vero materiam multa admo-
dum possunt: sed ea cum ex peregrin-
nis medicamentis maxime consistant,
aliisque magis, quam quibus ratione victus
succurri-

fuccurritur, opitulentur, in præsentia differam: ponam vero ea, quæ prompta, & his morbis, de quibus protinus dicturus sum, apta, corpus erodunt, & sic ex eo, quicquid mali est, extrahunt. Habent autem hanc facultatem, semina erucæ, nasturtii, radiculae; præcipue tamen omnium, sinapis. Salis quoque & fici eadem vis est.

10

De his, quæ reprimunt.

Leniter vero simul & reprimunt & molliunt, lana succida, ex aceto vel vino, cui oleum adjectum est; contritæ palmulae, furfures in salsa aqua vel aceto decocti.

15

At simul reprimunt & refrigerant, herba muralis (parthenium vel perdicionem appellant) serpillum, pulegium, ocimum, herba sanguinalis (quam Græci *πυλὴγοῖον* vocant) portulaca, papaveris folia, capreo-

20

lique vitium, coriandri folia, hyoscyamum, muscus, fiser, apium, solanum (quam *σπύχρον* Græci vocant) brassicæ folia, intubus, plantago, feniculi semen, contrita pira vel mala, præcipueque cotonea, lenticula,

25

aqua frigida, maximeque pluvialis, vinum, acetum, & ex horum aliquo madens vel panis, vel farina, vel spongia, vel lacinia, vel lana succida, vel etiam linteolum, creta cimolia, gypsum, melinum,

30

myrteum, rosa, acerbum oleum, verbenarum contusa cum teneris caulibus folia; cujus generis sunt olea, cupressus, myrtus, lentiscus, tamarix, ligustrum, rosa, rubus, laurus, hедера, punicum malum.

Sine

Sine frigore autem reprimunt, cocta cotonea, malicorium, aqua calida, in qua verbenæ coctæ sunt, quas supra proposui, pulvis vel ex fece vini, vel ex myrti foliis, amaræ nuces. 5

De his, quæ calefaciunt.

Calefacit vero, ex qualibet farina cataplasma, sive ex tritici, sive ex farris, sive hordei, sive ervi, vel lolii, vel milii, vel panici, vel lenticulæ, vel fabæ, vel lupini, 10 vel lini, vel fœni græci, ubi ea deferbuit, calidaque imposita est. Valentior tamen ad id omnis farina est ex mulso, quam ex aqua cocta. Præterea cyprinum, irinum, medulla, adeps ex fele juncta oleo, 15 gisque, si vetus est, sal, nitrum, git, piper, quinquefolium.

De his, quæ durant, aut emolliunt.

Fereque, quæ vehementer & reprimunt & refrigerant, durant: quæ autem calefaciunt & digerunt, ea emolliunt: præcipueque ad emolliendum potest cataplasma ex lini vel fœni græci semine.

His autem omnibus, & simplicibus, & permixtis, varie medici utuntur, ut magis, 25 quid quisque persuaserit sibi, appareat, quam quid evidenter compererit.

LIBER TERTIVS.

CAP. I.

5

De morborum generibus.

10



REVISIS omnibus, quæ perti-
nent ad universa genera mor-
borum, ad singulorum curatio-
nes veniam. Hos autem in duas
species Græci diviserunt, aliosque ex his
acutos, alios longos esse dixerunt. Ideo-
que, quoniam non semper eodem modo
respondebant, eosdem alii inter acutos, alii
15 inter longos retulerunt. Ex quo, plura eo-
rum genera esse, manifestum est. Quidam
enim breves acutique sunt, qui cito vel tol-
lunt hominem, vel ipsi cito finiuntur. Qui-
dam longi, sub quibus neque sanitas in pro-
20 pinquo, neque exitium est. Tertiumque
genus eorum est, qui modo acuti, modo
longi sunt, idque non in febribus tantum-
modo, in quibus frequentissimum est; sed
in aliis quoque fit. Atque etiam, præter hos,
25 quartum est; quod neque acutum dici po-
test, quia non perimit; neque utique lon-
gum, quia, si occurritur, facile sanatur.
Ego, cum de singulis dicam, cujus quisque
generis sit, indicabo.

30

Dividam autem omnes in eos, qui in to-
tis corporibus consistere videntur, & eos,
qui oriuntur in partibus. Incipiam à prio-
ribus, pauca de omnibus præfatus. In nul-
lo quidem morbo plus fortuna sibi vendi-
care

care quam ars : ars , quam natura , potest ; utpote cum , repugnante natura , nihil medicina proficiat. Magis tamen ignoscendum medico est parum , proficienti in acutis morbis , quam in longis. Hic enim breve 5 spacium est , intra quod , si quod auxilium non profuit , æger extinguitur : ibi & deliberationi , & mutationi remediorum tempus patet ; adeo ut raro , si inter initia medicus accessit , obsequens æger sine illius 10 vitio pereat. Longus tamen morbus cum penitus insedit , quod ad difficultatem pertinet , acuto par est. Et acutus quidem , quo vetustior ; est longus autem , quo recentior , eo facilius curatur. 15

Alterum illud ignorari non oportet , quod non omnibus ægris eadem auxilia conveniunt. Ex quo incidit , ut alia atque alia summi authores , quasi sola , venditaverint , prout cuique cesserant. Opor- 20 tet itaque , ubi aliquid non respondit , non tanti putare authorem , quanti ægrum , & experiri aliud atque aliud. Sic tamen , ut in acutis morbis cito mutetur , quod nihil prodest : in longis , quos tempus , ut facit , sic 25 etiam solvit , non statim condemnetur , si quid non statim profuit : minus vero removeatur , si quid paulum saltem juvat ; quia profectus tempore expletur. 30

C A P. I I.

*Quomodo morbi cognoscantur, & an incre-
scant, an minuantur; & qua ratione
ab initio, qui languere incipit,
curari debeat.*

PROTINVS autem inter initia scire faci-
le est, quis acutus morbus, quis lon-
gus sit: non in his solum, in quibus
semper ita se habet; sed in his quoque, in
quibus variat. Nam ubi sine intermissioni-
bus accessiones & dolores graves urgent,
acutus morbus est. Vbi lenti dolores, lentæ-
ve febres sunt, & spatia inter accessiones
porriguntur, acceduntque ea signa, quæ in
priori volumine exposita sunt, longum
hunc futurum esse, manifestum est.

Videndum etiam est, morbus an incre-
scat, an consistat, an minuatur: quia quæ-
dam remedia incrementibus morbis, plura
inclinatis conveniunt. Eaque, quæ crescen-
tibus apta sunt, ubi acutus incrementum ur-
get, in remissionibus potius experienda
sunt. Incrementum autem morbus, dum gra-
viores dolores, accessionesque veniunt;
hæque & ante, quam proximæ, revertun-
tur, & postea desinunt. Atque in longis
quoque morbis, etiam tales notas non ha-
bentibus, scire licet, incrementum, si somnus
incertus est, si deterior concoctio, si foeti-
diores dejectiones, si tardior sensus, si pi-
grior mens, si percurrit corpus frigus aut
calor, si id magis pallet. Ea vero, quæ
contraria his sunt, decedentis ejus notæ
sunt.

Præ-

Præter hæc, in acutis morbis serius æger alendus est, nec nisi jam inclinatis; ut inedia, dempta materia, impetum frangat. In longis maturius, ut sustinere spatium affecturi mali possit. At, si quando is non in toto corpore, sed in parte est; magis tamen ad rem pertinet, vim totius corporis moliri, quam partis; cum per eam partes ægræ sanentur. Multum etiam interest, ab initio quis recte curatus sit, an perperam; quia curatio minus his prodest, in quibus assidue frustra fuit. Si quis temere habitus, adhuc integris viribus vivit, admota curatione momento restituitur.

Sed cum ab his cœperim, quæ notas quasdam futuræ adversæ valetudinis exhibent, curationum quoque principium ab animadversione ejusdem temporis faciam. Igitur, si quid ex his, quæ proposita sunt, incidit, omnium optima sunt, quies & abstinentia: si quid bibendum, aqua; idque interdum uno die fieri satis est; interdum, si terrentia manent, biduo: proximeque abstinentiam sumendus est cibus exiguus, bibenda aqua, postero die etiam vinum, deinde invicem alternis diebus, modo aqua, modo vinum, donec omnis causa metus finiatur. per hæc enim sæpe instans gravis morbus discutitur. Plurimique falluntur, dum se primo die protinus subluros languorem, aut exercitatione, aut balneo, aut coacta dejectione, aut vomitu, aut sudationibus, aut vino sperant. non quod non interdum id incidat.

dat, aut non decipiat, sed quod sæpius fallat; solaque abstinencia sine ullo periculo medeatur. Cum præsertim etiam pro modo terroris moderari liceat: & si leviora iudicia fuerunt, satis sit à vino tantum abstinere; quod subtractum plus, quam si cibo aliquid dematur, adjuvat: si paulo graviora, satis sit, non aquam tantum bibere, sed etiam cibo carnem subtrahere: interdum panis quoque minus, quam pro consuetudine assumere, humidoque cibo esse contentum, & olere potissimum. Satisque sit, tum ex toto à cibo, à vino, ab omni motu corporis abstinere, cum vehementes notæ terruerunt. Neque dubium est, quin vix quisquam, qui non dissimulavit, sed per hæc mature morbo occurrit, ægrotet.

C A P. I I I.

De Februm generibus.

20

ATQVE hæc quidem sanis facienda sunt, tantum causam metuentibus. sequitur vero curatio februm; quod & in toto corpore, & vulgare maxime morbi genus est. Ex his una quotidiana, altera tertiana, altera quartana est. Interdum etiam longiore circuitu quædam redeunt, sed id raro evenit. In prioribus, & morbi sunt, & medicina.

30 Ac quartanæ quidem simpliciores sunt. Incipiunt fere ab horrore; deinde calor erumpit; finitaque febre biduum integrum est. ita quarto die revertitur.

Tertianarum, vero duo genera sunt. Alterum.

terum eodem modo, quo quartana, & incipiens, & definens; illo tantum interposito discrimine, quod unum diem præstat integrum, tertio redit. Alterum longe perniciosius, quod tertio quidem die revertitur, ex octo autem & quadraginta horis fere sex & triginta per accessionem occupat (interdum etiam vel minus, vel plus) neque ex toto in remissione desistit; sed tantum levius est. Id genus plerique medicorum *intermittens* appellant.

Quotidianæ vero variæ sunt, & multiplices. Aliæ enim protinus à calore incipiunt, aliæ à frigore, aliæ ab horrore. Frigus voco, ubi extremæ partes membrorum inalgescunt: horrorem, ubi totum corpus intremit. Rursus aliæ sic definunt, ut ex toto sequatur integritas: aliæ sic, ut aliquantum quidem minuatur ex febre, nihilominus tamen quædam reliquiæ remaneant, donec altera accessio accedat: ac sæpe aliæ vix quicquam aut nihil remittunt, sed ita, ut cœpere, continuant. Deinde, aliæ fervorem ingentem habent, aliæ tolerabilem: aliæ quotidie pares sunt, aliæ impares; atque invicem altero die leniores, altero vehementiores: aliæ tempore eodem postridie revertuntur, aliæ vel ferius vel celerius: aliæ diem noctemque accessione & decessione implent; aliæ minus, aliæ plus: aliæ, cum decedunt, sudorem movent, aliæ non movent; atque aliàs per sudorem ad integritatem venit, aliàs corpus tantum imbecillius redditur. Accessio-

cessiones etiam, modo singulæ singulis diebus fiunt, modo binæ pluresve concurrunt. Ex quo sæpe evenit, ut quotidie plures accessiones remissionesque sint; sic tamen, ut unaquæque alicui priori respondeat.

Interdum uero accessiones quoque confunduntur, sic ut notari neque tempora earum, neque spatia possint. Neque verum roest, quod dicitur à quibusdam, nullam febrem inordinatam esse, nisi aut ex vomica, aut ex inflammatione, aut ex ulcere. Facilius enim semper curatio foret, si hoc verum esset. nam, quod evidentes causæ faciunt, facere etiam abditæ possunt. Neque de re, sed de verbo controversiam movent, qui cum aliter aliterque in eodem morbo febres accedunt, non easdem inordinate redire, sed alias aliasque subinde oriri dicunt. Quod tamen ad curandi rationem nihil pertineret, etiamsi vere diceretur. Tempora quoque remissionum modo liberalia, modo vix ulla sunt.

C A P. I V.

25

De Curationum diversis generibus.

ET febrium quidem ratio maxime talis est. Curationum vero diversa genera sunt, prout authores aliquos habent. Asclepiades officium esse medici dicit, ut tuto, ut celeriter, ut jucunde curet. Id votum est: sed fere periculosa esse nimia & festinatio & voluptas solet. Quæ vero moderatione utendum sit, ut quantum

tum fieri potest, omnia ista contingant, prima semper habita salute, in ipsis partibus curationum considerandum erit.

Et ante omnia quæritur, primis diebus æger qua ratione continendus sit. Antiqui, *s* medicamentis quibusdam datis, concoctionem moliebantur; eo quod cruditatem maxime horrebant: deinde eam materiam, quæ lædere videbatur, ducendo sæpius alvum subtrahebant. Asclepiades medica-*10* menta sustulit; alvum non toties, sed fere tamen in omni morbo, subduxit. Febre vero ipsa præcipue se ad remedium uti professus est. Convellendas etiam vires ægri putavit, luce, vigilia, siti ingenti; sic, ut *15* ne os quidem primis diebus elui sineret. Quo magis falluntur, qui per omnia jucundam ejus disciplinam esse concipiunt. Etenim ulterioribus quidem diebus cubantis etiam luxuriæ subscripsit, primis *20* vero tortoris vicem exhibuit.

Ego autem, medicamentorum dari portiones, & alvum duci non nisi raro debere, concedo. Et id non ideo tamen agendum, ut ægri vires convellantur, existimo: quo-*25* niam ex imbecillitate summum periculum est. Minui ergo tantum materiam superantem oportet; quæ naturaliter digeritur, ubi nihil novi accedit. Itaque abstinendus à cibo primis diebus est, & in luce habendus *30* æger (nisi infirmus) interdiu, quoniam corpus ista quoque digerit; isque cubare quam maximo conclavi debet.

Quod ad sitim vero somnumque pertinet,

net, moderandum est, ut interdiu vigilet; noctu, si fieri potest, conquiescat: ac neque potet, neque nimium siti crucietur. Os etiam ejus elui potest, ubi & siccum est, & ipsi foetet. quamvis id tempus aptum potioni non est. Commodeque Erasistratus dixit, sæpe, interiore parte humorem non requirente, os & fauces requirere; neque ad rem, male haberi ægrum, pertinere. Ac primo quidem sic tenendus est.

Optimum vero medicamentum est, opportune cibus datus. qui quando primum dari debeat, quæritur. Plerique ex antiquis tarde dabant, sæpe quinto die, sæpe sexto. & id fortasse vel in Asia, vel in Aegypto, cœli ratio patitur. Asclepiades, ubi ægrum triduo per omnia fatigaverat, quartum die cibo destinabat. At Themison nuper, non, quando cœpisset febris, sed quando desisset, aut certe levata esset, considerabat, & ab illo tempore expectato die tertio, si non accesserat febris, statim: si accesserat, ubi ea vel desierat; vel, si assidue inhærebat, si certe se inclinaverat, cibum dabat.

Nihil autem horum utique perpetuum est. Nam potest primo die primus cibus dandus esse; potest secundo, potest tertio, potest non nisi quarto, aut quinto; potest post unam accessionem, potest post duas, potest post plures. Refert enim, qualis morbus sit, quale corpus, quale cœlum, quæ ætas, quod tempus anni. Minimeque, in rebus multum inter se differentibus, perpetuum esse præceptum temporis potest. In morbo,

bo, qui plus virium aufert, celerius cibus dandus est : itemque eo cœlo, quo magis digerit. Ob quam causam in Aphrica nullo die æger abstinere recte videtur. Maturius etiam puero, quam juveni : æstate, quam hieme, dari debet. Vnum illud, & semper, & ubique servandum est, ut ægri vires subinde affidens medicus inspiciat, & quamdiu supererunt, abstinentia pugnet; si imbecillitatem vereri cœperit, cibo subveniat. Id enim ejus officium est, ut ægrum, neque supervacua materia oneret, neque imbecilliozem fame perdat. Idque apud Erasistratum quoque invenio : qui, quamvis parum docuit, quando venter, quando corpus ipsum exinaniretur, dicendo tamen, hæc esse videnda, & tum cibum dandum, cum corpori deberetur : satis ostendit, dum vires superessent, dari non oportere; ne deficerent, consulendum esse. 10

Ex his autem intelligi potest, ab uno medico multos non posse curari : eumque, si artifex est, idoneum esse, qui non multum ab ægro recedit. Sed, qui quæstui serviunt, quoniam is major ex populo est, libenter amplectuntur ea præcepta, quæ sedulitatem non exigunt; ut hac ipsa re. Facile est enim dies vel accessiones numerare his quoque, qui ægrum raro vident: ille affideat necesse est, qui, quod solum opus est, visurus est, quando nimis imbecillus futurus sit, nisi cibum acceperit. In pluribus tamen ad initium cibi dies quartus aptissimus esse consuevit.

Est

Est autem alia etiam de diebus ipsis dubitatio, quoniam antiqui potissimum impares sequebantur, eosque, tanquam tunc de ægris judicaretur, *κρίσιμους* nominabant. Hi serant dies tertius, quintus, septimus, nonus, undecimus, quartusdecimus, unus & vigesimus; ita ut summa potentia septimo, deinde quartodecimo, deinde uni & vigesimo daretur. Igitur sic ægros nutriebant, 10 ut dierum imparium accessiones expectarent. deinde postea cibum, quasi levioribus accessionibus instantibus, darent: adeo ut Hippocrates, si alio die febris defuisset, recidivam timere sit solitus.

15 Id Asclepiades jure ut vanum repudiavit; neque in ullo die, quia par imparve esset, ægris vel majus vel minus periculum esse dixit. Interdum enim peiores dies pares fiunt; & opportunius post febrium 20 accessiones cibum datur. Nonnumquam etiam in ipso morbo, dierum ratio mutatur; fitque gravior, qui remissior esse consueverat. Atque ipse quartusdecimus par est, in quo esse magnam vim antiqui fatebantur.

25 Qui cum octavum primi naturam habere contenderent, ut ab eo secundus septenarius inciperet, ipsi sibi repugnabant, non octavum, neque decimum, neque duodecimum diem sumendo, quasi potentio- 30 rem: plus enim tribuebant nono, & undecimo.

Quod cum fecissent sine ulla probabili ratione, ab undecimo, non ad tertiumdecimum, sed ad quartumdecimum transibant. Est etiam apud Hippocratem, ei, quem sep-

timus dies liberaturus sit, quartum esse gravissimum. Ita, illo quoque authore, in die pari & gravior febris esse potest, & certa futuri nota. Atque idem alio loco quartum quemque diem, ut in utrunque efficacissimum apprehendit; id est, quartum, septimum, undecimum, quartumdecimum, decimumseptimum. in quo ab impari ad paris rationem transit. Et ne in hoc quidem propositum conservavit: cum à septimo die undecimus, non quartus, sed quintus sit. Adeo apparet, quacumque ratione ad numerum respexerimus, nihil rationis, sub illo quidem authore, reperiri. Verum in his quidem antiquos tunc celebres admodum Pythagorici numeri fefellerunt: cum hic quoque medicus non numerare dies debeat, sed ipsas accessiones intueri; & ex his conjectare, quando dandus cibus sit.

20

Illud autem magis ad rem pertinet, scire, cibumne oporteat dari, cum jam bene venæ conquieverunt, aut etiamnum manentibus reliquiis febris. Antiqui enim quam integerrimis corporibus alimentum offerebant. Aesclepiades, inclinata quidem febre, sed adhuc tamen inhaerente. In quo vanam rationem secutus est: non quod non sit interdum maturius cibus dandus, si maturetimetur altera accessio: sed quod scilicet non nisi quam sanissimo dari debeat. minus enim corrumpitur, quod integro corpori infertur. Neque tamen verum est, quod Themisoni videbatur, si duabus ho-

ris

ris integer futurus esset æger, satius esse
 tunc dare; ut ab integro corpore potissi-
 mum diduceretur. Nam si diduci tam ce-
 leriter posset, id esset optimum. Sed cum
 hoc breve tempus non præstet, satius est,
 principia cibi à decedente febre, quam
 reliquias ab incipiente excipi. Ita, si lon-
 gius tempus secuturum est, quam integer-
 rimo dandus est: si etiam breve, antequam
 10 ex toto integer fiat. Quo loco vero inte-
 gritas est, eodem est remissio, quæ maxi-
 me in febre continua potest esse. At hoc
 quoque quæritur, utrum tot horæ expe-
 ctandæ sint, quot febrem habuerunt: an
 15 satis sit, primam partem earum præteriri,
 ut ægris jucundius insidat, quibus inter-
 dum non vacat. Tutissimum est autem,
 ante totius accessionis tempus præterire:
 quamvis, ubi longa febris fuit, potest in-
 20 dulgeri ægro maturius, dum tamen ante
 minimum pars dimidia prætereatur. Id-
 que non in ea sola febre, de qua proxime
 dictum est, sed in omnibus ita servandum
 est.

25

C A P. V.

*De febrium speciebus, & singularum cura-
 tionibus: & primo, quando cibus
 febricitantibus dandus sit.*

30 **H**ÆC magis per omnia genera feбри-
 um perpetua sunt: nunc ad singulas
 earum species descendam. Igitur si
 semel tantum accessit, deinde desit, eaque
 vel ex inguine, vel ex lassitudine, vel ex
 F 2 æstu,

æstu, aliave simili re fuit, sic, ut interior nulla causa metum fecerit, postero die, cum tempus accessionis ita transiit, ut nihil moveret, cibus dari potest. At, si ex alto calor venit; & gravitas vel capitis vel præcordiorum secuta est; neq; apparet, quid corpus confuderit, quamvis unam accessionem secuta integritas est: tamen, quia tertiana timeri potest, expectandus est dies tertius; & ubi accessionis tempus præterit, cibus dandus est, sed exiguus; quia quartana quoque timeri potest. At die quarto demum, si corpus integrum est, eo cum fiducia utendum. Si vero postero, tertiove, aut quarto die secuta febris est; scire licet, morbum esse. Sed tertianarum, quartanarumque (quarum & certus circuitus, & finis integer, & liberaliter quieta tempora sunt) expeditior ratio est. de quibus suo loco dicam.

Nunc vero eas explicabo, quæ quotidie urgent. Igitur tertio quoque die cibus ægro commodissime datur; ut alter febrem minuat, alter viribus subveniat. Sed is dari debet, si quotidiana febris est, quæ ex toto desinat, simulatque corpus integrum factum est: sin, quamvis non accessiones, febres tamen junguntur, & quotidie quidem increscunt, sed sine integritate tamen remittunt, cum corpus ita se habet, ut major remissio non expectetur: si altero die gravior, altero levior accessio est, post graviolem. Fere vero graviolem accessionem levior nox sequitur. quo fit, ut graviolem accessionem nox quoque tristior antecedit. At

At, si continuatur febris, neque levior unquam fit, & dari cibum necesse est, quando dari debeat, magna dissensio est. Quidam, quia fere remissius matutinum tempus ægris est, tunc putant dandum. Quod si respondet, non quia mane est, sed quia remissio est ægris, dari debet. Si vero ne tunc quidem ulla requies ægris est, quia hoc ipso pejus id tempus est, quod, cum sua natura melius esse debeat, morbi vitio non est, simulque insequitur tempus meridianum, à quo cum omnis æger fere pejor fiat, timeri potest, ne ille magis etiam, quam ex consuetudine, urgeatur. Igitur alii vespere tali ægro cibum dant. Sed, cum eo tempore fere pessimi sint, qui ægrotant, verendum est, ne, si quid tunc moverimus, fiat aliquid asperius. Ob hæc alii differunt ad mediam noctem, decurso jam gravissimo tempore, eodemq; longissime distante. Securius vero datur antelucanis horis; quibus omnes fere maxime dormiunt: deinde matutino tempore; quod natura sua levissimum est.

25 Si vero febres vagæ sunt: quia verendum est, ne cibum statim subsequantur; quandocunque quis ex accessione levatus est, tunc debet assumere. At, si plures accessiones eodem die veniunt, considerare oportet, pares ne per omnia sint (quod vix fieri potest) an impares. Si per omnia pares sunt: post eam potius accessionem cibum dari debet, quæ non inter meridiem & vespere desinit. Si impares sunt: con-

siderandum est, quò distent. Nam, si altera gravior, altera levior est, post gravio-rem dari debet: si altera longior, altera brevior, post longiorem: si altera gravior, altera longior est, considerandum est, utra magis affligat, illa vi, an hæc tempore; & post eam dandus est. Sed plane plurimum interest, quantæ qualesque inter eas remissiones sint. Nam, si post alteram febrem motio manet, post alteram integrum corpus est; integro corpore; cibo tempus aptius est.

Si semper febricula manet; sed alterum tamen longius tempus remissionis est; id potius eligendum est: adeo ut, ubi accessiones continuantur, protinus, inclinata priore, dandus cibus sit. Etenim perpetuum est, ad quod omne consilium dirigi potest; cibum quam maxime semper ab accessione futura reducere: & hoc salvo, dare quam integerrimo corpore. Quod non inter duas tantum, sed etiam inter plures accessiones servabitur. Sed, cum sit aptissimum, tertio quoque die cibum dare; tamen, si corpus infirmum est, quotidie dandus est: multoque magis, si continentes febres sine remissione sunt; quantoque magis corpus affligunt; aut si duæ pluresve accessiones eodem die veniunt. Quæ res efficit, ut & à primo die protinus cibus dari quotidie debeat, si protinus venæ conciderunt: & sæpius eodem die, si inter plures accessiones subinde vis corpori deest. Illud tamen in his servandum est; ut post eas fe-
bres

bres minus cibi detur, post quas, si per corpus liceret, omnino non daretur. Cum vero febris instet, incipiat, augeatur, consistat, decedat, deinde in decessione consistat, aut finiatur; scire licet, optimum cibo tempus esse febre finita: deinde, cum decessio ejus consistit: tertium, si necesse est, quandocumque decedit: cætera omnia periculosa esse. Si tamen propter infirmitatem necessitas urget, satius esse, consistente jam incremento febris, aliquid offerre, quam increfcente: satius esse, instante, quam incipiente: cum eo tamen, ut nullo tempore is, qui deficit, non sit sustinendus.

15 Neque hercule satis est, ipsas tantum febres medicum intueri, sed etiam totius corporis habitum, & ad eum dirigere curationem; seu supersunt vires, seu defunt, seu quidam mali affectus interveniant.

20 Cum vero semper ægros securos agere conveniat, ut corpore tantum, non etiam animo laborent: tum præcipue, ubi cibum sumpserunt. Itaque, si qua sunt, quæ exasperatura eorum animos sunt; optimum

25 est, ea, dum ægrotant, eorum notitiæ subtrahere: si id fieri non potest, sustinere tamen post cibum, postque somni tempus, & cum exprorecti sunt, tum exponere.

C A P. V I.

30

*Quando potiones febricitantibus
dari expediat.*

SED de cibo faciliior quidem cum ægris ratio est: quoniam sæpe stomachus

hunc respuit, etiam si mens concupiscit. De potione vero ingens pugna est; eoque magis, quo major febris est. Hæc enim sitim accendit, & tum maxime aquam exigat, cum illa periculosissima est. Sed docendus æger est, ubi febris conquieverit, protinus sitim quoque quieturam: longioremque accessionem fore, si quod ei datum fuerit alimentum, ita celerius cum desinere sitire, qui non bibit. Necesse est tamen, quanto facilius etiam sani famem, quam sitim sustinent, tanto magis ægris in potione, quam in cibo indulgere. Sed primo quidem die nullus humor dari debet: nisi subito. sic venæ conciderunt, ut cibus quoque dari debeat. Secundo vero, cæterisque etiam, quibus cibus non dabitur, tamen, si magna sitis urgebit, potio dari potest.

Ac ne illud quidem, ab Heraclide Tarentino dictum, ratione caret: ubi aut bilis ægrum, aut cruditas male habet, expedire quoque per modicas portiones misceri novam materiam corruptæ. Illud videndum est, ut, qualia tempora cibo leguntur, talia portioni quoque: ubi sine illo datur, deligantur, cum ægrum dormire cupimus. quod fere sitis prohibet. Satis autem convenit, cum omnibus febricitantibus nimius humor alienus sit, tum præcipue esse foeminis, quæ ex partu in febres inciderunt.

Sed cum tempora cibo portionique febris & remissionis ratio det, non est expedi-

peditissimum scire, quando æger febricitet, quando melior sit, quando deficiat: sine quibus dispensari illa non possunt. Venis enim maxime credimus, fallacissimæ rei; quia sæpe istæ lentiores celerioresque sunt, & ætate, & sexu, & corporum natura. Et plerunque satis sano corpore, si stomachus infirmus est, nonnunquam etiam incipiente febre, subeunt & quiescunt: ut imbecillus is videri possit, cui facile laturo gravis instat accessio. Contra sæpe eas concitat & resolvit sol, & balneum, & exercitatio, & metus, & ira, & quilibet alius animi affectus. adeo ut, cum
 15 primum medicus venit, sollicitudo ægri dubitantis, quomodo illi se habere videatur, eas moveat. Ob quam causam, periti medici est, non protinus ut venit, apprehendere manū brachium: sed primum re-
 20 sidere hilari vultu, percunctarique, quemadmodum se habeat; &, si quis ejus metus est, cum probabili sermone lenire; tum deinde ejus carpo manum admove-
 25 re. Quas venas autem conspectus medici movet, quam facile mille res turbant! Altera res est, cui credimus, calor, æque fallax. Nam hic quoque excitatur æstu, labore, somno, metu, sollicitudine.

Igitur intueri quidem etiam ista oportet: sed his non omnia credere. Ac protinus quidem scire, non febricitare eum, cuius venæ naturaliter ordinatæ sunt, tepor-
 que talis est, qualis esse sanis solet: nec protinus etiam sub calore motuque febrem

fese concipere : sed ita , si summa quoque arida inæqualiter cutis est ; si calor & in fronte est, & ex intimis præcordiis oritur; si spiritus ex naribus cum fervore prorumpit; si color, aut rubore , aut pallore novus mutatus est ; si oculi graves , & aut perficci, aut subhumidi sunt ; si sudor , cum sit, inæqualis est; si venæ non æquis interval-
lis moventur. Ob quam causam medicus neque in tenebris, neque à capite ægri de-
bet residere, sed illustri loco adversus eum, ut omnes notas , ex vultu quoque cuban-
tis perspiciat.

Vbi vero febris fuit, atque decrevit, spe-
ctare oportet, num tempora , partesve cor-
poris aliæ paulum madescant , quæ sudo-
rem venturum esse testentur. Ac si qua ejus
nota est, tunc demum dare potui calidam
aquam. cujus salubris effectus est , si sudo-
rem per omnia membra diffundit. Hujus
autem rei causa , continere æger sub veste
satis multa manus debet ; eademque crura,
pedesque contegere. qua mole plerique
ægros in ipso imperu febris , potissimeque
ubi ardens ea est , male habent. Si sudare
corpus cœpit, linteum tepescacere oportet,
paulatimque singula membra detergere.
At ubi sudor omnis finitus est, aut si is non
venit, ubi quam maxime tepuit, & idoneus
esse cibo æger videtur , sub veste leniter
ungendus est, tum detergendus , deinde ei
cibus dandus.

Cibus autem febricitantibus humidus
est aptissimus , aut humori certe quam
proxi-

proximus : utique ex materia quam levissima; maximeque sorbitio. eaque, si magnæ febres fuerunt, quam tenuissima esse debet. Mel quoque despumatum huic recte adjicitur, quo corpus magis nutriatur : sed id, si stomachum offendit, supervacuum est; sicut ipsa quoque sorbitio. Dari vero in vicem ejus potest, vel intrita ex aqua calida, vel alica elota; si firmus est stomachus, & compressa alvus, ex aqua mulsæ; si vel ille languet, vel hæc profluit, ex posca. Et primo quidem cibo ita satis est: secundo vero aliquid adjici potest, ex eodem tamen genere materiæ, vel olus, vel conchylium, vel pomum. At, dum febres quidem increscunt, hic solus idoneus cibus est. Vbi vero aut desinunt, aut levantur, semper quidem incipiendum est ab aliquo ex materia levissima, adjiciendum vero aliquid ex media, ratione habita subinde & virium hominis, & morbi.

Apponendi vero ægro varii cibi (sicut Asclepiades præcepit) tum demum sunt, ubi fastidio urgetur, neque satis vires sufficiunt; ut paulum ex singulis degustando, famem vitet. At si neque vis, neque cupiditas deest, nulla varietate sollicitandus æger est; ne plus assumat, quam concoquat. Neque verum est, quod ab eo dicitur, facilius concoqui cibos varios. eduntur quidem facilius : ad concoctionem autem materiæ genus & modus pertinent. Neque inter magnos dolores, neque incresciente morbo, tutum est, ægrum cibo impleri; sed
ubi

ubi inclinata jam in melius valetudo est.

Sunt aliæ quoque observationes in febribus necessariae, atque id quidem videntum est, quod quidam solum præcipiunt, an adstrictum corpus sit, an profluat. Quorum alterum strangulat, alterum digerit. Nam, si adstrictum est, ducenda alvus est, movenda urina, eliciendus omni modo sudor. In hoc genere morborum sanguinem etiam misisse, concussisse vehementioribus gestationibus corpus, in lumine habuisse, imperasse famem, sitim, vigiliam prodest. Utile est etiam ducere in balneum, prius demittere in solium, tum ungere, iterum ad solium redire, multaue aqua fovere in-15 guina; interdum etiam oleum in solio cum aqua calida miscere; uti cibo rarius & serius, tenui, simplici, molli, calido, exiguo; maximeque oleribus, qualia sunt, lapathum, urtica, malva; vel jure etiam con-20 charum, musculorumve, aut locustarum: neque danda caro, nisi elixa, est. At potio esse debet magis liberalis, & ante cibum, & post hunc, & cum hoc, ultra quam sitis coget. Poteritque à balneo etiam pingue²⁵ jus, aut dulcius dari vinum: poterit semel, aut bis interponi Græcum salsum.

Contra vero, si corpus profluat, sudor coercendus, quies adhibenda erit; tenebris, somnoque, quandocunque volet,³⁰ utendum; non nisi levi gestatione corpus agitandum, & pro genere mali subveniendum. Nam, si venter fluit, aut si stomachus non continet, ubi febris decrevit, libera-

bera-

beraliter oportet aquam tepidam potui dare, & vomere cogere; nisi aut fauces, aut præcordia, aut latus dolet, aut vetus morbus est.

5 Si vero sudor exercet, duranda cutis est, vel nitro, vel sale; quæ cum oleo miscentur. At, si levius id vitium est, oleo corpus ungendum est: si vehementius, rosa, vel melino, vel myrteo, cui vinum austerum
10 sit adjectum.

Quisquis autem fluore æger est, cum venit in balneum, prius ungendus, deinde in solium demittendus est. Si in cute vitium est, frigida quoque, quam calida aqua
15 melius utetur. Vbi ad cibum ventum est, dari debet his valens, frigidus, ficcus, simplex, qui quam minime corrumpi possit, panis tostus, caro assa, vinum austerum, vel certe subausterum; &, si venter pro-
20 fluit, calidum: si sudores nocent, vomitufve sunt, frigidum.

C A P. VII.

Quomodo pestilentes febres curari debeant.

25 **D**ESIDERAT etiam propriam animadversionem in febribus pestilentie casus. In hac minime utile est, aut fame, aut medicamentis uti, aut ducere
30 alvum. Si vires simunt, sanguinem mittere optimum est; præcipueque, si cum ardore febris est. Si id parum tutum est, ubi febris aut tenuata est, aut levata, vomitu pectus purgare. Sed in hoc maturius, quam
in

in aliis morbis, ducere in balneum opus est; vinum calidum, & meracius dare, & omnia glutinosa. inter quæ quoque carnem, generis ejusdem. Nam quo celerius ejusmodi tempestates corripiunt, eo maturius auxilia, etiam cum quadam temeritate, rapienda sunt. Quod si puer est, qui laborat; neque tantum robur ejus est, ut sanguis mitti possit, cucurbitulis ei utendum est; ducenda alvus vel aqua vel ptisanæ cremore; tum demum is levibus cibis nutriendus. Et ex toto non sic pueri, ut viri, curari debent. Ergo, ut in alio quoque genere morborum, parcius in his agendum est: non facile sanguinem mittere, non facile ducere alvum, non cruciare vigilia, fameve, aut nimia siti, non vino curare. Vomitus post febrem eliciendus est: deinde dandus cibus ex levissimis; tum is dormiat: postero die, si febris manet, abstineat: tertio, ad similem cibum redeat. Dandaque opera est, quantum fieri potest, ut inter opportunam abstinentioniam cibo opportuno, omissis cæteris, nutriatur.

2. *Curatio ardentis febris.*

25

Si vero ardens febris extorret, nulla medicamenti danda potio est; sed in ipsis accessionibus oleo & aqua refrigerandus est; quæ miscenda manu sunt, donec albescant: etiam amplo conclavi tenendus, quo multum & purum aerem trahere possit; neque multis vestimentis strangulandus, sed admodum levibus tantum velandus est. Possunt etiam super stomachum im-

poni,

poni, folia vitis in aqua frigida tineta. Ac ne siti quidem nimia vexandus est. Alendus maturius est, id est à die tertio, & ante cibum iisdem perungendus. Si pituita in stomacho coit, inclinata jam accessione, vomere cogendus est; & tunc dandum frigidum olus, aut pomum, ex his, quæ stomacho conveniunt. Si siccus manet stomachus, protinus vel ptisanæ, vel alicæ, vel oryzæ cremor dandus est, cum quo recens adeps cocta sit. Cum vero in summo incremento morbus est, utique non ante diem quartum, magna siti antecedente, frigida aqua copiose præstanda est, ut bibat etiam ultra satietatem; &, cum jam venter & præcordia ultra modum repleta, satisque refrigerata sunt, vomere debet. Quidam ne vomitum quidem exigunt; sed ipsa aqua frigida, tantum ad satietatem data, pro medicamento utuntur. Ubi utrumlibet factum est, multa veste operiendus est, & collocandus, ut dormiat. Fereque post longam sitim & vigiliam, post multam satietatem, post infractum calorem, plenus somnus venit; per quem ingens sudor effunditur, idque præsentissimum auxilium est: sed in his tantum, in quibus præter ardorem, nulli dolores, nullus præcordiorum tumor, nihil prohibens, vel in pulmone, vel in faucibus; non ulcus, non defectio, non profluvium alvi fuit. Si quis autem in huiusmodi febre leniter tussit, & neque vehementi siti conflictari, neque bibere aquam frigidam debet; sed eo modo curan-

curandus est, quo in cæteris febribus præcipitur.

CAP. VIII.

Curatio semitertianæ febris, quæ ἡμιτεταύη & dicitur.

AT, ubi id genus tertianæ est, quod ἡμιτεταύη Medici appellant, magna cura opus est, ne id fallat. Habet enim plerunque frequentiores accessiones 10 decessionesque, ut aliud morbi genus videri possit; porrigiturque febris in horas viginti quatuor, & triginta sex; ut, quod idem est, non idem esse videatur. Et magnopere necessarium est, neque dari cibum, nisi in ea remissione, quæ vera est, & ubi ea venit, protinus dari. Plurimique sub alterutro curantis errore subito moriuntur. Ac, nisi magnopere aliqua res prohibet, inter initia sanguis mitti debet; tum 20 dari cibus, qui neque incitet febrem, & tamen longum ejus spatium sustineat.

CAP. IX.

Curatio lentarum febrium.

NONNUNQUAM etiam lentæ febres sine ulla remissione corpus tenent; ac neque cibo, neque ulli remedio locus est. In hoc casu medici cura esse debet, ut morbum mutet: fortasse 30 enim curationi opportunior fiet. Sæpe igitur ex aqua frigida, cui oleum sit adjectum, corpus ejus pertractandum est, quoniam interdum sic evenit, ut horror oria-
tur.

tur, & fiat initium quoddam novi motus; exque eo, cum magis corpus incaluit, sequatur etiam remissio. In his frictio quoque ex oleo & sale salubris videtur.

5 At, si diu frigus est, & torpor, & jactatio corporis, non alienum est, in ipsa febre dare mulsi tres aut quatuor cyathos, vel cum cibo vinum bene dilutum. Intenditur enim sæpe ex eo febris; & major ortus calor simul & priora mala tollit, & spem remissionis, inque ea curationis ostendit.

10 Neque hercule ista curatio nova est, qua nunc quidam traditos sibi ægros, qui sub cautioribus medicis trahebantur, interdum contrariis remediis sanant. Siquidem apud antiquos quoque ante Herophilum & Erasistratum, maximeque post Hippocratem fuit Petron quidam, qui febricitantem hominem, ubi acceperat, multis
15 vestimentis operiebat, ut simul calorem ingentem, sitimque excitaret. Deinde, ubi paulum remitti cœperat febris, aquam frigidam potui dabat; ac, si moverat sudorem, explicuisse se ægrum judicabat: si non
20 verat, plus etiam aquæ frigidaë ingererat, & tum vomere cogebat. Si alterutro modo febre liberaverat, protinus suillam asinam, & vinum homini dabat. Si non liberaverat, decoquebat aquam sale adjecto,
30 eamque bibere cogebat, ut vomendo ventrem purgaret.

Et intra hæc omnis ejus medicina erat. Eaque non minus grata fuit his, quos Hippocratis successores non refecerant; quam
nunc

nunc est his, quos Herophili vel Erasistrati æmuli diu tractos non expedierunt. Neque ideo tamen non est temeraria ista medicina; quia plures, si protinus à principiis exceperit, interemit. Sed, cum eadem omnibus convenire non possint, fere, quos ratio non restituit, temeritas adjuvat. Ideoque ejusmodi medici melius alienos ægros, quam suos nutriunt. Sed est circumspicere quoque hominis, & novare interdum, & augere morbum, & febres accendere; quia curationem, ubi id, quod est, non recipit, potest recipere id, quod futurum est.

C A P. X.

Remedia in febribus ad capitis dolorem, & præcordiorum inflammationem, & ariditatem, & scabritiem lingue.

CONSIDERANDUM etiam est, febres ne solæ sint, an alia his quoque mala accedant; id est, num caput doleat, num lingua aspera, num præcordia intenta sint. Si capitis dolores sunt, rosam cum aceto miscere oportet, & id ingerere: deinde habere duo pitacia, quæ latitudinem frontis, longitudinemque æquent: ex his invicem alterum in aceto & rosa habere, alterum in fronte; aut intinctam iisdem lanam succidam imponere. Si acetum offendit, pura rosa utendum est. Si rosa ipsa lædit, oleo acerbo. Si ista parum juvant, teri potest vel iris arida, vel nuces amaræ, vel quælibet herba ex refrigerantibus. Quorum quidlibet ex aceto impositum, dolorem

dolorem minuit; sed magis aliud in alio. Juvat etiam panis cum papavere injectus, vel cum rosa, cerusa, spumave argenti. Ol-
facere quoque vel serpillum, vel anethum,
non alienum est.

At, si in præcordiis inflammatio & do-
lor est, primo superimponenda sunt cata-
plasmata reprimentia; ne, si calidiora fue-
rint, plus eo materiæ concurrat. Deinde,
ubi prima inflammatio se remisit, tunc de-
mum ad calida & humida veniendum est;
ut ea, quæ remanserunt, discutiant. Notæ
vero inflammationis sunt quatuor, rubor,
& tumor, cum calore, & dolore. Quo ma-
gis erravit Erasistratus, qui febrem nullam
sine hac esse dixit.

Ergo, si sine inflammatione dolor est,
nihil imponendum est. hunc enim statim
ipsa febris solvet. At, si neque inflammatio,
neque febris, sed tantum præcordiorum
dolor est: protinus calidis & siccis fomen-
tis uti licet. Si vero lingua sicca est, &
scabra, detergenda primum penicillo est
ex aqua calida: deinde ungenda mixtis in-
ter se rosa & melle. Mel purgat, rosa re-
primit, simulque siccescere non sinit. Ac
si scabra non est, sed arida, ubi penicillo
deterisa est, ungi rosa debet, cui ceræ sit
paulum adjectum.

CAP. XI.

*Remedia contra frigus, quod febrem
præcedit.*

SOLET etiam ante febres esse frigus;
idque vel molestissimum morbi genus
est. Ubi id expectatur, omni potione
prohibendus æger est. hæc enim paulo ante
data, multum malo adjicit. Item maturius
veste multa tegendus est. Admovenda par-
tibus his, pro quibus metuimus, sicca &
calida fomenta: sic, ut ne statim vehemen-
tissimi calores incipiant, sed paulatim in-
crescant. Perfricandæ quoque eæ partes
manibus unctis ex vetere oleo sunt, eique
adjiciendum aliquid ex calefacientibus.
Contentique medici quidam una frictione,
etiam ex quolibet oleo, sunt. In harum
febrium remissionibus nonnulli tres qua-
tuor sorbitionis cyathos, etiamnum ma-
nente febre, dant. deinde, ea bene finita,
reficiunt stomachum cibo frigido & levi.
Ego tum hoc puto tentandum, cum parum
cibus, semel & post febrem datus, prodest.
Sed curiose prospiciendum est, ne tem-
pus remissionis decipiat. Sæpe enim in hoc
quoque genere valetudinis jam minui fe-
bris videtur, & rursus intenditur. Itaque
ei remissioni credendum est, quæ etiam
immoratur, & jactationem, fervoremque
corporis, quem *ῥίση* Græci vocant, mi-
nuit. Illud satis convenit, si quotidie pa-
res accessiones sunt, quotidie parvum ci-
bum

bum dandum: si impares, post gravio-
rem, cibum; post levio-rem, aquam mulsam.

C A P. XII.

Curatio horroris in febris.

5 **H**ORROR autem eas fere febres antecedit, quæ certum habent circuitum, & ex toto remittuntur, ideoque tutissimæ sunt, maximeque curationes admit-
10 tunt. Nam ubi incerta tempora sunt, neque alvi ductio, neque balneum, neque vinum, neque medicamentum aliud recte datur. Incertum est enim, quando febris ventura sit. ita fieri potest, ut, si subito vene-
15 rit, summa in eo perniciēs sit, quod auxilii causa fuit inventum. Nihilque aliud fieri potest, quam ut primis diebus bene abstin-
neat æger: deinde, sub decessu febris ejus, quæ gravissima est, cibumumat.
20 At ubi certus circuitus est, facilius omnia illa tentantur; quia facilius propo-
nere nobis & accessionum & decessionum vices possumus. In his autem, cum vetera-
verunt, utilis fames non est. Primis tan-
25 tummodo diebus ea pugnandum est: deinde dividenda curatio est, & ante horror, tum febris discutienda. Igitur cum primum aliquis inhorruit, & ex horrore inca-
luit, dare ei oportet potui tepidam aquam
30 subsalsam, & vomere eum cogere. nam fere talis horror ab his oritur, quæ biliosa in stomacho resederunt. Idem faciendum est, si proximo quoque circuitu æque accessit. sæpe enim sic discutitur. Jam-
que

que, quod genus febris sit, scire licet.

Itaque sub expectatione proximæ accessionis, quæ instare tertia potest, deducendus in balneum est; dandaque opera est, ut per tempus horroris in folio sit. Si ibi quoque senserit, nihilominus idem sub expectatione accessionis quartæ faciat; siquidem eo quoque modo sæpe is discutitur. Si nec balneum quidem profuit, ante accessionem alium edat, aut bibat calidam aquam cum pipere: siquidem ea quoque assumpta calorem movent; qui horrorem non admittit. Deinde eodem modo, quo in frigore præceptum est, antequam inhorrescere possit, operiatur. fomentisque protinus calidioribus totum corpus circumdare convenit, maximeque involutis extinctis testis & titionibus.

Si nihilominus horror pertruxerit, multo oleo calefacto inter ipsa vestimenta perfundatur; cui æque ex calefacientibus aliquid sit adjectum: adhibeaturque frictio, quantam is sustinere poterit, maximeque in manibus & pedibus: & spiritum ipse contineat. Neque desistendum est, etiam si horror redit. sæpe enim pertinacia juvenantis malum corporis vincit.

Si quid evomuit, danda aqua tepida, iterumque vomere cogendus est; utendumque eisdem est, donec horror finiatur. Sed præter hæc ducenda alvus est, si tardius horror quiescet: siquidem id quoque exonerato corpore prodest. Ultima post hæc auxilia sunt, gestatio & ambulatio. Cibus autem

autem in ejusmodi morbis maxime dandus est, qui mollem alvum præstet, ac caro glutinosa. Vinum cum dabitur, austerum sit.

5

C A P. XIII.

Curatio quotidiana febris.

HÆC ad omnes circuitus februm pertinent: discernendæ tamen singulæ
 10 sunt, sicut rationem habent dissimilem. Si quotidiana est, triduo primo magnopere abstinere oportet; tum cibis, altero quoque die uti. Si res inveteraverit, post febrem experiri balneum, & vinum;
 15 magisque, si, horrore sublato, hæc superest.

C A P. XIV.

Curatio tertiana febris.

SI vero tertiana, quæ ex toto intermit-
 20 tit, aut quartana est; mediis diebus, & ambulationibus uti oportet, aliisque exercitationibus, & unctionibus. Quidam ex antiquioribus medicis Cleophrantus, in
 25 hoc genere morborum, multo ante accessionem, caput ægri multa calida aqua perfundebat, deinde vinum dabat. Quod, quamvis pleraque ejus viri præcepta secutus est Asclepiades, recte tamen præterit.
 30 est enim anceps.

Ipsæ, si tertiana febris est, tertio die post accessionem dicit alvum duci oportere: quinto, post horrorem vomitum elicere; deinde post febrem, sicut illi mos erat, ad-
 huc

huc calidis dare cibum & vinum : sexto die , in lectulo detineri . sic enim fore , ne septimo die febris accedat . Id sæpe fieri posse , verisimile est . Tutius tamen est , hoc ipso ordine tria remedia , vomitus , alvi ductio , vini potus , per triduum , id est , die tertio , & quinto , & septimo tentare : nec vinum , nisi post accessionem , die septimo bibere .

Si vero primis diebus discussus morbus non est , inciditque in vetustatem , quo die febris expectabitur , in lectulo se contineat ; post febrem perfricetur : tum cibo assumpto , bibat aquam ; postero die , quo à cibo vacat , & ab exercitatione unctione-¹⁵ que , aqua tantum contentus , conquiescat . Et id quidem optimum est . Si vero imbecillitas urgebit , & post febrem vinum ; & medio die paulum cibi debebit assumere .

C A P. XV.

20

Curatio quartanæ febris.

EADEM in quartana facienda sunt . Sed cum hæc tarde admodum finiatur , nisi primis diebus discussa est , diligenti-²⁵us ab initio præcipiendum est , quid in ea debeat fieri . Igitur , si cui cum horrore febris accessit , eaque desit , eodem die & postero tertioque continere se debet , & aquam tantummodo calidam primo die³⁰ post febrem sumere ; biduo proximo , quantum fieri potest , ne hanc quidem : quarto die , si cum horrore febris revertitur , vomere ; sicut ante præceptum est : deinde
post

post febrem, modicum cibum sumere,
vini quadrantem. Postero tertioque die
abstinere; aqua tantummodo calida, si si-
tis est, assumpta. Septimo die balneo frigus
5 prævenire, abstinere, continere se debet,
& aqua tantummodo calida, si sitis est, uti: ac
tum ita nono die balneo frigus prævenire,
& si febris redierit, ducere alvum; ubi ex
eo corpus conquieverit, inunctione vhe-
10 menter perfricari, eodem modo sumere
cibum, & vino biduo proximo se abstine-
re, frictione servata. Decimo tertio die
rursus balneum experiri; & si postea fe-
bris accessit, æque perfricari, vinum co-
15 piofus bibere. Ac sic proximum est, ut
quies tot dierum, & abstinencia cum cæ-
teris, quæ præcipiuntur, febrem tollant.

Si vero nihilominus remanet, aliud ex
toto sequendum est curationis genus; id-
20 que agendum, ut, quod diu sustinendum
est, corpus facile sustineat. Quo minus
etiam curatio probari Heraclidis Tarenti-
ni debet, qui primis diebus ducendam
alvum, deinde abstinendum in septimum
25 diem dixit. Quod ut sustinere aliquis pos-
sit; tamen etiam febre liberatus vix refe-
ctioni valebit. adeo, si febris sæpius accesserit,
concidet. Igitur, si tertio decimo die
morbus remanebit, balneum neque ante
30 febrem, neque post eam tentandum erit;
nisi interdum jam horrore discusso. Hor-
ror ipse per eadem, quæ supra præscripta
sunt, expugnandus. Deinde post febrem
oportebit ungi, & vehementer perfricari;
G cibum

cibum & validum, & fortiter assumere; vino uti, quanto libebit: postero die, cum satis quieverit, ambulare, exerceri, ungi, perfricari fortiter; cibum accipere sine vino: tertio die abstinere.

Quo die vero febrem expectabit, ante surgere, & exerceri, dareque operam oportet, ut in ipsam exercitationem tempus febris incurrat. sic enim sæpe illa discutitur. At, si in opere occupavit, tum de-
mum se recipere. In ejusmodi valetudine, medicamenta sunt, oleum, frictio, exercitatio, cibus, vinum. Si venter adstrictus est, solvendus est.

Sed hæc facile validiores faciunt: si imbecillitas occupavit, pro exercitatione gestatio est. Si ne hanc quidem sustinet, adhibenda tamen frictio est. Si hæc quoque vehemens onerat, intra quietem, & unctionem, & cibum consistendum est; danda-
que opera est, ne qua cruditas in quotidianam id malum vertat. Nam quartana neminem jugulat: sed, si ex ea facta quotidiana est, in malis æger est. quod tamen, nisi culpa vel ægri vel curantis, nunquam fit.

C A P. XVI.

Curatio duarum quartanarum.

AT, si duæ quartanæ sunt, neque, quas
proposui, exercitationes adhiberi possunt: aut ex toto quiescere opus est, aut, si id difficile est, leniter ambulare, hinc confidere, diligenter involutis pedibus

bus & capite. Quoties febris accessit & desit, cibum modicum sumere, & vinum; reliquo tempore, nisi imbecillitas urget, abstinere. At, si duæ febres pene junguntur, post utramque cibum sumere: deinde vacuo tempore, & moveri aliquantum, & post unctionem cibo uti. Cum vero vetus quartana raro, nisi vere, solvatur; utique eo tempore attendendum est, ne quid fiat, quod valetudinem impediât. Prodestque in vetere quartana, mutare subinde victus genus, à vino ad aquam, ab aqua ad vinum, à lenibus cibis ad acres, ab acribus ad lenes transire: esse radicem, deinde vomere: jureve pulli gallinacei ventrem resolvere: oleo ad frictiones adjicere calefacientia: ante accessionem sorbere, vel aceti cyathos duos, vel unum sinapis, cum tribus Græci vini falsi, vel mista paribus portionibus; & in aqua diluta, piper, castoreum, laser, myrrham. Per hæc enim similiaque corpus agitandum est, ut moveatur ex eo statu, quo detinetur.

Si febris quievit, diu meminisse ejus diei convenit: eoque vitare frigus, calorem, cruditatem, lassitudinem. Facile enim revertitur, nisi à sano quoque aliquandiu timentur.

CAP. XVII.

Curatio quotidiana febris, quæ ex quartana facta sit.

AT, si ex quartana, quotidiana facta est: cum id initio inciderit, per bi-

duum abstinere oportet, vespere frictione
uti, & aquam tantummodo potui dare.
tertio die sæpe fit, ne febris accedat. Sed
sive fuit, sive non fuit, cibis post accessio-
nis tempus est dandus: & si manet, per bi-
duum abstinencia, quanta maxima impe-
rari corpori potest, & fricatione quotidie
utendum est.

C A P. X V I I I.

*De tribus insanie generibus: & primo de
ejus curatione, quæ à Græcis
Ῥηνίτις dicitur.*

ET febrium quidem curatio exposita
est. Superfunt vero alii corporis affe-
ctus, quibus hic superveniunt, ex qui-
bus eos, qui certis partibus assignari pos-
sunt, protinus jungam. Incipiam ab insa-
nia, primamque hujus ipsius partem ag-
grediar, quæ & acuta, & in febre est. Græci
Ῥηνίτις appellant.

Illud ante omnia scire oportet, inter-
dum in accessione ægros delirare, & loqui
aliena. Quod non quidem leve est; neque
incidere potest, nisi in febre vehementi,
non tamen æque pestiferum est. nam ple-
runque breve esse consuevit; levatoque
accessionis impetu, protinus mens redit.
Neque id genus morbi remedium aliud
desiderat, quam quod in curanda febre
præceptum est.

Phrenitis vero tum demum est, cum
continua dementia esse incipit; aut cum
æger, quamvis adhuc sapiat, tamen quas-
dam

dam vanas imagines accipit: perfecta est, ubi mens illis imaginibus addicta est. Ejus autem plura genera sunt: siquidem ex phreniticis alii hilares, alii tristes sunt: alii
5 facilius continentur, & intra verba desipiunt; alii insurgunt, & violenter quædam manu faciunt: atque ex his ipsis, alii nihil nisi impetu peccant, alii etiam artes adhibent; summamque speciem sanitatis in ca-
10 ptandis malorum operum occasionibus præbent; sed exitu deprehenduntur.

Ex his autem eos, qui intra verba desipiunt, aut leviter etiam manu peccant, onerare asperioribus coercitionibus su-
15 pervacuum est. Eos vero, qui violentius se gerunt, vincere convenit; ne vel sibi vel alteri noceant. Neque credendum est, si vinctus aliquis, dum levare vinculis cupit, sanum jam se fingat; quamvis prudenter & miserabiliter loquatur, quoniam is
20 dolus insanientis est.

Fere vero antiqui tales ægros in tenebris habebant; eo quod illis contrarium esset, exterreri; & ad quietem animi tenebras ipsas conferre aliquid judicabant. At
25 Asclepiades, tanquam ipsis tenebris terrentibus, in lumine habendos eos dixit. Neutrum tamen perpetuum est. Alium enim lux, alium tenebræ magis turbant. reperiunturque, in quibus nullum discrimen
30 deprehendi, vel hoc, vel illo modo possit. Optimum itaque est, utrumque experiri; & habere eum, qui tenebras horret, in luce; eum, qui lucem, in tenebris. At ubi

nullum tale discrimen est, æger, si vires habet, loco lucido: si non habet, obscuro continendus est.

Remedia vero adhibere, ubi maxime furor urget, supervacuum est. simul enim febris quoque increfcit. Tum itaque nihil nisi continendus æger est. Ubi vero res patitur, festinanter subveniendum est. Asclepiades perinde esse dixit, his sanguinem mitti, ac si trucidentur. hanc rationem secutus, quod neque infania esset, nisi cum febre intenta; neque sanguis, nisi in remissione ejus, recte mitteretur. Ipse in his somnum multa frictione quæsiuit. Sed cum & intentio febris somnum impediat; & frictio non, nisi in remissione ejus, utilis sit: hoc quoque auxilium debuit præterire. Quid igitur est? Multa in præcipiti periculo recte fiunt, aliàs omittenda. Et continua quoque febris habet tempora, quibus, etsi non remittit, non tamen crescit. Estque hoc, ut non optimum, sic satis tamen secundum remediis tempus. Quod si vires ægri patiuntur, sanguis quoque mitti debet.

25

Nec minus dubitari potest, an alvus ducenda sit. Tum, interposito die, convenit caput ad cutem tondere; deinde aqua fovere, in qua verbenæ aliquæ decoctæ sunt ex reprimentibus: aut prius fovere, deinde tondere, & iterum fovere: ac novissime rosa caput naresque implere; offerre etiam naribus rutam, ex aceto contritam, & movere sternutamenta medicamentis ad id effici-

efficacibus. Quæ tamen facienda sunt in his, quibus vires non desunt. Si vero imbecillitas est, rosa tantum caput, adjecto serpyllo, similive aliquo, madefaciendum est. Utiles etiam in quibuscumque viribus herbæ duæ sunt, solanum & muralis, si simul ex utraque, succo expresso, caput impleatur. Cum se febris remiserit, frictione utendum est: parcius tamen in his, qui nimis hilares, quam in his, qui nimis tristes sunt.

Adversus omnium autem sic insanientium animos gerere se pro cuiusque natura necessarium est. Quorundam enim
15 vani metus levandi sunt: sicut in homine prædivite famem timente incidit; cui subinde falsæ hæreditates nunciabantur. Quorundam audacia coercenda est: sicut in his fit, in quibus continendis plac-
20 gæ quoque adhibentur. Quorundam etiam intempestivus risus objurgatione & minis prohibendus est. Quorundam discutiendæ tristes cogitationes: ad quod symphonix, & cymbala, strepitusque proficiunt. Sæpius tamen assentiendum, quam
25 repugnandum est: paulatimque, & non evidenter, ab his, quæ stulte dicuntur, ad meliora mens abducenda. Interdum etiam elicienda ipsius intentio: ut fit in hominibus studiosis literarum, quibus liber legitur, aut recte, si delectantur; aut perperam, si id ipsum eos offendit. Emendando enim advertere animum incipiunt. Quin etiam recitare, si qua meminerunt, cogen-
30 di

di sunt. Ad cibum quoque quosdam non desiderantes reduxerunt hi, qui inter epulantes eos collocaverunt.

Omni¹⁰bus vero sic affectis somnus & difficilis, & præcipue necessarius est. sub hoc enim plerique sanescunt. Prodest ad id, atque etiam ad mentem ipsam componendam, crocinum unguentum cum irino in caput datum. Si nihilominus vigilant, quidam somnum moliantur potui danda¹⁵ aquam, in qua papaver aut hyoscyamus decocta sint: alii mandragoræ mala pulvino subjiciunt: alii vel amomum, vel sycamini lachrymam fronti inducunt. Hoc nomen apud Medicos reperio. Sed curis Græci morum *συνάμνηον* appellant, cum mori nulla lachryma sit? Sic vero significatur lachryma arboris in Ægypto nascentis, quam ibi *συνάμνηον* appellant. Plurimi decoctis papaveris corticibus, ex ea aqua²⁰ cum spongia os & caput subinde fovēt.

Asclepiades ea supervacua esse dixit: quoniam in lethargum sæpe convertunt. Præcepit autem, ut primo die, à cibo, portione, somno abstineretur: vespere ei dare²⁵ tur potui aqua: tum frictio admoxeretur lenis, ita ut ne manum quidem, qui fricaret, vehementer imprimeret: postero deinde die, iisdem omnibus factis, vespere ei daretur sorbitio & aqua, rursusque frictio³⁰ adhiberetur. Per hanc enim nos consecuturos, ut somnus accedat. Id interdum fit, & quidem adeo, ut, illo confitente, nimia fricatio etiam lethargi periculum afferat. Sed

Sed si sic somnus non accessit, tum demum illis medicamentis arcessendus est: habita scilicet eadem moderatione, quæ hic quoque necessaria est; ne, quem obdormire volumus, excitare postea non possimus: Confert etiam aliquid ad somnum filanus juxta cadens; vel gestatio post cibum, & noctu; maximeque lecti suspensi motus.

Neque alienum est, si neque sanguis ante missus est, neque mens constat, neque somnus accedit, occipitio inciso cucurbitulam admovere. quæ quia levat morbum, potest somnum facere. Moderatio autem in cibo quoque adhibenda est: nam neque æger est implendus, ne insaniat: neque jejuni utique vexandus est, ne imbecillitate in cardiacum incidat. Opus est autem cibo infirmo, maximeque sorbitione: & potione aquæ mulscæ, cujus ternos cyathos hieme, æstate vero quatuor dedisse satis est.

Alterum genus insanix est, quod spatium longius recipit; quia fere sine febre incipit, leves deinde febriculas excitat: & consistit in tristitia, quam videtur bilis atra contrahere. In hac utilis detractio sanguinis est. Si quid hanc prohibet, prima est abstinencia: secunda, per album veratrum vomitumque purgatio: post utrumlibet; adhibenda bis die frictio est. Si magis valet, frequens etiam exercitatio; in jejuno vomitus; cibus, sine vino, dandus ex media materia est. Quam quoties posuero, scire licet, etiam ex infirmissima dari posse;

dum ne ea sola quis utatur : valentissimam tantummodo esse removendam. Præter hæc , servanda alvus est quam tenerrima: removendi terrores , & potius bona spes afferenda : quærenda delectatio ex fabulis, ludisque, quibus maxime capi sanus assueverat: laudanda , si qua sunt , ipsius opera, & ante oculos ejus ponenda: leviter objurganda vana tristitia: subinde admonendus, in his ipsis rebus , quæ sollicitant , cur non potius lætitiæ, quam sollicitudinis causa sit. Si febris quoque accessit , sicut aliæ febres curanda est.

Tertium insanix genus est ex his longissimum ; adeo ut vitam ipsam non impediat. quod robusti corporis esse consuevit. Hujus autem species duæ sunt. Nam quidam imaginibus , non mente fallunt ; qualem insanientem Ajacem vel Orestem poetarum fabulæ ferunt : quidam animo desipiunt. Si imagines fallunt , ante omnia videndum est , tristes , an hilares sint. In tristitia , nigrum veratrum dejectionis causa; in hilaritate, album, ad vomitum excitandum, dari debet. Idque , si in portione non accipit, pani adjiciendum est , quo facilius fallat. Nam, si bene se purgaverit , ex magna parte morbum levabit. Ergo etiam, si semel datum veratrum parum profecerit, interposito tempore iterum dari debet. Neque ignorare oportet , levio- rem esse morbum cum risu , quam serio insanientium. Illud quoque perpetuum est in omnibus morbis , ubi ab inferiore parte purgandus aliquis

aliquis est, ventrem ejus ante solvendum esse: ubi à superiore, comprimendum.

Si vero consilium insanientem fallit, tormentis quibusdam optime curatur. Ubi
5perperam aliquid dixit, aut fecit; fame, vinculis, plagis coercendus est. Cogendus est & attendere, & ediscere aliquid, & meminisse. Sic enim fiet, ut paulatim metu
10cogatur considerare, quid faciat. Subito etiam terreri, & expavescere, in hoc morbo prodest; & fere, quicquid animum vehementer perturbat. Potest enim quædam
fieri mutatio, cum ab eo statu mens, in quo fuerat, abducta est. Interest etiam, si ipse sine
15causa subinde rideat, an mœstus demissusque sit. Nam dementis hilaritas terroribus his, de quibus supra dixi, melius curatur. Si nimia tristitia est, prodest lenis, sed multa
bis die frictio: item super caput aqua frigida
20infusa, demissumque corpus in aquam & oleum.

Illa communia sunt: insanientes vehementer exerceri debere; multa frictione
uti; neque pinguem carnem, neque vinum
25assumere; cibis uti post purgationem, ex media materia, quam levissimis, non oportere esse vel solos, vel inter ignotos, vel inter eos, quos aut contemnant, aut negligant; mutare debere regiones, &, si mens
30redit, annua peregrinatione esse jactandos.

Raro, sed aliquando tamen, ex metu delirium nascitur. Quod genus insanientium, specie simile, similique victus genere curandum est: præterquam quod in
hoc

hoc infantiæ genere solo recte vinum datur.

C A P. X I X.

De Cardiacis.

His morbis præcipue contrarium est⁵ id genus, quod καρδιακὸν à Græcis nominatur; quamvis sæpe ad eum phrenitici transeunt: siquidem mens in illis laborat, in hoc vero constat. Id autem nihil aliud est, quam nimia imbecillitas corporis; quod, stomacho languente, immodico sudore digeritur. Licetque protinus scire id esse, ubi venarum exigui imbecillique pulsus sunt; sudor autem supra¹⁵ consuetudinem, & modo, & tempore, ex toto thorace, & cervicibus, atque etiam ex capite prorumpit, pedibus tantummodo, & cruribus siccioribus, atque frigidis. Acuti id morbi genus est.²⁰

Curatio prima est, supra præcordia imponere, quæ reprimunt, cataplasmata: secunda, sudorem cohibere. Id præstat acerbum oleum, vel rosa, vel melinum, aut myrteum. Quorum aliquo corpus leniter²⁵ perungendum; ceratumque ex aliquo horum tum imponendum est.

Si sudor vincit, delinendus homo est vel gypso, vel argenti spuma, vel cimolia creta, vel subinde horum pulvere resper-³⁰ gendus. Idem præstat pulvis ex contritis aridæ myrti vel rubi foliis, aut ex austeri & boni vini arida fece. Pluraque similia sunt, quæ si defunt, satis utilis est quilibet^{ex}

ex via pulvis injectus. Super hæc vero, quo minus corpus insudet, levi veste debet esse contactus, positusque loco non calido, fenestris patentibus, sic ut perflatus quoque aliquis accedat.

Tertium auxilium est, imbecillitati ja-
centis cibo vinoque succurrere. Cibus
non multus quidem, sed sæpe tamen nocte
ac die dandus est; ut nutriat, neque one-
10 ret. Is esse debet ex infirmissima materia, &
stomacho aptus. Nisi autem necesse est, ad
vinum festinare non oportet. Si verendum
est, ne deficiat, tum & intrita ex hoc, & hoc
ipsum austerum quidem, sed tamen tenue,
15 meraculum, egelidum subinde & liberali-
ter dandum est; adjecta polenta, si modo
is æger parum cibi assumit. Idque vinum
esse debet, neque nullarum virium, ne-
que ingentium: recteque tota die ac nocte,
20 duas vel tres heminas æger bibet; si vastius
corpus est, plus etiam. si cibum non acci-
pit, perunctum ante perfundere aqua fri-
gida convenit, & tum dare.

Quod si stomachus resolutus parum
25 continet, & ante cibum, & post eum spon-
te vomere oportet; rursusque post vomiti-
tum cibum sumere. Si ne is quidem man-
serit, sorbere vini cyathum, interposita-
que hora, sumere iterum. Si id quoque
30 stomachus reddiderit, totum corpus bul-
bis contritis superillincendum est. qui, ubi
inaruerunt, efficiunt, ut vinum in stoma-
cho contineatur, exque eo toti corpori
calor venisque vis redeat.

Ultimum auxilium est, in alvum purgandæ vel alicæ cremorem ex inferioribus partibus indere, si quidem id quoque vires tuetur. Neque alienum est, naribus quoque æstuantis admoveere, quod reficiat: ut est, rosa & vinum: &, si qua in extremis partibus frigent, unctis & calidis manibus fovere. Per quæ si consequi potuimus, ut & sudoris impetus minuatur, & vita prorogetur, incipit jam tempus ipsum esse præsidio. Vbi esse in tuto videtur, verendum tamen est, ut ne in eandem imbecillitatem cito recidat. Itaque, vino tantum remoto, quotidie validiorem cibum debet assumere, donec satis virium corpori redeat. 15

C A P. XX.

De Lethargicis.

ALTER quoque morbus est, aliter phrenitico contrarius. In eo difficilior somnus, prompta ad omnem audaciam mens est: in hoc marcor, & inexpugnabilis pene dormiendi necessitas. *ληθαργία* Græci nominarunt. Id quoque genus acutum est, &, nisi succurritur, celeriter jugulat. 25

Proinde ex eo ægros quidam excitare nituntur, ad motis his, per quæ sternutamenta evocantur, & his, quæ odore foedo movent; qualis est pix usta, lana succida, piper, veratrum, castoreum, acetum, allium, cepa. Juxta etiam galbanum incendunt; aut cornu cervinum: si non est, quodlibet aliud. Hæc enim cum comburuntur, odore foedo movent. Thar-

Tharrias vero quidam, accessionis esse id malum, dixit, levarique, cum ea decessit. Itaque eos, qui subinde excitant, sine usu male habere. Interest autem, in decessione
5 expurgiscatur æger, an, cum febris levatur, aut, levata quoque ea, somnus urgeat. Nam si expurgiscitur, adhibere ei, ut sopito, supervacuum est. neque enim vigilando
10 melior fit; sed per se, si melior est, vigilat. Si vero continens ei somnus est, utique excitandus est; sed his temporibus, quibus febris levissima est, ut excernat aliquid, &umat. Excitat autem validissime repente aqua frigida superinfusa. Post
15 remissionem itaque, perunctum oleo multo totum corpus, tribus aut quatuor amphoris totum per caput perfundendum est. Sed hoc utemur, si æqualis ægro spiritus erit, si mollia præcordia. Sin aliter
20 hæc erunt, ea potiora, quæ supra comprehensa sunt. Et, quod ad somnum quidem pertinet, commodissima hæc ratio est.

Medendi autem causa, caput radendum; deinde posca fovendum est, in qua laurus,
25 aut ruta decocta sit. Altera vero die imponendum castoreum, aut ruta ex aceto contrita, aut lauri baccæ, aut hedera cum rosa & aceto. Præcipueque proficit, & ad excitandum hominem, naribus admo-
30 tum; & ad morbum ipsum depellendum, capiti frontive impositum sinapi. Gestatio etiam in hoc morbo prodest: maximeque opportune cibus datus, id est, in remissione, quanta maxima inveniri poterit. Ap-
tissima

rissima autem sorbitio est, donec morbus decreſcere incipiat. Si autem quotidie gravis accessio est, hæc quotidie detur: si alternis, post gravio-rem, sorbitio; post levio-rem, mulsa aqua. Vinum quoque cum tempestivo cibo datum non mediocriter adjuvat.

Quod si post longas febres ejusmodi torpor accessit, cætera eadem servanda sunt. Ante accessionem autem, tribus quatuorve horis, si venter astrictus est, dandum est castoreum cum scammonia; si non est, per se ipsum castoreum cum aqua dandum est. Si præcordia mollia sunt, cibis utendum est plenioribus: si dura, in iisdem sorbitionibus subsistendum; imponendumque præcordiis, quod simul & reprimat & emolliat.

C A P. XXI.

20

De Hydropicis.

SED hic quidem acutus est morbus. Longus vero fieri potest eorum, quos aqua inter cutem male habet. nisi enim primis diebus succurritur, in ὕδρωπια quam Græci vocant, incidunt. Ejus tres species sunt. Nam modo, ventre vehementer intumescendo, creber intus, ex motu spiritus, sonus est: modo corpus inæquale est, tumoribus aliter aliterque per totum id orientibus: modo intus in uterum aqua contrahitur, & moto corpore, ita movetur, ut impetus ejus conspici possit. Primum, τριμηνίτην: secundum, λεικροφλεγματιαν, vel

vel ὑπὸ τῷ οἴκῳ; tertium, *δωλὴν* Græci nominarunt. Communis tamen omnium est humoris nimia abundantia: ob quam ne ulcera quidem in his ægris facile sanescunt. Sæpe vero hoc malum perse incipit: sæpe alteri vetusto morbo, maximeque quartanæ, supervenit.

Facilius in servis, quam in liberis tollitur. quia, cum desideret famem, sitim, & mille alia tædia, longamque patientiam, promptius iis succurritur, qui facile coguntur, quam quibus inutilis libertas est. Sed ne hi quidem, qui sub alio sunt, si ex toto sibi temperare non possunt, ad salutem perducuntur. Ideoque non ignobilis medicus, Chryssippi discipulus, apud Antigoni regem, amicum quendam ejus, notæ intemperantiæ, mediocriter eo morbo implicitum, negavit posse sanari. Cumque alter medicus Epirotes Philippus se sanaturum polliceretur; respondit, illum ad morbum ægri respicere; se, ad animum. Neque eum res fefellit. Ille enim cum summa diligentia non medici tantummodo, sed etiam regis custodiretur, tamen malagmata sua devorando, bibendoque suam urinam, in exitium sese præcipitavit.

Inter initia tamen, non difficillima curatio est, si imperata sunt corpori, quies, sitis, inedia. At si malum inveteravit, non sine magna mole discutitur. Metrodorum tamen, Epicuri discipulum, referunt, cum hoc morbo tentaretur, neque æquo animo necessariam sitim sustineret, ubi diu ab-

abstinuerat, solitum bibere, deinde evomere. Quod si redditur, quicquid receptum est, multum tædio demit: si à stomacho retentum est, morbum auget: ideoque in quolibet tentandum non est.

Sed si febris quoque est, hæc in primis submovenda est per eas rationes, per quas huic succurri posse propositum est. Si sine febre æger est, tum demum ad ea veniendum est, quæ ipsi morbo mederi solent.¹⁰ Atque hic quoque quæcumque species est, si nondum nimis occupavit, iisdem auxiliis opus est. Multum ambulandum, currendum aliquando, & superiores maxime partes sic perfricandæ, ut calorem in corpore evocet: inter quæ, spiritum ipse contineat. Evocandus est sudor, non per exercitationem tantum, sed etiam in arena calida, vel laconico, vel chibano, similibusque aliis: maximeque utiles sunt natura-²⁰ les, & siccæ sudationes; quales super Batas habemus in myrtetis. Balneum, atque omnis humor alienus est. Iejuno recte catapotia dantur, facta ex duabus apsinthii, myrrhæ tertia parte.²⁵

Cibus esse debet ex media quidem materia, sed tamen generis durioris. Potio non ultra danda est, quam ut vitam sustineat: optimaque est, quæ urinam movet. Alvum moliri cibo melius est, quam medicamento. Si tamen res coget, ex his aliquid, quæ id præstant, erit decoquendum, eaque aqua potui danda. Videntur autem hanc facultatem habere, iris, nardum.

dum, crocum, cinnamomum, cassia, myrrha, balsamum, galbanum, ladanum, cœnanthe, panaces, cardamomum, hebenus, cupressi semen, uva taminia, quam *ἡ σάφιδά ἀγρία* Græci nominant, abrotanum, rosæ folia, acorum, amaræ nuces, tragooriganum, styrax, costum, junci quadrati & rotundi flos; illum *κνίπρος*, hunc *αρχαῖος* Græci vocant. quæ quoties posuero, non quæ hic nascuntur, sed, quæ inter aromata afferuntur, significabo. Primo tamen, quæ lenissima ex his sunt, id est, rosæ folia, vel nardi spica, tentanda sunt. Vinum quoque utile est auferum, sed quam tenuissimum.

Commodum est etiam, lino quotidie ventrem metiri, &, qua comprehendit alvum, notam imponere: postero quoque die videre, plenius corpus sit, an extenuetur. id enim, quod extenuatur, medicinam sentit. Neque alienum est, metiri & positionem ejus, & urinam. nam si plus humoris excernitur, quam assumitur, ita demum secundæ valetudinis spes est. Asclepiades in eo, qui ex quartana in hydropa deciderat, se abstinencia bidui, & frictione usum, tertio die, jam & febre, & aqua liberato, cibum, & vinum dedisse, memoriæ prodidit. Hactenus communiter de omni specie præcipi potest: si vehementius malum est, diducenda ratio curandi est.

Ergo, si inflatio, & ex ea dolor creber est, utilis quotidianus, aut altero quoque die

die post cibum, vomitus est. Fomentis deinde ficcis calidisque utendum est. Si per hæc dolor non finitur, necessariæ sunt sine ferro cucurbitulæ. Si ne per has quidem tormentum tollitur, incidenda cutis est, & tum his utendum. Vltimum auxilium est, si cucurbitulæ nihil profuerunt, per alvum infundere copiosam aquam calidam, eamque recipere. Quinetiam quotidie ter quaterve opus est uti fricatione vehementi, cum oleo & quibusdam calefacientibus. Sed in hac frictione à ventre abstinendum est. Imponendum vero in eum crebrius sinapi, donec cutem erodat; ferramentisque candentibus pluribus locis venter exulcerandus est, & servanda ulcera diutius. Vtiliter etiam scilla cocta deligatur super eum. Sed diu post has inflationes abstinendum est ab omnibus inflammationibus.

At, si id vitium est, cui *λευκοφλεγματία* nomen est, eas partes, quæ tument, subjicere soli oportet; sed non nimium, ne febriculam incendat; si is vehementior est, caput velandum est, utendumque fricatione; madefactis tantum manibus aqua, cui sal & nitrum & olei paulum sit adjectum; sic, ut aut pueriles aut muliebres manus adhibeantur, quo mollior earum tactus sit. Idque si vires patiuntur, ante meridiem, tota hora; post meridiem, semihora fieri oportet. Utilia sunt etiam cataplasmata, quæ reprimunt; maximeque, si corpora teneriora sunt. Incidendum quoque super talum, quatuor fere digitis, ex parte interiore.

teriore est; quo per aliquot dies frequens humor feratur: atque ipsos tumores incidere altis plagis oportet: concutiendumque corpus est multa gestatione, atque, ubi inductæ vulneribus cicatrices sunt, adjiciendum exercitationibus & cibis, donec corpus ad pristinum statum revertatur. Cibus valens esse debet, & glutinosus, maximeque caro. Vinum, si per stomachum licet, dulcius. sed ita, ut invicem biduo triduoque, modo aqua, modo id bibatur. Prodest etiam lactucæ marinæ, quæ grandis juxta mare nascitur, semen, cum aqua potui datum. Quod si valens est, qui id accipit, ei scilla cocta simul super ventrem deligatur. Authoresque multi sunt, inflatis vesicis pulsandos tumores esse.

Si vero id morbi genus est, quo in uterum multa aqua contrahitur, ambulare, sed magis modice oportet; malagma, quod digerat, impositum habere; idque ipsum superimposito triplici panno, fascia, non nimium tamen vehementer, astringere, quod à Tharria profectum, servatum esse à pluribus video. Si jecur, aut lienem affectum esse, manifestum est, ficum pinguem contusam, adjecto melle, superponere. Si per talia auxilia venter non siccatur, sed humor nihilominus abundat, celeriori via succurrere, ut is per ventrem ipsam emitatur. Neque ignoro, Erasistrato displicuisse hanc curandi viam. morbum enim hunc jocineris putavit: ideoque illud esse sanandum; frustra que aquam emitti, quæ,
vitiato

vitiato illo, subinde renascatur. Sed primum, non hujus visceris unius hoc vitium est. Nam & splene affecto, & in totius corporis malo habitu fit. Deinde, ut inde coeperit, tamen aqua nisi emittitur, quæ contra naturam ibi substitit, & jocinori, & cæteris interioribus partibus nocet. Convenitque, corpus nihilominus esse curandum. Neque enim sanat emissus humor, sed medicinæ locum facit, quam intus inclusus impedit. Ac ne illud quidem in controversiam venit, quin non omnes in hoc morbo sic curari possint; sed juvenes robusti, qui vel ex toto carent febre, vel certe satis liberales intermissiones habent. 15 Nam quorum stomachus corruptus est, quive ex atra bile huc deciderunt, quique malum corporis habitum habent, idonei huic curationi non sunt. Cibus autem, quo die primum humor emissus est, supervacuus est, nisi si vires defunt. Insequentibus diebus, & his vinum meracius quidem, sed non ita multum dari debet, paulatimque revocandus æger est ad exercitationes, fricationes, solem, sudationes, fatio- 25 gationes, & idoneos cibos, donec ex toto convalescat. Balneum rarum res amat; & frequentiore in jejuno vomitum. Si æstas est, in mari natare commodum est. Ubi convaluisset aliquis, diu tamen alienus ei veris usus sit. 30

De Tabæ, & ejus speciebus.

DIUTRIUS sæpe & periculosius tabes
5 eos male habet, quos invasit. Atque
hujus quoque plures species sunt.
Unâ est, qua corpus non alitur, &, natura-
liter semper aliquibus decedentibus, nullis
vero in eorum locum subeuntibus, summa
10 macies oritur; &, nisi occurritur, tollit.
ἀπεφίαν hanc Græci nominant. Ea duabus
fere de causis incidere consuevit. Aut enim
nimio timore aliquis minus, aut aviditate
nimia plus, quam debet, assumit: ita vel,
15 quod deest, infirmat: vel, quod superat,
corrumpitur.

Altera species est, quam Græci *καχέξια*
appellant: ubi malus corporis habitus est;
ideoque omnia alimenta corrumpuntur.
20 Quod fere fit, cum longo morbo vitata
corpora, etiam si illo vacant, refectiorem
tamen non accipiunt; aut cum malis medi-
camentis corpus affectum est; aut, cum diu
necessaria defuerunt; aut, cum inusitatos &
25 inutiles cibos aliquis assumpsit, aliquidve
simile incidit. Huic, præter tabem, illud
quoque nonnunquam accidere solet, ut per
assiduas pustulas, aut ulcera, summa cutis
exasperetur, vel aliquæ corporis partes in-
30 tumescant.

Tertia est, longeque periculosissima spe-
cies, quam Græci *φθίσις* nominaverunt.
Oritur fere à capite: inde in pulmonem di-
stillat. Ex hoc exulceratio accidit, & feбри-
cula

cula lenis fit; quæ etiam, cum quievit, tamne repetit. In ea quoque frequens tussis est, & pus excreatur; interdum cruentum aliquid. Quicquid excreatum est, si in ignem impositum est, mali odoris est. Itaque, qui de morbo dubitant, hac nota utuntur.

Cum hæc genera tabis sint, animadvertere primum oportet, quid sit in quo laboratur. Deinde, si tantum non ali corpus apparet, causam ejus attendere; &, si cibi minus assumptum sit aliquis quam debuit, adjicere oportet: sed paulatim, ne si corpus insuetum subita multitudine oneraverit, stomachus gravetur, & concoctionem impediat. Si vero plus justo quis assumere solitus est, abstinere uno die; deinde ab exiguo cibo incipere; quotidie adjicere, donec ad justum modum perveniat. Præter hæc convenit ambulare locis quam maxime frigidis, sole vitato: per manus quoque exerceri. Si infirmior est, gestari, ungi, perfricari, si potest, maxime per seipsum, sæpius eodem die, & ante cibum, & post eum, sic ut interdum oleo quædam adjiciantur calefacientia, donec insudet. Prodestque jejuno prehendere per multas partes cutem, & attrahere, ut relaxetur; aut, imposita resina, & abducta, subinde idem facere. Utile est etiam interdum balneum, sed post cibum exiguum. Atque in ipso solio recte cibi aliquid assumitur: aut si sine hoc frictio fuit, post eam protinus. Cibi vero esse debent ex his, qui facile concoquuntur, maximeque alunt. Ergo vini quoque, sed

austeri, necessarius usus est, movendę urine.

At si malus habitus corporis est, primum abstinendum est; deinde alvus ducenda; tum paulatim cibi dandi, adjectis exercitationibus, unctionibus, fricationibus. Utilius his frequens balneum est, sed jejunis; etiam usque ad sudorem. Cibus vero opus est copiosis, variis, boni succi, quique etiam minus facile corrumpantur, vino 10 austero. Si nihil reliqua proficiunt, sanguis mittendus est; sed paulatim, quotidieque pluribus diebus, cum eo, ut cætera quoque eodem modo servantur.

Quod si mali plus est, & vera phthisis 15 est, inter initia protinus occurrere necessarium est. neque facile enim hic morbus, cum inveteraverit, evincitur. Opus est, si vires patiuntur, longa navigatione, cœli mutatione sic, ut densius quam id est, 20 ex quo discedit æger, petatur. Ideoque aptissime Alexandriam ex Italia itur. Fereque id posse inter principia corpus pati debet, cum hic morbus ætate firmissima maxime oriatur, id est ab anno duodevigesimo usque ad annum quintum & trigesimum. Si id imbecillitas non finit, nave tamen, sed non longe, vectari commodissimum est. Sin navigationem aliqua res prohibet, lectica, vel alio modo corpus movendum est: tum à negotiis abstinendum 30 est, omnibusque rebus, quæ sollicitare animum possunt: somno indulgendum: cavendę distillationes, ne, si quid cura levarit, exasperent; & ob id vitanda cruditas,

ditas, simulque & sol, & frigus: os obtegendum, fauces velandæ, tussicula suis remediis finienda: &, quamdiu quidem febricula incurSAT, huic interdum abstinentia, interdum etiam tempestivis cibis, medendum: eoque tempore bibenda aqua. Lac quoque, quod in capitis doloribus, & in acutis febribus, & per eas facta nimia fiti, ac, si ve præcordia tument, si ve biliosa urina est, si ve sanguis fluxit, pro veneno est; in phthisi tamen, sicut in omnibus longis difficilibusque febriculis, recte dari potest.

Quod si febris aut nondum incurSAT, aut jam remisit, decurrendum est ad modicas exercitationes, maximeque ambulationes, item lenes fricationes. Balneum alienum est. Cibus esse debet primo acer, ut allium, porrum, idque ipsum ex aceto, vel ex eodem intubus, ocimum, lactuca: deinde lenis sorbitio ex ptisana, vel ex alica, vel ex amylo, lacte adjecto. Oryza quoque, &, si nihil aliud est, far idem præstat. Tum invicem modo his cibis, modo illis utendum est: adjiciendaque quædam ex media materia, præcipue vero ex prima, cerebellum, vel pisciculus, & his similia. Farina etiam cum sevo ovillo caprinove mista, deinde incocta, pro medicamento est. Vinum assumi debet leve austerum.

Haftenus non magna mole pugnatur. Si vehementior noxa est, ac neque febricula, neque tussis quiescit, tenuarique corpus

pus apparet, validioribus auxiliis opus est. Exulcerandus est ferro candenti, uno loco sub mento, altero in gutture, duobus ad mammas utramque; item sub imis ossibus scapularum, quas *ἀγκυλώσεις* Græci vocant, sic, ne sanescere sinas ulcera, nisi tussis finita fuerit. cui per se quoque medendum esse, manifestum est. Tunc ter quaterque die vehementer extremæ partes
10 perfricandæ sunt: thorax leni manu pertractandus: post cibum intermittenda hora, & perfricanda crura, brachiaque. Interpositis denis diebus, demittendus æger in solium est, in quo sit aqua calida &
15 oleum. Cæteris diebus bibenda aqua: tum vinum, si tussis non est, potui frigidum dandum: si vero est, egelidum. Utile est etiam in remissionibus quotidie cibos dari: frictiones gestationesque similiter adhiberi:
20 quarto, aut quinto die sumere, interdum herbam sanguinali ex aceto, vel plantaginem esse. Medicamentum est etiam vel plantaginis succus per se, vel marrubii, si cum melle sit incoctus; ita ut illius cyathus sorbeatur, hujus cochleare plenum paulatim delingatur; vel inter se mista, & incocta resinæ terebinthinæ pars dimidia, butyri & mellis pars altera. Præcipua tamen ex his omnibus sunt victus, vehiculum, & navis, & sorbitio. Alvus cita utique vitanda est. Vomitus in hoc morbo frequens, perniciosus est, maximeque sanguinis. Qui meliusculus esse cœpit, ad-
jicere debet exercitationes, fricationes, ci-

bos: deinde ipse se, suppresso spiritu, perfricare; diu abstinere à vino, balneo, venere.

CAP. XXIII.

De Comitiali morbo.

5

INTER notissimos morbos est etiam is, qui comitialis, vel major nominatur. Homo subito concidit, ex ore spumæ moventur, deinde interposito tempore ad 10 se redit, & per seipsum consurgit. Id genus sæpius viros, quam fœminas occupat; ac solet quidem etiam longum esse, usque ad mortis diem, & vitæ non periculosum. Interdum tamen cum recens est, hominem 15 consumit; & sæpe eum, si remedia non sustulerunt, in pueris veneris, in puellis menstruorum initium tollit. Modo cum distentione membrorum aut nervorum prolabitur aliquis; modo sine illa. 20

Quidam hos quoque iisdem, quibus lethargicos, excitare conantur. quod admodum supervacuum est: & quia ne lethargicus quidem his sanatur; & quia, cum possit ille nunquam expergisci atque ita fame in- 25 terire, hic ad se utique revertitur.

Ubi concidit aliquis, si nulla nervorum distentio accessit, utique sanguis mitti debet: si accessit, non utique mittendus est, nisi alia quoque hortantur. Necessarium 30 autem est, ducere alvum, vel nigro veratro purgare, vel utrunque facere, si vires patiuntur. tunc caput tondere, oleoque & aceto perungere; cibum post diem tertium;

tium, simul ac transiit hora, qua concidit,
 dare. Neq; sorbitiones his aut alioqui mol-
 les, & faciles cibi; neque caro, minimeque
 suilla convenit; sed mediæ materiæ. nam
 5 & viribus opus est, & cruditates cavendæ
 sunt. Cum quibus fugere oportet solem,
 balneum, ignem, omniaque calefacientia:
 item, frigus, vinum, venerem, loci præci-
 pitis conspectum, omniumque terrentium,
 10 vomitum, lassitudinem, sollicitudines, ne-
 gotia omnia. &, ubi tertio die cibus datus
 est, intermittere quartum, & invicem al-
 terum, quemque; eadem hora cibi servata,
 donec quatuordecim dies transeant. Quos
 15 ubi morbus excessit, acuti vim deposuit:
 at si manet, curandus jam ut longus est.

Quod si non, quo die primum is incidit,
 medicus accessit; sed is, qui cadere consue-
 vit, post ei traditus est; protinus eo genere
 20 victus habito, qui supra comprehensus est,
 expectandus est dies, quo prolabatur; uten-
 dumque tum vel sanguinis missione, vel
 ductione alvi, vel nigro veratro, sicut præ-
 ceptum est. In sequentibus deinde diebus,
 25 per eos cibos, quos proposui, vitatis omni-
 bus, quæ cavenda dixi, nutriendus est.

Si per hæc morbus finitus non fuerit,
 confugiendum erit ad album veratrum; ac
 ter quoque aut quater eo utendum, non ita
 30 multis interpositis diebus; sic tamen, ne
 iterum unquam sumat, nisi conciderit.
 Mediis autem diebus vires ejus erunt nu-
 triendæ; quibusdam, præter ea, quæ supra
 scripta sunt, adjectis. Ubi mane experre-

Etus est, corpus ejus leniter ex oleo vetere (cum capite, excepto ventre) permulceatur: tum ambulatione quam maxime longa & recta utatur: post ambulationem loco tepido vehementer & diu, ac non minus ducenties, nisi infirmus erit, perfricetur: deinde super caput multa aqua frigida perfundatur; paulum cibi assumat; conquiescat; rursus ante noctem ambulatione utatur; iterum vehementer perfricetur, sic utro neque venter, neque caput contingatur: post hæc coenet, interpositisque tribus aut quatuor diebus, uno aut altero acria assumat.

Si ne per hæc quidem fuerit liberatus, caput radatur; ungatur oleo vetere, adjecto aceto & nitro; perfundatur aqua salsa; bibat jejunos ex aqua castoreum; nulla aqua, nisi decocta, potionis causa utatur. Quidam jugulati gladiatoris calido sanguine potu tali morbo se liberarunt. Apud quos miserum auxilium tolerabile miserius malum fecit. Quod ad medicinam vero pertinet, ultimum est, juxta talum, ex utroque crure paulum sanguinis mittere: occipitium incidere, & cucurbitulas admove-
re: ferro candente in occipitio quoque & infra, qua summa vertebra cum capite committitur, adurere duobus locis, ut per ea perniciosus humor evadat. Quibus si finitum malum non fuerit, prope est, ut perpetuum sit. Ad levandum id, tantummodo utendum erit exercitatione, cibisque his, qui supra comprehensi sunt: præcipue-

cipueque vitanda omnia, quæ ne fierent, excepimus.

C A P. XXIV.

De Regio morbo.

5 **Æ**QUE notus est morbus, quem interdum arquaturn, interdum regium nominant. Quem Hippocrates ait, si post septimum diem febricitante
10 ægro supervenit; tutum esse, mollibus tantummodo præcordiis substantibus. Diocles ex toto, si post febrem oritur, etiam prodesse; si post hunc febris, occidere. Color autem eum morbum detegit, maxime
15 oculorum, in quibus, quod album esse debet, fit luteum. Soletque accedere & sitis, & dolor capitis, & frequens singultus, & præcordiorum dextra parte durities; & ubi corporis vehemens motus est, spiritus
20 difficultas, membrorumque resolutio: atque, ubi diutius manet morbus, totum corpus cum pallore quodam inalbescit.

Primo die abstinere ægrum oportet: secundo ducere alvum: tum, si febris est,
25 eam victus genere discutere: si non est, scamnoneam potui dare, vel cum aqua betam albam contritam, vel cum aqua mulsâ nuces amaras, apsinthium, anisum, sic, ut pars hujus minima sit. Asclepiades
30 aquam quoque falsam, & quidem per biduum, purgationis causa bibere cogebat, iis, quæ urinam movent, rejectis. Quidam, superioribus omissis, per hæc, & per eos cibos, qui extenuant, idem se consequi dicunt.

Ego utique , si satis virium est , validiora; si parum , imbecilliora auxilia præfero. Si purgatio fuit , post eam triduo primo modice cibum oportet assumere ex media materia , & vinum bibere Græcum falsum, & ut solutio ventris remaneat: tum altero triduo validiores cibos , & carnis quoque aliquid esse , intraque aquam manere : deinde ad superius genus victus reverti , cum eo , ut magis satietur ; omisso Græco vino bibere nigrum austerum ; atque ita per hæc variare , ut interdum acres quoque cibos interponat, interdum ad falsum vinum redeat. Per omne vero tempus utendum est exercitatione , fricatione , & , si hiems est, balneo; si æstas, frigidis natationibus: lecto etiam , & conclavi cultiore , usu, loco, ludis , lascivia, aliis, per quæ mens exhilaratur. ob quæ regius morbus dictus videtur. Malagma quoque, quod digerat, super præcordia datum prodest ; vel arida ibi ficus imposita, si jecur aut lienis affectus est.

C A P. XXV.

De Elephantia.

25

IGNOTVS autem pene in Italia, frequentissimus in quibusdam regionibus is morbus est, quem *ελεφαντίασις* Græci vocant ; isque longis annumeratur. Quo totum corpus afficitur ita , ut ossa quoque vitari dicantur. Summa pars corporis erebras maculas crebrosque tumores habet. Rubor earum paulatim in atrum colorem convertitur. Summa cutis inæquali-

qualiter crassa, tenuis, dura, mollisque, quasi squamis quibusdam exasperatur, corpus emacrescit, os, suræ, pedes intumescunt. Vbi vetus morbus est, digiti in manibus pedibusque sub tumore conduntur; febricula oritur, quæ facile tot malis obrutum hominem consumit.

Protinus ergo inter initia sanguis per biduum mitti debet; aut nigro veratro venter solvi. Adhibenda triduum, quanta sustinere potest, inedia est: paulum deinde vires reficiendæ, & ducenda alvus: post hæc, ubi corpus levatum est, utendum est exercitatione, præcipueque cursu: sudor primum labore ipsius corporis, deinde etiam siccis sudationibus evocandus: fricatio adhibenda: moderandamque inter hæc, ut vires conserventur: balneum rarium esse debet: cibus sine pinguibus, sine glutinosis, sine insantibus. Vinum, præterquam primis diebus, recte datur. Corpus contrita plantago & illita optime tueri videtur.

De Attonitis.

A TTONITOS quoque raro videmus, quorum & corpus & mens stupet. Fit interdum ictu fulminis, interdum morbo. hunc *ἄνε παλῆξιν* Græci appellant. His sanguis mittendus est. Veratro quoque albo, vel alvi ductione utendum. Tum adhibendæ fricationes; & ex

media materia minime pingues cibi; quidam etiam acres: & à vino abstinendum.

CAP. XXVII.

De Resolutione nervorum.

AT resolutio nervorum frequens ubique morbus est. Sed interdum tota corpora, interdum partes infestat. Veteres authores illud *ἀποπληξίαν*; hoc *παράλυσιν* nominaverunt. nunc utrunque *παράλυσιν* appellari video. Solent autem, qui per omnia membra vehementer resoluti sunt, celeriter rapi. ac si correpti non sunt, diutius quidem vivunt; sed raro tamen ad sanitatem perveniunt; & plerumque miserum spiritum trahunt, memoria quoque amissa. In partibus vero nonnunquam acutus, sæpe longus, fere insanabilis morbus est.

Si omnia membra vehementer resoluta sunt, sanguinis detractio vel occidit, vel liberat. Aliud curationis genus vix unquam sanitatem restituit; sæpe mortem tantum differt; vitam interim infestat. Post sanguinis missionem, si non redit & motus & mens, nihil spei superest: si redit, sanitas quoque prospicitur.

At, ubi pars resoluta est, pro vi & malo corporis, vel sanguis mittendus est, vel alvus ducenda. Cætera eadem in utroque casu facienda sunt. Siquidem vitare præcipue convenit frigus; paulatimque ad exercitationes revertendum est, sic, ut ingrediatur ipse protinus, si potest. Si id cru-

rum imbecillitas prohibet, vel gestetur, vel motu lecti concutiat: tum id membrum, quod deficit, si potest, per se; sin minus, per alium moveatur, & vi quadam ad consuetudinem suam redeat. Prodest etiam torpentis membri summam cutem exasperasse, vel urticis cæsam, vel imposito sinapi, sic, ut ubi rubere cœperit corpus, hæc removeantur. Scilla quoque contrita, bul-
10 bique contriti cum thure recte imponuntur. Neque alienum est, resina cutem tertio quoque die diutius vellere; pluribus etiam locis aliquando, sine ferro cucurbitulas admove-
re. Vnctioni vero aptissimum
15 est vetus oleum, vel nigrum aceto & oleo admixtum. Quinetiam fovere aqua calida marina; vel, si ea non est, tamen salsa, magnopere necessarium est. Ac, si quo loco vel naturales, vel etiam manufactæ tales
20 natationes sunt, iis potissimum utendum est; præcipueque in his agitanda membra, quæ maxime deficiunt: si id non est, balneum tamen prodest. Cibus esse debet ex media materia, maximeque ex venatione:
25 potio sine vino, aquæ calidæ. Si tamen vetus morbus est, interponi quarto vel quinto die purgationis causa vinum. Græcum salsum potest. Post coenam utilis vomitus est.

30

2. De Dole-*re nervorum.*

Interdum vero etiam nervorum dolor oriri solet. In hoc casu non vomere, non medicamentis urinam movere, non exercitatione sudores, ut quidam præcipiunt, expedit.

pedit. Bibenda aqua est bis die. In lectulo leniter satis diu corpus perfricandum est: deinde, retento spiritu, in ipsa exercitatione potius superiores partes movendæ: balneo raro utendum: mutandum subinde peregrinationibus cœlum. Si dolor est, ea ipsa pars sine oleo, nitro ex aqua perungenda est; deinde involvenda, & subjicienda pruna lenis, & sulphur; atque ita id suffumigandum; idque aliquandiu faciendum, sed jejuno, cum bene jam concoxerit. Cucurbitulæ quoque sæpe dolenti parti admovendæ sunt, pulsandusque leniter inflatis vesicis bubulis is locus est. Utile est etiam sebum miscere cum cumini & urticæ contritis seminibus, sic, ut omnium par modus sit, idque imponere: fovere aqua, in qua sulphur decoctum sit. Utriusque quoque recte imponuntur aqua calida repleti, aut bitumen cum hordeacea farina mixtum. Atque in ipso potissimum dolore, utendum gestatione vehementi est. quod in aliis doloribus pessimum est.

3. De Tremore nervorum

Tremor autem nervorum æque vomitu medicamentisque urinam moventibus intenditur. Inimica etiam habet balnea, assasque sudationes. Bibenda aqua est: acri ambulatione utendum, item unctionibus, frictionibusque, maxime per seipsum: pila, similibusque superiores partes dimovendæ: cibo quolibet utendum, dummodo concoctioni utique studeatur. Secundum cibum, curis abstinendum: rarissima venere uten-

utendum est. Si quando quis in eam prolapsus est, tum oleo leniter diuque in lectulo perfricari manibus puerilibus potius, quam virilibus, debet.

5 4 *De Suppurationibus internis.*

Suppurationes autem, quæ in aliqua interiori parte oriuntur, ubi ortæ fuerint, primum id agere oportet per ea cataplasmata, quæ reprimunt, ne coitus inutilis
10 materię fiat. deinde, si hæc victa sunt, ut per ea malagmata, quæ digerunt, dissipetur. Quod si consecuti non sumus, sequitur, ut evocetur: deinde, ut maturescat. omnis tum vomicę finis est, ut rumpatur.
15 Indiciũque est, pus vel alvo vel ore redditum. Sed nihil facere oportet, quo minus, quicquid est puris, exeat. Utendum maxime sorbitionibus est, & aqua calida. Ubi pus ferri desit, transeundum ad faciles
20 quidem, sed tamen validiores & frigidos cibos, frigidamque aquam; sic ut ab egelidis tamen initium fiat. primoque cum melle quædam edenda, ut nuclei pinei, vel Græcæ nuces, vel avellanæ. Postea submoven-
25 dum id ipsum, quo maturius induci cicatrix possit. Medicamentum eo tempore ulceri est, succus assumptus vel porri vel marrubii, & omni cibo porrum ipsum adjectum. Oportebit autem uti in his partibus, quæ non
30 afficiuntur, fricationibus, item ambulationibus lenibus. Vitandumque erit, ne vel luctando, vel currendo, vel alia ratione faneſcentia ulcera exasperentur. In hoc enim morbo perniciosus, ideoque omni modo cavendus sanguinis vomitus est.

LIBER QVARTVS.

CAP. I.

De humani corporis interioribus sedibus.

HACTENVS reperiuntur ea genera morborum, quæ in totis corporibus ita sunt, ut iis certæ sedes assignari non possint: nunc de his dicam, quæ sunt in partibus. Facilius autem omnium interiorum morbi curationesque in notitiam venient, si prius eorum sedes breviter ostendero.

Caput igitur, eaque, quæ in ore sunt, non lingua tantummodo palatoque terminantur, sed etiam, quatenus oculis nostris exposita sunt. In dextra sinistraque circa guttur venæ grandes, quæ *σφαιρινδεις* nominantur; itemque arteriæ (quas *αγγεινδεις* vocant) sursum procedentes ultra aures feruntur. Atque in ipsis cervicibus glandulæ positæ sunt, quæ interdum cum dolore intumescunt. Deinde duo itinera incipiunt: alterum, asperam arteriam nominant; alterum, stomachum. Arteria exterior ad pulmonem: stomachus interior ad ventriculum fertur. illa spiritum: hic cibum recipit. Quibus cum diversæ viæ sint, qua coeunt, exigua in arteria sub ipsis faucibus lingula est: quæ, cum spiramus, attollitur; cum cibum potionemque assumimus, arteriam claudit. Ipsa autem arteria, dura & cartilaginosa, in gutture assurgit.

git; cæteris partibus residit. Constat ex
circulis quibusdam, compositis ad imagi-
nem earum vertebrarum, quæ in spina
sunt: ita tamen, ut ex parte exteriori
aspera; ex interiori, stomachi modo læ-
vis sit. eaque descendens ad præcordia
cum pulmone committitur. Is spongio-
sus, ideoque spiritus capax, & à tergo
spinæ ipsi junctus, in duas fibras, ungulæ
robubulæ modo, dividitur. Huic cor an-
nexum est, natura musculosum, in pectore
sub sinistrore mamma situm; duosque
quasi ventriculos habet. At sub corde at-
que pulmone, transversum ex valida mem-
brana septum est, quod à præcordiis ute-
rum diducit, æque nervosum; multis etiam
venis per id discurrentibus; à superiore
parte, non solum intestina, sed jecur quo-
que lienemque discernit. Hæc viscera pro-
xime, sed infra tamen posita, dextra si-
nistraque sunt. Jecur à dextra parte sub
præcordiis ab ipso septo orsum, intrin-
secus cavum, extrinsecus gibberum est.
quod prominens leviter ventriculo insi-
det, & in quatuor fibras dividitur. Ex in-
feriore vero parte ei fel inhæret. At lien in
sinistra, non eidem septo, sed intestino
annexus est, natura mollis & rarus, lon-
gitudinis crassitudinisque modicæ; isque
paulum à costarum regione in uterum ex-
cedens, ex maxima parte sub his condi-
tur. atque hæc quidem juncta sunt. Renes
vero divisi: qui lumbis sub imis coxis in-
hærent, à parte earum resum, ab altera ro-
tundi,

tundi; qui & venosi sunt, & tunicis super
conteguntur. Ac viscerum quidem hæ se-
des sunt. Stomachus vero, qui intestino-
rum principium est, nervosus à septima
spinæ vertebra incipit, ac circa præcordia
cum ventriculo committitur. Ventriculus
autem, qui receptaculum cibi est, constat
ex duobus tergoribus. isque inter lienem
& jecur positus est; utroque ex his paulum
super eum ingrediente. Suntque etiam
membranulæ tenues, per quas inter se
tria ista connectuntur, jungunturque ei
septo, quod transversum esse, supra posui.
Inde ima ventriculi pars paulum in dex-
teriorem partem conversa, in summum in-
testinum coarctatur. Hanc juncturam *πυ-
λωρὸν* Græci vocant, quoniam portæ mo-
do in inferiores partes ea, quæ excreturi
sumus, emittit. Ab ea jejunum intestinum
incipit, non ita implicitum. cui tale voca-
bulum est, quia numquam, quod accepit,
continet; sed protinus in inferiores partes
transmittit. Inde tenuius intestinum est,
in sinus vehementer implicitum: orbes
vero ejus per membranulas singuli cum
interioribus connectuntur; qui in dexte-
riorem partem conversi, & è regione dex-
terioris coxæ finiti, superiores tamen par-
tes magis complent. Deinde id intestinum
cum crassiore altero transverso committi-
tur; quod à dextra parte incipiens, in si-
nistriorem pervium & longum est, in dex-
teriorem non est; ideoque cæcum nomina-
tur. At id, quod pervium est, late fusum at-
que

que sinuatum, minusque quam superiora
intestina nervosum, ab-utraq; parte huc
atque illuc volutum, magis tamen siniste-
riores inferioresque partes tenens, contin-
5git jecur atque ventriculum: deinde cum
quibusdam membranulis à sinistro rene
venientibus jungitur; atque hinc ad dex-
tra recurvatum in ima dirigitur, qua ex-
cernit; ideoque id ibi rectum intestinum
10 nominatur. Contegit vero universa hæc
omentum, ex inferiore parte læve & ad-
strictum, ex superiore mollius. Cui adeps
quoque innascitur; quæ sensu, sicut cere-
brum quoque & medulla, caret. At à re-
15 nibus singulæ venæ, colore albæ, ad ves-
icam feruntur; *ὀυρητῆρας* Græci vocant, quod
per eas inde descendentem urinam in ves-
icam distillare concipiunt. Vesica autem
in ipso sinu nervosa & duplex, cervice ple-
20 na atque carnosâ, jungitur per venas cum
intestino, eoque ossè, quod pubi subest:
ipsa soluta atque liberior est; aliter in viris
atque in foeminis posita. Nam in viris ju-
xta rectum intestinum est, potius in fini-
25 stram partem inclinata: in foeminis super
genitale earum posita est, & superne lapsa,
ab ipsa vulva sustinetur. Tum in masculis
iter urinæ spatiosius & compressius à cer-
vice hujus descendit ad colem: in foemi-
30 nis brevius & plenius, super vulvæ cervi-
cem se ostendit. Vulva autem in virginibus
quidem admodum exigua est: in mulieri-
bus vero, nisi ubi gravidæ sunt, non multo
major, quam ut manu comprehendatur.

Ea,

Ea, recta tenuataque cervice, quam canalem vocant, contra mediam alvum orsa, inde paulum ad dexteriores coxas convertitur; deinde super rectum intestinum progressa, iliis foeminæ latera sua innectit. Ipsa autem ilia inter coxas & pubem imo ventre posita sunt. A quibus ac pube abdomen sursum versus ad præcordia pervenit; ab exteriori parte, evidenti cute; ab interiori levi membrana inclusum; quæ omento jungitur; *περιτόναιον* autem à Græcis nominatur.

C A P. I I.

De curationibus morborum, qui nascuntur à capite.

15

His veluti in conspectum quendam, quatenus scire curanti necessarium est, adductis, remedia singularum laborantium partium exequar, orsus à capite. sub quo nomine nunc significo eam partem, quæ capillitio tegitur. nam oculorum, aurium, dentium dolor, & si quis similis est, alias erit explicandus.

2. *De Capitis dolore.*

25

In capite autem interdum acutus & pestifer morbus est, quam *κεφαλαίαν* Græci vocant. Cujus notæ sunt, horror validus, nervorum resolutio, oculorum caligo, mentis alienatio, vomitus, sic ut vox suppressatur; vel sanguinis ex naribus cursus, sic ut corpus frigescat, anima deficiat. Præter hæc, dolor intolerabilis, maxime circa tempora, vel occipitium. Interdum autem in

in capite longa imbecillitas, sed neque
gravis, neque periculosa, per hominis æta-
tem est. Interdum gravior dolor, sed bre-
vis, neque tamen mortiferus; qui vel vino,
5 vel cruditate, vel frigore, vel igne, aut
sole contrahitur. Hique omnes dolores
modo in febre, modo sine hac sunt; modo
in toto capite, modo in parte; interdum
sic, ut oris quoque proximam partem ex-
10 crucient. Præter hæc etiam invenitur ge-
nus, quod potest longum esse: ubi humor
cutem inflat, eaque intumescit, & premen-
ti digito cedit. *ὁ ὀγκίφαλος* Græci appel-
lant.

15 Ex his id, quod secundo loco positum
est, dum leve est, qua sit ratione curan-
dum, dixi, cum persequerer ea, quæ sani
homines in imbecillitate partis alicuius fa-
cere deberent. Quæ vero auxilia sint capi-
20 tis, ubi cum febre dolor est, eo loco expli-
citum est, quo febrium curatio exposita
est. nunc de cæteris dicendum est.

Ex quibus id, quod acutum est, & id,
quod supra consuetudinem intenditur, id-
25 que, quod ex subita causa, etsi non pesti-
ferum, tamen vehemens est, primam cu-
rationem habet, qua sanguis mittatur. Sed
id, nisi intolerabilis est dolor, superva-
cum est. Satiusque est, abstinere à cibo;
30 si fieri potest, etiam à potione: si non po-
test, aquam bibere. Si postero die dolor
remanet, alvum ducere, sternutamenta
evocare, nihil assumere, nisi aquam. Sæpe
enim dies unus aut alter totum dolorem
hac

hac ratione discutit, utique, si ex vino vel eruditate origo est.

Si vero in his auxilii parum est, tondere oportet ad cutem: deinde considerandum est, quæ causa dolorem excitarit. Si calor, aqua frigida multa perfundere caput expedit; spongiam concavam imponere, subinde aqua frigida expressam; ungere rosa & aceto, vel potius his tinctam lanam succidam imponere, aliave refrigerantia¹⁰ cataplasmata. At si frigus nocuit, caput oportet perfundere aqua calida marina, vel certe salsa, aut in qua laurus decocta sit; tum caput vehementer perfricare; deinde calido oleo implere & veste velare.¹⁵ quidam etiam id devinciunt: alii cervicalibus vestimentisque onerant, & sic levantur: alios calida cataplasmata adjuvant. Ergo etiam, ubi causa incognita est, videre oportet, refrigerantia magis, an calefacien-²⁰ tia leniant, & his uti, quæ experimentum approbarit.

At si parum causa discernitur, perfundere caput, primum aqua calida, sicut supra præceptum est, vel salsa, vel ex lauro de-²⁵ cocta, tum frigida posca. Illa in omni vetusto capitis dolore communia sunt: sternutamenta excitare, inferiores partes vehementer perfricare, gargarizare his, quæ salivam movent, cucurbitulas temporibus³⁰ & occipitio admoveere, sanguinem ex naribus detrahare, resina subinde tempora pervellere, & imposito sinapi exulcerare ea, quæ male habent, ante linteolo subjecto,
ne ve-

ne vehementer erodat, candentibus fermentis, ubi dolor est, ulcera excitare, cibum semper modicum cum aqua sumere: ubi levatus est dolor, in balneum ire, ibi multa aqua prius calida, deinde frigida caput perfundi. Si discussus ex toto dolor est, etiam ad vinum reverti; sed postea semper, antequam quicquam aliud, aquam bibere.

- 10 Dissimile est id genus, quod humorem in caput contrahit. In hoc tonderi ad cutem necessarium est: deinde imponere sinapi, sic ut exulceret. si id parum profuit, scalpello utendum est. Illa cum hydropicis
15 communia sunt, ut exerceatur, insudet, vehementer perfricetur, cibus potionibusque utatur urinam præcipue moventibus.

C A P. I I.

- 20 *De morbo, qui circa faciem nascitur.*

CIRCA faciem vero morbus innascitur, quem Græci *κωινὴν ἀσθμὴν* nominant. Is cum acuta febre oritur. Os cum rictu quodam pervertitur, ideoque
25 nihil aliud est, quam distortio oris. Accedit crebra coloris in facie totoque corpore mutatio. somnus in promptu est.

In hoc sanguinem mittere optimum est. Si finitum eo malum non est, ducere
30 alvum. Si ne sic quidem discussum est, albo veratro vomitum movere. Præter hæc necessarium est vitare solem, lassitudinem, vinum. Sed si discussum his non est, utendum est cursu, & fricatione in eo, quod læsum

sum est, leni & multa; in reliquis partibus brevior, sed vehementi. Prodest etiam movere sternutamenta, caput radere, idque perfundere aqua calida, vel marina, vel certe salsa, sic ut ei quoque sulphur adji-
ciatur: post perfusionem iterum perfricari, sinapi manducare; eodemque tempore affectis oris partibus ceratum, integris item sinapi, donec erodat, imponere. Cibus aptissimus ex media materia est. 10

C A P. I I I.

De Resolutione linguæ.

At si lingua resoluta est, quod interdum per se, interdum ex morbo aliquo fit, sic ut sermo hominis non explicetur; oportet gargarizare ex aqua, in qua vel thymum, vel hyssopum, vel nepeta decocta sit; aquam bibere; caput, & os, & ea, quæ sub mento sunt, & cervicem vehementer perfricare; laesere linguam ipsam linere; manducare, quæ sunt acerrima, id est sinapi, allium, cepam; magna vi luctari, ut verba exprimantur; exerceri retento spiritu, caput sæpe aqua frigida perfundere, nonnunquam multam esse radiculam, deinde vomere,

C A P. I V.

De Distillatione ac gravedine.

30

DISTILLAT autem humor de capite interdum in nares, quod lenè est; interdum in fauces, quod peius est; interdum etiam in pulmonem, quod pessimum

10 mum est. Si in nares distillaverit, tenuis
per has pituita profluit, caput leniter dolet,
gravitas in eo sentitur, frequentia sternu-
tamenta sunt. Si in fauces, has exasperat,
5 tussiculam movet. Si in pulmonem, præ-
ter sternutamenta & tussim, est etiam capi-
tis gravitas, lassitudo, sitis, æstus, biliosa
urina.

Aliud autem (quamvis non multum di-
10 stans) malum, gravedo est. Hæc nares clau-
dit, vocem obtundit, tussim siccam movet.
Sub eadem vero falsa est saliva, sonant au-
res, venæ moventur in capite, turbida uri-
na est. Hæc omnia *νεφύζας* Hippocrates no-
15 minat. Nunc video apud Græcos in grave-
dine hoc nomen servari: distillationes,
νεφύζας appellari. Hæc communia &
brevia; sed si neglecta sunt, longa esse con-
suerunt. Nihil pestiferum est, nisi quod
20 pulmonem exulcerat.

Ubi aliquid ejusmodi sentimus, pro-
tinus abstinere à sole, à balneo, à vene-
re debemus. Inter quæ unctione, & as-
fucto cibo nihilominus uti licet. Ambu-
25 latione tantum non acri, sed recta uten-
dum est, & post eam caput atque os supra
quingagies perfricandum. Raroque fit, ut
si biduo, vel certe triduo nobis tempera-
vimus, id vitium non levetur. Quo levato,
30 si in distillatione crassa facta pituita est,
vel in gravedine, nares magis pallent, bal-
neo utendum est, multaque aqua prius ca-
lida, post egelida, fovendum os, caputque;
deinde cum cibo pleniore vinum biben-
dum.

dum. At, si æque tenuis die quarto pituita est, vel nares æque clausæ videntur, assumendum est vinum aminæum, austerum; deinde, rursus biduo aqua, post quæ ad balneum, & ad consuetudinem revertendum est.

Neque tamen ipsis diebus, quibus aliqua omittenda sunt, expedit tamquam ægros agere: sed cætera omnia quasi sanis facienda sunt, præterquam si diutius aliquem, & ¹⁰vehementius ista sollicitare consuerunt. huic enim quædam curiosior observatio necessaria est. Igitur huic, si in nares vel in fauces distillavit, præter ea, quæ supra retuli, protinus primis diebus multum am- ¹⁵bulandum est, perfricandæ vehementer inferiores partes, levior fricatio adhibenda thoraci erit, levior capiti, demenda assueti cibo pars dimidia, sumenda ova, amy- ²⁰lum, similiaque, quæ pituitam faciunt crassio-
riorem, siti, quanta maxima sustineri potest, pugnandum est. Ubi per hæc idoneus aliquis balneo factus, eoque usus est, ad-
ciendus est cibo pisciculus, aut caro; sic ta-
men, ne protinus justus modus cibi suma- ²⁵tur: vino meraco copiosius utendum est.

At, si in pulmonem quoque destillat, multo magis & ambulatione & frictione opus est, eademque adhibita ratione in cibis, si non satis illi proficiunt, acrioribus ³⁰utendum est, magis somno indulgendum est, abstinendumque à negotiis omnibus, aliquando, sed serius, balneum tentandum.

In gravedine autem, primo die quiescere, neque esse, neque bibere, caput velare, fauces lana circumdare: postero die surgere, diu abstinere à potione, aut, si res coegerit, non ultra heminam aquæ assumere: tertio die panis non ita multum ex parte interiore cum pisciculo, vel levi carne sumere, aquam bibere: si quis sibi temperare non potuerit, quo minus pleniore victu utatur, vomere: ubi in balneum ventum est, multa aqua calida caput & os fovere usque ad sudorem, tum ad vinum redire. Post quæ vix fieri potest, ut idem incommodum maneat. sed, si manserit, utendum erit cibis frigidis, aridis, levibus, humore quam minimo, servatis frictionibus exercitationibusque, quæ in omni tali genere valetudinis necessariæ sunt.

C A P. I I I.

De Cervicis morbis.

A C A P I T E transitus ad cervicem est; quæ gravibus admodum morbis obnoxia est. Neque tamen alius importunior acutiorque morbus est, quam is, qui quodam rigore nervorum, modo caput scapulis, modo mentum pectori adnectit, modo rectam & immobilem cervicem intendit. Primum Græci *ἐμπεδιόζωρος*, sequentem *ἱμπεδιόζωρος*, ultimum *πζωρος* appellant: quamvis minus subtiliter quidam indiscretis his nominibus utuntur. Ea sæpe intra quartum diem tollunt: si hunc evaserunt, sine periculo sunt.

Eadem omnia ratione curantur; idque convenit. Asclepiades utique mittendum sanguinem credidit. Id quidam utique vitandum esse dixerunt, eo quod maxime tum corpus calore egeret; isque esset in sanguine venarum. Hoc quidem falsum est, neque enim natura sanguinis est, ut utique caleat; sed ex his, quæ in homine sunt, is celerrime vel calefcit, vel refrigerat. Mitti vero nec ne debeat, ex his intelligi potest, quæ de sanguinis missione præcepta sunt. Vtrique autem recte datur castoreum, & cum hoc piper, vel laser. Deinde opus est fomento humido & calido. Itaque plerique aqua calida multa cervices subinde perfundunt. id in præsentia allevat; sed opportuniore nervos frigori reddit. quod utique vitandum est.

Utilius igitur est, cerato liquido primum cervicem perungere; deinde admove-
vere vesicas bubulas vel utriculos oleo calido repletos, vel ex farina calidum cataplasma, vel piper cum ficu contusum. Utilissimum tamen est, humido sale fovere. quod quomodo fieri debeat, jam ostendi.
Ubi eorum aliquid factum est, admove ad ignem, vel si æstas est, in sole ægrum oportet; maximeque oleo vetere; si id non est, syriaco; si ne id quidem est, adipe quam vetustissima cervicem, & scapulas, & spinam perfricare.

Fricatio cum omnibus vertebrais hominum utilis sit, tum iis præcipue, quæ in collo sunt. Ergo die nocteque, interpositis

tamen quibusdam temporibus, hoc remedio utendum est: dum intermittitur, imponendum malagma aliquod ex calefacientibus. Cavendum vero & præcipue frigus. 5
ideoque in eo conclavi, quo curatur æger, ignis continuus esse debet, maximeque tempore antelucano, quo præcipue frigus intenditur. Neque inutile erit, caput attonsum habere, idque irino vel cyprino 10
calido madefacere, & superimposito pileo velare: nonnunquam etiam in calidum oleum totum descendere, vel in aquam calidam, in qua scœnum græcum decoctum sit, & adjecta olei pars tertia. Alvus quo- 15
que ducta sæpe superiores partes resolvit.

Si vero etiam vehementius dolor crevit, admoventæ cervicibus cucurbitulæ sunt, sic ut cutis incidatur. Eadem aut ferramentis, aut sinapi adurenda. Vbi levatus est dolor, moverique cervix cœpit, scire licet, 20
cedere remediis morbum. Sed diu vitandus cibus, quisquis mandendus est. Sorbitionibus utendum, itemque ovis sorbilibus, aut è pullis mollibusve jus aliquod 25
assumendum. Id si bene processerit, jamque ex toto recte se habere cervices videbuntur, incipiendum erit à pulticula, vel intrita bene madida. Celerius tamen etiam panis mandendus, quam vinum gustandum: siquidem hujus usus præcipue periculofus; ideoque in longius tempus differendus est.

De Faucium morbis: & primum de Angina.

VT autem morbi genus circa totam cervicem; sic alterum, æque pestiferum acutumque, in faucibus esse consuevit. Nostri anginam vocant: apud Græcos nomen, prout species est. Interdum enim neque rubor, neque tumor alius apparet; sed corpus aridum est, vix spiritus trahitur, membra solvuntur. id *συνάγχη* vocant. Interdum lingua faucesque cum rubore intumescunt, vox nihil significat, oculi vertuntur, facies pallet, singultusque est. *αἰς συνάγχη* vocatur. Illis communia sunt; æger non cibum deorare, non potionem potest; spiritus ejus intercluditur. Levius est, ubi tumor tantummodo & rubor est, cætera non sequuntur. id *παρασυνάγχη* appellant. 20

Quicquid est, si vires patiuntur, sanguis mittendus est, etsi non abundat: secundum est, ducere alvum. Cucurbitula quoque recte sub mento, & circa fauces admoveatur; ut id, quod strangulat, evocet. Opus est deinde fomentis humidis. nam sicca spiritum elidunt. Ergo admoveere spon-
gias oportet: quæ melius in calidum oleum, quam in calidam aquam subinde dimittuntur. Efficacissimumque est hic quoque, salem calidis cum faccellis superponere. Tum commodum est, hyssopum, vel nepetam, vel thymum, vel aplinthium, vel etiam furfures, aut ficus aridas, cum mul-
sa

sa decoquere, eaque gargarizare: post hæc palatum ungere vel felle taurino, vel eo medicamento, quod ex moris est. Polline etiam piperis recte respergitur.

5 Si per hæc parum proficitur, ultimum est, incidere satis altis plagis sub ipsis maxillis supra collum, & in palato circa uvam, vel eas venas, quæ sub lingua sunt; ut per ea vulnera morbus erumpat. Quibus si
10 non fuerit æger adjutus, scire licet, à malo victum esse. Si vero his morbus levatus est, jamque fauces cibum & potum capiunt, facilis ad bonam valetudinem recursus est. Atque interdum natura quoque adjuvat, si
15 ex angustiore sede vitium transit in latiorrem. Itaque rubore & tumore in præcordiis orto, scire licet fauces liberari.

Quicquid autem eas levarit, incipiendum est ab humidis, maximeque aqua mulsa: 20 deinde assumendi molles & non acres cibi sunt, donec fauces ad pristinum habitum revertantur. Vulgo audio, si quis pullum hirundinum ederit, angina toto anno non periclitari. Servatumque cum ex sale, cum
25 is morbus urget, comburi, carbonemque ejus contritum in aquam mulsam; quæ potui detur, infriari, & prodesse. Id cum idoneos authores ex populo habeat, neque habere quicquam periculi possit, quamvis
30 in monumentis medicorum non legerim, tamen inserendum huic operi meo credidi.

2. *De Difficultate spirandi.*

EST etiam circa fauces malum, quod apud Græcos aliud aliudque nomen habet, prout se intendit. Omne in difficultate spirandi consistit: sed hæc dum modica est, neque ex toto strangulat, *δυσπνοια* appellatur: cum vehementior est, ut spirare æger sine sono & anhelatione non possit, *ἀσπνοια*: cum accessit id quoque, ne nisi recta cervice spiritus trahatur, *ὀρθόπνοια*. Ex quibus id, quod primum est, potest diu aliquem trahere: duo insequentia acuta esse consueverunt. His communia sunt: 15 quod propter angustias, per quas spiritus evadit, sibilum elidit; dolor in pectore præcordiisque est, interdum etiam in scapulis, isque modo decedit, modo revertitur; adhæc tussicula accedit. 20

Auxilium vero est, nisi aliquid prohibet, in sanguinis detractione. Neque id satis est, sed lac caprinum calidum jejuno dandum; & si non febrit, venter solvendus est. Liquanda alvus, interdum etiam du- 25 cenda, quibus extenuatum corpus incipit spiritum trahere commodius. Caput autem etiam in lecto sublime habendum est: thorax fomentis, cataplasmatisque calidis, aut siccis, aut etiam humidis adjuvandus 30 est; & postea malagma superimponendum, vel ceratum ex cyprino, vel irino unguento. Sumenda deinde jejuno in potum mulsa, vel aqua, cum qua vel hyssopus cocta, vel con-

contrita capparis radix sit. Deligitur etiam
utiliter, aut nitrum, aut nasturtium, allium-
ve frictum, deinde contritum & cum melle
mixtum: simulque coquantur mel, galba-
5 num, resina terebinthina: ubi autem co-
ierunt, ex his, quod fabæ magnitudinem
habet, quotidie sub lingua liquatur: aut
sulphuris ignem non experti p*. & qua-
drans, abrotani p*. in vini cyatho teruntur,
10 idque tepesactum sorbetur. Est etiam non
vana opinio, vulpinum jecur, ubi siccum
& aridum factum est, contundi oportere,
pollinemque ex eo potioni aspergi; vel
ejusdem pulmonem quam recentissimum
15 assum, sed sine ferro coctum, edendum
esse. Præter hæc, sorbitionibus & lenibus
cibis utendum est: interdum vino tenui
austero: nonnunquam vomitu. Prosumt
etiam, quæcumque urinam movent: sed
20 nihil magis, quam ambulatio lenta pene
usque ad lassitudinem; fricatio multa, præ-
cipue inferiorum partium, vel in sole, vel
ad ignem, & per seipsum, & per alios, us-
que ad sudorem.

23 3. *De Faucium exulceratione.*

In interiore vero faucium parte inter-
dum exulceratio esse consuevit. In hac
plerique extrinsecus cataplasmatibus calidis,
fomentisque humidis utuntur. Volunt
30 etiam vaporem calidum ore recipi. per
quem molliores alii partes eas fieri dicunt,
opportunioreque vitio jam hærenti. Sed, si
bene sic vitari morbus potest, tuta illa
præsidia: si metus ejus est, supervacua sunt.

Vtique autem perfricare fauces periculosum est. exulcerat enim. Neque utilia sunt, quæ urinæ movendæ sunt apta : quia possunt, dum transeunt, ibi quoque pituitam extenuare ; quam suppressi melius est.

Asclepiades multarum rerum , quas ipsi quoque secuti sumus , author bonus , acetum ait quam acerrimum esse sorbendum. hoc enim sine ulla noxa comprimere ulcera. Sed id suppressere sanguinem potest, ulcerato ipsa sanare non potest. Melius huic rei licium est; quod idem quoque æque probat: vel porri, vel marrubii succus, vel nuces Græcæ cum tragacantho contritæ & cum passo mixtæ, vel lini semen contritum & cum dulci vino mixtum. Exercitatio quoque ambulandi currendique necessaria est. Fricatio à pectore vehemens toti inferiori parti adhibenda.

Cibi vero esse debent, neque nimium acres, neque asperi; mel, lenticula, tragum, lac, prîsana; pinguis caro, præcipueque porrum, & quicquid cum hoc mixtum est. Potionis quam minimum esse convenit. Aqua dari potest, vel pura, vel in qua malum cotoneum, palmulæve decoctæ sunt. Gargarizationes quoque lenes: si hæ parum proficiunt, reprimentes utiles sunt.

Hoc genus neque acutum est, & potest esse non longum: curationem tamen maturam, ne vehementer & diu lædat, desiderat.

4. De Tussi.

Tussis vero fere propter faucium exulcerationem

cerationem molesta est : quæ multis modis contrahitur. Itaque, illis restitutis, ipsa finitur. Solet tamen interdum per se quoque male habere : & vix , cum vetus facta est, seliditur. ac modo arida est, modo pituitam facit vel citat.

Oportet autem hyssopum altero quoque die bibere: spiritu retento currere, sed minime in pulvere : ac lectione uti vehementi; quæ primo impeditur à tussi; post eam vincit: tum ambulare: deinde per manus quoque exerceri, & pectus diu perfricare. Post hæc quam pinguiissimæ ficus uncias tres, super prunam incoctas, esse:
15 Præter hæc, si humida est, prosunt fricationes validæ, cum quibusdam calefacientibus, sic, ut caput quoque simul vehementer perfricetur: item cucurbitulæ pectori admotæ; sinapi ex parte exteriori
20 faucibus impositum, donec leviter exulceret; potio ex menta, nucibusque Græcis & amylo; primoque assumptus panis aridus, deinde aliquis cibus lenis.

At, si sicca tussis est, cum ea vehementissime urget, adjuvat vini austeri cyathus assumptus; dum ne amplius id, interposito tempore aliquo, quam ter aut quater fiat: item laseris quam optimi paululum devorare opus est; porri vel marrubii succum
30 sumere; scillam delingere; acetum ex ea, vel certe acre sorbere, aut cum spica allii contriti duos vini cyathos.

Utilis etiam in omni tussi est peregrinatio, navigatio longa, loca maritima, natationes.

tiones. Cibus interdum mollis, ut malva, ut urtica: interdum acer, ut lac cum allio coctum. Sorbitiones, quibus laser sit adjectum, aut in quibus porrum incoctum tabuerit. Ovum quoque sorbile, sulphureis adjecto, forbeatur. In potum vero primum aqua calida, deinde invicem aliis diebus hæc, aliis vero vinum.

5. *De Sanguinis sputo.*

Magis terreri potest aliquis, cum sanguinem expuit. sed id modo minus, modo plus periculi habet. Exit enim modo ex gingivis, modo ex ore. & quidem ex hoc interdum etiam copiose, sed sine tussi, sine ulcere, sine gingivarum ullo vitio; ita uti nihil excreetur. Verum ut ex naribus, sic ex ore aliquando prorumpit. Atque interdum sanguis profluit, interdum simile aquæ quiddam, in qua caro recens lota est. Nonnumquam autem is à summis faucibus fertur, modo exulcerata ea parte, modo non exulcerata; sed aut ore venæ alicujus adaperto, aut tuberculis quibusdam natis, ex hisque sanguine erumpente. Quod ubi incidit, neque lædit potio aut cibus, neque quicquam, ut ex ulcere, excreatur. Aliquando vero, gutture & arteriis exulceratis, frequens tussis sanguinem quoque extundit. Interdum etiam fieri solet, ut aut ex pulmone, aut ex pectore, aut ex latere, aut jocinore feratur. Sæpe foeminae, quibus sanguis per menstrua non respondet, hunc expuunt. Authoresque medici ferunt, vel exesa parte aliqua sanguinem exire,

exire, vel rupta, vel ore alicujus venæ patefacto. Primam διαβρωσις, secundam ῥιζομασμήν, tertiam ἀνατομήσιν appellant. Ultima minime nocet; prima gravissime. Ac sæpe quidem evenit, uti sanguinem pus sequatur.

Interdum autem, qui sanguinem ipsum suppressit, satis ad valetudinem profuit.

Sed si secuta ulcera sunt, si pus, si tussis est, prout sedes ipsa est, ita varia & periculosa genera morborum fiunt. Si vero sanguis tantum fluit, expeditius & remedium & finis est. Neque ignorari oportet, eis, quibus fluere sanguis solet, aut quibus spina dolet, coxæve, aut post cursum vehementem vel ambulationem, dum febris absit, non esse inutile sanguinis mediocre profluvium : idque per urinam redditum ipsam quoque lassitudinem solvere. Ac ne in eo quidem terribile esse, qui ex superiore loco decidit: si tamen in ejus urina nihil aliud novabit. Neque vomitum hujus afferre periculum, etiam cum repetit, si ante confirmare & implere corpus licuit : & ex toto nullum nocere, qui in corpore robusto, neque nimius est, neque tussim aut calorem movet. Hæc pertinent ad universum. nunc ad ea loca, quæ proposui, veniam.

Si ex gingivis exit, portulacam manducasse satis est. Si ex ore, continuasse eo merum vinum : si id parum proficit, acetum. Si inter hæc quoque graviter erumpit, quia consumere hominem potest, commo-

dissi-

diffimum est, impetum ejus, admota occipitio cucurbitula, sic ut cutis quoque incidatur, avertere. Si id mulieri, cui menstrua non feruntur, evenit, eandem cucurbitulam, incisus inguinibus ejus, ad-5
move.

At, si ex faucibus, interioribusve partibus processit, & metus major est, & cura major adhibenda. Sanguis mittendus est; &, si nihilominus ex ore processit, iterum 10
tertioque, & quotidie paulum aliquid: protinus autem debet sorbere vel acetum, vel etiam cum thure plantaginis aut porri succum; imponendaque extrinsecus supra id, quod dolet, lana succida ex aceto est, & id 15
spongia subinde refrigerandum. Erasistratus horum crura quoque & femora brachiaque pluribus locis deligabat. Id Asclepiades adeo non prodesse, ut etiam inimicum esset, proposuit. Sed id sæpe com-20
mode respondere experimenta testantur. Neque tamen pluribus locis deligari necesse est: sed sat est infra inguina, & super talos, summosque humeros, etiam brachia. Tum, si febris urget, danda est sorbitio; & 25
potui aqua, in qua aliquid ex his, quæ alvum adstringunt, decoctum sit. At, si abest febris, vel elota alica, vel panis ex aqua frigida, & molle quoque ovum dari potest potui, vel idem, quod supra scriptum est, 30
vel vinum dulce, vel aqua frigida. sed sic bibendum erit, ut sciamus, huic morbo sitim prodesse.

Præter hæc necessaria sunt quies, securitas,

ritas, silentium. Caput hujus quoque cubantis sublime esse debet; recteque tondetur. Facies sæpe aqua frigida fovenda est. At inimica sunt vinum, balneum, venus, sin cibo oleum, acriora omnia, item calida fomenta, conclave calidum & inclusum, multa vestimenta corpori injecta, etiam fricationes, nisi ubi bene sanguis conquievit. Tum vero incipiendum est à brachiis, & cruribusque; à thorace abstinendum. In hoc casu per hiemem, locis maritimis; per æstatem, mediterraneis opus est.

C A P. V.

De Stomachi morbis.

15

FAVCIBVS subest stomachus; in quo plura longa vitia incidere consuerunt. Nam modo ingens calor, modo inflatio hunc, modo inflammatio, modo exulceratio afficit. Interdum pituita, interdum bilis adoritur. Frequentissimumque est ejus malum, quo resolvitur: neque ulla re magis aut afficitur, aut corpus afficit.

Ut diversa autem vitia ejus, sic etiam remedia sunt. Vbi exæstuat, aceto cum rosa extrinsecus subinde fovendus est; imponendusque pulvis cum oleo; & ea cataplasmata, quæ simul & reprimunt, & molliunt. Potui, nisi quid obstat, gelida aqua præstanda.

Si inflatio est, profunt admotæ cucurbitulæ; neque incidere cutem necesse est: profunt sicca & calida fomenta, sed non vehementissima. Interponenda abstinencia est.

est. Vtilis in jejuno potio est apsinthii, aut hyssopi, aut rutæ. Exercitatio primo levis, deinde major adhibenda est; maximeque, quæ superiores partes moveat: quod genus in omnibus stomachi vitiis aptissimum est. Post exercitationem opus est unctione, fricatione; balneo quoque nonnunquam, sed rarius; interdum alvi ductione. Cibis deinde calidis, neque inflantibus: eodemque modo calidis potionibus, primo aquæ; post, 10 ubi resedit inflatio, vini austeri. Illud quoque in omnibus stomachi vitiis præcipiendum est, ut, quo modo se quisque æger refecerit, eodem sanus utatur. nam redit huic imbecillitas sua, nisi iisdem defendi- 15 tur bona valetudo, quibus reddita est.

At si inflammatio aliqua est, quam fere tumor & dolor sequitur, prima sunt quies, & abstinencia; lana sulphurata circumdata; in jejuno apsinthium. Si ardor stomachum 20 urget, aceto cum rosa subinde fovendus est: deinde cibus quidem utendum est modicis; imponenda vero extrinsecus quæ simul & reprimunt & molliunt: deinde, his detractis, utendum calidis ex farina cata- 25 plasmatis, quæ reliquias digerant: interdum alvus ducenda: adhibenda exercitatio, & cibus plenior.

At, si exulceratio stomachum infestat, eadem fere facienda sunt, quæ in faucibus 30 exulceratis præcepta sunt: Exercitatio, fricatio inferiorum partium adhibenda. Adhibendi lenes & glutinosi cibi, sed citra satietatem. Omnia acria atque acida remova-
venda.

venda. Vino, si febris non est, dulci, aut, si id inflat, certe leni utendum: sed neque perfrigido, neque nimis calido.

Si vero pituita stomachus impletur, necessarius modo in jejuno, modo post cibum vomitus est. Vtilis exercitatio, gestatio, navigatio, fricatio. Nihil edendum, bibendumque, nisi calidum; vitatis tantum his, quæ pituitam contrahere consueverunt.

10 Molestius est, si stomachus bile vitiosus est. Solent autem hi, qui sic tentantur, interpositis quibusdam diebus, hanc, & quidem, quod pessimum est, atram vomere. His recte alvus ducitur: potiones ex apsinthio
15 dantur: necessaria gestatio, navigatio, &, si fieri potest, ex nausea vomitus: vitanda cruditas: sumendi cibi faciles & stomacho non alieni, vinum austerum.

Vulgatissimum vero pessimumque stomachi vitium est resolutio, id est, cum cibi non tenax est, soletque desinere ali corpus, ac sic tabe consumi. Huic generi inutilissimum balneum est. Lectiones, exercitationesque superioris partis necessariæ,
25 item unctiones, fricationesque; hinc perfundi frigida, atque in eadem natare, canalibus ejusdem subpicere etiam stomachum ipsum, & magis etiam à scapulis id quod contra stomachum est: consistere in
30 frigidis, medicatisque fontibus, quales Cutiliarum Sumbrunarumque sunt, salutare est. Cibi quoque assumendi sunt frigidi, qui potius difficulter coquuntur, quam facile vitiantur. Ergo plerique, qui nihil
aliud

aliud concoquere possunt, bubulam co-
quunt. Ex quo colligi potest, neque
avem, neque venationem, neque piscem
dari debere, nisi generis durioris. Potui
quidem aptissimum est vinum frigidum,
vel certe bene calidum meracum, potissi-
mum Rheticum, vel Allobrogicum, aliud-
ve, quod & austerum & resina conditum
est: si id non est, quam asperrimum, ma-
ximeque Signinum.

10

Si cibus non continetur, danda aqua, &
eliciendus plenior vomitus est; iterumque
dandus cibus, & tum admovendæ duobus
infra stomachum digitis cucurbitulæ, ibi-
que duabus aut tribus horis continendæ
sunt. Si simul & vomitus, & dolor est, im-
ponenda supra stomachum est lana succi-
da, vel spongia ex aceto, vel cataplasma,
quod refrigeret. Perfricanda vero non
diu, sed vehementer brachia, & crura, & 20
calesfacienda.

Si plus doloris est, infra præcordia qua-
tuor digitis cucurbitula utendum est: pro-
tinus dandus panis ex posca frigida. Si non
continuit, post vomitum leve aliquid ex 25
his, quæ non aliena stomacho sint. Si ne
id quidem tenuit, singuli cyathi vini, sin-
gulis interpositis horis, donec stomachus
consistat. Valens etiam medicamentum
est, radiculæ succus: valentius, acidi puni- 30
ci mali, cum pari modo succi, qui ex dul-
ci punico malo est, adjecto etiam intubi
succo, & mentæ, sed hujus minima partes;
quibus tantundem, quantum ex his omni-
bus

bus est, aquæ frigidæ quam optime miscetur. Id enim plus quam vinum ad comprimendum stomachum potest. Supprimendus autem vomitus est, qui per se venit, etsi nausea est.

Sed si coacuit intus cibus, aut computruit, quorum utrumlibet ructus ostendit, ejiciendus est; protinusque, cibus assumptis iisdem, quos proxime posui, stomachus re-
10stituendus. Ubi sublatus est præsens metus, ad ea redeundum est, quæ supra præcepta sunt.

C A P. V I.

De Laterum doloribus.

15

STOMACHVS lateribus cingitur; atque in his quoque vehementes dolores esse consue-
runt. Eorum initium vel ex frigore, vel ex ictu, vel ex nimio cursu,
20vel ex morbo est. Sed interdum id malum intra dolorem est: isque modo tarde, modo celeriter solvitur. interdum ad perniciem quoque procedit; oriturque acutus morbus, qui *πλευριτης* à Græcis nomi-
25natur. Huic dolori lateris, febris & tussis accedit: & per hanc excreatur, si tolerabilis morbus est, pituita; si gravis, sanguis. Interdum etiam sicca tussis est, quæ nihil emolitur. idque vitio primo gravius, se-
30cundo tolerabilius est.

Remedium vero est magni & recentis doloris, sanguis missus. At, si levior, si vetustior casus est, vel supervacuum, vel serum id auxilium est; confugiendumque
ad

ad cucurbitulas est, ante summa cute incisa; Recte etiam sinapi ex aceto super pectus imponitur, donec ulcera pustulasque excitet; & tum medicamentum, quod humorem illuc citet. Præter hæc, circumdare; primum oportet latus hapso lanæ sulphuratæ: deinde, cum paululum inflammatio se remittit, siccis & calidis fomentis uti. Ab his transitus ad malagmata est.

Si vetustior dolor remanet, novissime resina imposita discutitur. Utendum cibus potionibusque calidis: vitandum frigus. Inter hæc tamen non alienum est extremas partes oleo & sulphure perfricare. Si levata tussis est, leni lectione uti: jamque & acres cibos, & vinum meracius assumere. Quæ ita à medicis præcipiuntur. Attamen sine his rusticos nostros epota ex aqua trixago satis adjuvare dicitur.

Hæc in omni lateris dolore communia sunt: plus negotii est, si acutus quoque morbus is factus est. In hoc, præter ea, quæ supra posita sunt, hæc animadvertenda sunt: ut cibus sit quam maxime tenuis & lenis, præcipueque sorbitio, eaque ex ptisana potissimum, aut jus in quo porrus cum pullo gallinaceo coctus sit: idque non nisi tertio die detur: si tamen per vires licebit: potui vero aqua mulsa, in qua hyssopum, aut ruta decocta sit. Quæ quibus temporibus danda sint, ex ratione vel aduētæ, vel levatæ febris apparebit, sic, ut in remissione quam maxima dentur: cum eo tamen, ut sciamus, non esse ejus generis tussi aridas fau-

fauces committendas. sæpe enim, ubi nihil est, quod excreetur, continuatur, & strangulat. Ob quam causam dixi etiam pejus id genus esse tussis, quod nihil, quam quod
5 pituitam moveret. Sed hic vinum forbere, ut supra præcepimus, morbus ipse non patitur: in vicem ejus, cremor ptisanæ sumendus est.

Vt his autem in ipso morbi fervore sustinendus æger est, sic, ubi paulum is se remisit, alimenta pleniora, & vini quoque aliquid dari potest; dum nihil detur, quod aut refrigeret corpus, aut fauces asperet. Si in refectiōe vero manserit tussis, inter
15 mittere oportebit uno die; posteroque, cum cibo vini paulo plus assumere. At, invalescente quoque tussi, tum non erit alienum, ut supra quoque positum est, vinum cyathos sorbere. sed in hoc genere valetudinis, dulce, vel certe lene commodius est. Si malum inveteravit, athletico victu corpus firmandum est.

C A P. V I I.

25 *De Viscerum morbis: & primo, de Pulmone.*

ACOMPAGINE corporis ad viscera transeundum est; & in primis ad pulmonem veniendum. Ex quo vehemens & acutus morbus oritur, quem *πνευμονία* Græci vocant. Ejus hæc conditio est. Pulmo totus afficitur. hunc casum ejus subsequitur tussis, bilem vel pus trahens; præcordiorum totiusque pectoris gravitas, spiritus difficultas, magnæ febres,
con-

continua vigilia, cibi fastidium, tabes. Id genus morbi plus periculi quam doloris habet.

Oportet, si satis validæ vires sunt, sanguinem mittere: sin minores, cucurbitulas sine ferro præcordiis admove. Quod si satis valet, gestando ægrum, digerere: si parum, intra domum tantum dimovere. In potionem autem hyssopum dare, cum quo ficus arida sit incocta; aut aquam mulsam, in qua vel hyssopum vel ruta decocta sit. Fricatione uti diutissime in scapulis, proxime ab his in brachiis, & pedibus, & cruribus, leniter contra pulmonem; idque bis quotidie facere. 15

Quod ad cibum vero pertinet, huic nec falsis opus est, neque acribus, neque amaris, neque alvum astringentibus, sed paulo lenioribus. Ergo primis diebus danda est sorbitio ptisanæ, vel alicæ, vel oryzæ, cum qua recens adeps cocta sit. Cum hac, sorbibile ovum, nuclei pinei: ex melle, panis, vel elota alica ex aqua mulsæ. Potui danda deinde non solum pura aqua, sed etiam mulsæ egelida; aut, si æstas est, etiam frigida; nisi quid obstat. Hæc autem altero quoque die, incrementum morbo dare satis est. 20

Ubi incrementum constitit, quantum res patitur, ab omnibus abstinendum est, præterquam aqua egelida. Si vires defunt, adjuvandæ sunt aqua mulsæ. Profuntque adversus dolores imposita calida fomenta, vel ea, quæ simul & reprimunt & emolliunt. Prodest etiam impositus super pectus sal bene 30

bene contritus, cum cerato mistus; quia leviter cutem erodit, eoque impetum materiæ, qua pulmo vexatur, evocat. Utile etiam aliquod malagma est ex his, quæ materiam trahunt. Neque alienum est, dum premit morbus, clausis fenestris ægrum continere: ubi paulum levatus est, ter aut quater die, fenestris aliquantum apertis, purum aerem recipere. Deinde in refectio-
 10 ne pluribus diebus à vino abstinere; gestatione, fricatione uti; sorbitionibus, & prioribus cibis adjicere, ex oleribus porum; ex carne, ungulas, & summa trunculorum, atque pisciculos, sic, ut diu nihil
 15 nisi molle & lene sumatur.

C A P. V I I I.

De Hepaticis.

20 **A**LTERIVS quoque visceris morbus, id est jocinoris, æque modo longus, modo acutus esse consuevit. *ἥπαρ*
 25 *ἡ* Græci vocant. Dextra parte sub præcordiis vehemens dolor est: idemque ad latus dextrum, & ad jugulum, humerumque
 30 partis ejusdem pervenit: nonnunquam manus quoque dextra torpet: horror validus est. Ubi male est, bilis evomitur: interdum singultus prope strangulat. Et hæc quidem acuti morbi signa sunt. Longioris
 35 vero, ubi suppuratio in jocinore est; dolorque modo finitur, modo intenditur; dextra parte præcordia dura sunt, & tument; post cibum major spiritus difficultas est: accedit maxillarum quædam resolutio. Ubi invete-
 ravit

ravit malum, venter & crura pedesque intumescunt; pectus atque humeri, circaque jugulum utrumque extenuatur.

In initio sanguinem mittere optimum est: tum venter solvendus est; si non potest, aliter, per nigrum veratrum. Imponenda extrinsecus cataplasmata; primum quæ reprimant; deinde calida, quæ diducant; quibus recte iris vel apsinthium adjicitur: post hæc, malagma. Dandæ vero sorbitiones sunt, 10 omnesque cibi & calidi, & qui non multum alunt, & fere qui pulmonis quoque dolori conveniunt; præterque eos, qui urinam movent, potionesque ad id efficaces. Utilia in hoc morbo sunt thymum, satureia, hyssopus, nepeta, amaracum, sesamum, lauri baccæ, pini flos, herba sanguinalis, mentha, ex malo cotoneo medium, columbæ jecur recens & crudum. Ex quibus quædam per se esse, quædam adjicere 20 vel sorbitioni vel potioni licet; sic tamen, ut parce assumantur. Neque alienum est, apsinthium contritum ex melle & pipere, ejusque catapotium quotidie devorare. Abstinentum utique est ab omnibus frigidis. 25 neque enim res ulla magis jecur lædit. Frictionibus utendum in extremis partibus. Vitandus omnis labor, omnis vehementior motus: ne spiritus quidem diutius continendus est. Ira, trepidatio, pondus, jactus, 30 cursus, in hoc inimica sunt. Perfusio corporis multa prodest ex aqua, si hiems est, calida; si æstas, tepida: itemque liberalis unctio, & in balneo sudor.

Si vero jecur vomica laborat, eadem faciendafunt, quæ in cæteris interioribus suppurationibus. Quidam etiam ultra id scalpello aperiunt, & ipsam vomicam ad-
furunt.

C A P. I X.

De Lienosis.

10 **A**t lienis ubi affectus est, intumescit, simulque cum eo pars sinistra; quæ & dura est, & prementi renititur; venterque intentus est: aliquis etiam cru-
ribus tumor est. Ulcera aut omnino non
sanescunt, aut certe cicatricem vix reci-
15 piunt. In intenta ambulatione vel cursu,
dolor, & quædam difficultas est.

Hoc vitium quies auget. itaque exerci-
tatione & labore opus est: habita tamen ra-
tione, ne febrem ista, si nimium processe-
20 rit, excitent. Vnctiones, frictionesque, &
sudores necessarii sunt. Dulcia omnia ini-
mica sunt: item lac & caseus. Acida au-
tem maxime conveniunt. Ergo acetum
acre per se sorbere, & magis etiam, quod
25 scilla conditum est, expedit. Edenda sunt
salsamenta, vel oleæ ex muria dura; la-
tucæ intinctæ in aceto; intubi quoque &
betæ ex eodem; & sinapi, armoracæ, & pa-
stinacæ: de carnibus vero ungulæ, rostra,
30 aves macræ, ejusdemque generis venatio.
Potui vero jejuno dari debet apsinthium
aquæ incoctum: at post cibum aqua à fer-
rario fabro, in qua candens ferrum subin-
de extinctum sit. hæc enim vel præcipue
lienem

lienem coercet. quod animadversum est in his animalibus, quæ apud hos fabros educata exiguos lienes habent. Potest etiam dari vinum tenue, austerum; omniaque in cibis & potionibus, quæ urinæ move-
 5 dæ sunt: præcipueque ad id valet vel trifolii semen, vel cuminum, vel apium, vel serpillum, vel cytissus, vel thymum, vel hyssopum, vel satureia. hæc enim inde commodissime videntur humorem edu-
 10 re. Lienis quoque bubulus utiliter esui datur: præcipueque eruca & nasturtium lienem extenuant. Imponenda quoque extrinsecus sunt, quæ levant. fit ex unguentariis glandulis, quas *μυρρὸγαλάκτες* Græci
 15 vocant: fit ex lini & nasturtii semine, quo vinum & oleum adjicitur: fit ex cupresso viridi, & arida ficu: fit ex sinapi, cui sevi hircini à renibus quarta pars ponderis
 20 adjicitur, teriturque in sole, & protinus imponitur. Multisque modis huic rei capari aptum est. Nam & ipsum cum cibo assumere, & muriam ejus cum aceto for-
 25 bere commodum est. Quin etiam extrinsecus radicem contritam, vel corticem
 30 ejus cum furfuribus, aut ipsum cappari cum melle contritum imponere expedit. Malagmata quoque huic rei aptantur.

C A P. X.

30

De Renum morbis.

At renes ubi affecti sunt, diu male habent. Pejus vero est, si frequens biliosus vomitus accedit. Oportet
 con-

conquiescere: cubare molliter: solvere alvum; si aliter non respondet, etiam ducere: sæpe desiderare in aqua calida: neque cibum, neque potionem frigidam assumere: abstinerere ab omnibus salsis, acris, acidis, pomis: bibere liberaliter: adjicere modo cibo, modo potioni piper, porrum, ferulam, album papaver. quæ maxime inde urinam movere consueverunt.

10 Auxilio quoque his exulceratis sunt, si adhuc ulcera purganda sunt, cucumeris semina detractis corticibus sexaginta, nuclei ex pinu silvestri quindecim, anisi quod tribus digitis sumi possit, croci paulum,
15 contrita & in duas mulsi potiones divisa.

Si vero dolor tantum levandus est, ejusdem cucumeris semina triginta, iidem nuclei viginti, nuces Græcæ quinque, croci paululum, contrita & cum lacte potui
20 data. Ac insuper quoque recte quædam malagmata injiciuntur; maximeque ea, quæ humori extrahendo sunt.

C A P. XI.

25 *De Intestinorum morbis: & primo de Cholera.*

A VISCERIBVS ad intestina veniendum est; quæ sunt & acutis & longis morbis obnoxia. Primoque facienda
30 mentio est cholæræ; quia commune id stomachi atque intestinorum vitium videri potest. Nam simul & dejectio & vomitus est: præterque hæc inflatio est, intestina torquentur, bilis supra infraque erumpit,

primum aquæ similis, deinde ut in ea recens caro lota esse videatur, interdum alba, nonnumquam nigra, vel varia. Ergo eo nomine morbum hunc *χολέραν* Græci nominarunt. Præter ea vero, quæ suprà comprehensa sunt, sæpe etiam crura manusque contrahuntur, urget sitis, anima deficit. quibus concurrentibus non mirum est, si subito quis moritur. Neque tamen ulli morbo minori momento succurritur. 10

Protinus ergo, ubi ista cœperunt, aquæ tepidæ quam plurimum bibere oportet, & vomere. Vix unquam ea sine vomitu sumitur: sed etiamsi non incidit, tamen corruptæ miscuisse novam materiam prodest; 15 parsque sanitatis est, vomitum esse suppressum. Si id incidit, protinus ob omni potione abstinendum est. Si vero tormina sunt, oportet frigidis & humidis fomentis stomachum fovere: vel, si venter dolet, iisdem 20 egelidis, sic ut venter ipse mediocriter calentibus juvetur. Quod si vehementer & vomitus, & dejectio, & sitis vexant, & adhuc subcruda sunt, quæ vomuntur, nondum vino maturum tempus est: aqua, neque 25 ea ipsa frigida, sed potius egelida danda est. Admovendumque naribus est pulegium ex aceto, vel polenta vino aspersa, vel mentha, vel quod secundum naturam est.

At cum discussa cruditas est, tum magis 30 verendum est, ne anima deficiat. Ergo tum confugiendum est ad vinum. Id esse oportet tenue, odoratum, & cum aqua frigida mixtum, vel polenta adjecta, vel infracto pane;

pane; quem ipsum quoque assumere expedit: quotiesque aliquid aut stomachus, aut venter effudit, toties per hæc vires restituere. Erasistratus primo tribus vini guttis, aut quinis aspergendam potionem esse dixit; deinde paulatim merum adjiciendum. Is, si ab initio vinum dedit, & metus cruditatis secutus est, non sine causa fecit: si vehementem infirmitatem
10 adjuvari posse tribus guttis putavit, erravit.

At si inanis est homo, & crura ejus contrahuntur: interponenda potio apsinthii est. Si extremæ partes corporis frigent, ungendæ sunt calido oleo, cui ceræ paulum sit adjectum; calidisque fomentis nutriendæ. Si ne sub his quidem quies facta est, extrinsecus contra ventriculum ipsum cucurbitula admovenda est, aut sinapi super-
20 imponendum. Vbi is constitit, dormire oportet: postero die utique à potione abstinere: die tertio in balneum ire: paulatim se cibo reficere; somnoque, quisquis facile adquiescit; vitetque lassitudinem, & frigora.
25 Si post suppressam choleram febricula manet, alvum duci necessarium est: tum cibis, vinoque utendum est. Sed hic quidem morbus & acutus est, & inter intestina stomachumque versatur sic, ut, cujus potissimum
30 finis partis sit, non facile dici possit.

CAP. XII.

De Cæliaco ventriculi morbo.

IN ipsius vero ventriculi porta consistit is, qui & longus esse consuevit, & κατὰ λιακὴς à Græcis nominatur. Sub hoc venter indurefcit, dolorque ejus est: alvus nihil reddit, ac ne spiritum quidem transmittit: extremæ partes frigescent: difficulter spiritus redditur. 10

Commodissimum est inter initia calida cataplasmata toti ventri imponere, ut dolorem leniant. Post cibum vomere, atque ita ventrem exinanire. Proximis deinde diebus cucurbitulas sine ferro ventri & coxis admove- 15 re. Ventrem ipsum liquare dato lacte, & vino falso, frigido. Si tempus anni patitur, etiam viridibus ficis; sic tamen, ne quis aut cibus, aut humor universus detur, sed paulatim. Ergo per intervalla temporis sat est cyathos binos ternosve assumere, & cibum pro portione hujus, commodeque facit cyatho lactis cyathus aquæ mistus, & sic datus. Cibique calentes & acres utiliores sunt: adeo ut lacti quoque recte contritum allium adjiciatur. 25

Procedente vero tempore, opus est gestari; maximeque navigare; perfricari ter aut quater die sic, ut nitrum oleo adjiciatur; perfundi aqua calida post cibum; deinde sinapi imponere per omnia membra, excepto capite, donec arrodantur & rubeant; maximeque si corpus durum & virile est. paulatim deinde faciendus est transitus ad 30

ea, quæ ventrem comprimunt. Assa caro danda, valens, & quæ non facile corrumpatur: in potum vero, pluviatilis aqua decocta; sed quæ per binos ternosve cyathos bibatur.

Si vetus vitium est, oportet laser quam optimum ad piperis magnitudinem devorare: altero quoque die vinum vel aquam bibere; interdum interposito cibo, singulos vini cyathos sorbere: ex inferiori parte infundere aquam pluviatilem egelidam; maximeque, si dolor in imis partibus remanet.

C A P. XIII.

De Tenuioris intestini morbo.

15 **I**NTRA ipsa vero intestina consistunt duo morbi: quorum unus in tenuiore, alter in pleniore est. Prior acutus est: insequens esse longus potest. Diocles Carystius 20 tenuioris intestini morbum *χρόδαση*, plenioris *ιλαση* nominavit. A plerisque video nunc illum priorem *ιλαση*, hunc *χολι- 25* *ξη* nominari. Sed prior modo supra umbilicum, modo sub umbilico dolorem movet. 30 Fit in alterutro loco inflammatio: nec alvus, nec spiritus infra transmittitur. Si superior pars affecta est, cibus: si inferior, stercus per os redditur: si utralibet, metus est. Adjicitur periculo, si vomitus biliosus, 30 mali odoris, aut varius, aut niger est.

Remedium est, sanguinem mittere; vel cucurbitulas pluribus locis admoveere, non ubique cute incisa: id enim duobus aut tribus locis satis est: ex cæteris spiritum

evocare abunde est. Tum animadvertere oportet, quo loco malum sit. solet enim contra id tumere. Et si supra umbilicum est, alvi ductio utilis non est. Si infra est, alvum ducere interdum, ut Erasistrato placuit, optimum est; & sæpe id auxilii in his partibus magnum remedium est. Ducitur autem percolato ptisanæ cremore, cum oleo & melle sic, ut præterea nihil adjiciatur. Si nihil tumet, duas manus imponere oportet supra summum ventrem, paulatimque deducere. invenietur enim mali locus; qui necesse est renitatur: & ex eodemum deliberari poterit, ducenda, nec ne alvus sit.

Illa communia sunt: calida cataplasmata admove, & eaque imponere à mammis usque ad inguina, & spinam; ac sæpe mutare: brachia, cruraque perfricare: demittere totum hominem in calidum oleum. Si dolor non quiescit, etiam in alvum ex parte inferiore tres aut quatuor cyathos calidi olei dare. Ubi per hæc consecuti sumus, ut ex inferiore parte spiritus transmittatur, offerre potui mulsum tepidum non multum. (nam ante magna cura vitandum est, ne quid bibat.) si id commode cessit, adjicere sorbitionem.

Ubi dolor & febricula quierunt, tum demum uti cibo pleniori; sed neque inflante, neque valido, ne intestina adhuc imbecilla lædantur. potui vero nihil præterquam puram aquam. Nam si ve quid vinolentum si ve acidum est, id huic morbo alienum est.

Ac postea quoque vitare oportet balneum, ambulationem, gestationem, cæterosque corporis motus. Nam facile id malum redire consuevit; & cum frigus subit, sive aliqua jactatio, nisi bene jam confirmatis intestinis, revertitur.

C A P. X I V.

De Morbo intestini plenioris.

10 **I**s autem morbus, qui in intestino pleniore est, in ea maxime parte est, quæ cæcum esse proposui. Vehemens fit inflatio, vehementes dolores, dextra magis parte: intestinum verti videtur; quod pro-
15 pe spiritum elidit. In plerisque post frigora cruditatesque oritur, deinde quiescit; & per ætatem sæpe repetens sic cruciat, ut vitæ spatium nihil demat.

Ubi is dolor cepit, admoveere sicca & 20 calida fomenta oportet; sed primo lenia, deinde validiora; simulque fricatione ad extremas partes, id est, crura brachiaque materiam evocare. Si discussus non est, quæ dolet, cucurbitulas sine ferro defigere. Est 25 etiam medicamentum ejus rei causa comparatum, quod *καλικόν* nominatur. Id se repperisse Cassius gloriabatur. magis prodest potui datum. sed impositum quoque extrinsecus, digerendo spiritum, dolorem 30 levat.

Nisi finito vero tormento, recte neque eibus neque potio assumitur. Quo victu sit utendum iis, qui hoc genere tentantur, jam mihi dictum est. Confectio medicamenti,

quod *καλικόν* nominatur, ex his constat. Costi, anisi, castorei singulorem p. * III. petroselini p. * IV. piperis longi, & rotundi, singulorum p. * V. papaveris lacrymæ, junci rotundi, myrrhæ, nardi, singulorum p. * VI. quæ melle excipiuntur. Id autem & devorari potest, & ex aqua calida sumi.

C. A. P. XV.

De Terminibus.

10

PROXIMA his inter intestinorum mala tormina esse consueverunt. *δυστερία* Græce vocatur. Intus intestina exulcerantur: ex his cruor manat; isque modo cum stercore aliquo semper liquido, 15 modo cum quibusdam quasi mucosis excernitur; interdum simul quædam carnosæ descendunt. Frequens deijciendi cupiditas, dolorque in ano est. Cum eodem dolore exiguum aliquid emittitur: atque eo 20 quoque tormentum intenditur; idque post tempus aliquod levatur, exiguaque requies est, somnus interpellatur, febricula oritur, longoque tempore id malum, cum inveteraverit, aut tollit hominem, aut, etiamsi 25 finitur, excruciat.

Oportet inprimis conquiescere; siquidem omnis agitatio exulcerat: deinde jejunum sorbere vini cyathum, cui contrita radix quinquifolii sit adjecta: imponere 30 cataplasmata super ventrem, quæ reprimunt; quod in superioribus ventris morbis non expedit: quotiesque defecit, subluere aqua calida, in qua decoctæ verbenæ sint:

sint: portulacam vel coctam, vel ex dura muria edisse; cibos potionesque eas, quæ adstringunt alvum.

Si vetustior morbus est, ex inferioribus partibus tepidum infundere vel prisanæ cremorem, vel lac, vel adipem liquatam, vel medullam cervinam, vel oleum, vel cum rosâ butyrum, vel cum eadem album crudum ex ovis, vel aquam, in qua lini semen decoctum sit; vel, si somnus non accedit, vitellos cum aqua, in qua rosæ floris folia cocta sint. Levant enim dolorem hæc, & mitiora ulcera efficiunt; maximeque utilia sunt, si cibi quoque secutum fastidium est. Themison muria dura quam asperri-
ma sic utendum memoriæ prodidit.

Cibi vero esse debent, qui leniter ventrem adstringant. At ea, quæ urinam moveant, si id consecuta sunt, in aliam partem humorem avertendo, prosunt: si non sunt consecuta, noxam augment. itaque nisi in quibus prompte id facere consuerunt, non sunt adhibenda. Potui, si febricula est, aqua pura calida, vel ea, quæ ipsa quoque adstringat, dari debet: si non est, vinum leve, austerum. Si pluribus diebus nihil remedia illa juverunt, vetusque jam vitium est; aquæ bene frigidæ potio assumpta ulcera adstringit, & initium secundæ valetudinis facit. Sed ubi venter suppressus est, protinus ad calidam potionem revertendum est.

Solet autem interdum etiam putris sanies, pessimi que odoris descendere: solet &

interdum purus sanguis profluere. Si superius vitium est, alvus aqua mulsa delui debet; tum deinde etiam infundi, quæ supra comprehensa sunt. Valensque est etiam adversus cancerem intestinorum, minis gleba cum salis hemina contrita: sin minus, mista his aqua in alvum datur. At, si sanguis profluit, cibi potionesque esse debent, quæ adstringant.

CAP. XVI.

10

De Lævitate intestinorum.

Ex torminibus interdum intestinorum lævitas oritur; qua continere nihil possunt, & quicquid assumptum est, ¹⁵ inconfectum protinus reddunt. Id interdum ægros trahit, interdum præcipitat.

In hoc utique adhibere oportet compri-
mentia; quo facilius tenendi aliquid inte-
stinis vis sit. Ergo & super pectus ponatur ²⁰
sinapi; exulcerataque cute, malagma, quod
humorem evocet: & ex verbenis decocta
in aqua desideat; & cibos potionesque assu-
mat, quæ alvum adstringunt; & frigidis uta-
tur perfusionibus. ²⁵

Oportet tamen prospicere, ne, simul his
omnibus admotis, vitium contrarium per
immodicas inflationes oriatur. Paulatim
ergo firmari intestina debebunt, aliquibus
quotidie adjectis. Et cum in omni fluore ³⁰
ventris, tum in hoc præcipue necessarium
est, non quoties libet desidere, sed quoties
necesse est, ut hæc ipsa mora in consuetu-
dinem ferendi oneris intestina deducat.

Alte-

Alterum quoque, quod æque ad omnes
similes affectus pertinet, in hoc maxime
servandum est; ut, cum pleraque utilia in-
suavia sint, qualis est plantago, & rubi, &
5 quicquid malicorio mixtum est, ea potissi-
mum ex his dentur, quæ maxime æger vo-
let. Deinde, si omnia ista fastidiet, ad ex-
citandam cibi cupiditatem, interponatur
aliquid minus utile, sed magis gratum.
10 Exercitationes & fricationes huic quoque
morbo necessariae sunt: & cum his sol,
ignis, balneum, vomitus, ut Hippocrati
visum est; etiam albo veratro, si cætera pa-
rum proficient, evocatus.

15

CAP. XVII.

De Lumbricis alvum occupantibus:

NONNUNQVAM autem lumbrici quo-
que occupant alvum; hique modo
20 ex inferioribus partibus; modo, quod
foedius, ore redduntur. Atque interdum
latos eos, qui peiores sunt; interdum tere-
tes videmus.

Si lati sunt, aqua potui dari debet, in
25 qua lupinum, aut cortex mori decoctus sit;
aut cui adjectum sit contritum vel hyssopum,
vel piperis acetabulum, scammonæ
paulum. Vel etiam pridie, cum multum al-
lium ederit, vomat. Posteroque die mali-
30 punici tenues radículas colligat, quantum
manu comprehendet; easque contusas in
aquæ tribus sextariis decoquat, donec ter-
tia pars supersit; huic adjiciat nitri paulum,
& jejunus bibat. Interpositis deinde tribus
horis,

horis, duas potiones sumat talis aquæ, vel muria duræ huic adjectæ; tum desideat, subiecta calida aqua in pelve.

Si vero teretes sunt, qui pueros maxime exercent, & eadem dari possunt, & quæ-5 dam leviora; ut contritum semen urticae, aut brassicae, aut cumini cum aqua, vel mentha cum eadem, vel apsinthium decoctum, vel hyssopum ex aqua mulsa, vel nasturtii semen cum aceto contritum. E-10 disse etiam & lupinum, & allium prodest; vel in alvum oleum subter dedisse.

C A P. XVIII.

De Tenesmo.

15

EST autem aliud levius omnibus proxi-
mis, de quibus supra dictum est, quod
τηνισμός Græci vocant. Id neque acu-
tis neque longis morbis annumerari de-
bet, cum facile tollatur, neque unquam 20
per se jugulet. In hoc æque atque in tor-
minibus frequens desidendi cupiditas est;
æque dolor, ubi aliquid excernitur. De-
scendant autem pituitæ mucisque similia;
interdum etiam leviter subcruenta; sed his 25
interponuntur nonnunquam ex cibo quo-
que recte cocta.

Desidere oportet in aqua calida; sæpius-
que ipsum anum nutrire. cui rei plura me-
dicamenta idonea sunt: butyrum cum ro- 30
sa; acacia ex aceto liquata; emplastrum id,
quod πτερυφάλειον Græci vocant, rosa li-
quatum; alumen lanæ circumdatum, & ita
appositum. eademque ex inferiore parte
in-

indita, quæ torminum auxilia sunt: eadem verbenæ decoctæ; ut inferiores partes foveantur. Alternis vero diebus aqua, alternis leve & austerum vinum bibendum est. 5 Potio esse debet egelida & frigida propior: ratio victus talis, qualem ad tormina supra præcepimus.

C A P. X I X.

De Ventris fluxu.

10

LEVIOR etiam, dum recens, dejectio, ubi & liquida alvus, & sæpius quam ex consuetudine fertur. In qua interdum tolerabilis dolor est, interdum gra- 15 vissimus; idque pejus est. Sed uno die fluere alvum sæpe pro valetudine est: atque etiam pluribus, dum febris absit, & intra septimum diem id conquiescat. Purgatur enim corpus, & quod intus læsurum erat, 20 utiliter effunditur. Verum spatium periculosum est. interdum enim tormina ac febri- culas excitat, viresque consumit.

Primo die quiescere satis est; neque impetum ventris prohibere. Si per se desit, 25 balneo uti, paulum cibi capere: si mansit, abstinere non solum à cibo, sed etiam à potione. Postero die, si nihilominus liquida alvus est, æque conquiescere; paululum adstringentis cibi sumere. Tertio die in bal- 30 neum ire; vehementer omnia præter ventrem perfricare; ad ignem lumbos, scapulasque admoveere; cibis uti, sed ventrem contrahentibus; vino non multo, meraco. Si postero quoque die fluct, plus edisse, sed vomere

vomere etiam. Ex toto, donec conquiescat, contra siti, fame, vomitu niti. Vix enim fieri potest, ut, post hanc animadversionem, alvus non contrahatur.

Alia via est, ubi velis suppressere, coenare, deinde vomere: postero die lecto conquiescere, vesperi ungi, sed leviter: deinde panis circa selibram ex vino aminæo mero sumere; tum assum aliquid, maximeque avem; & postea vinum idem bibere ¹⁰ aqua pluviatili mixtum, idque usque quintum diem facere, iterumque vomere. Frigidam autem assidue potionem esse debere, contra priores authores Asclepiades affirmavit, & quidem quam frigidissimam. Ego ¹⁵ experimentis quemque in se credere debere existimo, calidam potius, an frigida utatur.

Interdum autem evenit, ut id malum, pluribus diebus neglectum, curari difficilius possit. A vomitu oportet incipere: deinde postero die vesperi tepido loco ungi; cibum modicum assumere, vinum meracum quam asperrimum; impositam super ventrem habere cum cerato rutam. ²⁵ In hoc autem affectu corporis neque ambulatione, neque fricatione opus est: vehiculo sedisse, vel magis etiam equo, prodest. neque enim ulla res magis intestina confirmat. 30

Si vero etiam medicamentis utendum est, aptissimum est, quod ex pomis fit. Vindemiæ tempore in grande vas conjicienda sunt pira atque mala silvestria. si ea non sunt,

sunt, pira tarentina viridia, vel signina, mala scandiana vel amerina, myrrhapiæ: hisque adjicienda sunt cotonea, & cum ipsis corticibus suis punica, sorba, &, quibus magis utimur, etiam torminalia, sic ut hæc tertiam ollæ partem teneant: tum deinde ea musto implenda est; coquendumque id, donec omnia, quæ indita sunt, liquata, in unitatem quandam coeant. Id 10 gustui non insuave est: &, quodocunque opus est, assumptum leniter, sine ulla stomachi noxa, ventrem tenet. duo aut tria cochlearia uno die sumpsisse, satis est. Alterum valentius genus: myrti baccas le- 15 gere, ex his vinum exprimere, id decoquere, ut decima pars remaneat, ejusque cyathum sorbere. Tertium, quod quodocunque fieri potest, malum punicum excavare, exemptisque omnibus seminibus, membra- 20 nas, quæ inter ea fuerunt, iterum conjicere; tum infundere cruda ova, rudiculaque miscere: deinde malum ipsum super prunam imponere; quod, dum humor intus est, non adurit: ubi siccum esse cœpit, 25 remove oportet, extractumque cochleari, quod intus est, edisse. Hoc, aliquibus adjectis, majus momentum habet. Itaque etiam in piperatum conjicitur, misceturque cum sale & pipere, esturque ex his. 30 Edenda est pulicula etiam, cum qua paulum ex favo vetere coctum sit. Et lenticula cum malicorio cocta, rubique cacumina in aqua decocta, & ex oleo atque aceto assumpta, efficacia sunt: ut & ea aqua, in qua

qua vel palmulæ, vel malum cotoneum, vel arida sorba, vel rubi decocti sunt, potata. quod genus significo, quoties portionem dandam esse dico, quæ adstringat. Triticum quoque hemina in vino aminæo austerro decoquitur; idque triticum jejuno ac sitienti datur; superque id vinum id sorbetur. quod jure valentissimis medicamentis annumerari potest. Atque etiam potui datur vinum signinum, vel resinatum austerum, vel quodlibet austerum. Contunditurque cum corticibus, seminibusque suis punicum malum, vinoque tali miscetur: idque vel merum sorbet aliquis, vel bibit mixtum. Sed medicamentis uti, nisi in vehementibus malis, supervacuum est.

CAP. XX.

De Vulvæ morbo.

20

Ex vulva quoque foeminis vehemens malum nascitur: proximeque ab stomacho, vel afficitur hæc, vel corpus afficit. Interdum etiam sic exanimat, ut tanquam comitiali morbo prosternat. Di-
stat tamen hic casus, eo quod neque oculi
vertuntur, nec spumæ profluunt, nec nervi
distenduntur: sopor tantum est. Id vitium
quibusdam foeminis crebro revertens per-
petuum evadit.

30

Ubi incidit, si satis virium est, sanguis missus adjuvat: si parum est, cucurbitulæ tamen defigendæ sunt in inguinibus. Si diutius aut jacet aut alioqui jacere consuevit,

fuevit, admoveere oportet naribus extin-
ctum ex lucerna linamentum, vel aliud ex
his, quæ foedioris esse odoris retuli, quod
mulierem excitet. Idemque aquæ frigidæ
5 perfusio efficit. Adjuvatque ruta contrita
cum melle, vel ex cyprino ceratum, vel
quodlibet calidum & humidum catapla-
sma, naturalibus pube tenus impositum. In-
ter hæc etiam perfricare coxas, & poplites
10 oportet.

Deinde, ubi ad se rediit, circumciden-
dum vinum est in totum annum, etiamsi
casus idem non revertitur. Fricatione quo-
tidie utendum totius quidem corporis,
15 præcipue vero ventris, & poplitum. Cibus
ex media materia dandus. Sinapi super
imium ventrem tertio quoque aut quarto
die imponendum, donec corpus rubeat.

Si duresces manet, mollire commode
20 videtur solanum in lac demissum, deinde
contritum, & cera alba atque medulla cer-
vina cum irino; aut sebum taurinum vel
caprinum cum rosa mistum. Dandum po-
tui etiam vel castoreum est, vel git, vel
25 anethum. Si parum pura est, purgetur
junco quadrato. Si vero vulva exulcerata
est, ceratum ex rosa fiat: etiam recens suil-
la adeps, & ex ovis album misceatur, idque
apponatur; vel album ex ovo cum rosa
30 mistum, adjecto, quo facilius consistat,
contritæ rosæ pulvere. Dolens vero vulva
sulphure suffumigari debet.

At, si purgatio nimia mulieri nocet, reme-
dio sunt cucurbitulæ, cute incisa, inguini-
bus

bus vel etiam sub mammis admotæ. Si maligna purgatio est, subjicienda sunt * coercentia. Id faciunt etiam albæ violæ, nigrum papaver cum melle assumptum, & gummi cum trito semine apii liquatum, & cum cyatho passi datum.

Præter hæc, in omnibus vulvæ doloribus idoneæ potiones sunt, quæ ex odoribus fiunt, id est spica nardi, croco, cinnamomo, casia, similibusque. Idemque etiam decocta lentiscus præstat. Si tamen intolerabilis dolor est, & sanguis profluit, etiam sanguinis detractio apta est; aut certe coxis admotæ cucurbitulæ cute incisa.

2. *De Urina nimia profusione.*

15

At cum urina super potionum modum mingitur, & jam sine dolore profluens maciem & periculum facit, si tenuis est, opus est exercitatione & fricatione, maximeque in sole, vel ad ignem. Balneum rarum esse debet, neque longa in eo mora: cibus comprimens: vinum austerum meracum; per æstatem, frigidum; per hiemem, egelidum; sed tantum, quantum minimum sit. Infima alvus quoque vel ducenda vel lacte purganda est. Si crassa urina est, vehementior esse debet & exercitatio, & frictio: longior in balneo mora: cibus opus est teneris: vinum idem. In utroque morbo vitanda omnia sunt, quæ urinam movere consue-

C A P. XXI.

De Seminis nimia ex naturalibus profusione.

5 **E**ST et iam circa naturalia vitium, nimia profusio seminis. quod sine venere, sine nocturnis imaginibus sic fertur, ut; interpolito spatio, tabe hominem consummat.

10 In hoc affectu salutare sunt vehementes fricationes, perfusiones, natationesque quam frigidissimæ: neque cibi, nec potio, nisi frigida assumpta. Oportet autem vitare cruditates, & omnia infantia: nihilque ex

15 his assumere, quæ contrahere semen videntur; qualia sunt, filigo, simila, ova, alica, amyllum, omnis caro glutinosa, piper, eruca, bulbi, nuclei pinci. Neque alienum est, fovere inferiores partes aqua, decocta ex

20 verbenis comprimimentibus, ex iisdem aliqua cataplasmata imo ventri inguinibusque circumdare; præcipueque ex aceto. Vitare autem oportet rutam, & ne supinus dormiat.

25

C A P. XXII.

De Coxarum morbis.

50 **S**UPEREST, ut ad extremas partes corporis veniam, quæ articulis inter se conferuntur. Initium à coxis faciam. Harum ingens dolor esse consuevit: isque hominem sæpe debilitat, & quosdam non dimittit. Eoque id genus difficillime curatur, quod fere post longos morbos vi pestifera

fera huc se inclinat : quod ut alias partes liberat , sic hanc ipsam quoque affectamprehendit.

Fovendum primum aqua calida est : deinde utendum calidis cataplasmatibus. Maxime prodesse videtur, aut cum hordeacea farina , aut cum ficu ex aqua decocta mixtus capparis cortex concisus; vel lolii farina ex vino diluto cocta, & mista cum arida fece. quæ quia refrigescunt, imponere nocturno malagmata commodius est. Inulæ quoque radix contusa, & postea ex vino austero cocta, & late super coxam imposita, intervalentissima auxilia est. Si ista non solverunt, sale calido & humido utendum est. 15

Si ne sic quidem finitus dolor est, aut tumor ei accedit, incisa cute admovendæ sunt cucurbitulæ: movenda urina : alvus, si compressa est, ducenda. Vltimum est, & in uteri quoque morbis efficacissimum, tribus aut quatuor locis super coxam, cutem candentibus ferramentis exulcerare. Fricatione quoque utendum est, maxime in sole, & eodem die sæpius : quo facilius ea, quæ coeundo nocuerunt, digerantur. Eaque, si nulla exulceratio est, etiam ipsis coxis : si est, cæteris partibus adhibenda est. Cum vero sæpe aliquid exulcerandum candenti ferramento sit, ut materia inutilis evocetur, illud perpetuum est, non, ut primum fieri potest, huius generis ulcera sanare: sed ea trahere, donec id vitium, cui per hæc opitulamur, conquiescat.

C A P. XXIII.

De Genuum dolore.

5 **C**OXIS proxima genua sunt. in quibus
ipsis nonnunquam dolor esse consue-
vit. In iisdem autem cataplasmatibus
cucurbitulisque præsidium est: sicut etiam,
cum in humeris, aliisque commissuris do-
lor aliquis exortus est. Equitare ei, cui
10 genua dolent, inimicissimum omnium est.
Omnes autem ejusmodi dolores, ubi inve-
teraverunt, vix citra unctionem finiuntur.

C A P. XXIV.

15 *De Manuum & pedum articulo-
rumque vitiis.*

IN manibus pedibusque articulorum vi-
tia frequentiora longioraque sunt. Quæ
in podagricis chiragricisque esse con-
20 suerunt, ea raro vel castratos, vel pueros
ante sceminæ coitum, vel mulieres, nisi
quibus menstrua suppressa sunt, tentant.

Ubi sentire cœperunt, sanguis mitten-
dus est. id enim inter initia statim factum,
25 sæpe annuam, nonnunquam perpetuam
valetudinem bonam præstat. Quidam
etiam, cum asinino lacte potio ex toto se
eluisent, in perpetuum hoc malum evase-
runt. Quidam, cum toto anno à vino, mul-
30 so, venere sibi temperassent, securitatem
totius vitæ consecuti sunt. idque utique
post primum dolorem servandum est,
etiamsi quievit. Quod si jam consuetudo
ejus facta est, potest quidem aliquis esse se-
curior

curior his temporibus, quibus dolor se remittit: majorem vero curam adhibere debent hi, quibus id revertitur. quod fere vere autumnove fieri solet.

Cum vero dolor non urget, mane gestari debet; deinde ferri, aut inambulatione leni se dimovere &, si podagra est, interpositis temporibus exiguis, invicem modo sedere, modo ingredi; tum, antequam cibum capiat, sine balneo, loco calido leniter perfricari, sudare, perfundi aqua egelida: deinde cibum fumere ex media materia, interpositis rebus urinam moventibus, quotiesque plenior est, evomere.

Ubi dolor vehemens urget, interest, sine tumore is sit, an tumor cum calore, an tumor jam etiam obcaluerit. Nam, si tumor nullus est, calidis fomentis opus est. Aquam marinam, vel muriam duram fervere facere oportet, deinde in pelvem conjicere, &, cum jam homo pati potest, pedes demittere superque pallam dare, & vestimento tegere; paulatim deinde juxta labrum ipsum ex eadem aqua leniter infundere, ne calor intus destituat; ac deinde noctu cataplasmata calefacientia imponere, maximeque hibisci radicem ex vino coctam. Si vero tumor calorque est, utilioraque sunt refrigerantia, recteque in aqua quam frigidissima articuli continentur; sed neque quotidie, neque diu fiat, ne nervi indurescant. Imponendum vero est cataplasma, quod refrigeret: neque tamen in hoc ipso diu permanendum; sed ad ea trans-

eun-

eundum, quæ sic reprimunt, ut emol-
liant.

Si major est dolor, papaveris cortices in
vino coquendi, miscendique cum cerato
sunt, quod ex rosa factum sit: vel ceræ &
adipis suillæ tantundem una liquandum,
deinde his vinum miscendum, atque ubi,
quod ex eo impositum est, incaluit, detra-
hendum, & subinde aliud imponendum est.

10 Si vero tumores etiam obcalluerunt, &
dolent, levat spongia imposita, quæ subinde
ex oleo, vel aceto, vel aqua frigida expri-
mitur; aut pari portione inter se mista, pix,
cera, alumen. Sunt etiam plura idonea
15 manibus pedibusque malagmata. Quod si
nihil superimponi dolor patitur, id, quod
sine tumore est, fovere oportet spongia,
quæ in aquam calidam demittatur, in qua
vel papaveris cortex, vel cucumeris silve-
20 stris radix decocta sit; tum inducere arti-
culis crocum cum succo papaveris & ovillo
lacte.

At si tumor est, foveri quidem debet
aqua egelida, in qua lentiscus, aliave ex
25 reprimentibus verbena decocta sit: induci
vero medicamentum ex nucibus amaris
cum aceto tritis; aut ex cerussa, cui con-
tritæ herbæ muralis succus sit adjectus. La-
pis etiam, qui carnem edit, quem *σπερμα*
30 *σερ* Græci vocant, excisus sic ut, pedes ca-
piat, demissos eos, cum dolent, retentosque
ibi levare consuevit. Ex quo in Assio sepul-
chra faciunt. Et lapidi Assio gratia est ad-
juvandum.

Ubi dolor & inflammatio se remiserunt, (quod intra dies triginta fit, nisi vitium hominis accessit) modicis exercitationibus, abstinencia, unctionibus lenibus utendum est sic, ut etiam cum acopo, vel liquido cetrato cyprino articuli perfricentur. Equitare podagricis quoque alienum est.

Quibus vero articulorum dolor certis temporibus revertitur, hos ante & curioso victu cavere oportet, ne inutilis materia corpori supersit: & crebriore vomitu, &, si quis ex corpore metus est, vel alvi ductione uti, vel lacte purgari. Quod Erasistratus in podagricis expulit: ne in inferiores partes factus cursus pedes replet: cum evidens sit, omni purgatione non superiora tantummodo, sed etiam inferiora exinaniri.

C A P. XXV.

De Refectione convalescentium à morbo.

20

Ex quocumque autem morbo quis convalescit, si tarde confirmatur, vigilare prima luce debet; nihilominus in lecto conquiescere: circa tertiam horam leniter unctis manibus corpus permulcere. Deinde delectationis causa, quantum juvat, ambulare, circumcisa omni negotiosa actione. Tum gestari diu: multa frictione uti: loca, cœlum, cibos sæpe mutare. Ubi triduo quatrduove vinum bibit, uno aut etiam altero die interponere aquam. Per hæc enim fiet, ne in vitia tabem inferentia incidat, & ut mature vires suas recipiat. Cum
vero

vero ex toto convaluerit, periculose vitæ genus subito mutabit, & inordinate aget. Paulatim ergo debebit, omissis his legibus, eo transire, ut arbitrio suo vivat.

5

LIBER QUINTVS.

P R Æ F A T I O.

10 **D**IXI de his malis corporis, quibus victus ratio maxime subvenit. nunc transeundum est ad eam medicinæ partem, quæ magis medicamentis pugnat. His multum
 15 antiqui authores tribuerunt, & Erasistratus, & hi qui se *ἰατροειδὲς* nominaverunt; præcipue tamen Herophilus, deductique ab illo viri; adeo ut nullum morbi genus sine his curarent. Multaque etiam de
 20 facultatibus medicamentorum memoriæ prodiderunt, qualia sunt vel Zenonis, vel Andreæ, vel Apollonii, qui Mus cognominatus est. Horum autem usum ex magna parte Asclepiades non sine causa sustulit; &
 25 cum omnia fere medicamenta stomachum lædant, malique succi sint, ad ipsius victus rationem potius omnem curam suam transtulit. Verum, ut illud in plerisque morbis utilius est, sic multa admodum corpori-
 30 bus nostris incidere consuerunt, quæ sine medicamentis ad sanitatem pervenire non possunt. Illud ante omnia scire convenit, quod omnes medicinæ partes ita connexæ sunt, ut ex toto separari non possint; sed ab

eo nomen trahant, à quo plurimum petunt. Ergo ut illa, quæ victu curat, aliquando medicamentum adhibet; sic illa, quæ præcipue medicamentis pugnat, adhibere etiam rationem victus debet; quæ multum admodum in omnibus malis corporis proficit. Sed cum omnia medicamenta proprias facultates habeant, ac sæpe simplicia opitulentur, sæpe mista; non alienum videtur ante proponere & nomina, & vires, & misturas eorum: quo minor ipsam curationem exsequentibus mora sit.

C A P. I.

De simplicibus facultatibus quarumcunque rerum, ex quibus medicamenta sunt: 15

& primo de his, quæ Sanguinem supprimunt.

SANGVINEM supprimunt, atramentum futorium, quod Græci *χάλκιδος* appellant, chalcitis, acacia, & ex aqua lycium, thus, aloe, gummi, plumbum combustum, porrum, herba sanguinalis, creta vel cimolia vel figularis, misy, frigida aqua, vinum, acetum, alumen, melinum, squama & ferri & æris; atque hujus quoque duæ species sunt, alia tantum æris, alia rubri æris. 25

1100

-B-

C A P. II.

Quæ vulnus glutinent.

30

GLUTINANT vulnus, myrrha, thus, gummi, præcipueque acanthinum, psyllium, tragacantha, cardamomum,

mum, bulbi, lini semen, nasturtium, ovi album, gluten, ichthyocolle, vitis alba, contusæ cum testis suis cochleæ, mel coctum, sponsia vel ex aqua frigida, vel ex vino, vel ex aceto expressa: ex iisdem lana succida, si levis plaga est: etiam aranea.

Reprimunt, alumen & scissile, quod *αἰσιν* vocatur, & liquidum, melinum, auripigmentum, ærugo, chalcitis, atramentum Iofutorium.

C A P. I I I.

Quæ concoquant, & moveant pus.

15 **C**ONCOQUUNT & movent pus, nardum, myrrha, costus, balsamum, galbanum, propolis, styrax, thuris & fuligo & cortex, bitumen, pix, sulphur, resina, sebum, adeps, oleum.

C A P. I V.

20 *Quæ aperiant vulnera.*

VVLNERA aperiunt tanquam ora in corporibus, quod *αἰσιν* Græce dicitur, cinnamomum, balsamum, paces, juncus quadratus, pulegium, flos albæ violæ, bdellium, galbanum, resina terebinthina & pinea, propolis, oleum vetus, piper, pyrethrum, chamæpitys, uva taminia, sulphur, alumen, rutæ semen.

30 C A P. V.

Quæ purgent.

PURGANT, ærugo, auripigmentum, quod *αἰσιν* à Græcis nominatur (huic au-

tem & sandarachæ in omnia eadem vis; sed validius est) squama æris, pumex, iris, balsamum, styrax, thus, thuris cortex, resina, & pinea, & terebinthina liquida, cenanthe, lacerti stercus, sanguis columbæ, & palumbi, & hirundinis, ammoniacum, bdellium (quod in omnia idem, quod ammoniacum, potest; sed hoc valentius est) abrotonum, ficus arida, coccum gnidium, scobis eboris, omphacium, radicula, coagulum, sed maxime leporinum (cui eadem, quæ cæteris coagulis, facultas, sed utique validior est) fel taurinum, vitellus crudus, cornu cervinum, gluten, mel crudum, misy, chalcitis, crocum, uva taminia, spuma argenti, galla, squama æris, lapis hæmatites, minium, costum, sulphur, pix cruda, sebum, adeps, oleum, ruta, porrum, lentacula, ervum.

C A P. V I.

20

Quæ rodant.

RODUNT, alumen liquidum, sed magis rotundum, ærugo, chalcitis, misy, squama æris, sed magis rubri, æs combustum, sandaracha, minium sinopicum, casia, balsamum, myrrha, thuris cortex, galbanum, resina terebinthina liquida, piper utrunque, sed rotundum magis, cardamomum, auripigmentum, calx, nitrum, & spuma ejus, apii semen, narcissi radix, omphacium, alcyonium, oleum ex amaris nucibus, allium, mel crudum, vinum, lentiscus, squama ferri, fel taurinum, scamonea,

monea, uva taminia, cinnamomum, styrax, rutæ semen, resina, narcissi semen, sal, nuces amaræ, ut oleum earum, atramentum sutorium, chrysocola, concharum cinis.

5

C A P. V I I.

Quæ exedant corpus.

EXEDUNT corpus, acaciæ succus, hebe-
nus, ærugo, squama æris, chrysocola,
10 cinis Cyprius, nitrum, cadmia, spuma
argenti, hypocistis, diphryges, sal, auripi-
gmentum, sulphur, eruca, sandaracha, sa-
lamandra, alcyonium, æris flos, chalcitis,
atramentum sutorium, ochra, calx, acetum,
15 galla, alumen, lac caprifici, vel lactucæ
marinæ, quæ *πύργα* à Græcis nomina-
tur, fel, thuris fuligo, spodium, lenticula,
mel, oleæ folia, marrubium, lapis hæma-
tites, & phrygius, & alius, & scissilis, misy,
20 vinum, acetum.

C A P. V I I I.

Quæ adurant.

ADURANT, auripigmentum, atramen-
tum sutorium, chalcitis, misy, æru-
25 go, calx, charta combusta, sal, squa-
ma æris, fex combusta, myrrha, sterco &
lacerti, & columbæ, & palumbi, & hiru-
dinis, piper, coccum gnidium, allium, di-
30 phryges, lac utrumque (quod proximo ca-
pite supra comprehensum est) veratrum &
album & nigrum, cantharides, corallium,
pyrethrum, thus, salamandra, eruca, san-
daracha, uva taminia, chrysocola, ochra,
L 3. alu-

alumen scissile, ovillum stercus, cœnanthe.

C A P. I X.

Quæ crustas ulceribus inducant.

EADEM fere crustas ulceribus tanquam-
igne adustis inducunt, sed præcipue
chalcitis, utique si cocta est, flos æris,
æruugo, auripigmentum, misy, & id quo-
que magis coctum.

C A P. X.

10

Quæ crustas ulceribus resolvant.

CRUSTAS vero has resolvit, farina tri-
ticea cum ruta, vel porro, aut lenti-
cula, cui mellis aliquid adjectum est. 15

C A P. X I.

*Quæ discutiant ea, quæ in aliqua
parte corporis coierunt.*

AD discutienda vero ea, quæ in cor- 20
poris parte aliqua coierunt, ma-
xime possunt, abrotonum, hele-
nium, amaracus, alba viola, mel, lilium,
sanfucus, cyperus, lac, fertula campana,
serpillum, cupressus, cedrus, iris, viola 25
purpurea, narcissus, rosa, crocum, prasium,
juncus quadratus, nardum, cinnamomum,
cassia, ammoniacum, cera, refina, uvata-
minia, spuma argenti, styrax, ficus arida,
tragoriganus, lini & narcissi semen, bitu- 30
men, sordēs ex gymnasio, pyrites lapis, aut
molaris, crudus vitellus, amaræ nuces,
sulphur.

C A P. XII.

Quæ evocent, & educant.

5 **E**VOCAT & educit, ladanum, alumen
 rotundum, hebenus, lini semen, om-
 phacium, fel, chalcitis, bdellium, re-
 sina terebinthina & pinea, propolis, ficus
 arida decocta, stercus columbæ, pumex,
 farina lolii, grossi in aqua cocti, elaterium,
 10 lauri baccæ, nitrum, sal.

C A P. XIII.

Quæ exasperata laevant.

15 **L**ÆVANT id, quod exasperatum est, spo-
 dium, hebenus, gummi, ovi album,
 lac, tragacanthum.

C A P. XIV.

Quæ carnem nutriant, & ulcus impleant.

20 **C**ARNEM alunt, & ulcus implent, resi-
 na pinea, ochra Attice, mel, asteria-
 ce, cera, butyrum.

C A P. XV.

Quæ molliant.

25 **M**OLLIVNT, æs combustum, terra
 Eretria, nitrum, papaveris lachry-
 ma, ammoniacum, bdellium, cera,
 sebum, adeps, oleum, ficus arida, sesamum,
 30 fertula campana, narcissi & radix & semen,
 rosæ folia, coagulum, vitellus crudus,
 amaræ nuces, medulla omnis, stimmi, pix,
 cochlea cocta, cicutæ semen, plumbi re-
 trimentum, *σκηλια* *μελίπρως* Græci vo-
 cant,

cant, panaces, cardamomum, galbanum, resina, uvataminia, styrax, iris, balsamum, sordes ex gymnasio, sulphur, butyrum, ruta.

CAP. XVI.

Quæ cutem purgent.

5

CVTEM purgat mel, sed magis, si est cum galla, vel ervo, vel lenticula, vel marrubio, vel iride, vel ruta, vel nitro, vel ærugine.

10

CAP. XVII.

De misturis simplicium rerum; & de ratione ponderum.

EXPOSITIS simplicibus facultatibus, dicendum est, quemadmodum misceantur, quæque ex his fiant. Miscentur autem varie, neque hujus ullus modus est, cum ex similibus alia demantur, alia adjiciantur; iisdemque servatis, ponderum ratio mutetur. Itaque, cum facultatum materia non ita multiplex sit, innumerabilia misturarum genera sunt; quæ comprehendendi si possent, tamen esset supervacuum. Nam & iidem effectus intra paucas compositiones sunt, & mutare eas cuilibet, cognitis facultatibus, facile est. Itaque contentus his ero, quas accepi velut nobilissimas. In hoc autem volumine eas explicabo, quæ vel desiderari in prioribus potuerunt; vel ad eas curationes pertinent, quas protinus hic comprehendam sic, ut tamen, quæ magis communia sunt, simul jungam. Si qua singulis, vel etiam paucis com-

mo-

modata sunt, in ipsorum locum differam.

Sed & ante sciri volo, in uncia pondus denariorum septem esse. Vnius deinde denarii pondus dividi à me in sex partes, sed est sextantes, ut idem in sextante denarii habeam, quod Græci habent in eo, quem ὀβολὸν appellant. Is ad nostra pondera relatus paulo plus dimidio scrupulo facit.

2. *Quid Malagma, & Emplastrum, & Pastillus inter se differant.*

10 Malagmata vero, atque emplastra, pastillique, quos *πρωξιαντες* Græci vocant, cum plurima eadem habeant; differunt eo, quod malagmata maxime ex floribus eorumque
15 etiam surculis, emplastra pastillique magis ex quibusdam metallicis fiunt. Deinde malagmata contusa abunde mollescunt: nam super integram cutem injiciuntur: laboriose vero conteruntur ea, ex quibus em-
20 plastra pastillique fiunt; ne lædant vulnera, cum imposita sunt. Inter emplastrum autem & pastillum hoc interest, quod emplastrum utique liquati aliquid accipit: in pastillo tantum arida medicamenta aliquo-
25 humore junguntur. Tum emplastrum hoc modo fit. Arida medicamenta per se teruntur: deinde mistis his instillatur aut acetum, aut si quis alius non pinguis humor accessurus est; & ea rursus ex eo teruntur.
30 Ea vero, quæ liquari possunt, ad ignem simul liquantur; & si quid olei misceri debet, tum infunditur. Interdum etiam aridum aliquod ex oleo prius coquitur Vbi facta sunt, quæ separatim fieri debuerunt,

in unum omnia miscentur. At pastilli hæc ratio est. Arida medicamenta contrita humore non pingui, ut vino vel aceto, coguntur, & rursus coacta, inarescunt: atque, ubi utendum est, ejusdem generis humore diluuntur. Tum emplastrum imponitur, pastillus illinitur, aut alicui molliori, aut cerato miscetur.

CAP. XVIII.

De Malagmatis.

10

1. *Malagma adversus calidas podagras.*

His cognitis, primum malagmata subijciam; quæ fere non sunt refrigerandi, sed calefaciendi causa recepta. Est tamen, quod refrigerare potest, ad calidas podagras aptum. Habet gallæ & immaturæ & alterius, coriandri seminis, eicutæ, lachrymæ aridæ, gummi, singulorum plenum acetabulum, cerati eloti, quod *πεπλυμένος* Græci vocant, selibram. Reliqua fere calefaciunt. Sed quædam digerunt materiam, quædam extrahunt, quæ *ἐπιπαστικά* vocantur: pleraque certis partibus membrorum accommodata sunt.

25

2. *Malagma ad materiam extrahendam.*

Si materia extrahenda est, ut in hydrospico, in lateris dolore, in incipiente abscessu, in suppuratione quoque mediocri, aptum est id, quod habet resinæ aridæ, nitri, ammoniaci, galbani, singulorum *p. *. ceræ p. **. Aut in quo hæc sunt: æruginis rasæ, thuris, singulorum *p. i l. *. ammoniaci*

moniaci salis p. vi. *. squamæ æris, ceræ,
singulorum p. vii. *. resinæ aridæ: p. xii.
*. aceti cyathus. Idem præstat cumini fa-
rina cum struthio, & melle p. i. *.

3. *Malagma ad jecur dolens.*

Si jecur dolet, id in quo est balsami la-
chrymæ p. xii. *. costi, cinnamomi, cassiæ
corticis, myrrhæ, croci, junci rotundi, bal-
sami feminis, iridis illyricæ, cardamomi,
10 amomi, nardi, singulorum. p. xvi. *. Qui-
bus adjicitur nardinum unguentum, do-
nec cerati crassitudo sit. Et hujus quidem
recentis usus est: si vero servandum est, re-
sinæ terebinthinæ p. xvi. *. ceræ p. x. *. ex
15 vino leni contunduntur, & cum eo miscen-
tur.

4. *Malagma ad lienem.*

At, si lienis torquet, glandis, quam *μυρ-
βάλαρον* Græci vocant, cortex & nitrum
20 paribus portionibus contunduntur, re-
spargunturque aceto quam acerrimo; ubi
cerati crassitudinem habet, linteo, ante in
aqua frigida madefacto, inlinitur, & sic im-
ponitur, supraque farina ordeacea injici-
25 tur: sed manere ibi non amplius sex ho-
ris debet, ne lienem consumat: satiusque
est id bis, aut ter fieri.

5. *Malagma commune pluribus.*

Commune autem & jecinori, & lienī, &
30 abscessibus, & strumæ, parotidibus, articu-
lis, calcibus quoque suppurantibus, aut
aliter dolentibus, etiam concoctioni ven-
tris, Lyfias composuit ex his: opopanacis,
galbani, resinæ, singulorum p. ii. *. amy-
monia-

moniaci, bdellii, ceræ, sevi taurini, iridis aridæ p. iiii. *. cachryos acetabulo, piperis granis quadraginta. quæ contrita irino unguento temperantur.

6. *Malagma ad laterum dolorem.*

5

Ad laterum autem dolores compositio est Apollophanis: in qua sunt resinæ terebinthinæ, thuris fuliginis, singulorum p. iv. *. bdellii, ammoniaci, iridis: sevi aut vitulini, aut caprini à renibus, visci, singulorum p. iv. *. Hæc autem omnem dolorem levat, dura emollit, mediocriter calefacit.

7. *Ad idem Andrea.*

Ad idem valet Andreae quoque malagma, quod etiam resolvit, humorem educit, pus maturat, ubi id maturum est, cutem rumpit, & ad cicatricem perducit. Prodest impositum minutis majoribusque abscessibus: item articulis, & coxis, & pedibus dolentibus: item, si quid in corpore collisum est, reficit: præcordia quoque dura & inflata emollit: ossa extrahit: ad omnia denique valet, quæ adjuvare calor potest. Id habet ceræ p. xi. *. visci, sycamini, quam alias sycomorum vocant, lachrymæ, singulorum p. i. *. piperis & rotundi, & longi, ammoniaci thymiamatis, bdellii, iridis Illyricæ, cardamomi, xylobalsami, thuris masculi, myrrhæ, resinæ aridæ, singulorum p. x. *. pyrethri, cocci Gnidii, spumæ nitri, salis ammoniaci, radicis aristolochiæ Creticæ, cucumeris agrestis radicis, resinæ terebinthinæ liquidæ, singulorum

lorum p. xx. *. quibus adjicitur unguenti
irini, quantum satis est ad ea mollienda,
atque cogenda.

8. *Malagmata ad resolvenda, quæ adstricta
sunt; & mollienda, quæ dura sunt;
& digerenda, quæ coeunt.*

Præcipuum vero est ad resolvenda, quæ
adstricta sunt, mollienda, quæ dura sunt,
digerenda, quæ coeunt, id, quod ad Poly-
10 archum authorem refertur. Habet junci
quadrati, cardamomi, thuris fuliginis,
amomi, ceræ, resinæ liquidæ, pares portio-
nes.

9. *Aliud malagma ad eadem.*

15 Aliud ad eadem Nilei: crocomagmatis;
quod quasi recrementum ejus est, p. iv. *.
ammoniaci thymiamatis, ceræ, singulo-
rum p. xxx. *. ex quibus duo priora ex ace-
to teruntur, cera cum rosâ liquatur, & tum
20 omnia junguntur.

10. *Malagma Moschi ad molliendum.*

Proprie etiam dura mollit id, quod Mo-
schi esse dicitur. Habet galbani unciam,
thuris fuliginis p. iii. *. ceræ, ammoniaci
25 thymiamatis trientes, picis aridæ p. ii. *.
aceti heminas tres.

11. *Malagma Medi ad digerenda, quæ coeunt.*

Fertur etiam ad digerenda, quæ coeunt,
sub authore Medo: quod habet ceræ p. iii.
30 *. panacis p. *. semis, squamæ æris, alumi-
nis rotundi, item scissilis, singulorum p. i. *.
plumbi combusti p. i. *. & semis.

12. *Malagma Panthemii ad eadem.*

Ad eadem Panthemus utebatur, calcis.
p. *.

p. *. semis, sinapis contriti, item foeni græci, aluminis, singulorum p. i. *. fevi bubuli p. ii. *. & semis.

13. *Malagma ad strumas.*

Ad strumam multa malagmata invenio. 5
Credo autem, quo pejus id malum est, minusque facile discutitur, eo plura esse tentata; quæ in personis varie responderunt. Andreas author est, ut hæc misceantur: urticæ seminis p. i. *. piperis rotundi, 10 bdellii, galbani, ammoniaci thymiamatis, resinæ aridæ, singulorum p. i v. *. resinæ liquidæ, ceræ, pyrethri, piperis longi: lactucæ marinæ seminis, sulphuris ignem non experti, quod ἀπύρρον vocatur, pares 15 portiones.

14. *Aliud Miconis ad idem.*

Hoc autem Miconis est: fecis aridæ, acetii, spumæ nitri, salis ammoniaci, sinapis, cardamomi, radicis cucumeris silvestris, re- 20 sinæ, singulorum p. i v. *. Quæ ex leni vino contunduntur.

15. *Aliud malagma ad idem valens.*

Expeditiùs ad idem fit, quod habet visci, felini stercoreis, resinæ, sulphuris ignem 25 non experti pares portiones. Et in quo est sulphuris p. i. *. lapidis, quem pyriten vocant, p. i v. *. cumini acetabulum. Item in quo est lapidis ejusdem pars una, sulphuris quæ partes, resinæ terebinthinæ partes tres. 30

16. *Malagma ad strumam, & phymata.*

Arabis autem cujusdam est ad strumam, & orientia tubercula, quæ Φύματα vocantur, quod hæc digerit. Habet myrrhæ, salis ammonia-

moniaci, thuris, resinæ & liquidæ & aridæ, crocomagmatis, ceræ, singulorum p. i. *. lapidis ejus, quam *περίτλω* vocant, p. iv. *. quibus quidam adjiciunt sulphuris p. iii. *.

5 17. *Malagma ad strumam, & tubera, & κερκινώδη.*

Est etiam proficiens in struma; & in his tuberibus, quæ difficulter concoquuntur; & in his, quæ *κερκινώδη* vocantur, quod ex
10 his constat: sulphuris p. ii. *. nitri p. iv. *. myrrhæ p. v. *. fuliginis thuris p. *. seminis, salis ammoniaci p. iii. *. ceræ p. i. *.

18. *Malagma Protarchi ad parotidas, & favum, & mala ulcera.*

15 Protarchus autem ad *παρωτίδας* atque tubercula, quæ *μελικηελίdis*, id est favi, vel *φύμγ* nominantur, item mala ulcera, pumicis, resinæ pineæ liquidæ, thuris fuliginis, spumæ nitri, iridis, singulorum p.
20 v. iii. *. cum ceræ p. ix. *. miscebat, hisque olei cyathum & dimidium adjiciebat.

19. *Malagma adversus panum, & phymata.*

At adversus panum, tum primum orientem, quod *φύγεθλον* Græci vocant, & omne tuberculum, quod *φύμγ* nominatur, miscetur ochrea, quæ Attice nominatur, cum duabus partibus similæ, hisque, dum contunduntur, subinde mel instillatur,
30 donec malagmatis crassitudo sit.

20 *Malagma adversus phymata.*

Discutit etiam omne tuberculum, quod *φύμγ* vocatur, id, quod habet ca'cis, spumæ nitri, piperis rotundi, singulorum p.
i. *.

1. *. galbani p. 11. *. salis p. 1 v. *. quæ excipiuntur cerato ex rosa facto.

21. *Malagma ad suppressendum omne, quod abscedit.*

Suppressit quoque omne, quod abscedit, id, in quo est galbani, fabæ fressæ, singulorum, p. 1. *. myrrhæ, thuris, corticis ex radice capparis, singulorum, p. 1 v. *. Satisque omnia abscedentia digerit murex combustus, & bene contritus, aceto subinde adjecto. 10

22. *Malagma ad sanguinem suppressendum.*

At, si plus satis sanguis subit, recte imponitur, quod adversus phymata quoque potest. Constat ex his: bdellii, styracis, ammoniaci, galbani, resinæ & aridæ & liquidæ pineæ; item ex lentisci, thuris, iridis, singulorum p. 11. *.

23. *Malagma ad carcinomata & phymata lenienda.*

Carcinomata vero & phymata commode his leniuntur: galbani, vulci, ammoniaci, resinæ terebinthinæ singulorum p. 1. *. sevi taurini p. *. semis, fecis combustæ quam maxima portione, dum id siccius non faciat, quam esse malagma oportet. 25

24. *Malagma ad faciem contusam ejusque livorem.*

Quod si facie contusa livor subcruentus est, hæc compositio nocte & die imposita tollit. Aristolochiæ, thapsiæ, singulorum p. 11. *. bdellii, styracis, ammoniaci thymiamatis, galbani, resinæ aridæ, & ex lentisco liquidæ, thuris masculi, iridis Illyricæ, ceræ, singulorum p. 1 v. *. Eidem faba quoque imposita proficit. 25.

25. *Malagmata ἀνασφουλιγγὰ ad aperiendum.*

Sunt etiam quædam malagmata, quæ ἀνασφουλιγγὰ Græci vocant, quoniam aperiendi vim habent. Quale est, quod ex his constat: piperis longi, spumæ nitri, singulorum p. ii. *. erysimi p. iv. *. quæ cum melle miscentur. Idoneæque etiam strumæ aperiendæ sunt. Ejus generis, vehementiusque ex his est, quod habet calcis p. i v. *. piperis grana sex, nitri, ceræ, singulorum p. x. *. mellis p. i i i. *. olei heminam.

26. *Miconis malagma, ad resolvendum aperiendumque ac purgandum.*

Miconis quoque est, quod resolvit, aperit, purgat. Habet alcyonium, sulphur, nitrum, pumicem, pari pondere; quibus tantum picis, & ceræ adjicitur, ut fiat cerati crassitudo.

27. *Malagma ad ossa & nervos.*

Ad ossa autem Aristogenis, fit ex his: sulphuris p. i. *. resinæ terebinthinæ, nitri spumæ, & ex scilla partis interioris, plumbi eloti, singulorum p. i i. *. thuris fuliginis p. v i i i. *. ficus aridæ quam pin-
25 guissimæ, sevi taurini, singulorum p. v i i i. *. ceræ p. x i i. *. iridis Macedonicæ p. v i. *. sesami fricti acetabulum. maximeque nervis & articulis malagma hoc convenit.

28. *Malagma Euthyclei. ad articulos, & ad omnem dolorem.*

30 Euthyclei quod est, & ad articulos, & ad omnem dolorem, & ad vesicæ, & ad recenti cicatrice contractos articulos, quas ἀγκύλας Græci nominant, conveniens, habet fulgi-

liginis thuris acetabulum, resinæ tantundem, galbani sine furculis fescunciam, ammoniaci, bdellii, singulorum p. *. ceræ p. *. semis. Aliud item fit, quod habet iridis, ammoniaci, galbani, nitri, singulorum p. xlv. *. resinæ liquidæ p. vi. *. ceræ p. xvi. *.

29. *Malagma Sofagoræ ad dolores articulorum.*

Ad dolores articulorum Sofagoræ: plumbi combusti, papaveris lachrymæ, corticis hyoscyami, styracis, peucedani, sevi, resinæ, ceræ par pondus.

30. *Chrysippi malagma, ad idem valens.*

Est & Chrysippi: resinæ liquidæ, sandarachæ, piperis, singulorum p. xli. *. quibus ceræ paululum adjicitur.

31. *Ctesiphontis malagma ad idem valens, & ad parotidas, & phymata, & strumam.*

Ctesiphontis: ceræ Creticæ, resinæ terebinthinæ, nitri quam ruberrimi, singulorum p. *. semis, olei cyathi tres. Sed id nitrum ante per triduum, instillata aqua, teritur, & cum sextario ejus incoquitur, donec omnis humor consumatur. Prodest vero ea compositio etiam ad parotidas, phymata, strumam, omnemque coitum humoris emolliendum.

32. *Malagma ad articulos.*

Ad articulos, fici quoque aridæ partem nepetæ mistam; vel uvam taminiam sine seminibus cum pulegio recte aliquis imponit.

33. *Malagma Aristonis, adversus podagras, & recentia phymata, & omnes dolores.*

Eadem podagræ præsidio sunt. Sed ad eam

eam fit Aristonis quoque, quod habet
nardi, cinnamomi, cassiæ, chamæleontis,
junci rotundi, singulorum p. viii. *. sevi
caprini ex irino liquati p. xx. *. iridis p. i.
5 *. quæ in aceto quam acerrimo jacere per
xx. dies debet. Idem autem etiam recen-
tia phymata doloresque omnes discutit.

34. *Theoxeni malagma ad pedum dolores.*

At Theoxenus ad pedum dolores, sevi
10 à renibus partem tertiam, salis partes duas
miscebat, hisque membranulam illitam
imponebat; tum superiniciebat ammonia-
cum thymiama in aceto liquatur.

35. *Numenii malagma ad podagram, cæteros-
que articulos induratos.*

At Numenius podagram, cæterosque
articulos induratos hoc mollebat: abroto-
ni, rosæ aridæ, papaveris lachrymæ, sin-
gulorum p. iii. *. resinæ terebinthinæ
20 p. iv. *. thuris, spumæ nitri, singulorum
p. viii. *. iridis, aristolochiæ, singulorum
p. xii. *. ceræ. p. iii. *. quibus adjicitur
cedriæ cyathus unus, olei laurini cyathi
tres, olei acerbi sextarius.

36. *Dexii malagma, si quando callus in-
articulis increvit.*

Si quando autem in articulis callus in-
crevit, Dexius docuit imponere, calcis p. iv.
*. cerussæ p. viii. *. resinæ pineæ p. xx. *.
30 piperis grana xxx. ceræ p. ii. *. Quibus,
dum contunduntur, hemina vini lenis in-
stillatur.

CAP. XIX.

De Emplastris.

Ex emplastris autem nulla majorem
 usum præstant, quam quæ cruentiss
 protinus vulneribus injiciuntur. *ἔναι-
 μα* Græci vocant. Hæc enim reprimunt in-
 flammationem, nisi magna vis eam cogit; at-
 que tum illius quoque impetum minuunt,
 & glutinant vulnera, quæ id non patiuntur, 10
 & cicatricem iisdem inducunt. Constant
 autem ex medicamentis non pinguibus,
 ideoque *ἀλίπυντα* à Græcis nominantur.

1. *Barbarum emplastrum nigrum, quod cruentis
 protinus vulneribus injicitur.*

15

Optimum ex his est, quod Barbarum no-
 minatur. Habet enim æruginis rasæ p. xli;
 *. spumæ argenti p. xx. *. aluminis, picis
 aridæ, resinæ pineæ aridæ, singulorum p. i.
 *. quibus adjiciuntur olei & aceti singulæ 20
 heminæ.

2. *Choacon emplastrum nigrum, ad idem valens.*

Alterum ad idem, quod choacon vocant,
 habet spumæ argenti p. x. *. resinæ aridæ
 tantundem. sed spuma prius ex tribus olei 25
 heminis coquitur. His duobus emplastris
 color niger est. qui fere talis fit, ex pice
 atque resina: ut ex bitumine nigerrimus;
 ex ærugine, aut æris squama, viridis; ex
 minio ruber; ex cerussa, albus.

30

3. *Basilicon emplastrum nigrum ad idem.*

Paucæ admodum compositiones sunt.
 in quibus aliquid mixturæ varietas novat.
 Ergo id quoque nigrum est, quod *ἑσπλι-
 κόν*

κὺν nominatur. Habet opopanacis p. i. *. galbani p. ii. *. picis, & resinæ, singulorum p. x. *. olei dimidium cyathum.

4. *Smaragdinum emplastrum ad idem.*

5 At, quod perviride est, smaragdinum appellatur. in quo sunt resinæ pineæ p. iii. *. ceræ p. i. *. æruginis, p. *. semis, thuris pollinis p. ii. *. olei tantundem, & aceti, quo pollen & ærugo in unum cogantur.

10 5. *Emplastrum rufum ad idem.*

Est etiam coloris fere ruffi, quod celeriter ad cicatricem vulnera perducere videtur. Habet thuris p. i. *. resinæ p. ii. *. squamæ æris p. iii. *. spumæ argenti p. xx. 15 *. ceræ p. c. *. olei heminam.

6. *Παρυγκλῆλινον emplastrum ad idem.*

Præterea est, quod παρυγκλῆλινον à glutinando vocant. Constat ex his: bituminis, aluminis scissilis p. iv. *. spumæ argenti p. iv. *. & olei veteris hemina.

7. *Cephalicum emplastrum Philotæ, capiti conveniens.*

Præterea sunt quædam generis ejusdem, quæ, quia capitibus fractis maxime conveniunt, κεφαλικὰ à Græcis nominantur. 25 Philotæ compositio habet terræ Eretriæ, chalcitidis, singulorum p. iv. *. myrrhæ, æris combusti, singulorum p. x. *. ichthyocollæ p. vi. *. æruginis rasæ, aluminis rotundi, misyos crudi, aristolochiæ, singulorum p. viii. *. squamæ æris p. xx. *. thuris masculi p. ii. *. ceræ p. i. *. rosæ, & olei acerbi, ternos cyathos, aceti quantum satis est, dum arida ex eo conteruntur.

8. *Em-*

8. *Emplastrum viride ad idem valens.*

Aliud ad idem viride. Habet æris combusti, squamæ æris, myrrhæ, ichthyocolle, singulorum p.vi.*. misyos crudi, æruginis rasæ, aristolochiæ, aluminis rotundi, singulorum p.vi.ii.*. ceræ p.vi.*. olei heminam, aceti quod satis sit.

9. *Tetrapharmacum emplastrum, ad pus movendum.*

Puri autem movendo non aliud melius, 10 quam quod expeditissimum est, & τετραφάρμακον à Græcis nominatur. Habet pares portiones ceræ, picis, resinæ, sevi taurini; si id non est, vitulini.

10. *Enneapharmacum emplastrum, ad pus movendum, & ad purgandum valens.* 15

Alterum ad idem, ἐννεαφάρμακον nominatur; quod magis purgat. Constat ex novem rebus, cera, melle, sevo, resina, myrrha, rosa, medulla vel cervina vel vitulina vel 20 bubula, cæsypo, butyro. Quorum quoque pondera paria miscentur.

11. *Emplastra, quibus utriusque rei facultas est.*

Sunt autem quædam emplastra, quibus utriusque rei facultas est. quæ nisi singula 25 habenda sit, meliora sunt; alias deteriora, nec, nisi cum utraque opus est, aut in singulis singulorum inopia, utenda veniunt; sed in copia rejicienda sunt; his potius adhibitis, quæ id proprie, quod eo tempore 30 opus est, consequuntur. Exempli causa duo proponam.

Attalum emplastrum ad vulnera.

Est igitur ad vulnera Attalum: quod habet

bet squamæ æris p. vi. *. thuris fuliginis p. xv. *. ammoniaci tantundem, resinæ terebinthinæ liquidæ p. xxv. *. sevi taurini tantundem, aceti heminas tres, olei sextarium.

5 *Iudæi emplastrum, fracto capiti accommodatum.*

At inter ea, quæ fracto capiti accom-
modantur, habent quidam id, quod ad au-
thorem Iudæum refertur. Constat ex his:
10 salis p. i v. *. squamæ æris rubri, æris com-
busti, singulorum p. x i i. *. ammoniaci
thymiamatis, thuris fuliginis, resinæ aridæ,
singulorum p. vi. *. resinæ Colophonæ,
ceræ, sevi vitulini curati, singulorum p. xx.
15 *. additur aceti sesquicyathus, olei minus
cyathus. Quæ *πτεράνιον* Græci appellant,
nos curata vocamus; cum ex sevo puta om-
nes membranulæ diligenter exemptæ sunt,
aut ex alio medicamento.

20 12. *Emplastra ἐπιπρωσινγί.*

Sunt etiam quædam emplastra nobilia
ad extrahendum. quæ ipsa quoque *ἐπιπρωσινγί*
nominantur. Quale est, quod, quia lauri
baccas habet, *Ἀπὸ δρυϊδῶν* appellatur. In eo
25 est, resinæ terebinthinæ p. x. *. nitri, ceræ,
picis aridæ, baccarum lauri, singulorum
p. xx. *. olei paululum. Quoties autem bac-
cam, aut nucem, aut simile aliquid posue-
ro, scire oportebit, antequam expendatur,
30 ei summam pelliculam esse demendam.

13. *Aliud Ἀπὸ δρυϊδῶν, ad extrahendum,
ἐπεμνόμενον.*

Aliud eodem nomine, quod puri quo-
que movendo est. Sevi vitulina, ammo-
niaci

niaci thymiamatis, picis, ceræ, nitri, bac-
carum lauri, resinæ aridæ, aristolochiæ,
pyrethri, pares portiones.

14. *Philocratis emplastrum, ad extrahendum,
& pus movendum.*

Præter hæc, est Philocratis: quod habet
salis ammoniaci p. vii. *. aristolochiæ p.
viii. *. ceræ, resinæ terebinthinæ, fuli-
ginis thuris, singulorum p. xv. *. spumæ
argenti p. xxxi. *. Quibus, ut pus quoque
moveant, iridis p. iii. *. galbani p. vi. *.
adjiciuntur.

15. *Pumôdes emplastrum, ad extrahendum.*

Optimum tamen ad extrahendum est
id, quod à similitudine sordium *pumôdes*
Græci appellant. Habet myrrhæ, croci,
iridis, propolis, bdellii, capitulorum pu-
nici mali, aluminis scissilis & rotundi, mi-
syos, chalcitidis, atramenti sutorii cocti,
opopanacis, salis ammoniaci, visci, singu-
lorum p. iv. *. aristolochiæ p. viii. *. squa-
mæ æris p. xvi. *. resinæ terebinthinæ p.
lxxv. *. ceræ, & sevi vel taurini vel hirci-
ni singulorum p. c. *.

16. *Emplastrum Hecatæi, ad extrahendum.*

Hecatæo quoque autore emplastrum
generis ejusdem fit ex his: galbani p. ii. *.
fuliginis thuris p. iv. *. picis p. vi. *. ceræ,
& resinæ terebinthinæ, singulorum p.
viii. *. quibus paulum irini unguentis
miscetur.

17. *Alexandrinum emplastrum viride, ad
extrahendum.*

Valensque ad idem emplastrum viride
Ale-

de Alexandrinum est. Habet aluminis scissilis p. viii. *. salis ammoniaci, p. vii. *. squamæ æris p. xvi. *. myrrhæ, thuris singulorum p. xviii. *. ceræ p. cl. *. resinæ Colophonix aut pineæ p. cxc. *. olei heminam, aceti sextarium.

18. *De emplastris exedentibus.*

Quædam autem sunt emplastra exedentia, quæ *emastigæ* Græci vocant. quale est id, quod habet resinæ terebinthinæ, fuliginis thuris, singulorum p. ii. *. squamæ æris p. i. *. ladani p. ii. *. aluminis tantundem, spumæ argenti p. iv. *.

15 19. *Emplastrum, quod exest corpus, & ossa resolvit, & supercrescentem carnem coercet.*

Exest etiam vehementer corpus, atque ossa quoque resolvit, & supercrescentem carnem coercet, id quod habet spumæ argenti, squamæ æris, uncias singulas; nitri ignem non experti, lapidis Asii, aristolochiæ p. sextantes, ceræ, resinæ terebinthinæ, thuris, olei veteris, atramenti sutorii, salis ammoniaci p. semis, æruginis rasæ p. bessem, aceti scillitici heminam, vini amni-
25 næi tantundem.

20. *Emplastra adversus morsus, & alia recentiora vulnera.*

Emplastrum Diogenis nigrum.

Sunt etiam adversus morsus quædam accommodata; quale est Diogenis nigrum: quod habet bituminis, ceræ, resinæ pineæ aridæ, singulorum p. xx. *. spumæ argenti p. c. *. olei sextarium. Aut in quo sunt squamæ æris. p. iv. *. cerussæ, & æruginis rasæ,

singulorum p. viii. *. ammoniaci p. xii. *. ceræ, resinæ pineæ, singulorum p. xxv. *. spumæ argenti p. c. *. olei sextarium. Aut in quo sunt squamæ æris p. xiv. *. galbani p. vi. *. cerussæ, & æruginis rasæ, singulorum p. viii. *. ammoniaci p. xii. ceræ, resinæ pineæ, singulorum p. l. v. *. ex quibus spuma argenti concoquitur.

21. *Ephesium emplastrum rubrum,
ad idem valens.*

10

Rubrum quoque emplastrum, quod Ephesium vocatur, huc aptum est. Habet resinæ terebinthinæ p. ii. *. galbani p. iv. *. minii sinopici p. vi. *. thuris fuliginis p. vi. *. ceræ p. viii. *. spumæ argenti p. lvi. 15 *. olei veteris heminam.

22. *Aliud emplastrum, ad idem valens.*

Item id, quod ex his constat; squamæ æris, thuris fuliginis, singulorum p. iv. *. galbani p. vi. *. salis ammoniaci p. xii. z. *. 20 ceræ p. xxv. *. olei tribus heminis. Hæc autem aliis quoque recentioribus vulneribus recte imponuntur.

23. *Λευγὸν ἐμπλάστρα, non gravibus vulneribus
accommodata, & maxime senilibus.*

25

Sunt etiam alba lenia, λευγὸν Græci vocant, fere non gravibus vulneribus accommodata, præcipueque senilibus. Quale est quod habet cerussæ p. l. i. *. sevi vitalini curati, & ceræ, singulorum p. lviii. *. 30 olei heminas tres, ex quibus ea cerussa coquitur.

24. *Elephantinum emplastrum.*

Aliud, quod habet cerussæ p. xx. *. ceræ. p. lv. *.

P. I.V. *. olei heminam, aquæ sextarium.

Quæ quoties adjiciuntur cerussæ vel spumæ argenti, scire licet, illa ex his coquenda esse. Est autem ea percandida compositio, squæ supra posita est, ideoque elephantina nominatur.

25. *Lenia emplastra.*

Lenia quoque quædam emplastra sunt, quæ λιπαρὰ fere Græci nominant; ut id
10 quod habet minii P. I.V. *. spumæ argenti P. XXV. *. ceræ, & adipis suillæ, singulorum P. XXXV. *. vitellos ovorum quatuor.

26. *Emplastrum lenè.*

Alia compositio generis ejusdem: ceræ,
15 resinæ terebinthinæ, singulorum P. V. *. cerussæ P. VII. *. spumæ argenti, plumbi retrimenti, (σκληραν μεγάλῃβδαν Græci vocant) singulorum P. X. *. cicini olei, & myrtei, singulorum heminæ tertia.

20 27. *Archagathi emplastrum lenè.*

Alia, quæ ad authorem Archagathum refertur: misyos cocti, æris combusti, singulorum P. I.V. *. cerussæ coctæ. P. VII. *. resinæ terebinthinæ P. X. *. spumæ argenti
25 P. VI. *.

28. *Emplastra ejusdem generis, ad leniendum apta.*

Etiannum generis ejusdem: spumæ argenti, ceræ, adipis suillæ, singulorum P. XXVII. *. vitelli cocti, rosæ hemina. Aut
30 compositio hæc: cerati ex oleo myrteo facti partes tres, adipis suillæ pars quarta, paululum ex plumbi retrimento. Aut hæc compositio: spumæ argenti selibra, ex olei hemina, & aquæ marinæ altera, cocta do-

nec bullire desierit, cui paulum ceræ sit adjectum. Aut hæc: pares portiones ceræ, fevi, stibii, spumæ argenti, cerussæ.

CAP. XX.

Dē Pastillis.

5

Et primo de his, qui ad recentia vulnera glutinanda, sanandaque apti sunt.

PASTILLI quoque facultates diversas habent. Sunt enim ad recentia vulnera 10 glutinanda sanandaque apti. Qualis est, qui habet chalcitidis, misyos, spumæ nitri, floris æris, gallæ, aluminis scissilis modice cocti, singulorum p. i. *. æris combusti, capitulorum mali punici, singulorum 15 p. i. i. *. Hunc oportet diluere aceto, ac sic, ubi vulnus glutinandum est, illinere. At, si nervosus aut musculosus is locus est, commodius est cerato miscere, sicut illius octo partes, nona hujus sit. 20

1. *Alius pastillus ad glutinanda vulnera.*

Alius ad idem. Constat ex his: bituminis, aluminis scissilis, singulorum p. i. *, æris combusti p. iv. *. spumæ argenti p. xi. *. olei sextario. 25

2. *De Sybragide pastillo, quem Polyidas confecit ad glutinandum vulnus.*

Sed longe Polyidæ celeberrimus est: σφραγίς autem nominatur. Qui habet aluminis scissilis p. iv. *. atramenti sutorii p. 30 i. i. *. myrrhæ p. v. *. aloes tantundem, capitulorum punici mali, fellis taurini, singulorum p. vi. *. quæ contrita vino austero excipiuntur.

M

3. *Pastil-*

3. *Pastillus ad ulcera sordida, & nigritiem in auribus, naribus, & in obscænis partibus, inflammationesque eorum.*

Ad ulcera sordida, & nigritiem in auribus, naribus, obscænis partibus, inflammationesque eorum : chrysocollæ p. i. *. atramenti sutorii, aluminis scissilis, singulorum p. ii. *. halicacabi corticis p. iv. *. minii p. vi. *. spumæ argenti p. xvi. *. cerusiofæ p. xvi. *. quæ ex aceto coguntur, & ubi utendum est, diluuntur.

4. *Pastillus Andronis ad uvam inflammata, ad naturalia sordida, etiam cancro laborantia.*

Andronis vero est ad uvam inflammata, ad naturalia sordida, etiam cancro laborantia : gallæ, atramenti sutorii, myrrhæ, singulorum p. i. *. aristolochiæ, aluminis scissilis, singulorum p. ii. *. capitulorum punici mali p. xxv. *. ex passo coactorum & cum usus exigit, aceto vel vino dilutorum, prout valentius aut levius vitium est, cui medendum est.

5. *Pastillus ad fissa ani, vel ora venarum fundentia sanguinem, vel cancrum.*

25 Proprie autem ad ani fissa, vel ora venarum fundentia sanguinem, vel cancrum valet: æruginis p. ii. *. myrrhæ p. iv. *. gummi p. viii. *. thuris p. xli. *. stibii, lachrymæ papaveris, acaciæ, singulorum p. 30 xvi. quæ ex vino & teruntur, & in ipso usu deliquantur.

6. *Pastillus ad expellendum calculum ex vesica.*

Expellere autem ex vesica cum urina calculum videtur hæc compositio : cassiæ,

croci, myrrhæ, costi, nardi, cinnamomi, dulcis radicis, balsami, hyperici pares portiones conteruntur; deinde vinum lene instillatur, & pastilli fiunt, qui singuli habent p. i. *. hique singuli quotidie mane jejuno dantur.

C A P. XXI.

De Pessis.

HÆC tria compositionum genera, id est, quæ in malagmatis, emplastris pastillisque sunt, maximum præcipueque varium usum præstant. Sed alia quoque utilia sunt: ut ea quæ foeminis subiiciunt. *πρωΐς* Græci vocant. Eorum hæc proprietas est: medicamenta composita molli lana excipiuntur, eaque lana naturalibus conditur.

1. *Ad sanguinem evocandum.*

Ad sanguinem autem evocandum, ca-
neis duabus adjicitur nitri p. i. *. aut allii semen conteritur, adjicitur myrrhæ paululum, & unguento fusino miscetur. Aut cucumeris sylvestris pars interior ex lacte muliebri diluitur. 25

2. *Ad vulvam molliendam.*

Ad vulvam molliendam, ovi vitellus, & fœnum Græcum, & rosa, & crocum temperantur. Aut elaterii p. iiii. *. salis tantundem, uvæ taminizæ p. vi. *. melle ex-
cipiuntur. 30

3. *Alia pessi compositio, ad idem valens.*

Aliud Boetho authore: quod habet croci, resinæ terebinthinæ, singulorum p. iv. *.
myr-

Cap. 22. MEDICINA. 271
myrrhæ p. iiii. *. rosæ p. i. *. sevi vitulini
p. iiii. ceræ p. ii. *. miscentur.

4. *Ad inflammationes vulvæ Numenii pefus.*

Optima autem adversus inflammatio-
nes vulvæ Numenii compositio est, quæ
habet croci p. iiii. *. ceræ p. i. *. butyri
p. viiii. *. adipis anserini p. xii. *. vitellos
coctos duos, rosæ minus cyatho.

5. *Ad eficiendum è vulva infantem mortuum.*

10 Si vero infans intus decessit, quo facili-
us ejiciatur, malicorium ex aqua teren-
dum, eoque utendum est.

6. *Si mulier vitio locorum concidit, qua
curatione utendum sit.*

15 Si concidere vitio locorum mulier solet,
cochleæ cum testis suis comburendæ, con-
terédæque, deinde his mel adjiciendum est.

7. *Si mulier non comprehendit.*

20 Si non comprehendit, adeps leonina ex
rosa mollienda est.

C A P. XXII.

De Medicamentis, quibus aridis utimur.

1. *Ad carnem supercrescentem exedendam.*

25 **Q**VÆDAM misturæ medicamentorum
sunt, quibus aridis neque coactis uti-
mur sic, ut inspergamus; aut cum a-
liquo liquido mixta illinamus: quale est, ad
carnem supercrescentem exedendam, quod
habet squamæ æris, fuliginis thuris, sin-
30 gulorum p. i. *. æruginis p. ii. *. Hæc
autem eadem cum melle purgant ulcera;
& cum cera, implent. Misy quoque &
galla, si paribus portionibus misceantur,
corpus consumunt: eaque vel arida in-

spargere licet, vel excepta cadmia illinire.

2. *Ad putrem carnem continendam, ne ultra
serpat, eamque leniter exedendam,
plures compositioni.*

Putrem vero carnem continet, neque ultra serpere patitur, & leniter exest, mel vel cum lenticula, vel cum marrubio, vel cum oleæ foliis, ante ex vino decoctis. Item sertula campana in mulso cocta, deinde contrita. Aut calx cum cerato. Aut a-¹⁰maræ nuces cum allio, sic ut hujus parstertia sit, paululumque his croci adjiciatur. Aut quod habet spumæ argenti p. vi. *. cornu bubuli combusti p. xi. *. olei myrtei, & vini cyathos ternos. Aut quod ex his con-¹⁵stat: floris punici mali, atramenti sutorii, aloes, singulorum p. ii. *. aluminis scissilis, thuris, singulorum p. iv. *. gallæ. p. vii. *. aristolochiæ p. x. *. Vehementius idem facit, etiam adurendo, auripigmentum cum²⁰ chalcitide, & aut nitro, aut calce, aut charta combusta. Item sal cum aceto. Vel ea compositio, quæ habet chalcitidis, capitulorum mali punici, aloes, singulorum p. ii. *. aluminis scissilis, thuris, singulorum p. iv. *.²⁵ gallæ p. vii. *. aristolochiæ. p. x. *. mellis quantum satis sit ad ea cogenda. Vel cantharidum, sulphuris, singulorum p. i. *. lolii p. iii. *. quibus adjicitur picis liquidæ quantum satis est ad jungendum. Vel chal-³⁰citis quoque cum resina & ruta mixta: aut cum eadem resina diphryges: aut uva taminia cum pice liquida. Idem vero possunt & feces vini combustæ, & calcis & nitri pares

pares portiones. Vel aluminis scissilis p. i. thuris, sandarachæ, nitri, singulorum p. i. *. gallæ. p. viii. *. aristolochiæ p. x. *. mel-
lis quantum satis est.

3. *Heræ compositio.*

Est etiam Heræ compositio, quæ habet myrrhæ, chalcitidis, singulorum, p. ii. *. aloes, thuris, aluminis scissilis, singulorum p. iv. *. aristolochiæ, gallæ immaturæ, sin-
gulorum p. viii. *. malicorii contriti p. xx. *.

4. *Iudæi compositio.*

Est & Iudæi: in qua sunt calcis partes duæ, nitri quam ruberrimi pars tertia: quæ urina impuberis pueri coguntur, donec strigmenti crassitudo sit. Sed subinde is locus, cui id illinitur, madefaciendus est.

5. *Iollæ compositio.*

At Iollas, chartæ combustæ, sandarachæ, singulorum p. i. *. calcis p. ii. p. auripigmenti tantundem miscebat.

6. *Ad sanguinis profluvia vel ex membrana cerebri, vel aliis locis; & ad cancerum, & ad inducendam cicatricem; & ad coercendam*

carnem incrementum.

Si vero ex membrana, quæ super cerebrum est, profluit sanguis, vitellus combustus & contritus inspergi debet. Si ex alio loco sanguinis profluvium est, auripigmenti, squamæ æris, singulorum p. i. *. sandarachæ p. ii. *. marmoris costi p. iv. *. inspergi debent. Eadem cancro quoque ob-
sistunt. Ad inducendam cicatricem, squamæ æris, thuris fuliginis, singulorum

P. II. *. calcis P. IV. P. Eadem incrementem quoque carnem coercent.

7. *Timæi compositio ad ignem sacrum, vel cancerum.*

Timæus autem ad ignem sacrum, & ad cancerum his utebatur: myrrhæ P. II. *. thuris, atramenti futorii, singulorum P. III. *. sandarachæ, auripigmenti, squamæ æris, singulorum P. IV. *. gallæ. P. VI. *. cerussæ combustæ P. VIII. *. Eadem vel arida inspersa, vel melle excepta idem præstant.

8. *Ad sternutamenta excitanda.*

Sternutamenta vero & albo veratro, vel struthio coniecto in nares excitantur. vel his mistis: piperis, veratri albi, singulorum P. *. III. castorei. P. I. *. spumæ nitri P. II. *. struthii P. III. *.

9. *Gargarizationes quibus fieri debeant.*

Gargarizationes autem aut lævandi causa fiunt, aut reprimendi, aut evocandi. Lævant, lac, cremor vel ptisanæ, vel fursurum. Reprimit autem aqua, in qua vel lentacula, vel rosa, vel rubus, vel cotoneum malum, vel palmulæ decoctæ sunt. Evocant, sinapi, piper. 25

C A P. XXIII.

De Antidotis,

& quibus malis opitulentur.

ANTIDOTA raro, sed præcipue interdum necessaria sunt, quia gravissimis casibus opitulantur. Ea recte quidem dantur collisis corporibus vel per ictus, vel ubi ex alto deciderunt, vel in viscerum, late-

laterum, faucium, interiorumque partium doloribus. Maxime autem desideranda sunt adversus venena, vel per morsus, vel per cibos, aut potiones nostris corporibus inserta.

1. *Compositio antidoti.*

Vnum est, quod habet lachrymæ papaveris p. *. z. acori, malabathri p. v. *. iridis Illyricæ, gummi, singulorum p. ii. *. 10 anisi p. iii. *. nardi Gallici, foliorum rosæ aridorum, cardamomi, singulorum p. iv. *. petroselini p. *. iii. z. trifolii p. v. *. cassiæ nigrae, filis, bdellii, carpobalsami, seminis papaveris albi, singulorum p. *. z. styra- 15 cis p. *. v. z. myrrhæ, opopanacis, nardi Syri, thuris masculi, hypocistidis succi, singulorum p. vi. *. castorei p. vi. *. costi, piperis albi, galbani, resinæ terebinthinæ, croci, floris junci rotundi, singulorum p. 20 vi. *. z. dulcis radicis p. viii. *. z. quæ melle vel passo excipiuntur.

2. *Aliud antidotum, Ambrosia nominatum; quod Zopyrus Ptolemæo regi composuit.*

Alterum, quod Zopyrus regi Ptolemæo 25 dicitur composuisse, atque Ambrosiam nominasse, ex his constat: costi, thuris masculi, singulorum p. v. *. piperis albi p. *. z. floris junci rotundi p. ii. *. cinamomi p. iii. *. cassiæ nigrae p. iv. *. croci Cilicii 30 p. *. iv. z. myrrhæ, quam staeten nominant, p. v. *. nardi indici p. *. v. z. quæ singula contrita melle cocto excipiuntur: deinde, ubi utendum est, id, quod Ægyptiæ fabæ magnitudinem impleat, in portione vini diluitur.

3. *Antidotum Mithridatis.*

Nobilissimum autem est Mithridatis. quod quotidie fumendo rex ille dicitur adversus venenorum pericula tutum corpus suum reddidisse. In quo hæc sunt: costi p. *. z. acori p. v. *, hyperici, cumini, sagapeni, acaciæ succi, iridis Ilyricæ, cardamomi, singulorum p. ii. *. anisi p. iii. *. nardi Gallici, gentianæ radicis, aridorum rosæ foliorum, singulorum p. iv. *. papaveris lachrymæ, petroselini, singulorum p. *. iv. z. cassiæ, fileris, lolii, piperis longi, singulorum p. vi. *. styracis p. *. v. z. castorei, thuris, hypocistidis succi, myrrhæ, opopanax, singulorum p. vi. *. malabathri 15 folii p. vi. *. floris junci rotundi, resinæ terebinthinæ, galbani, dauci Cretici seminis, singulorum p. *. v. z. nardi, opobalsami, singulorum p. *. vi. z. thlaspis p. *. vi. radicis ponticæ p. vii. *. croci, zinziberis, 20 cinnamomi, singulorum p. *. viii. Hæc contrita melle excipiuntur, & adversus venenum, quod magnitudinem nucis Græcæ impleat, ex vino datur. In cæteris autem affectibus corporis pro modo eorum, 25 vel quod Aegyptiæ fabæ, vel ervi magnitudinem impleat, fatis est.

C A P. XXIV.

De Acopis.

30

1. *Acopum nervis utile.*

ACOPA quoque utilia nervis sunt. Quale est, quod habet floris junci rotundi p. *. i. z. costi, junci qua-
drati,

drati, lauri baccarum, ammoniaci, cardamomi, singulorum p. *. i v. z. myrrhæ, æris combusti, singulorum p. v i i. *. iridis lilyricæ, ceræ, singulorum p. i v. *. Alexandrini calami, junci rotundi, aspalathi, xylobalsami, singulorum p. x v i i i. *. sevi. p. l. *. unguenti irini cyathum.

2. *Acopum alodes nervis utile.*

Alterum, quod *ἰλακιδῆς* vocant, hoc morbo fit: ceræ p. *. z. olei tantundem, resinæ terebinthinæ ad nucis juglandis magnitudinem; simul incoquantur: deinde infusa in mortario teruntur, instillaturque sabinde quam optimi mellis acetabulum, tum i x irini unguenti, & rosæ terni cyathi.

3. *Ἐλκεῖται ad ulcera purganda & implenda.*

Ἐλκεῖται autem Græci vocant liquida, quæ illinuntur. Quale est, quod fit ad ulcera purganda & implenda, maxime inter
20 nervos, paribus portionibus inter se mixtis, butyri, medullæ vitulinæ, sevi vitulini, adipis anserinæ, ceræ, mellis, resinæ terebinthinæ, rosæ, olei cicini. Quæ separatim omnia liquantur, deinde liquida
25 miscentur, & tum simul teruntur. Et hoc quidem magis purgat: magis vero emollit, si pro rosâ cyprus infunditur.

4. *Ad sacrum ignem.*

Ad sacrum ignem: spumæ argenti p. v i.
30 *. cornu bubuli combusti p. i i. *. conteruntur, adjiciturque invicem vinum, & id, quod specialiter sic vocatur, & myrteum, donec utriusque terni cyathi conficiantur.

De Catapotiiis.

1. *Catapotium ad somnum accersendum, & levationem doloris, & simul ad coquendum.*

5

CATAPOTIA quoque multa sunt, variisque de caulis fiunt. *Arīdura* vocant, quæ somno dolorem levant. Quibus uti, nisi nimia necessitas urget, alienum est. Sunt enim ex vehementibus medicamentis, & stomacho alienis. Prodest tamen etiam ad concoquendum, quod habet papaveris lachrymæ, galbani, singulorum p. i. *. myrrhæ, castorei, piperis, singulorum p. i i. Ex quibus, quod ervi magnitudinem habet, satis est devorasse.

2. *Catapotium valentius ad somnum.*

Alterum, stomacho pejus, ad somnum valentius, ex his fit: mandragoræ p. *. z. apii seminis, item hyoscyami seminis, singulorum p. i v. *. quæ ex vino teruntur. Vnum autem ejusdem magnitudinis, quæ supra posita est, abunde est sumpsisse.

3. *Catapotium ad plurimos dolores per somnum leniendos.*

25

Sive autem capitis dolores, sive ulcera, sive lippitudo, sive dentes, sive spiritus difficultas, sive intestinorum tormenta, sive inflammatio vulvæ, sive coxæ est, sive jecur, aut lienis, aut latus torquet, sive vitio locorum aliqua prolabitur & obmutescit, occurrit dolori per quietem ejusmodi catapotium. Silis, acori, rutæ silvestris seminis, singulorum p. i i. *. castorei, cinamomi, sin-

singulorum p. 11. *. papaveris lachrymæ, panacis radicis, mandragoræ malorum aridorum, junci rotundi floris, singulorum p. 11. *. piperis grana Lvi. Hæc per se contrita, rursus instillato subinde passio, simul omnia teruntur, donec crassitudo sordium fiat. Ex eo paulum aut devoratur, aut aqua diluitur, & potui datur.

4. *Catapotium aliud ad multa valens.*

- 10 Quinetiam silvestris papaveris, cum jam ad excipiendam lachrymam maturum est, manipulus, qui manu comprehendi potest, in vas demittitur, & superinfunditur aqua, quæ id contegat, atque ita coquitur. Vbi
15 jam bene manipulus is coctus est, ibidem expressus projiciatur; & cum eo humore passum pari mensura misceatur, inferveatque, donec crassitudinem sordium habeat. Cum infrixit, catapotia ex eo fiunt, ad nostræ
20 fabæ magnitudinem, habentque usum multiplicem. Nam & somnum faciunt, vel per se assumpta, vel ex aqua data: & aurium dolores levant, adjectis exiguo modo rutæ succo, ac passio: & tormina supprimunt ex
25 vino liquata: & inflammationem vulvæ coercent, mista cerato ex rosa facto, cum paululum his croci quoque accessit: & ex aqua fronti inducta, pituitam in oculos decurrentem tenent.

- 30 5. *Catapotium ad inducendum somnum, quem vulva dolens prohibuit.*

Item, si vulva dolens somnum prohibet, croci p. 11. *. anisi, myrrhæ, singulorum p. 1. *. papaveris lachrymæ p. 1v. *. cicutæ
semi-

feminis p. v. i. i. *. miscentur, excipiunturque vino veteri, & quod lupini magnitudinem habet, in tribus cyathis aquæ diluitur. Id tamen in febre periculose datur.

6. *Ad jecur sanandum.* 5

Ad sanandum jecur, nitti p. *. z. croci, myrrhæ, nardi Gallici, singulorum p. i. *. melle excipiuntur, daturque, quod Ægyptiæ fabæ magnitudinem habeat.

7. *Ad finiendos dolores lateris.* 10

Ad lateris dolores finiendos piperis, aristolochiæ, nardi, myrrhæ pares portiones.

8. *Ad thoracis dolores finiendos.*

Ad thoracis, nardi p. i. *. thuris, cassiæ, singulorum p. i. i. i. *. myrrhæ, cinnamomi, 15 singulorum p. v. i. *. croci p. v. i. i. *. resinæ terebinthinæ quadrans, mellis heminæ tres.

9. *Catapodium Athenionis ad tussim.*

Ad tussim, Athenionis: myrrhæ, piperis, singulorum p. i. *. castorei, papaveris lachrymæ, singulorum p. i. *. Quæ separatim contusa postea junguntur; & ad magnitudinem fabæ nostræ, bina catapodia mane, bina noctu dormituro dantur.

10. *Catapodium Heraclidis Tarentini ad tussim & somnum.* 25

At, si tussis somnum prohibet, ad utrumque Heraclidis Tarentini: croci p. i. *. cinnamomi, castorei, papaveris lachrymæ, singulorum p. i. *. myrrhæ, piperis longi, costi, galbani, singulorum p. *. z. 30

11. *Catapodium ad purganda ulcera in faucibus tussientibus.*

Quod si purganda sunt ulcera in faucibus

bus tuffientibus: panacis, myrrhæ, refinæ terebinthinæ, fingulorum p. v. *. galbani p. *. z. hyffopi p. *. z. conterenda funt, hisque hemina mellis adjicienda, & quod digito excipi potest, devorandum est.

12. *Colice Caffii medici.*

Colice vero Caffii ex his conftat: croci, anifi, caftorei, fingulorum p. 111. *. petrofelini p. lv. *. piperis & longi, & rotundi, fingulorum p. v. *. papaveris lachrymæ, junci rotundi, myrrhæ, nardi, fingulorum p. vi. *. quæ melle excipiuntur. Id autem & devorari potest, & ex aqua calida fumi.

13. *Ad infantem mortuum aut fecundas expellendas.*

15 Infantem vero mortuum, aut fecundas expellit aquæ potio, cui falis ammoniaci p. i. *. aut cui dictami Cretici p. i. *. adjectum est.

14. *Laborantibus ex partu quid dari debeat.*

20 Ex partu laborantibus, cryfimum ex vino tepido jejunis dari debet.

15. *Ad adjuvandum vocem.*

Vocem adjuvat, thuris p. i. *. in duobus cyathis vini datum.

25 16. *Adverfus difficultatem urinæ.*

Adverfus urinæ difficultatem: piperis longi, caftorei, myrrhæ, galbani, papaveris lachrymæ, croci, cofti, uncix fingulæ, ftyracis, refinæ terebinthinæ pondo sextantes, mellis apfinthii cyathus. Ex quibus ad magnitudinem fabæ Ægyptiæ mane & cœnato dari debet.

17. *Arteriaceæ compositio quomodo fiat.*

Arteriaceæ vero hoc modo fit: caffix, iridis,

dis, cinnamomi, nardi, myrrhæ, thuris, singulorum p. i. *. croci p. i. *. piperis grana xxx. ex passi tribus sextariis decoquuntur, donec mellis crassitudo his fiat. Aut croci, myrrhæ, thuris, singulorum p. i. *. congi-
ciuntur in passi eundem modum, eodem-
que modo decoquuntur. Aut ejusdem passi heminæ tres usque eo coquuntur, donec extracta inde gutta indurescat, & adjicitur tritæ cassiæ p. i. *. 10

C A P. XXVI.

De quinque generibus noxarum corporis.

CUM facultates medicamentorum proposuerim; genera, in quibus noxa¹⁵ corpori est, proponam. Ea quinque sunt. Cum quid extrinsecus læsit, ut in vulneribus Cum quid intra seipsum corruptum est, ut in canero. Cum quid innatum est, ut in vesica calculus. Cum quid in-²⁰crevit, ut vena, quæ intumescens in varicem convertitur. Cum quid deest, aut cum curta pars aliqua est. Ex his alia sunt, in quibus medicamenta, alia in quibus plus manus proficit. Ego, dilatis his, quæ præ-²⁵cipue scalpellum & manum postulant, nunc de his dicam, quæ maxime medicamentis egent. Dividam autem hanc quoque curandi partem, sicut priorem; & ante dicam de his, quæ in quamlibet partem cor-³⁰poris incidunt: tum de his, quæ certas partes infestant. Incipiam à vulneribus.

1. *De Vulneribus, quæ per tela inferuntur.*

In his autem ante omnia scire medicus debet,

debet, quæ insanabilia sint, & quæ difficilem curationem habeant, quæ promptiorem. Est enim prudentis hominis, primum eum, qui servari non potest, non attingere, nec subire speciem ejus, ut occisi, quem fors ipsius interemit. Deinde, ubi gravis metus sine certa tamen desperatione est, indicare necessariis periclitantis, in difficili rem esse: ne, si victa ars malo fuerit, vel
10 ignorasse, vel fefellisse videatur. Sed ut hæc prudenti viro conveniunt: sic rursus histrionis est, parvam rem attollere, quo plus præstitisse videatur. Obligari æquum est confessione promptæ rei, quo curiosius
15 etiam circumspectat, ne, quod per se exiguum est, majus curantis negligentia fiat.

2. *Quæ vulnera insanabilia sint.*

Servari non potest, cui basis cerebri, cui cor, cui stomachus, cui joci minoris portæ, cui
20 in spina medulla percussa est; cuique aut pulmo medius, aut jejunum, aut tenuius intestinum, aut ventriculus, aut renes vulnerati sunt; cuive circa fauces grandes venæ, vel arteriæ præcisæ sunt.

25 3. *Quæ vulnera difficilem curationem habeant.*

Vix autem ad sanitatem perveniunt, quibus ulla parte aut pulmo, aut joci minoris crassum, aut membrana, quæ continet cerebrum, aut lienis, aut vulva, aut vesica,
30 aut ullum intestinum, aut septum transversum vulneratum est. Hi quoque in præcipiti sunt, in quibus usque ad grandes intusque conditas venas in alis vel poplitibus mucro desedit. Periculosa etiam vulnera
sunt,

sunt, ubicunque venæ majores sunt, quoniam exhaurire hominem profusione sanguinis possunt. Idque evenit non in alis tantum, atque poplitibus; sed etiam in his venis, quæ ad anum testiculosque perveniunt. Præter hæc malum vulnus est, quodcunque in alis vel feminibus, vel inanibus locis, vel inter digitos est. Item quodcunque muscolum, aut nervum, aut arteriam, aut membranam, aut os, aut cartilaginem læsit.

4. *Quæ vulnera tutiorem curationem habeant.*

Tutissimum omnium, quod in carne est. Et hæc quidem loco vel pejora, vel meliora sunt. Modo vero periculum facit, quodcunque magnum est.

5. *Observationes in vulneris genere & figura.*

Aliquid etiam in vulneris genere figuræque est. Nam pejus est, quod etiam collisum, quam quod tantum discissum est. adeo ut acuto quoque, quam retuso telo, vulnerari commodius sit. Pejus etiam vulnus est, ex quo aliquid excisum est; ex quoque caro alia parte abscissa, alia dependet. Pessima quæque plaga curva est: tutissima, quæ lineæ modo recta est. Quo deinde propius huic illiue figuræ vulnus est, eo vel deterius vel tolerabilius est.

6. *Ætatis observatio, & corporis, & vitæ, & temporis.*

Quinetiam confert aliquid & ætas, & corpus, & vitæ propositum, & anni tempus. quia facilius sanescit puer vel adolescens, quam senior: valens, quam infirmus: neque

neque nimis tenuis, neque nimis plenus,
quam si alterum ex his est: integri habitus,
quam corrupti: exercitatus, quam iners:
sobrius & temperans, quam vino veneri-
5 que deditus. Opportunissimumque cura-
tioni tempus, vernum est; aut certe neque
fervens, neque frigidum. siquidem vulne-
ra & nimius calor & nimium frigus infe-
stant; maxime tamen horum varietas: ideo-
10 que perniciosissimus autumnus est.

7. *Signa eorum, quæ intus læsa sunt.*

Sed pleraque ex vulneribus oculis sub-
jecta sunt: quorundam ipsæ sedes indices
sunt, quas alio loco demonstravimus, cum
15 positis interiorum partium ostendimus.
Veruntamen, quia quædam vicina sunt,
interestque, vulnus in summa parte sit, an
penitus penetraverit, necessarium est no-
tas subjicere, per quas quid intus ictum sit,
20 scire possimus; & ex quibus vel spes, vel
desperatio oriatur.

8. *Signa percussæ cordis.*

Igitur, corde percussio, sanguis multus
fertur, venæ languescunt, color pallidis-
25 simus, sudores frigidi, malique odoris, tan-
quam in ægroto corpore oriuntur: extre-
misque partibus frigidis matura mors se-
quitur.

9. *Signa pulmonis icti.*

30 Pulmone icto, spirandi difficultas est:
sanguis ex ore spumans, ex plaga rubens, si-
mulque etiam spiritus cum sono fertur; in
vulnus inclinari juvat: quidam sine ratio-
ne consurgunt. Multi si in ipsum vulnus
incli-

286 A. CORN. CELSI Lib. 5.
inclinati sunt, loquuntur: si in aliam partem, obmutescunt.

10. *Signa jocinoris vulnerati.*

Iocinoris autem vulnerati notæ sunt: multus sub dextra parte præcordiorum; profusus sanguis: ad spinam reducta præcordia; in ventrem cubandi dulcedo; punctiones, doloresque usque ad jugulum, junctumque ei latum scapularum os, intenti. quibus nonnunquam etiam biliofusus vomitus accedit.

11. *Signa percussorum renum.*

Renibus vero percussis, dolor ad inguina testiculosque descendit: difficulter urina redditur; eaque aut est cruenta, aut cruor is fertur.

12. *Signa vulnerati lienis.*

At, liene icto, sanguis niger à sinistra parte prorumpit: præcordia cum ventriculo ab eadem parte indurescunt: sitis ingens oritur: dolor ad jugulum, sicut jocinore vulnerato, venit.

13. *Signa percussa vulva.*

At, cum vulva percussa est, dolor in inguinibus, & coxis, & feminibus est: sanguinis pars per vulnus, pars per naturam descendit: vomitus bilis insequitur. Quædam obmutescunt; quædam mente labuntur; quædam, sui compotes, nervorum oculorumque dolore urgeri se confitentur; morientesque eadem, quæ corde vulnerato, patiuntur.

14. *Signa percussi cerebri, vel membrana ejus.*

Si cerebrum membranae ejus vulnus accepit,

accepit, sanguis per nares, quibusdam etiam per aures exit; fereque bilis vomitus insequitur: quorundam sensus obtunduntur, appellatique ignorant: quorundam strux vultus est: quorundam oculi, quasi resoluti, huc illucque moventur: fereque tertio, vel quinto die delirium accedit. Multorum etiam nervi distenduntur. Ante mortem autem plerique fascias, quibus
10 caput deligatum est, lacerant, ac nudum vulnus frigori objiciunt.

15. *Signa stomachi percussæ.*

Vbi stomachus autem percussus est, singultus, & bilis vomitus insequitur: si quid
15 cibi vel potionis assumptum est, id redditur cito: venarum motus elanguescunt: sudores tenues oriuntur; per quos extremæ partes frigescunt.

20 16. *Signa jejuni intestini, & ventriculi vulnerati, & aliorum intestinorum.*

Communes vero jejuni intestini & ventriculi vulnerati notæ sunt. Nam cibus & potio per vulnus exeunt: præcordia indurescunt: nonnunquam bilis per os redditur.
25 Intestino tantum sedes inferior est. Cætera intestina iæta vel stercus, vel odorem ejus exhibent.

17. *Signa percussæ medullæ, quæ in spina est.*

Medulla vero, quæ in spina est, discissa, 30 nervi resolvuntur, aut distenduntur: sensus intercidit: interposito tempore aliquo sine voluntate inferiores partes vel semen, vel urinam, vel etiam stercus excernunt.

18. *Signa septi transversi percussæ.*

At, si septum transversum percussum est, præcordia sursum contrahuntur, spina dolet, spiritus rarus est, sanguis spumans fertur.

5

19. *Signa vesicae vulnerata.*

Vesica vero vulnerata, dolent inguina: quod super pubem est, intenditur: pro urina, sanguis; at ex ipso vulnere urina descendit: stomachus afficitur. itaque aut bilem vomunt, aut singultiunt: frigus, & ex eo mors sequitur.

20. *De sanguine, & sanie, & pus, & eorum speciebus: quandoque meliora, deteriorave sint.*

His cognitis, etiamnum quædam alia notanda sunt, ad omnia vulnera ulceraque, de quibus dicturi sumus, pertinentia. Ex his autem exit sanguis, sanies, pus. Sanguis omnibus notus est. Sanies est tenuior hoc, varie crassa, & glutinosa, & colorata. Pus crassissimum albidissimumque, glutinosius & sanguine & sanie. Exit autem sanguis ex vulnere recenti, aut jam sanescente. Sanies est inter utrumque tempus. Pus ex ulcere jam ad sanitatem spectante. Rursus & sanies & pus quasdam species Græcis nominibus distinctas habent. Est enim quædam sanies, quæ vel ἰχώρ, vel μελίκηρος nominatur. Est pus, quod ἰλαϊῶδες appellatur. Ἰχώρ tenuis, subalbidus, ex malo ulcere exit, maximeque ubi, nervo læso, inflammatio secuta est. Μελίκηρος crassior est, glutinosior, & subalbida, mellique albo sub similis. Fertur hæc quoque ex malis ulce-

30

ulceribus, ubi nervi circa articulos læsi sunt; & inter hæc loca, maxime ex genibus. *Ελασιώδης* tenue, subalbidum, quasi unguinosum colore, atque pinguitudine solo albo non dissimile adparet in magnis ulceribus sanescentibus. Malus est autem sanguis, nimium aut tenuis, aut crassus; colore vel lividus, vel niger; aut pituita mistus, aut varius. Optimus calidus, rubens, modice crassus, non glutinosus. Itaque protinus ejus vulneris expedita magis curatio est, ex quo sanguis bonus fluxit. Itemque postea spes in his major est, ex quibus melioris generis quæque proveniunt.

10 Sanies igitur mala est, multa, nimis tenuis, livida, aut pallida, aut nigra, aut glutinosa, aut mali odoris, aut quæ ipsum ulcus, & junctam ei cutem erodit. Melior est non multa, modice crassa, subrubicunda, aut subalbida. *Ιχθῆρ* autem pejor est multus, crassus, sublividus, aut subpallidus, glutinosus, ater, calidus, mali odoris. Tolerabilior est subalbidus, quique cætera omnia contraria prioribus habet. Melicera

23 autem mala est, multa, & percrassa: melior, quæ & tenuior, & minus copiosa est. Pus inter hæc optimum est. Sed id quoque pejus est, multum, tenue, dilutum; magisque, si ab initio tale est: itemque, si colore

30 sero simile, si pallidum, si lividum, si fœculentum. Præter hæc, si male olet; nisi tamen locus hunc odorem excitat. Melius est, quo minus est, quo crassius, quo albidius: itemque, si læve est, si nihil olet, si

æquale est. Modotamen, convenire & magnitudini vulneris, & tempori debet. Nam plus ex majore, plus nondum solutis inflammationibus naturaliter fertur. Ἐλασιώδης quoque pejus est multum, & parum, pingue: quo minus autem, quoque idipsum pinguius, eo melius est.

21. *Curatio adversus profusionem sanguinis in vulneribus.*

Quibus exploratis, ubi aliquis ictus est, qui servari potest, protinus prospicienda duo sunt: ne sanguinis profusio, neve inflammatio interimat. Si profusionem timeamus (quod ex sede vulneris, & ex magnitudine ejus, & ex impetu ruentis sanguinis intelligi potest) siccis linamentis vulnus implendum est, supraque imponenda spongia ex aqua frigida expressa, ac manu super comprimenda. Si parum sic sanguis conquiescit, sæpius linamenta mutanda sunt. Et, si sicca parum valent, aceto madefacienda sunt. Id vehemens ad sanguinem suppressendum est: ideoque quidam id vulneri infundunt. Sed alius rursus metus subest; ne, nimis valenter ibi re-tenta materia, magnam inflammationem postea moveat. Quæ res efficit, ut neque rodentibus medicamentis, neque adurentibus, & ob idipsum inducentibus crustam, (quamvis pleraque ex his sanguinem suppressunt) sit utendum: sed, si semel ad ea decurritur, his potius, quæ mitius idem efficiunt. Quod si illa quoque profluvio vincuntur, venæ, quæ sanguinem fundunt, appre-

apprehendendæ , circaque id, quod ictum
est, duobus locis deligandæ, intercidendæ-
que sunt, ut & in se ipsæ coeant, & nihilomi-
nus ora præclusa habeant. Vbi ne id quidem
res patitur , possunt ferro candenti aduri.
Sic etiam, satis multo sanguine effuso ex eo
loco, quo neque nervus , neque musculus
est, ut puta in fronte, vel superiore capitis
parte, commodissimum est , cucurbitulam
10 admove adversa parte , ut illuc sangui-
nis cursus revocetur.

22. *Curatioes adversus vulnorum
inflammationem.*

Et adversus profusionem quidem in his
15 auxilium est : adversus inflammationem
autem , in ipso sanguinis cursu. Ea timeri
potest, ubi læsum est vel os, vel nervus, vel
cartilago , vel musculus , aut ubi parum
sanguinis pro modo vulneris fluxit. Ergo
20 quoties quid tale erit , sanguinem mature
supprimere non oportebit ; sed pati fluere,
dum tutum erit, adeo ut, si parum fluxisse
videbitur, mitti quoque ex brachio debeat;
utique, si corpus juvenile, & robustum , &
25 exercitatum est; multoque magis, si id vul-
nus ebrietas præcessit. Quod si musculus
læsus videbitur , præcidendus erit. nam
percutissus, mortiferus est; præcisus, sanita-
tem recipit.

30 23. *De glutinatione vulnorum.*

Sanguine autem vel suppresso , si nimi-
us erumpit; vel exhausto , si per se parum
fluxit ; longe optimum est , vulnus gluti-
nari. Potest autem id , quod vel in cute,

vel etiam in carne est; si nihil ei præterea mali accedit. Potest caro, alia parte dependens, alia inhærens; si tamen etiamnum integra est, & conjunctione corporis fovetur.

In his vero, quæ glutinantur, duplex curatio est. Nam si plaga in molli parte est, sui debet: maximeque, si discissa auris ima est, vel imus nasus, vel frons, vel bucca, vel palpebra, vel labrum, vel circa guttur cutis, vel venter. Si vero in carne vulnus¹⁰ est, hiatque, neque in unum oræ facile attrahuntur, futura quidem aliena est: imponendæ vero fibulæ sunt (*ἀσκήσας* Græci nominarunt) quæ oras, paulatim tamen, contrahant; quo minus lata postea cicatrix¹⁵ sit.

Ex his autem colligi potest, utrum id quoque, quod alia parte dependens, alia inhærebit, si alienatum adhuc non est, futuram, an fibulam postulet. Ex quibus neu-²⁰ tra ante debet imponi, quam intus vulnus purgatum est: ne quid ibi concreti sanguinis relinquatur. Id enim & in pus vertitur, & inflammationem movet, & glutinari vulnus prohibet. Ne linamentum quidem,²⁵ quod suppressendi sanguinis causa inditum est, inibi relinquendum est. nam id quoque inflammat.

Comprehendi vero futura, vel fibula, non cutem tantum, sed etiam aliquid ex³⁰ carne, ubi suberit hæc, oportebit; quo valentius hæreat, neque cutem abrumpat. Vtraque optima est ex acia molli, non nimis torta, quo mitius corpori insideat.

Vtra-

Vtraque neque nimis rara, neque nimis crebra injicienda est. Si nimis rara est, non continet: si nimis crebra est, vehementer afficit; quia, quo sæpius acus corpus transsivit, quoque plura loca injectum vinculum mordet, eo majores inflammationes oriuntur; magisque æstare. Neutra etiam vim ullam desiderat: sed ea hætenus utilis est, qua cutis ducentem quasi sua sponte
10 subsequitur. Fere etiam fibulæ latius vulnus esse patiuntur: futura oras jungit, quæ ne ipsæ quidem inter se contingere ex toto debent; ut si quod intus humoris concreverit, sit qua emanet. Si quod vulnus neu-
15 trum horum recipit, id tamen purgari debet.

Deinde omni vulnere primo imponenda est spongia ex aceto expressa. Si sustinere aliquis aceti vim non potest, vino utendum
20 est. Levis plaga juvatur etiam, si ex aqua frigida expressa spongia imponitur. Sed ea, quocunque modo imposita est, dum madet, prodest: itaque, ut inarescat, non est committendum. Licetque sine peregrinis,
25 & conquisitis, & compositis medicamentis vulnus curare. Sed si quis huic parum confidit, imponere medicamentum debet, quod sine sevo compositum sit ex his, quæ cruentis vulneribus apta esse proposui: ma-
30 ximeque si caro est, barbarum: si nervi, vel cartilago, vel aliquid ex eminentibus, quales aures, vel labra sunt, Polybi sphragidema. Alexandrinum quoque viride nervis idoneum est: eminentibusque parti-

bus ea , quam Græci *ῥιπτήσας* vocant.

Solet etiam, colliso corpore, exigua parte findi cutis. Quod ubi incidit, non alienum est , scapello latius aperire ; nisi musculi, nervique juxta sunt , quos incidi non expedit. ubi satis diductum est , medicamentum imponendum est. At, si id, quod collisum est, quamvis parum diductum est, latius tamen aperiri propter nervos aut musculos non licet; adhibenda sunt ea, quæ humorem leniter extrahant ; præcipueque ex his , id quod *ῥυμῶδες* vocari proposui. Non alienum est etiam, ubicunque vulnus est, grave, impositum , quo id juvetur, insuper circumdare lanam succidam ex aceto & oleo: vel cataplasma, si mollis is locus est, quod leniter reprimat; si nervosus, aut musculosus, quod emolliat.

24. *Quomodo vulnus ligari conveniat.*

Fascia vero ad vulnus deligandum li-
nea aptissima est: eaque lata esse debet, ut semel injecta non vulnus tantum, sed paululum utrinque ejus comprehendat. Si ab altera parte caro magis recessit , ab ea melius attrahitur: si æque ab utraque , transverse comprehendere oras debet; aut si id vuln-
ris ratio non patitur , media primum injicienda est, ut tum in utranque partem ducatur. Sic autem deliganda est , ut & contineat, nec adstringat. quod non continetur , elabitur: quod nimis adstrictum est, cancro periclitatur. Hieme sæpius fascia circuire debet: æstate , quoties necesse est. Tum extrema pars ejus inferioribus acu
assuen-

affluenda est. nam nodus vulnus lædit. nisi tamen longe est.

Porro neminem decipi decet, ut propriam viscerum curationem requirant, de quibus supra posui. Nam plaga ipsa curanda extrinsecus, vel futura, vel alio medicinæ genere est. In visceribus nihil movendum est; nisi, si quid aut ex jecinore, aut liene, aut pulmone duntaxat extremo dependeat, id præcidatur. Alioquin vulnus interius ea victus ratio eaque medicamenta sanabunt, quæ cuique visceri convenire superiore libro proposui.

25. *Quomodo vulnerato agendum sit.*

15 His ita primo die ordinatis, homo in lecto collocandus est: isque si grave vulnus est, abstinere, quantum vires patiuntur, ante inflammationem, cibo debet: bibere, donec sitim finiat, aquam calidam; vel, si æstas est, ac neque febris, neque dolor est, etiam frigidam. Adeo tamen nihil perpetuum est, sed semper pro vi corporis æstimandum, ut imbecillitas etiam cibum pro-

20 tinus facere necessarium possit; tennem scilicet, & exiguum, qui tantum sustineat. Multique etiam ex profluvio sanguinis intermorientes ante ullam curationem vino reficiendi sunt; quod aliqui inimicissimum vulneri est.

30 26. *De notis vulnerum.*

Nimis vero intumescere vulnus, periculosum: nihil intumescere, periculosissimum est. illud indicium magnæ inflammationis: hoc, emortui corporis est. Pro-

tinusque, si mens homini consistit, si nulla febris accessit, scire licet, mature vulnus sanum fore. At ne febris quidem terrere debet, si in magno vulnere; dum inflammatio est, permanet. Illa pernicioſa est, quæ vel levi vulnere supervenit, vel ultra tempus inflammationis durat, vel delirium movet: vel si nervorum rigorem aut distentionem, quæ ex vulnere orta est, ea non finit. Vomitus quoque biliosus non to voluntarius, vel protinus, ut percussus est aliquis, vel dum inflammatio manet, malum signum est in his duntaxat, quorum vel nervi, vel etiam nervosi loci vulnerati sunt. Sponte tamen vomere, non alienum est; præcipue his, quibus in consuetudine fuit: sed neque protinus post cibum, neque jam inflammatione orta, neque cum in superioribus partibus plaga est.

27. *De curationibus vulnerum.*

20

Biduo sic vulnere habito, tertio die id aperiendum, detergendaque sanies ex aqua frigida est, eademque rursus injicienda sunt. Quinto jam die, quanta inflammatio futura est, se ostendit. Quo die, rursus de-25 testro vulnere, considerandus color est. Quod si lividus, aut pallidus, aut varius, aut niger est; scire licet, malum vulnus esse. idque, quandocunque animadversum est, terrere nos potest. Album, aut rubicun-30 dum esse vulnus, commodissimum est. Item cutis dura, crassa, dolens, periculum ostendit. Bona signa sunt, ubi hæc sine dolore, tenuis, & mollis est. Sed si glutinatur vulnus,

vulnus, aut leviter intumuit, eadem sunt imponenda, quæ primo fuerunt.

Si gravis inflammatio est, neque glutinandi spes est, neque movetur, aquæ quoque calidæ necessarius usus est, ut materiam digerat, & duritiam emolliat, & pus citet. Ea sic temperanda est, ut manu contingenti jocunda sit; & usque eo adhibenda, donec aliquid minuisse ex tumore caloreque ulceri magis naturalem reddidisse videatur. Post id fomentum, si lateplaga non patet, imponi protinus emplastrum debet, maximeque, si grande vulnus est, tetrapharmacum: si in articulis, digitis, locis cartilaginosis, *punctis*: at si latius hiat, idem illud emplastrum liquari ex irino unguento oportet, eoque inlita linamenta disponi per plagam: deinde emplastrum supra dari, & super id lanam succidam; minusque etiam, quam primo, fasciæ adstringendæ sunt.

28. *Curationes propriae articulorum.*

Sed propria quædam in articulis visenda sunt. In quibus si præcisi nervi sunt, qui continebant, debilitas ejus partis sequitur. Si id dubium est, & ex acuto telo plaga est, & ea transversa, commodior est: si ex retuso & gravi est, nullum in figura discrimen est: at videndum est, pus supra articulum, an infra nascatur. Si sub eo nascitur, albumque & crassum diu fertur, nervum præcisum esse credibile est: magisque, quo majores dolores inflammationesque, & quomaturius excitatæ sunt. Quamvis autem

non abscissus nervus est; tamen, si circa durus tumor diu permanet, necesse est, & diuturnum ulcus esse, & sanato quoque eo, tumorem permanere: futurumque est, ut tarde membrum id vel extendatur, vel contrahatur. Major tamen in extendendo mora est, ubi recurvato articulo curatio adhibita est; quam in recurvando eo, quod rectum continuerimus. Collocari quoque membrum, quod ictum est, ratione certa debet. Si glutinandum est, ut superius sit: si in inflammatione est, ut in neutram partem inclinatum sit: si iam pus profluit, ut devexum sit.

Optimum etiam medicamentum, quies¹⁵ est. Moveri, & ambulare, nisi sanis, alienum est. Minus tamen periculosum his est, qui in capite vel brachiis, quam qui in inferioribus partibus vulnerati sunt. Minimeque ambulatio convenit, femine, aut²⁰ crure, aut pede laborante. Locus, in quo cubat, tepidus esse debet. Balneum quoque, dum parum vulnus purum est, inter res infestissimas est. Nam id & tumidum & sordidum reddit. ex quibus ad cancerum²⁵ transitus esse consuevit. Lenis fricatio recte adhibetur; sed his partibus, quæ longe absunt à vulnere.

29. *Vulnus quomodo purgandum est.*

Inflammatione finita, vulnus purgan-³⁰ dum est. Id optime faciunt tinctoria in melle linamenta: supraque id emplastrum vel *πτεράφαρμακον* vel *ἰντιάφαρμακον* dandum est. Tum demum vero purum ulcus est.

cum rubet, ac nimium neque siccum, neque humidum est. At, quodcunque sensu caret; quod non naturaliter sentit; quod nimium aut aridum aut humidum est; quod aut albidum, aut lividum, aut nigrum est; id purum non est.

32. *Quomodo vulnus implendum est.*

Purgato vulnere, sequitur ut impleatur; jamque calida aqua eatenus necessaria est, sicut sanies removeatur. Lanæ succidæ supervacuus usus est: lota melius circumdatur. Ad implendum autem vulnus proficiunt quidem etiam medicamenta aliqua: itaque ea adhiberi non alienum est; ut butyrum cum rosa, & exigua mellis parte; aut cum eadem parte mellis aut cum eadem rosa, *πρεσφάρμακον*; aut ex rosa linamenta. Plus tamen proficit balneum rarum. Cibi boni succi; vitatis omnibus acribus. Sed jam plenioribus, avis, & venatio, & suilla elixa dari potest. Vinum omnibus, dum febris, dum inflammatio est, alienum est: itemque usque ad cicatricem, si nervi, musculive vulnerati sunt; etiam, si alte caro. At si plaga in summa cute, generis tutioris est, potest non per vetus, modice tamen datum, ad implendum quoque proficere. Si quid molliendum est, quod in nervosis locis, musculosisque necessarium est, cerato quoque super vulnus utendum est. At, si caro supercrevit, modice reprimat siccum linamentum; vehementius, squama æris. Si plus est, quod tolli opus est, adhibenda sunt etiamnum vehementiora, quæ corpus exedant.

exedant. Cicatricem, post omnia hæc, commode inducit lycium ex passo aut lacte dilutum; vel etiam per se impositum sic cum linamentum vehementius.

31. *De ulceribus, quæ extrinsecus per vulnera
incidunt, curationibusque eorum.* 5

Hic ordo felicitis curationis est. Sed quædam tamen periculosa incidere consue-
runt. Interdum enim vetustas ulcus occu-
pat, induciturque ei callus, & circum oræ 10
crassæ livent. Post quæ, quicquid medi-
camentorum ingeritur, parum proficit;
quod fere negligenter curato ulceri super-
venit.

Interdum vel ex nimia inflammatione, 15
vel ob æstus immodicos, vel ob nimia fri-
gora, vel quia nimis vulnus adstrictum est,
vel quia corpus senile, aut mali habitus
est, cancer occupat. Id genus à Græcis di-
ductum in species est; nostris vocabulis 20
non est. Omnis autem cancer non solum id
corrumpit, quod occupavit; sed etiam ser-
pit: deinde aliis aliisque signis discernitur.
Nam modo super inflammationem rubor
ulcus ambit, isque cum dolore procedit; 25
ἔρυσίπελος Græci nominant: modo ulcus
nigrum est, quia caro ejus corrupta est, id-
que vehementius; etiam in putrescendo in-
tenditur, ubi vulnus humidum est, & ex
nigro ulcere humor pallidus fertur, mali- 30
que odoris est, & caro intus corrupta: in-
terdum etiam nervi ac membranæ resol-
vuntur, specillumque demissum descen-
dit aut in latus, aut deorsum, eoque vitio
non-

Cap. 26. M E D I C I N A. 301
nonnunquam os afficitur : modo oritur ea,
quam Græci *γὰρ ἡσπέρων* appellant.

Priora in qualibet parte corporis sunt:
hæc in prominentibus membris, id est in-
ster ungues, & alas, vel inguina; fereque in
senibus, vel in his, quorum corpus mali
habitus est. Caro illi ulceri vel nigra, vel
livida est, sed sicca & arida; proximaque cu-
tis, plerunque subnigris pustulis impletur;
10 deinde ei proxima, vel pallida, vel livida, fe-
req; æruginosa & sine sensu est. Deterior in
inflammatione est, omniaque ea simul ser-
punt: ulcus, in locum pustulosum: Pustulæ,
in eum, qui pallet aut livet: pallor aut livor,
15 in id, quod inflammatum est: inflammatio,
in id, quod integrum est, transit. Inter hæc
deinde febris acuta oritur, ingensque sitis:
quibusdam etiam delirium accedit: alii,
quamvis mentis suæ compotes sunt, balbu-
20 riendo vix sensus suos explicant: incipit
affici stomachus: fit foedi spiritus ipse odo-
ris. Atque initium ejus quidem mali reci-
pit curationem: ubi vero penitus insedit,
insanabile est. plurimique sub frigido su-
25 dore moriuntur.

32. *Curatio veteris ulceris.*

Ac pericula quidem vulnerum hæc sunt.
Vetus autem ulcus scalpello circumciden-
dum est, excidendæque ejus oræ, &, quic-
30 quid super eas livet, æque incidendum. Si
varicula intus est, quæ id sanari prohibet,
ea quoque excidenda. Deinde, ubi sanguis
emissus, novatumque vulnus est, eadem
curatio adhibenda, quæ in recentibus vul-
neri-

neribus exposita est. Si scalpello aliquis uti non vult, potest sanare id emplastrum, quod ex ladano fit : & , cum ulcus sub eo exesum est, id, quo cicatrix inducitur.

33. *Curatio Erysipelatum.*

5

Id autem, quod *ἰρυσίπτελος* vocari dixi, non solum vulnere supervenire, sed sine hoc quoque oriri consuevit: atque interdum periculum magnum adfert; utique, si circa cervicem aut caput constitit. 10

Oportet, si vires patiuntur, sanguinem mittere: deinde imponere simul reprimentia & refrigerantia; maximeque cerussam solani succo, aut cimoliam cretam aqua pluviatili exceptam; aut ex eadem aqua 15 subactam farinam cupresso adjecta, aut, si tenerius corpus est, lenticula. Quicquid impositum est, betæ folio contegendum est, & super linteolum frigida aqua madens imponendum. Si per se refrigerantia parum 20 rum proderunt, miscenda erunt hoc modo: sulphuris p. i. *. cerussæ, croci, singulorum p. x. *. eaque cum vino contenda sunt, & id his illinendum: aut, si durior locus est, solani folia contrita suillæ 25 adipi miscenda sunt, & illinita linteolo superinjicienda.

At, si nigrities est, quæ nequedum serpit, imponenda sunt, quæ carnem putrem lenius exedunt; repurgatumque ulcus sic, 30 ut cætera, nutriendum est. Si magis putre est, jamque procedit ac serpit, opus est vehementius erodentibus. Si ne hæc quidem evincunt, aduri locus debet, donec nub-

nullus ex eo humor feratur. nam quod sanum est, siccum est, cum adurit. Post unctionem putris ulceris, superponenda sunt, quæ crustas à vivo resolvant; ἀπὸ πύκτου Græci nominant. Vbi exciderunt, purgandum ulcus, maxime melle & resina est. Sed iis quoque purgari potest, quibus purulenta curantur, eodemque modo ad sanitatem perducendum est.

10 34. Curatio Gangrænæ.

Gangrænam vero, si nondum plane tenet, sed adhuc incipit, curare non difficilissimum est; utique in corpore juvenili: & magis etiam, si muscoli integri sunt; si nervi vel læsi non sunt, vel leviter affecti sunt; neque ullus magnus articulus nudatus est; aut carnis in eo loco paululum est, ideoque non multum, quod putresceret, fuit; consistitque uno loco vitium; quod maxime fieri in digito potest. In ejusmodi casu primum est, si vires patiuntur, sanguinem mittere. Deinde, quicquid aridum est, & intentione quadam proximum quoque locum male habet, usque ad sanum corpus concidere.

Medicamenta vero, dum malum serpit, adhibenda nulla sunt, quæ pus movere consuerunt; ideoque ne aqua quidem calida. Gravia quoque, quamvis reprimantia, aliena sunt: sed his quam levissimis opus est. superque ea, quæ inflammata sunt, utendum est refrigerantibus. Si nihilo magis malum constitit, uri id, quod est inter integrum ac vitiatum locum, debet.

Præ-

Præcipueque in hoc casu petendum, non à medicamentis solum, sed etiam à vitæ ratione præsidium est. Neque enim id malum, nisi corrupti vitiosique corporis est. Ergo primo, nisi imbecillitas prohibet, abstinentia utendum. Deinde danda, quæ per cibum potionemque alvum, ideoque etiam corpus adstringant; sed ea levia. Postea, si vitium constitit; imponi super vulnus eadem debent, quæ in putri ulcere 10 præscripta sunt. Ac tum quoque plenioribus cibis uti licebit ex media materia; sed tamen non nisi alvum, corpusque siccantibus: aqua vero pluviali frigida. Balneum, nisi jam certa fiducia redditæ sanitatis est, 15 alienum est; siquidem emollitum in eo ulcus cito rursus eodem malo afficitur. Solent vero nonnunquam nihil omnia auxilia proficere, ac nihilominus serpere sub his cancer. Inter quæ miserum, sed unicum, 20 auxilium est, ut cætera pars corporis tuta sit, membrum, quod paulatim emoritur, abscindere.

35. *Curatio vulnorum, ubi quid collisum est, aut detritum, aut infixum.*

25

Hæ gravissimorum vulnorum curationes sunt. Sed ne illa quidem negligenda, ubi interior pars collisa, aut ubi dera sum, detritumve aliquid est; aut ubi furculus corpori infixus est; aut ubi tenue, sed altum 30 vulnus insedit.

In primo casu commodissimum est malicorium ex vino coquere, interioremque ejus partem conterere, & cerato miscere
ex

ex rosa facto, idque superponere : deinde, ubi cutis ipsa exasperata est, inducere lenè medicamentum, qualis *λιπαρὴ* est.

Deraſo vero, detritoque, imponendum eſt emplaſtrum *περὶ φάρμακον*, minuendusque cibus, & vinum ſubtrahendum. Neque id, quia non habebit altiores iſtus, contemnendum erit: ſiquidem ex ejuſmodi caſibus ſæpe canceri fiunt. Quod ſi levius id erit, & in parte exigua, contenti eſſe poterimus eodem leni medicamento.

Surculum vero, ſi fieri poteſt, oportet vel manu, vel etiam ferramento educere. Si vel præfractus eſt, vel altius deſcendit, quam ut ita fieri poſſit, medicamento evocandus eſt. Optime autem educit ſuperimpoſita arundinis radix; ſi tenera eſt, protinus contrita; ſi jam durior, ante in mulſo decocta. cui ſemper mel adjiciendum eſt aut ariſtolochia cum eodem melle. Peſſima ex ſurculis, arundo eſt; quia aſpera eſt. Eademque offenſa etiam in filice eſt. Sed uſu cognitum eſt, utranque adverſus alteram medicamentum eſſe, ſi contrita ac ſuperimpoſita eſt. Facit autem idem in omnibus ſurculis, quodcunque medicamentum extrahendi vim habet. Idem altis tenuibuſque vulneribus aptiſſimum eſt. Priori rei Philocratis; huic Hecataei emplaſtrum maxime convenit.

36. *Quomodo cicatrix vulnere inducenda, purgandaque ſit.*

Ubi vero in quolibet vulnere ventum ad inducendum cicatricem eſt (quod per-

purg-

purgatis jam, repletisque ulceribus necessarium est) primum ex aqua frigida linamentum, dum caro alitur: deinde, cum jam continenda est, ficcum imponendum est, donec cicatrix inducatur: tum deligari super album plumbum oportet, quo & reprimitur cicatrix, & colorem maxime sano corpori similem accipit. Idem radix silvestris cucumeris præstat. Idem compositio, quæ habet elaterii p. i. *. spumæ 10 argenti p. ii. *. glandis unguentariæ pondo iv. *. quæ excipiuntur resina terebinthina, donec emplastri crassitudo ex omnibus fiat. At nigras quoque cicatrices leniter purgant, paribus portionibus mixta, ærugo 15 & plumbum elotum, eademque resina coacta; sive eo ungitur cicatrix, quod in facie fieri potest; sive id ut emplastrum imponitur, quod in aliis partibus commodius est.

At, si vel excrevit cicatrix, vel concava 20 est, stultum est, decoris causa, rursus & dolorem & medicinam sustinere: alioquin res utrique succurri patitur. Siquidem utraque cicatrix exulcerari scalpello potest. Si medicamentum aliquis mavult, idem efficiunt compositiones hæ, quæ corpus exedunt. Cute exulcerata, supereminentem carnem exedentia medicamenta conjicienda sunt: super concavam, implentia; donec utrumque ulcus sanæ cuti æquetur, & tum 30 cicatrix inducatur.

CAP. XXVII.

*De vulneribus, quæ per morsus inferuntur,
eorumque curationibus.*

DIXI de his vulneribus, quæ maxime
per tela inferuntur. Sequitur, ut de
his dicam, quæ morfu fiunt, inter-
dum hominis, interdum simiæ, sæpe canis,
nonnumquam ferarum, aut aliorum ani-
malium, aut serpentium. Omnis autem
feræ morsus habent quoddam virus.

Itaque, si vehemens vulnus est, cucur-
bitula admovenda est: si levius, protinus
emplastrum injiciendum, præcipueque
Diogenis. si id non est, quodlibet ex his,
quæ adversus morsus proposui. si ea non
sunt, viride Alexandrinum: si ne id qui-
dem est, quodlibet non pingue ex his, quæ
recentibus vulneribus accommodantur.
Sal quoque his, præcipueque ei, quod can-
nis fecit, medicamentum est, si aridus vul-
neri imponitur, superque id duobus digi-
tis verberatur. exsaniat enim. Ac salsamen-
tum quoque recte super id vulnus deliga-
tur.

2. Curatio adversus rabiosi canis morsum.

Utique autem, si rabiosus canis fuit,
cucurbitula virus ejus extrahendum est.
Deinde, si locus neque nervosus, neque
musculosus est, vulnus id adurendum est.
Si uri non potest, sanguinem homini mit-
ti non alienum est. Tum usto quidem vul-
nere superimponenda, quæ cæteris ustis
sunt. Ei vero, quod expertum ignem non
est,

est, ea medicamenta, quæ vehementer exedunt. Post quæ nullo novo magisterio, sed jam supraposito vulnus erit implendum, & ad sanitatem perducendum. Quidam post rabiosi canis morsum protinus in balneum mittunt; eumque ibi patiuntur desudare, dum vires corporis sinunt, vulnere aperto; quo magis ex eo quoque virus distillet: deinde multo meracoque vino excipiunt. quod omnibus venenis contrarium est. Id. 10 que cum ita per triduum factum est, tutus esse homo à periculo putatur.

Solet autem ex eo vulnere, ubi parum occursum est, aquæ timor nasci. *vid. eg. Posiæ.* Græci adpellant. Miserrimum genus morbi: in quo simul æger & siti & aquæ metu cruciatur. quo oppressis in angusto spes est. Sed unicum tamen remedium est, nec opinantem in piscinam non ante ei provisam projicere, & , si natandi scientiam non habet, modo mersum bibere pati, modo at- 20 tollere; si habet, interdum deprimere, ut, invitus quoque aqua satietur. sic enim simul & sitis, & aquæ metus tollitur. Sed aliud periculum excipit, ne infirmum cor- 25 pus in aqua frigida vexatum; nervorum distentio absumat. Id ne incidat, à piscina protinus in oleum calidum demittendus est. Antidotum autem (præcipue id, quod primo loco posui; ubi id non est, aliud) si 30 nondum æger aquam horret, potui ex aqua dandum est: & , si amaritudinē offenditur, mel adjiciendum est: at, si jam is morbus occupavit, per catapotia sumi potest.

3. *Curationes communes adversus omnes
morsus serpentium.*

Serpentium quoque morsus non nimium distantem curationem desiderant :
5 quamvis in ea multum antiqui variarunt ;
adeo ut in singula anguium genera singula
medendi præciperent ; aliique alia. sed
in omnibus eadem maxime proficiunt. Igitur
in primis supra vulnus id membrum
10 deligandum est : non tamen nimium vehementer,
ne torpeat. Dein venenum extrahendum est.
Id cucurbitula optime facit. Neque alienum est,
ante scalpello circa vulnus incidere,
quo plus vitiati jam sanguinis
15 extrahatur. Si cucurbitula non est,
(quod tamen vix incidere potest) tum
quodlibet simile vas, quod idem possit. Si
ne id quidem est, homo adhibendus est,
qui vulnus exsugat.

20 Neque hereule scientiam præcipuam
habent hi, qui Pfylli nominantur ; sed
audaciam usu ipso confirmatam. Nam
venenum serpentis, ut quædam etiam venatoria
venena, quibus Galli præcipue utuntur,
25 non gustu, sed in vulnere nocent. Ideoque
colubra ipsa tuto estur ; ictus ejus occidit. &
si stupente ea (quod per quædam
medicamenta circulatores faciunt) in os
digitum quis indidit, neque percussus est,
30 ejus saliva noxa est. Ergo quisquis,
exemplum Pfylli secutus, id vulnus exuxerit,
& ipse tutus erit, & tutum hominem præstabit.
Illud interea ante debet attendere,
ne quod in gingivis, palatove, aliave parte

te

te oris ulcus habeat. Post hæc is homo loco calido collocandus est sic, ut id, quod percussum erit, in inferiorem partem inclinetur.

Si neque qui exsugat, neque cucurbitula est, sorbere oportet jus anserinum, vel vitulinum, & vomere. Vivum autem galinaceum pullum per medium dividere, & protinus calidum super vulnus imponere sic, ut pars interior corpori jungatur. Facit id etiam hœdus agnusve discissus, & calida ejus caro statim super vulnus imposita. Emplastra quoque, quæ supra comprehensa sunt. Aptissimumque est, vel Ephesium, vel id quod ei subiectum est. 15 Præsensque in aliquo antidoto præsidium est. Sin id non est, necessarium est exsorbere portionem meri vini cum pipere; vel quidlibet aliud, quod calori movendo est, nec humorem intus coire patitur. nam maxima pars venenorum frigore interimit. 20 Omnia etiam urinam moventia, quia materiam extenuant, utilia sunt.

4. *Speciales curationes adversus ictus serpentium:*
& primo adversus ictum Aspidis. 25

Hæc adversus omnes ictus utilia sunt, communiaque: usus tamen ipse docuit, eum, quem Aspis percussit, acetum potius bibere debere. Quod demonstrasse dicitur casus cujusdam pueri, qui, cum ab hac ictus 30 esset, & partim ob ipsum vulnus, partim ob immodicos æstus siti premeretur, ac locis siccis alium humorem non reperiret, acetum, quod forte secum habebat, ebibit, & libera-

liberatus est. Credo quoniam id, quamvis refrigerandi vim habet, habet tamen & dissipandi. Quo fit, ut terra respersa eo spumet. Eadem ergo vi verisimile est spissescentem quoque intus humorem hominis ab eo discuti, & sic dari sanitatem.

5. *Adversus ictum Scorpionis.*

In quibusdam etiam aliis serpentibus certa quædam auxilia satis nota sunt. Nam scorpio ipse sibi pulcherrimum medicamentum est. Quidam contritum cum vino bibunt. Quidam eodem modo contritum super vulnus imponunt. Quidam super prunas eo imposito, vulnus suffumigant, undique veste circumdata, ne is fumus dilabatur; tum carbonem ejus super vulnus deligant. Bibere autem oportet herbæ solaris (quam *ἡλιοτρόπιον* Græci vocant) semen, vel certe folia ex vino. Super vulnus vero etiam furfures ex aceto, vel ruta silvatica recte imponitur, vel cum melle sal tostus. Cognovi tamen medicos, qui ab scorpione ictis nihil aliud, quam ex brachio sanguinem miserunt.

25 6. *Adversus Aranei & Scorpionis ictum.*

Ad scorpionis etiam, & ad aranei ictum, allium cum ruta recte miscetur, ex oleoque contritum superimponitur.

7. *Adversus Ceraſtis, & Dipsadis, & Hamorrhoidis ictum.*

30 At, si ceras, aut dipsas, aut hæmorrhoids percussit, asphodeli, quod Ægyptiæ fabæ magnitudinem æquet, arefactum, in duas portiones dividendum est sic, ut ei rutæ pau-

paululum adjiciatur. Trifolium quoque & mentastrum, & cum aceto panaces æque proficiunt. Costumque, & cassia, & cinnamomum recte per potionem assumuntur.

8. *Adversus Chersydri ictum, & Ceraſtia.*

5

Adversus chersydri vero ictum, panaces, aut laser, quod sit scrupulorum p. 11. *. vel porri succus cum hemina vini sumendus est, & edenda multa fatureia. Imponendum autem super vulnus stercus caprinum ex aceto coctum; aut ex eodem ordeacea farina; aut ruta, vel nepeta, cum sale contrita, melle adjecto. Quod in eo quoque vulnere, quod ceraſtes fecit, æque valet.

15

9. *Adversus Phalangii ictum.*

Vbi vero phalangium nocuit, præter eam curationem, quæ manu editur, sæpe homo demittendus in solum est, dandusque ei myrrhæ & uvæ taminia par modus ex passi hemina; vel radiculae semen, aut solii radix ex vino; & super vulnus furfures ex aceto cocti, imperandumque, ut is conquiescat.

10. *Adversus ictus Italarum anguim, qui minus terribiles peregrinis sunt.*

25

Verum hæc genera serpentium & peregrina, & aliquanto magis pestifera sunt; maxime, quæ æstuosis gignuntur locis. Italia frigidioresque regiones hac quoque parte salubritatem habent, quod minus terribiles angues edunt. Adversus quos satis proficit herba betonica, vel cantabrica, vel centauration, vel agrimonia, vel trixago,
vel

vel personata, vel marinæ pastinacæ, si vel singulæ binæve tritæ, & sic potui datæ sunt cum vino, & super vulnus impositæ. Illud ignorare non oportet, omnis serpentis ictum & jejuni & jejuno magis nocere. ideoque perniciosissimi sunt, cum incubant: utilissimumque est, ubi ex anguibus metus est, non ante progredi, quam quis aliquid assumpsit.

10 11. *Remedium generale adversus omnia venena, vel in cibo, vel in potione assumpta.*

Non tam facile his opitulari est, qui venenum, vel in cibo, vel in potione sum-
pserunt. Primum, quia non protinus sen-
15 tiunt, ut ab angue icti: ideo ne succurrere quidem statim sibi possunt. Deinde, quia noxa non à cute, sed ab interioribus partibus incipit. Commodissimum est tamen, ubi primum sensit aliquis, protinus oleo
20 multo epoto vomere. Deinde, ubi præcordia exhaustit, bibere antidotum: si id non est, vel merum vinum.

12. *Specialia remedia adversus quædam venenarum & primo adversus Cantharidas.*

25 Sunt tamen quædam remedia propria adversus quædam venena, maximeque leviora. Nam si cantharidas aliquis ebibit, panaces cum lacte contusa, vel galbanum vino adjecto dari, vel lac per se debet.

30 13. *Adversus Cicutam.*

Si cicutam, vinum merum calidum cum ruta quamplurimum ingerendum est; deinde is vomere cogendus: posteaque laser ex vino dandum. Isque, si febre vacat, in
O cali-

calidum balneum mittendus: si non vacat, ungendus ex calefacientibus est. Post quæ quies ei necessaria est.

14. *Adversus Hyoscyamum.*

Si hyoscyamum, fervens mulsum bibendum est, aut quodlibet lac, maxime tamen aluinum.

15. *Adversus Cerussam.*

Si cerussam, jus malvæ, vel juglandis ex vino contritæ, maxime profunt. 10

16. *Adversus Sanguisugam, si epota est, & lac, quod intus coit.*

Si sanguisuga epota est, acetum cum sale bibendum est. Si lac intus coit, aut passum, aut cum aceto laser. 15

17. *Adversus Fungos inutiles.*

Si fungos inutiles quis assumpsit, radícula aut è posca, aut cum sale & aceto edenda est. Ipsi vero hi & specie quidem discerni possunt ab utilibus, & cocturæ genere idonei fieri. Nam sive ex oleo inferbuerunt, sive piri furculus cum his inferbuit, omni noxa vacant. 20

18. *De adustis corporis locis, & quomodo curari debeant.* 25

Adustis quoque locis extrinsecus vis infertur; itaque sequi videtur, ut de his dicam. Hæc autem optime curantur foliis aut lilii, aut linguæ caninæ, aut betæ in vino oleoque decoctis. Quorum quodlibet protinus impositum ad sanitatem perducit. 30

Sed dividi quoque curatio potest in ea, quæ mediocriter exedentia reprimentia-
que,

que, primo & pustulas prohibeant, & summam pelliculam exasperent: deinde ea, quæ lenia ad sanitatem perducant. Ex prioribus est lenticulæ cum melle farina; 5 vel myrrha cum vino; vel creta cimolia cum thuris cortice contrita, & aqua coacta, atque, ubi usus necessitas incidit, aceto diluta. Ex insequentibus, quælibet λιπαρά.

Sed idonea maxime est, quæ vel plumbi 10 recrementum, vel vitellos habet.

Est etiam illa adustorum curatio, dum inflammatio est, impositam habere cum melle lenticulam: ubi ea declinavit, farinam cum ruta, vel porro, vel marrubio, 15 donec crustæ cadant: tum ervum cum melle, aut irim, aut resinam terebinthinam, donec ulcus purum sit: novissime siccum linamentum.

C A P. XXVIII.

20 *De interioribus ulceribus, quæ, aliqua corporis parte corrupta, nascuntur.*

1. De carbunculo.

25 **A** his, quæ extrinsecus incidunt, ad ea veniendum est, quæ interius, corrupta aliqua corporum parte, nascuntur. Ex quibus non aliud carbunculo pejus. Ejus hæ notæ sunt. Rubor est, superque eum non nimium pustulæ eminent, 30 maxime nigræ, interdum sublividæ, aut pallidæ. In iis sanies esse videtur: infra color niger est. Ipsum corpus aridum, & durius, quam naturaliter oportet. Circaque quasi crusta est; eaque inflammatione cingitur.

gitur. Neque in eo loco levare cutis potest, sed inferiori carni quasi affixa est. Somnus urget. Nonnunquam horror, aut febris oritur, aut utrunque. Idque vitium subteractis quasi quibusdam radicibus serpit; interdum celerius, interdum tardius. Supra quoque, procedens in albescit; dein lividum fit; circumque exiguae pustulae oriuntur. Et si circa stomachum faucesve incidit, subito spiritum saepe elidit. 10

Nihil melius est, quam protinus adurere. Neque id grave est. nam non sentit; quoniam ea caro mortua est. Finisque adurendi est, dum ex omni parte sensus doloris est. Tum deinde ulcus, sicut cætera adusta, curandum est. Sequitur enim sub medicamentis erodentibus crusta: quæ undique à viva carne diducta, trahit secum, quicquid corruptum erat; puriusque jam sinus curari potest implentibus. At, si in summa cute vitium est, possunt succurrere quædam vel exedentia tantum, vel etiam adurentia. Vis pro magnitudine adhibenda est. Quodcunque vero medicamentum impositum est, si satis proficiet, protinus à viva corruptam partem resolvet. 20

Certaque esse fiducia potest fere, si undique vitiosa caro excidat, qua hujuscemodi medicamen exest: si id non fit, medicamentumque malo vincitur, utique ad 30 uisionem properandum est. Sed in ejusmodi casu abstinendum à cibo, à vino est. Aquam liberaliter bibere expedit. Magisque ea servanda sunt, si febricula quoque accessit. 2. De

2. De Carcinomate.

Non idem periculum *καρκίνωμα* affert, nisi imprudentia curantis agitata est. Id vitium fit maxime in superioribus partibus, circa faciem, nares, aures, labra, mammas foeminarum. Et ex jecore, aut splene hoc nascitur. Circa locum aliqua quasi puncta sentiuntur: isque immobilis, inæqualiter tumet: interdum etiam torpet. Circa eum inflatæ venæ quasi recurvantur: hæque pallent, aut livent: nonnunquam etiam in quibusdam delitescunt. Tactusque is locus, aliis dolorem affert, in aliis eum non habet. Et nonnunquam sine ulcere durior aut mollior est, quam esse naturaliter debet: nonnunquam iisdem omnibus ulcus accedit. Interdumque nullam habet proprietatem: interdum simile his est, quæ vocant Græci *κνιδυλώματα*, aspredine quadam & magnitudine sua. Colorque ejus ruber est, aut lenticulæ similis. Neque tuto secatur. nam protinus aut resolutio nervorum, aut distentio insequitur. Sæpe homo ictus obmutescit, atque ejus anima deficit. Quibusdam etiam, si id ipsum pressum est, quæ circa sunt, intenduntur & intumescunt. Namque pessimum id genus est, fereque primum id fit, quod *κακόςθις* à Græcis nominatur. Deinde ex eo id *καρκίνωμα*, quod sine ulcere est. Deinde ulcus; & ex eo, thymium.

Tolli nihil, nisi *κακόςθις*, potest: reliqua curationibus irritantur. Et quo major vis adhibita est, eo magis quidam usi sunt medicamentis adurentibus. Quidam ferro ad-

adusserunt : quidam scalpello exciderunt. neque ulli unquam medicina profuit : sed adusta, protinus concitata sunt, & increverunt, donec occiderent. Excisa etiam, post inductam cicatricem, tamen reverterunt, & causam mortis attulerunt. Cum interim plerique nullam vim adhibendo, quā tollere id malum tentent; sed imponendo tantum lenia medicamenta, quæ quasi blandiantur, quo minus ad ultimam senectutem perveniant, non prohibeantur. Discernere autem cacoethes, quod curationem recipit, à carcinomate, quod non recipit, nemo scire potest, nisi tempore & experimento.

15

Ergo, ubi primum id vitium notatum est, imponi debent medicamenta adurentia. Si levatur malum, minuunturque ejus indicia, procedere curatio potest & ad scalpellum, & ad nistionem. Si protinus irritatum est, scire licet, jam carcinoma esse; removendaque sunt omnia acria, omnia vehementia. Sed, si sine ulcere is locus durus est, imponi sicum quam pinguiissimam, aut ~~permodis~~ emplastrum satis est. Si ulcus æquale est, ceratum ex rosa injiciendum est, adjiciendusque ei pulvis ex contrita testa, ex aqua, qua faber ferrarius tingere candens ferrum solitus est. Si id nimium supercrevit, tentanda squama æris est (quæ lenissima ex adurentibus est) eatenus, ne quid eminere patiatur: sed ita, si nihil exacerbavit: sin minus, eodem cerato contenti esse debemus.

3. De Theriomate.

Est etiam ulcus, quod *θνησκυς* Græci vocant. Id & per se nascitur, & interdum ulceri ex alia causa facto supervenit. Color est vel lividus, vel niger: odor foedus: multus, & muco similis humor. Idipsum ulcus neque tactum, neque medicamentum sentit: prurigine tantum movetur. circa dolor est, & inflammatio. Interdum etiam febris oritur. Nonnunquam ex ulcere sanguis erumpit. Atque id quoque malum serpit. quo omnia sæpe intenduntur. Fitque ex his ulcus, quod *ἑρπητις ἰσθμια* Græci vocant; quia celeriter serpendo, penetrandoque usque ad ossa, corpus vorat. Id ulcus inæquale est, cæno simile; inestque multus humor glutinosus; odor intolerabilis; majorque, quam pro modo ulceris, inflammatio. Vtrunque, sicut omnis cancer, fit maxime in senibus; vel his, quorum corpora mali habitus sunt.

Curatio utriusque eadem est: sed in majore malo major vis necessaria. Ac primum, à victus ratione ordinandum est: ut quiescat in lectulo: ut primis diebus à cibo abstineat: aquam quamplurimam assumat. Alvus quoque ei ducatur. Dein, post inflammationem, cibum boni succi capiat; vitæ omnibus acribus: potionis quantum volet, sic, ut interdum quidem aqua contentus sit: in cæna vero etiam vini austeri aliquid bibat. Non æque tamen fame in his, quos *ἑρπητις* urget, atque in his, qui *θνησκυς* adhuc habebunt, utendum erit.

Et victus quidem talis necessarius est.

Super ulcus verò inspergenda est arida aloe contrita, & si parum proficiet, chalcitis. At, si quis nervus, exesa carne, nudatus est, contegendus ante linteolo est, ne sub eo medicamento aduratur. Si validioribus etiam remediis opus est, ad eas compositiones veniendum est, quæ vehementius adurant. Quicquid autem inspergitur, averso specillo infundi debet. Superdanda eum melle sunt vel linamenta, vel oleæ folia ex vino decocta, vel marrubium: eaque linteolo contegenda in aqua frigida madefacto, dein bene expresso. Circaque, quæ tumor ex inflammatione est, imponenda, quæ reprimant, cataplasmata. Si sub his nihil proficitur, ferro locus aduri debet; diligenter nervis, qui apparent, ante contestis. Adustum vel medicamentis vel ferro corpus, primum purgandum, deinde implendum esse, apparere cuilibet ex prioribus potest.

4. De Sacro igne.

Sacer quoque ignis malis ulceribus annumerari debet. Ejus duæ species sunt. Alterum est subrubicundum, aut mistum rubore atque pallore; exasperatumque per pustulas continuas, quarum nulla altera major est, sed plurimæ perexiguæ. In his semper fere pus, & sæpe rubor cum calore est: serpitq; id nonnunquam sanescente eo, quod primum vitiatum est: nonnumquam etiam exulcerato, ubi, ruptis pustulis, ulcus continuatur, humorque exit, qui esse iacter

ter saniem & pus videri potest. Fit maxime in pectore, aut lateribus, aut eminentibus partibus, præcipueque in plantis. Alterum autem est in summæ cutis exulceratione, sed sine altitudine, latum, sublividum, inæqualiter tamen; mediumque sanescit, extremis procedentibus: ac sæpe id, quod jam sanum videbatur, iterum exulceratur. At circa, proxima cutis, quæ vitium receptura est, tumidior & durior est, coloremque habet ex rubro subnigrum. Atque hoc quoque malo fere corpora seniores tentantur, aut quæ mali habitus sunt; sed in cruribus maxime.

15 Omnis autem sacer ignis, ut minimum periculum habet ex his, quæ serpunt; sic prope difficillime tollitur. Medicamentura ejus fortissimum est, vno die febris, quæ humorem noxium absumat. Pus, quo crassius & albidius est, eo periculi minus est. Prodest etiam infra ulcera locum cædi, quo plus puris exeat; & id, quo ibi corruptum corpus est, extrahatur. Sed tamen, si febricula accessit, abstinencia, lectulo, alvi du-

15 ctione opus est. In omni vero sacro igni, neque lenibus & glutinosis cibis, neque salis & acribus utendum est; sed his, quæ inter utrumque sunt: qualis est panis sine fermento, piscis, licædus, aves, exceptoque apro, omnis fere venatio. Si non est febricula, & gestatio utilis est, & ambulatio, & vinum austerum, & balneum. Atque in hoc quoque genere potio magis liberalis esse, quam cibus, debet.

Ipsa autem ulcera, si mediocriter serpunt, aqua calida: si vehementius, vino calido fovenda sunt. Deinde acu pustulæ, quæcumque sunt, aperiendæ. Tum imponenda ea, quæ putrem carnem exedant. Ubi inflammatio sublata, ulcusque purgatum est, imponi lene medicamentum debet. In altero autem genere, possunt proficere mala cotonea in vino cocta, atque contrita: potest emplastrum vel Heræ, vel *πρωφιδεργον*, cui quinta pars thuris adjecta sit: potest nigra hedera ex vino austero cocta; ac, si celeriter malum serpit, non aliud magis proficit. Purgato ulcere, quod in summa cute esse propoli, satis ad sanitatem eadem lenia medicamenta proficient.

5. De Chironio ulcere.

Chironium autem ulcus appellatur, quod & magnum est, & habet oras duras, callosas, tumentes. Exit sanies non multa, sed tenuis: odor malus. neque in ulcere, neque in ejus tumore ulla est inflammatio: dolor modicus est. Nihil serpit, ideoque nullum periculum adfert; sed non facile sanescit. Interdum tenuis cicatrix inducitur, deinde iterum rumpitur, ulcusque renovatur. Fit maxime in pedibus & cruribus.

Super id imponi debet, quod & lene aliquid, & vehemens, & reprimens habeat. Quale ejus rei causa sit ex his: squamæ æris, plumbi eloti combusti, singulorum P. VI. *. cadmiæ, ceræ, singulorum P. VII. I.

*, rosæ

*. rosæ quantum satis est ad ceram funal-
cum eis molliendam.

6. *De Ulceribus, quæ ex frigore in pedibus
& manibus oriuntur.*

5 Fiunt etiam ex frigore hiberno ulcera,
maxime in pueris, & præcipue pedibus, di-
gitisque eorum, nonnunquam etiam in
manibus. Rubor cum inflammatione me-
diocri est. Interdum pustulæ oriuntur, de-
10 inde exulceratio. Dolor autem modicus:
prurigo major est. Nonnunquam humor
exit, sed non multus; qui referre vel pus,
vel saniem videtur.

In primis multa calida aqua fovendum
15 est, in qua rapa decocta; aut si ea non sunt,
aliquæ verbenæ ex reprimmentibus. Si non-
dum ad apertum ulcus est, æs, quam maxime
calidum quis pati potest, admovendum est.
Si jam exulceratio est, imponi debet alu-
20 men, æqua portione cum thure contritum,
tum vino adjecto; aut malicorium in aqua
coctum, deinde contritum. Si summa de-
tracta pellicula est, hic quoque melius le-
nia medicamenta proficiunt.

25 7. *De Struma.*

Struma quoque est tumor, in quo subter
concreta quædam ex pure & sanguine quasi
glandulæ oriuntur. Quæ vel præcipue fa-
tigare medicos solent, quoniam & febres
30 movent, nec unquam facile maturescunt;
&, si ve ferro, si ve medicamentis curantur,
plerunque iterum juxta cicatrices ipsas
resurgunt; multoque post medicamenta
sæpius. quibus id quoque accedit, quod
longo

longo spatio detinent. Nascuntur maxime in cervice; sed etiam in alis, & inguinibus, & in lateribus. In mammis quoque foeminarum se reperisse, chirurgus Meges auctor est.

Propter hæc & album veratrum recte datur, atque etiam sæpius, donec ea digerantur. Et medicamenta imponuntur, quæ humorem vel educant, vel dissipent; quorum supra mentio facta est. Adurentibus quoque quidam utuntur, quæ exedunt, crustaque eum locum adstringunt: tum vero ut ulcus curant. Quæcunque autem ratio curandi est, corpus, puro ulcere, exercendum atque alendum est; donec ad cicatricem perveniat. Quæ cum medici doceant, ab iis requirenda. Quorundam rusticorum experimento cognitum, quem struma male habet, eum, si anguem edit, liberari.

8. De Furunculo.

Furunculus vero, est tuberculum acutum cum inflammatione, & dolore; maximeque ubi jam in pus vergit. Qui ubi ad apertus est, & exiit pus, subter apparet pars carnis in pus versa, pars corrupta subalbida, subrubra; quem ventriculum quidam furunculi nominant. In eo nullum periculum est, etiam si nulla curatio adhibeatur: maturescit enim per se, atque erumpit. Sed dolor efficit, ut potior medicina sit, quæ maturius liberet.

Proprium ejus medicamentum galbanum est. sed alia quoque supra comprehensa sunt. Si cætera desunt, imponi debet,

pri-

primum, non pingue emplastrum, ut id reprimat: deinde, si non repressit, quodlibet puri movendo accommodatum. si ne id quidem est, vel resina, vel fermentum.
 5 Expressio pure, nulla ultra curatio necessaria est.

9. *De Phymate.*

Phyma vero nominatur tuberculum furunculo simile, sed rotundius & planius, sæpe etiam majus. Nam furunculus ovi dimidii magnitudinem raro explet, nunquam excedit. Phyma etiam latius patere consuevit: sed inflammatio dolorque sub eo minores sunt. Ubi divulsum est, pus eodem
 15 modo apparet: ventriculus, qui in furunculo, non invenitur: verum omnis corrupta caro in pus vertitur. Id autem in pueris & sæpius nascitur & facilius tollitur: in juvenibus rarius oritur, & difficilius curatur.
 20 Ubi ætas induravit, ne nascitur quidem. Quibus vero medicamentis discuteretur, supra propositum est.

10. *De Phygethlo.*

Φύγεθλον autem est tumor, non altus, sed
 25 latus, in quo quiddam pustulæ simile est. Dolor distentioque vehemens est, & major quam pro magnitudine tumoris: interdum etiam febricula. idque tarde maturescit, neque magnopere in pus convertitur. Fit
 30 maxime aut in cervice, aut in alis, aut in inguinibus. Panum, ad similitudinem figuræ, nostri vocant. Atque id ipsum quo medicamento tolleretur, supra demonstravi.

Sed cum omnes hi nihil nisi minuti abscessus sint, generale nomen trahit latius vitium, totum ad suppurationem spectans. Idque fere fit aut post febres, aut post dolores partis alicujus, maximeque eos, qui ventrem ipsestarunt. Sæpiusque oculis expositum est, siquidem latius aliquando intumescit ad similitudinem ejus, quod *φύμα* vocari proposui, rubetque cum calore, & paulo post etiam cum duritia, magisque nocenter adolescit, & sitim vigiliamque exprimit. Interdum tamen nihil horum in cute deprehendi potest; maximeque, ubi altius pus movetur: sed cum sitis vigiliaque sentiuntur intus aliquæ punctiões. Et, quod de subito durius non est, melius est: & quod, quamvis rubet, coloris tamen in album mutati est. quæ signa jam pure oriente nascuntur: tumor enim ruborque multo ante incipiunt.

Sed, si locus nobilis est, avertendus materiæ aditus est per cataplasmata, quæ simul & reprimunt, & refrigerant: qualia & alias & paulo ante in erysipelate proposui. Si jam durior est, ad ea veniendum est, quæ digerant, & resolvant: qualis est ficus arida contusa: aut fex mista cum cerato, quod ex adipe suilla coactum sit; aut cucumeris silvestris radix, cui ex farina duæ partes adjectæ sint, ante ex mulso decoctæ. Licet etiam miscere æquis portionibus ammoniacum, galbanum, propolim, viscum; pondusque adjicere myrrhæ dimidio minus,

nus, quam in prioribus singulis erit. Atque emplastra quoque & malagmata idem efficiunt, quæ supra explicui.

Quod per hæc discussum non est, necesse est, maturescat. Idque quo celerius fiat, imponenda est farina ordeacea, ex aqua cocta, cui & olerum aliquid recte miscetur. Eadem aut hæc in minoribus quoque abscessibus, quorum nomina proprietasque supra edidi, recte fiunt. Eademque omnium curatio: tantummodo distat. Crudum est autem, in quo major quasi venarum motus est, & gravitas, & ardor, & distentio, & dolor, & rubor, & durities: 15 & si major abscessus est, horror, atque etiam febricula permanet: penitusque condita suppuratione pro his, quæ alioqui cutis ostendit, punctiones sunt. Vbi ista se remiserunt, jamque cutis prurit, & aut sub- 20 lividus, aut subalbidus est, matura suppurationis est. Ex qua, ubi vel per se, vel per medicamenta, vel etiam ferro aperta est, pus debet emitti. Tum, si qua in alis, vel in- 25 guinibus sunt, sine linamento nutrienda sunt. In cæteris quoque partibus, si ima plaga exigua est, si mediocris suppurationis fuit, si non alte penetravit, si febris non est, si valet corpus, æque linamenta supervacua sunt. In reliquis, parce tamen, nec, 30 nisi magna plaga est, imponi debent. Commode vero mel super linamenta, vel sine his imponitur lenticula ex melle, aut mallicorium ex vino coctum. quæ & per se & mista idonea sunt.

Si qua circa duriora sunt, ad ea mollienda, vel malva contrita, vel fœni græci lini-
ve semen ex passo coctum superdandum
est. Quicquid deinde impositum est, non
adstringi, sed modice deligari debet. Illos
neminem decipi decet, ut in hoc genere ce-
rato utatur. Cætera, quæ pertinent ad pur-
gandum ulcus, ad implendum, ad cicatri-
cem inducendam, conveniuntque vulneri-
bus, exposita sunt.

10

12. De Fistulis.

Nonnunquam autem ex ejusmodi abs-
cessibus, & ex aliis ulcerum generibus,
fistulæ oriuntur. Id nomen est ulceri alto,
angusto, calloso. Fit in omni fere parte
corporis: habetque quædam in singulis lo-
cis propria. Prius de communibus dicam.
Genera igitur fistularum plura sunt. siqui-
dem aliæ breves sunt, aliæ altius pene-
trant: aliæ rectæ intus feruntur, aliæ mul-
toque plures transversæ: aliæ simplices sunt,
alię duplices triplicesve; quę ab uno ore or-
sæ intus tres fiunt, aut etiam in plures sinus
dividuntur: aliæ rectæ, aliæ flexæ, & tor-
tuosæ sunt: aliæ intra carnem desinunt,
aliæ ad ossa aut cartilaginem penetrant;
aut, ubi neutrum horum subest, ad inte-
riora perveniunt: aliæ deinde facile, aliæ
cum difficultate curantur, atque etiam
quædam insanabiles reperiuntur.

30

Expedita curatio est in fistula simplici,
recenti, intra carnem. Adjuvatque ipsam
corpus, si juvenile, si firmum est. Inimica
contraria his sunt: itemque, si fistula os,
vel

vel cartilaginem, vel nervum, vel musculos læsit; si articulum occupavit; si vel ad vesicam, vel ad pulmonem, vel ad vulvam, vel ad grandes venas arteriasve, vel ad
5 maxillas, guttur, stomachum, thoracem penetravit. Ad intestina quoque eam tendere, semper periculosum, sæpe pestiferum est. Quibus multum mali accedit, si corpus vel ægrum, vel senile, vel mali habi-
10 tus est.

Ante omnia autem demitti specillum in fistulam convenit; ut, quo tendat, & quam alte perveniat, scire possimus. simul etiam, prorsus humida, an siccior sit: quod extra-
15 cto specillo patet. Id quoque disci potest, in osse vitium sit, nec ne: & si jam eo fistula penetravit, quatenus nocuerit. Nam, si molle est, quod ultimo specillo contingitur, intra carnem adhuc vitium est: si ma-
20 gis id renititur, ad os ventum est. Ibi deinde si dilabitur specillum, nondum caries est: si non dilabitur sede, qua innititur, caries quidem, verum adhuc levis est: si inæquale quoque & asperum subest, vehementer
25 tius os exesum est. At cartilago ubi subest, ipsa sedes docet: perventumque esse ad eam, ex renisu patet.

Ex his quidem colliguntur fistularum sedes, spatia, noxæ. Simples vero hæ
30 sint, an in plures partes diducantur, cognosci potest ex modo puris. Cujus si plus fertur, quam quod simplici spacio convenit, plures sinus esse manifestum est. Cumque fere juxta sint caro, & nervus, & ali-
qua

qua nervosa, quales fere tunicae membra-
naeque sunt, genus quoque puris docebit,
num plures sinus intus diversa corporis ge-
nera perroserint. Siquidem ex carne pus
laeve, album, copiosius fertur: at ex ner-
voso loco, coloris quidem ejusdem, sed te-
nuius & minus: ex nervo, pingue & oleo
non dissimile. Denique etiam corporis in-
clinatio docet, num in plures partes fistulae
penetrarint, quia saepe, cum quis aliter de-
cubuit, aliterque membrum collocavit, pus
ferri, quod jam desierat, iterum incipit;
testaturque, non solum alium sinum esse,
ex quo descendat, sed etiam in aliam cor-
poris partem eum tendere.

15

Si in carne & recens & simplex est; ac
neque sinuosa neque cava sede; neque in
articulo, sed in eo membro, quod per se
immobile, non nisi cum toto corpore mo-
vetur, satis proficiet emplastrum, quod re-
centibus vulneribus imponitur, dum ha-
beat vel salem, vel alumen, vel squamiam
aëris, vel æruginem, vel ex metallicis ali-
quid. Exque eo collyrium fieri debet alte-
ra parte tenuius, altera paulo plenius. Idque
ea parte, qua tenuius est, antecedente de-
mitti oportet in fistulam, donec purus san-
guis se ostendat. quæ in omnibus fistularum
collyriis perpetua sunt. Idem deinde em-
plastrum in linteolo superimponendum; su-
praque injicienda spongia est, in acetum
ante demissa: solvique quinto die satis est.
Genus victus adhibendum est, quo carnem
ali docui.

At,

At, si longius à præcordiis fistula est, ex intervallo jejunum radículas esse, d inde vomere, necessarium est.

Quum vetustate callosa sit fistula (callus
5 autem neminem fallit, quia durus est, & aut
albus, aut pallidus) tum validioribus me-
dicamentis opus est. Quale est, quod ha-
bet papaveris lachrymæ p. i. *. gummi p.
111. *. cadmiæ p. 1111. *, atramenti futo-
10 rii p. v111. *. ex quibus aqua coactis col-
lyrium fit. Aut in quo sunt gallæ p. i. *.
æruginis, sandarachæ, aluminis Ægyptii
singulorum p. i. *. atramenti futorii com-
busti p. 11. *. Aut quod constat ex chalciti-
15 de, & è saxo calce; quibus adjicitur auri-
pigmenti dimidio minus, quàm in singulis
prioribus est; eaque melle cocto excipiun-
tur. Expeditissimum autem est ex præce-
pto Megetis, æruginis rasæ p. 11. *. conte-
20 rere, deinde ammoniaci thymiamatis p. 11.
*. aceto liquare, eoque infuso æruginem
cogere. Idque ex primis medicamentis est.
Sed, ut hæc maximi effectus sunt, si cui ista
non adsunt, facile tamen est callum qui-
25 buslibet adurentibus medicamentis erode-
re: satisque est vel papyrum intortum, vel
aliquid ex penicillo in modum collyrii
adstrictum eo illinere. Scilla quoque cocta
& mixta cum calce, callum exest.

30 Si quando vero longior & transversa fi-
stula est, demisso specillo, contra princi-
pium hujus incidi commodissimum est, &
collyrium, quod volueris, demitti.

At si duplicem esse fistulam vel multipli-
cem

cem existimamus, sic tamen ut brevis, intraque carnem sit, collyrio uti non debemus; quod unam partem curet, reliquas omittat: sed eadem medicamenta arida in calamum scriptorium conjiciendas sunt,isque ori fistulæ aptandus, inspirandumque, ut ea medicamenta intus compellantur. Aut eadem ex vino liquanda sunt; vel, si sordidior fistula est, ex mulso; si callosior, ex aceto; atque intus infundendum, 10 quicquid inditum est. Superponenda sunt, quæ refrigerent & reprimant. nam fere, quæ circa fistulam sunt, habent aliquid inflammationis. Neque alienum est, ubi quis resolverit, antequam rursus alia medicamen- 15 ta injiciat, per oricularium clysterem fistulam eluere; si plus puris fertur, vino; si callus durior est, aceto; si jam purgatur, mulso, vel aqua, in qua ervum coctum sit, sic ut huic quoque mellis paululum adjiciatur. 20

Fere vero fit, ut ea tunica, quæ inter foramen & integram carnem est, victa tot medicamentis exeat, infraque ulcus purum sit. Quod ubi contigit, imponenda glutinantia sunt; præcipueque spongia melle cocto illi- 25 ta. Neque ignoro, multis placuisse linamentum, in modum collyrii compositum & tinctum melle, implendi causa demitti. sed celerius sic glutinatur, quam impletur. Neque verendum est, ne purum corpus puro cor- 30 pori junctum non coeat; adjectis quoque medicamentis ad id efficacibus; cum sæpe exulceratio digitorum, nisi magna cura prospeximus, sanescendo in unum eos jungat.

13. *De Ulceris genere, quod κνησιος nominatur.*

Est etiam ulceris genus, quod à favi similitudine κνησιος Græcis nominatur. Idque duas species habet. Alterum est subalbidum, & furunculo simile; sed majus, & cum magno dolore. Quod, ubi maturefeit, habet foramina; per quæ fertur humor glutinosus, & purulentus; nec tamen adjutam maturitatem pervenit. Si divisum est, 10 multo plus intus corrupti, quam in furunculo, apparet, altiusque descendit. Raro fit nisi in capillis.

Alterum est minus, & super caput emnens, durum, latum, subviride, subpallidum, 15 magis exulceratum: siquidem ad singulorum pilorum radices foramina sunt, per quæ fertur humor glutinosus, subpallidus, crassitudinem mellis, aut visci referens, interdum olei: & si inciditur, viridis 20 intra caro apparet. Dolor autem, & inflammatio ingens est, adeo ut acutam quoque febrem movere consuerint.

Super id, quod minus crebris foraminibus exasperatum est, recte imponitur & 25 ficus arida, & lini semen in mulso coctum, & emplastra ac malagmata materiam educentia, aut quæ proprie huc pertinentia supra posui.

Super alterum, & eadem medicamenta, 30 & farina ex mulso cocta, sic ut ei dimidium resinæ terebinthinæ misceatur; & ficus in mulso decocta, cui paulum hyssopi contriti sit adjectum; & uvæ taminæ pars quarta fico adjecta. Quod si parum in utrolibet genere

genere medicamenta proficiunt, totum
ulcus usque ad sanam carnem excidi oportet. Ulcere ablato, super plagam medicamenta danda sunt; primum, quæ pus ci-
tent; deinde, quæ purgent; tum, quæ im-
pleant.

14. De *Acrochordone*, & *Thymio*,
& *Myrmecis*, & *Clavo*.

Sunt vero quædam verrucis familia;
quorum diversa nomina, ut vitia sunt.¹⁰
Ακροχόρδονα Græci vocant, ubi sub cu-
te coit aliquid durius, & interdum paulo
asperius, coloris ejusdem; infra ad cutem
tenue, supra latius. idque modicum est,
quia raro fabæ magnitudinem excedit. Vix¹⁵
unum tantum eodem tempore nascitur, sed
fere plura, maximeque pueris: eaque non-
nunquam subito desinunt, nonnunquam
mediocrem inflammationem excitant.
sunt, quæ etiam in pus convertuntur. ²⁰

Ακροθύμιον nominatur, quod super cor-
pus quasi verrucula eminet, ad cutem la-
tius, supra tenue, subdurum, & in summo
perasperum. Id, qua summum, colorem flo-
ris thymi repræsentat; unde ei nomen est;²⁵
ibique facile finditur, & cruentatur; non-
nunquam aliquantum sanguinis fundit: se-
reque citra magnitudinem fabæ *Ægyptiæ*
est, raro majus, interdum perexiguum.
Modo autem unum, modo plura nascun-³⁰
tur, vel in palmis, vel in inferioribus pe-
dum partibus: pessima tamen in obscænis
sunt; maximeque ibi sanguinem fundunt.

Μυρμήκια autem vocantur humiliora
thymio

thymio durioraque. quæ radices altius exigunt, majoremque dolorem movent, infra lata, supra autem tenuia, minus sanguinis mittunt : magnitudine vix unquam lupini modum excedunt. Nascuntur ea quoque aut in palmis aut in inferioribus partibus pedum.

Clavus autem nonnunquam quidem etiam alibi, sed in pedibus tamen maxime nascitur, præcipue autem ex contuso, quamvis interdum aliter : doloremque, etiam si non alias, tamen ingredienti movet.

Ex his Acrochordon & acrothymium sæpe etiam per se finiuntur; &, quo minora sunt, eo magis. Myrmecia & clavi sine curatione vix unquam desinunt. Acrochordon, si excisa est, pullam radiculam relinquit, ideoque ne renascitur quidem. Acrothymio clavoque excisis, subrotunda radícula nascitur, quæ penitus descendit ad carnem : eaque relicta, idem rursus exit. Myrmecia latissimis radicibus inhærent: ideoque ne excidi quidem sine magna exulceratione possunt. Clayum subinde radere, commodissimum est. nam sine ulla vi sic mollescit. at, si sanguinis quoque aliquid emissum est, sæpe emoritur. Tollitur etiam, si quis eum circumpurgat, deinde imponit resinam, cui miscuit pulveris paululum, quem ex lapide molari cōtrito fecit. Cætera vero genera medicamentis adurenda sunt. Aliisque id, quod ex fece vini : myrmecijs id, quod ex alumine & sandaracha fit, aptissimum

simum est. Sed ea, quæ circa sunt, foliis contegi debent, ne ipsa quoque exulcerentur: deinde postea lenticula imponi. Tollit acrothymium etiam ficus in aqua decocta.

15. *De Pustularum generibus.*

At pustulæ imaxime vernis temporibus oriuntur. Earum plura genera sunt. Nam modo circa totum corpus partemve aspre-
do quædam fit, similis his pustulis, quæ ex urtica, vel ex sudore nascuntur; ἐξασθή-
ματα Græci vocant, eæque modo rubent,
modo colorem cutis non excedunt. Non-
nunquam plures, similes varis oriuntur,
nonnunquam majores. Pustulæ, lividæ
sunt, aut pallidæ, aut nigræ, aut aliter na-
turali colore mutato: subestque illis hu-
mor. Ubi hæ ruptæ sunt, infra quasi exul-
cerata caro apparet. Φλύκταινες ἐλκώδεις
Græce nominantur. Fiunt vel ex frigore,
vel ex igni, vel ex medicamentis.

Φλυζαίχιον autem paulo durior pustula est, subalbida, acuta. ex qua ipsa quod exprimitur, humidum est. Ex pustulis vero nonnunquam etiam ulcuscula fiunt, aut aridiora, aut humidiora: & modo tantum cum prurigine, modo etiam cum inflam-
matione ac dolore: exitque aut pus, aut sanies, aut utrumque. Maximeque id evenit in ætate puerili: raro, in medio corpo-
re: sæpe, in eminentibus partibus.

Pessima pustula est, quæ ἐπινοκπῆς vocatur. Ea colore vel sublivida, vel subnigra, vel alba esse consuevit. Circa hanc autem
vehe-

vehemens inflammatio est; & , cum aperta est, reperitur intus exulceratio mucosa, colore humori suo similis. Dolor ex ea supra magnitudinem ejus est: neque enim ea faba
5 major est. Atq; hæc quoq; oritur in eminentibus partibus, & fere noctu. unde nomen quoque à Græcisei *ἐμπύρις* est impositum.

In omni vero pustularum curatione primum est, multum ambulare, atque exerceri: si quid ista prohibet, gestari. Secundum
10 est, cibum minuere: abstinere ab omnibus acribus & extenuantibus. eademque nutrices facere oportet, si lactens puer ita affectus est. Præter hæc, is, qui tam robu-
15 stus est, si pustulæ minutæ sunt, desudare in balneo debet; simulque super eas nitrum inspergere; oleoque vinum miscere, & sic ungi; tum descendere in solium. Si nihil sic proficitur, aut si majus pustularum ge-
20 nus occupavit, imponenda lenticula est; detractaque summa pellicula, ad medicamenta lenia transeundum. *Ἐμπύρις* post lenticulam, recte herba quoque sanguinali, vel viridi coriandro curatur.

25 Ulcera vero ex pustulis facta tollit spuma argenti cum semine scæni græci mixta sic, ut his invicem rosa atque intubi succus adjiciatur, donec mellis crassitudo ei fiat. Proprie ad eas pustulas, quæ infantes
30 male habent, lapidis, quem *πυρίθω* Græci vocant, p. VII I. *. cum quinquaginta amaris nucibus miscetur, adjiciunturque olei cyathi tres. Sed prius ungi ex cerussa pustulæ debent, & tum hoc illini.

Scabies vero est durities cutis rubicundior. ex qua pustulæ oriuntur, quædam humidiores, quædam sicciores. Exit ex quibusdam sanies; fitque ex his continuata, exulceratio pruriens; serpitque in quibusdam cito. Atque in aliis quidem ex toto definit, in aliis vero certo tempore anni revertitur. Quo asperior est, quoque prurit magis, eo difficilius tollitur. Itaque eam, quæ talis est, *ἀγρία* Græci appellant, id est feram.

In hac quoque victus ratio eadem, quæ supra, necessaria est. Medicamentum autem ad incipientem hanc idoneum est; quod fit ex spodii, croci, æruginis, singulorum p. i. *. piperis albi, omphacii, singulorum p. i. *. cadmiæ r. viii. *. At, ubi jam exulceratio est, id, quod fit ex sulphuris p. i. *. ceræ p. iv. *. picis liquidæ hemina, olei sextariis duobus. quæ simul usque ad crassitudinem mellis incoquantur. Est etiam, quod ad Protarchum authorem refertur. Habet hoc farinæ lupinorum sextarium, nitri cyathos quatuor, picis liquidæ heminam, resinæ humidæ selibram, aceti cyathos tres. Crocum quoque, lycium, ærugo, myrrha, cinis, æquis portionibus recte miscentur, & ex passo coquantur. Idque omnem utique scabiem sanat. Ac, si nihil aliud est, amurca ad tertiam partem decocta, vel sulphur picis liquidæ mistum, sicut de pectoribus proposui, hominibus quoque scabie laborantibus opitulantur.

17. *De Impetiginis speciebus.*

Impetiginis vero species sunt quatuor. Minime mala est, quæ similitudine scabiem repræsentat. nam & rubet, & durior est, & exulcerata, & rodit. Distat autem ab ea, quæ magis exulcerata est, & varis similes pustulas habet; videnturque esse in ea quasi bullulæ quædam, ex quibus interpolito tempore quasi squamulæ solvuntur, 10 certioribusque hoc temporibus revertitur.

Alterum genus est pejus & simile papulæ fere, sed asperius rubicundiusque, figuras varias habens: squamulæ ex summa cute decidunt, rosio major est, celerius & 15 latius procedit, certioribusque etiam, quam prior, temporibus & fit, & desinit. Rubra cognominatur.

Tertia etiamnum deterior est. nam & crassior est, & durior, & magis tumet; in summa 20 cute finditur, & vehementius rodit. Ipsa quoque squamosa, sed nigra est: proceditque & latet, nec tardat: minus vero errat, in temporibus, quibus aut oritur, aut desinit; neque ex toto tollitur. Nigræ cognomen est.

25 Quartum genus est, quod curationem omnino non recipit, distans colore. nam subalbidum est, & recenti cicatrici simile; squamulasque habet pallidas, quasdam subalbidas, quasdam lenticulæ similes: quibus 30 demptis, profluit sanguis nonnunquam. Alioqui vero humor ejus albidus est, cutis dura atque fissa est, proceditque latius.

Hæc vero omnia genera maxime oriuntur in pedibus, & manibus; atque un-

gues quoque infestant. Medicamentum non aliud valentius est, quam quod ad scabiem quoque pertinere sub authore Protarcho retuli. Serapion autem, nitri p. 11 * sulphuris p. 1 v. * excipiebat resinas copiosas, coque utebatur.

18. De Papulis.

Papularum vero duo genera sunt. Alterum est, in quo per minimas pustulas cutis exasperatur, & rubet, leviterque ro- 10 ditur, medium habet pauxillo levius: tarde serpit, idque vitium maxime rotundum incipit, eademque ratione in orbem procedit. Alterum est, quam *alveius* Græci appellant. In qua similiter quidem, sed ma- 15 gis cutis exasperatur, exulceraturque, ac vehementius & roditur, & rubet, & interdum etiam pilos remittit.

Quæ minus rotunda est, difficilius sanescit: nisi sublata est, in impetiginem verti- 20 tur. Sed levis papula etiam, si jejuna saliva quotidie defricetur, sanescit. Major, commodissime murali herba tollitur, si super eadem trita est. Ut vero ad composita medicamenta veniamus, idem illud Protar- 25 chi tanto valentius in his est, quanto minus in his vitii est. Alterum ad idem, Miconis: nitri rubri, thuris, singulorum p. 1. * cantharidum purgatarum p. 11. * sulphuris ignem non experti tantundem, re- 30 sinæ terebinthinæ liquidæ p. xx. * farinæ lolii sext. 111. gith cyathi tres, picis crudæ sext. unum.

19. De Vitiliginis speciebus, id est, de Albo,
& Melane, & Leuce.

Vitiligo quoque, quamvis per se nullum
periculum adfert; tamen & foeda est, & ex
5 malo corporis habitu fit. Ejus tres species
sunt. Αλφῶ vocatur, ubi color albus est,
fere subasper & non continuus, ut quædam
quasi guttæ dispersæ esse videantur. inter-
dum etiam latius, & cum quibusdam in-
10 termissionibus serpit. Μέλαι colore ab hoc
differt, quia niger est, & umbræ similis.
cætera eadem sunt. Λευκὴ habet quiddam
simile alphi, sed magis albida est, & altius
descendit; in eaque albi pili sunt, & lanu-
15 gini similes. Omnia hæc serpunt: sed in
aliis celerius, in aliis tardius. Alphos &
Melas in quibusdam variis temporibus
oriuntur & desinunt. Leuce, quem occu-
pavit, non facile dimittit.

20 Priora curationem non difficillimam re-
cipiunt: ultimum vix unquam sanescit; ac,
si quid ei vitio demptum est, tamen non
ex toto sanus color redditur. Utrum autem
aliquod horum sanabile sit, an non; experi-
25 mento facile colligitur. Incidi enim cutis
debet, aut acu pungi. si sanguis exit, quod
fere fit in duobus prioribus, remedio locus
est: si humor albidus, sanari non potest.
Itaque ab hoc quidem abstinendum est.

30 Super id vero, quod curationem recipit,
imponenda lenticula mixta cum sulphure
& thure, sic, ut ea contrita ex aceto sit.
Aliud ad idem, quod ad Irenæum autho-
rem refertur. Alcyonium, nitrum, cumi-

num, ficifolia arida paribus portionibus contunduntur, adjecto aceto. His in sole vitiligo perungitur: deinde non ita multo post, ne nimis erodatur, eluitur. Proprie quidem, Micone authore, eos, quos Alphos vocari dixi, hoc medicamento perungunt: sulphuris p. ii. *. nitri p. iv. *. myrrhæ aridæ contritæ acetabulum miscent, deinde in balneo super vitiliginem inspergunt farinam ex faba, tum hæc inducunt. Hi vero, quos Melanas vocari dixi, curantur, cum simul contrita sunt alcyonium, thus, hordeum, faba, eaque sine oleo in balneo antefudorem insperguntur, ac tum genus id vitiliginis defricatur. 15

LIBER SEXTUS.

CAP. I.

20

De Vitiis singularium corporis partium.

DIXI de his vitiis, quæ per totam corpus orientia, medicamentorum auxilia desiderant. nunc ad ea veniam, 25 quæ non nisi in singulis partibus incidere consueverunt, orsus à capite.

I. De capillis fluentibus.

In hoc igitur capillis fluentibus maxime quidem sæpe radendo succurritur. Adjicit 30 etiam vim quandam ad continendum ladanum cum oleo mistum. Nunc de his capillis loquor, qui post morbum fere fluunt. Nam, quo minus caput quibusdam ætate nu-

C A P. I I.

De Porriginē.

5 **P**ORRIGO autem est, ubi inter pilos quædam quasi squamulæ surgunt, exque à cute resolvuntur; & interdum mudent, multo sæpius siccæ sunt. Idque evenit modo sine ulcere, modo exulcerato loco. Huic quoque modo malo odore, modo nullo accedente. Fereque id in capillo fit, rarius in barba, aliquando etiam in supercilio. Ac neque sine aliquo corporis vitio nascitur, neque ex toto inutile est. Nam
15 bene integro capite, non exit: ubi aliquod in eo vitium est, non incommodum est, summam cutem potius subinde corrumpi, quam id, quod nocet, in aliam partem magis necessariam verti.

20 Commodius est ergo subinde peccando repurgare, quam id ex toto prohibere. Si tamen ea res magis offendit (quod nimium humore sequente fieri potest; magisque, si is etiam mali odoris est) caput sæpe radendum est; dein id super adjuvandum aliquibus ex leviter reprimentibus; quale est nigrum cum aceto, vel ladanum cum myrteo & vino, vel myrobalanum cum vino. Si parum per hæc proficitur, vehementioribus uti licet; cum eo, ut sciamus, utique in recenti vitio id inutile esse.

CAP. III.

De Sycofi.

EST etiam ulcus, quod à fici similitudine *σύκωσις* à Græcis nominatur, quia caros in eo excrefcit : & id quidem generale est. Sub eo vero duæ species sunt. Altera, ulcus durum & rotundum est : altera, humidum & inæquale. Ex duro exiguum quiddam & glutinosum exit : ex humido plus, & mali odoris. Fit utrunque in iis partibus, quæ pilis conteguntur : sed, id quod callosum & rotundum est, maxime in barba; id vero, quod humidum, præcipue in capillo. 15

Super utrunque oportet imponere elaterium, aut lini semen contritum & aqua coactum, aut ficum in aqua decoctam, aut emplastrum tetrapharmacum ex aceto subactum. Terra quoque Erethria ex aceto 20 liquata recte illinitur.

CAP. IV.

De Areis.

AREARVM quoque duo genera sunt. 25 Commune utrique est, quod, emortua summa pellicula, pili primum exrenuantur; deinde excidunt: ac, si ictus is locus est, sanguis exit liquidus, & mali odoris: increfcitque utrumque in aliis celeriter, in 30 aliis tarde. Pejus est, quod densam cutem, & subpinguem, & ex toto glabram fecit. Sed ea, quæ *ἀλωπικία* nominatur, sub qualibet figura dilatatur. Fit & in capillo, & in barba.

barba. Id vero, quod à serpentis similitudine *ὀφίασσις* appellatur, incipit ab occipitio: duorum digitorum latitudinem non excedit: ad aures duobus capitibus serpit; quibusdam etiam ad frontem, donec se duo capita in priorem partem committant. Illud vitium in qualibet ætate est: hoc fere in infantibus. Illud vix unquam sine curatione: hoc per se sæpe finitur.

- 10 Quidam hæc genera arearum scalpello exasperant. quidam illinunt adurentia ex oleo; maximeque chartam combustam. quidam resinam terebinthinam cum thapsia inducunt. Sed nihil melius est, quam
15 novacula quotidie radere: quia, cum paulatim summa pellicula excisa est, adaperiuntur pilorum radiculæ. Neque ante oportet desistere, quam frequentem pilum nasci apparuerit. Id autem, quod subinde raditur;
20 illini atramento sutorio satis est.

C A P. V.

*De Varis, & Lenticulis,
& Ephelide.*

- 25 **P**ENE ineptiæ sunt, curare varos, & lenticulas, & ephelidas: sed eripi tamen foeminis cura cultus sui non potest. Ex iis autem, quæ supra proposui, vari lenticulæque vulgo notæ sunt; quamvis rarior
30 ea species est, quam *Φακία* Græci vocant; cum sit ea lenticula rubicundior, & inæqualior. *Ἐφελίς* vero à plerisque ignoratur: quæ nihil est, nisi asperitas quædam & durities mali coloris. Cætera non nisi in facie

cie: lenticulæ etiam in alia parte nonnunquam nasci solent. de qua per se scribere alio loco, visum operæ pretium non est.

Sed vari commodissime tolluntur imposita resina, cui non minus quam ipsa est, & aluminis scissilis, & paulum mellis adjectum est. Lenticulam tollunt galbanum & nitrum, cum pares portiones habent, contritaque ex aceto sunt, donec ad mellis crassitudinem venerint. His corpus illinendum est, & interpositis pluribus horis, mane cluendum, oleoque leviter ungendum.

Ephelidem tollit resina, cui tertia pars salis fossilis & paulum mellis adjectum est. Ad omnia vero ista, atque etiam ad colorandas cicatrices, prodest ea compositio, quæ ad Tryphonem patrem authorem refertur. In ea pares portiones sunt myrobalani, crocomagmatis, cretæ cimoliæ subceruleæ, nucum amararum, farinæ hordei atque ervi, struthii albi, fertulæ campanæ seminis. quæ omnia contrita, melle quam amarissimo coguntur, illitumque à vespere usque mane eluitur.

C A P. V I.

25

*De Oculorum morbis: & primo de his,
qui lenibus medicamentis
curantur.*

SED hæc quidem mediocria sunt. Ingen-
tibus vero & variis casibus oculi no-
stri patent. Qui cum magnam partem
ad vitæ simul & usum & dulcedinem con-
ferant, summa cura tuendi sunt.

Pro-

Protinus autem orta lippitudine; quædam notæ sunt, ex quibus, quid eventurum sit, colligere possimus. Nam, si simul & lacryma & tumor & crassa pituita coeperint; si ea pituita lachrymæ mista est; neque lachryma calida est, pituita vero alba & mollis, tumor non durus, longæ valetudinis metus non est. At si lachryma multa & calida, pituitæ paulum, tumor modicus, 10 idque in uno oculo est; longum id, sed sine periculo, futurum est. Idque lippitudinis genus minime cum dolore est; sed vix ante vigesimum diem tollitur: nonnunquam per duos menses durat; quandoque brevius 15 finitur.

Si pituita alba & mollis esse incipit; lachrymæque miscetur, aut, si simul hæ utrumque oculum invaserunt, potest esse brevior, sed periculum ulcerum est. Pituita 20 nota autem sicca & arida dolorem quidem movet, sed maturius desinit; nisi quid exulceravit.

Tumor magnus, si sine dolore est, & siccus, sine ullo periculo est: si siccus quidem, sed 25 cum dolore est, fere exulcerat; & nonnunquam ex eo casu fit, ut palpebra cum oculo glutinetur. Eiusdem exulcerationis timor in palpebris pupillisve est; ubi, super magnum dolorem, lachrymæ salis calidæque 30 eunt; aut etiam si, tumore jam finito, diu lachryma cum pituita profluit.

Pejus etiamnum est, ubi pituita pallida aut livida est, lachryma calida aut multa profluit, caput calet, à temporibus ad oculos

los dolor pervenit, nocturna vigilia urget. siquidem sub his oculus plerunque rumpitur, votumque est, ut tantum exulceretur. Intus ruptum oculam febricula juvat. Si foras jam ruptus procedit, sine auxilio est. Si de nigro aliquid albidum factum est, diu manet. At, si asperum, & crassum est, etiam post curationem vestigium aliquod relinquit.

Curari vero oculos sanguinis detractio-
ne, medicamento, balneo, fotu, vino, vetu-
stissimus author Hippocrates memoriae
prodidit. Sed eorum tempora & causas pa-
rum explicuit: in quibus Medicinæ sum-
ma est. Neque minus in abstinencia & alvi
ductione sæpe auxilii est. Hos igitur inter-
dum inflammatio occupat: ubi cum tumo-
re in his dolor est; sequiturque pituitæ cur-
sus, nonnunquam copiosior vel acrior, non-
nunquam utraque parte moderatior. In
ejusmodi casu prima omnium sunt quies
& abstinencia. Ergo primo die, loco ob-
scuro cubare debet sic, ut à sermone quo-
que abstineat: nullum cibum assumere; si
fieri potest, ne aquam quidem; si minus,
certe quam minimum ejus.

Quod si graves dolores sunt, commo-
dius secundo die; si tamen res urget, etiam
primo sanguis mittendus est; utique si in
fronte venæ tument, si firmo corpore ma-
teria superest. Si vero minor impetus, mi-
nus acrem curationem requirit. Alvum
non nisi secundo tertiove die duci oportet.
At modica inflammatio neutrum ex his
auxi-

auxilium desiderat: satisque est, uti quiete
& abstinentia.

Neque tamen in lippientibus longum je-
junium necessarium est, ne pituita tenuior
satque acrior fiat: sed secundo die dari de-
bet id, quod levissimum videri potest ex
iis, quæ pituitam faciunt crassiqrem; qua-
lia sunt ova sorbilia: si minor vis urget,
pulticula quoque, aut panis ex lacte. Inse-
10 quentibus diebus, quantum inflammationi
detraheretur, tantum adjici cibus poterit; sed
generis ejusdem: utique ut nihil falsum,
nihil acre, nihil ex his, quæ extenuant, su-
matur; nihil potui præter aquam. Et vi-
15 ctus quidem ratio talis maxime necessaria
est.

Protinus autem primo die, croci p. i. *.
& farinæ candidæ quam tenuissimæ p. ii. *.
excipere oportet ovi albo, donec mellis
20 crassitudinem habeat: idque in linteolum
illinere, & fronti agglutinare, ut, compres-
sis venis, pituitæ impetum cohibeat. Si cro-
cum non est, thus idem facit. Linteolo æn
lana excipiat, nihil interest. Superinun-
25 gi vero oculi debent sic, ut croci quantum
tribus digitis comprehendi potest, suma-
tur, myrrhæ ad fabæ, papaveris lachrymæ
ad lentis magnitudinem, eaque cum passo
conterantur, & specillo super oculos indu-
30 cantur. Aliud ad idem: myrrhæ p. i. *.
mandragoræ succi p. ii. *. papaveris la-
chrymæ p. ii. *. foliorum rosæ, cicutæ se-
minis, singulorum p. iii. *. acaciæ p. iv.
*. gummi p. viii. *. Et hæc quidem inter-
dip:

diu : noctu vero , quo commodior quies veniat , non alienum est , superimponere candidi panis interiorem partem ex vino subactam . nam & pituitam reprimat , & , si quid lachrymæ processit , absorbet , & oculum glutinari non patitur .

Si grave id & durum , propter magnum oculorum dolorem , videtur , ovi & album & vitellus in vas defundendum est , adiciendumque eo mulsi paulum , idque digito permiscendum ; ubi facta unitas est , demitti debet lana mollis bene carpta , quæ id excipiat , superque oculos imponi . Ea res & levis est , & refrigerando pituitam coercet , & non exarescit , & glutinari oculum non patitur . Farina quoque hordeacea cocta , & cum malo cotoneo cocto mixta , commode imponitur . Neque ab ratione abhorret , etiam penicillo potissimum uti expresso , si levior impetus est , ex aqua ; si major , ex posca . Priora fascia deliganda sunt , ne per somnum cadant : at hoc superimponi satis est , quia & reponi ab ipso ægro commode potest : & quia , cum inaruit , iterum madefaciendum est . Si tantum mali est , ut somnum diu prohibeat , eorum aliquid dandum est , quæ *αράδνα* Græci appellant : satisque est puero , quod ervi ; viro , quod fabæ magnitudinem impleat . In ipsum vero oculum primo die , nisi immodica inflammatio est , nihil recte conjicitur : sæpe enim potius concitatur eo pituita , quam minuitur . At secundo die , gravi quoque lippitudini per iudita medica-

men-

menta recte succurritur, ubi vel jam sanguis missus, vel alvus ducta est; aut, neutrum necessarium esse, manifestum est,

2. *De diversis oculorum collyriis.*

5 Multa autem multorumque collyria ad id apta sunt; novisque etiamnum misturis temperari possunt; cum lenia medicamenta, & modice reprimentia, facile & varie misceantur. Ego autem nobilissima excoquar.

3. *Philonis collyrium.*

Est igitur Philonis, quod habet cerusæ elotæ, spodii, gummi, singulorum p.
r. *. papaveris lachrymæ combustæ p. i.
15 *. Illud scire oportet, hæc quoque omnia
medicamenta, singula primum per se teri,
deinde mista iterum, adjecta paulatim vel
aqua, vel alio humore. Gummi cum quas-
dam alias facultates habeat, hoc maxime
20 præstat, ut, ubi collyria diu facta inarue-
runt, glutinata sint, neque frientur.

4. *Dionysii collyrium.*

Dionysii collyrium est: papaveris lachrymæ combustæ, donec tenerescat p. r.
25 *: thuris combusti, gummi, singulorum p.
ii. *. spodii p. iii. r. *.

5. *Cleonis collyrium.*

Cleonis nobile admodum: papaveris lachrymæ frictæ p. i. *. croci p. i. *. gum-
30 mi p. *. v. quibus, cum teruntur, adjicitur
rosæ succus. Aliud ejusdem valentius:
squamæ ferri, quod *σμίμνα* adpellant, p.
i. *. croci p. ii. *. spodii p. iv. *. plumbi
& eloti, & combusti p. i. *. gummi tan-
tur-

tundem. Ejus aliud quoque ad idem est, maxime ubi multa pituita profluit: castorei p. *. r. aloes p. *. i. myrrhæ p. ii. *. cadmiæ curatæ p. viii. *. stibii tantundem, acaciæ succi p. xii. *. quod, cum miscueris, in pixidicula seruetur. Theodotus vero huic compositioni adjecit papaveris lachrymæ combustæ p. *. i. æris combusti & eloti p. ii. *. nucleorum palmarum combustorum p. x. *. gummi p. xii. *. 10

6. *Theodoti collyrium, Acharistum appellatum.*

At ipsius Theodoti, quod à quibusdam *αχαιστου* nominatur, ejusmodi est: castorei, nardi indici, singulorum p. i. *. lycii p. *. papaveris lachrymæ tantundem; myrrhæ p. ii. *. croci, cerussæ elotæ, aloes, singulorum p. iii. *. cadmiæ botryitidis elotæ, æris combusti, singulorum p. viii. *. gummi p. xviii. *. acaciæ succi. p. xx. *. stibii tantundem, quibus aqua pluvialis 20 adjicitur.

7. *Cythion vel Tephron collyrium.*

Præter hæc, ex frequentissimis collyriis est id, quod quidam Cythion, quidam à cinereo colore Tephron appellant. Habet 25 amyli, tragacanthæ, acaciæ succi, gummi, singulorum p. i. *. papaveris lachrymæ. p. ii. *. cerussæ elotæ p. iv. *. spumæ argenti elotæ p. viii. quæ æque ex aqua pluviali conteruntur. 30

8. *Euelpidis collyrium, Trygodes nominatum.*

Euelpides autem, qui ætate nostra maximus fuit ocularius medicus, utebatur eo, quod ipse composuerat, & *τρυγώδης* nominabat. 35

nabat. Habet autem hoc, castorei p. 11. *.
 lycii, nardi, papaveris lachrymæ, singulo-
 rum p. 1. *. croci, myrrhæ, aloes, singu-
 lorum p. 1v. *. æris combusti p. viii. *.
 5 cadmiæ, & stibii, singulorum p. xii. *.
 acaciæ succi p. xxv. *. gummi tantundem.

Quo gravior vero quæque inflammatio
 est, eo magis leniri medicamento debet,
 adjecto vel albo ovi, vel muliebri lacte. At,
 10 si neque medicus, neque medicamentum
 præsto est, sæpius utrumlibet horum in
 oculos penicillo ad idipsum facto infusum,
 id malum lenit. Ubi vero aliquis relevatus
 est, jamque cursus pituitæ constitit, reli-
 15 quias fortasse leviores futuras discutiunt
 balneum & vinum. Igitur lavari debet le-
 viter, ante ex oleo perfricatus, diutiusque
 in cruribus & feminibus; multaque calida
 aqua fovere oculos; deinde per caput
 20 prius calida, tum egelida perfundi: à bal-
 neo cavere ne quo frigore afflatu ve læda-
 tur: posthæc cibo paulo pleniore, quam
 ex operum consuetudine, uti; vitatis ta-
 men omaibus pituitam extenuantibus: vi-
 25 num bibere lene, subausterum, modice
 vetus; neque effuse, neque timide; ut ne-
 que cruditas ex eo, & tamen somnus fiat,
 lenianturque intus latentia acria. Sed, si
 quis in balneo sensit majorem oculorum
 30 perturbationem, quam attulerat (quod inci-
 dere his solet, qui, manente adhuc pituitæ
 cursu, festinarunt) quamprimum discedere
 debet: nihil eo die vini assumere; cibi mi-
 nus etiam, quam pridie. deinde cumpri-
 mum

354 A. CORN. CELSI *Lib. 6.*
mum satis pituita substitit, iterum ad usum
balnei redire.

Solet tamen evenire nonnunquam, si-
ve tempestatum vitio, si-ve corporis, ut pluri-
bus diebus neque dolor, neque inflamma-
tio, & minime pituitæ cursus finiatur.
Quod ubi incidit, jamque ipsa vetustate
res matura est, ab his eisdem auxilium pe-
tendum est, id est balneo ac vino. Hæc enim
ut in recentibus malis aliena sunt; quia
concitare ea possunt, & accendere: sic in
veteribus, quæ nullis aliis auxiliis cesse-
runt, admodum efficacia esse consuerunt.
videlicet hic quoque, ut alibi, cum secun-
da vana fuerint, contrariis adjuvantibus. 15
Sed ante tonderi ad cutem convenit: dein-
de in balneo aqua calida quamplurima ca-
put atque oculos fovere: tum utrumque
penicillo detergere, & ungere caput irino
unguento; continereque in lectulo se, do- 20
nec omnis calor, qui conceptus est, finia-
tur; desinatque sudor, qui necessario in
capite collectus est. Tum ad idem cibi vi-
nique genus veniendum est sic, uti potiones
meracæ sint; obtegendumque caput, & 25
quiescendum. Sæpe enim posthæc gravis
somnus, sæpe sudor, sæpe alvi dejectio pi-
tuitæ cursum finit. Si levatum est malum
(quod aliquando serius fit) per plures
dies idem fieri oportet, donec ex toto sa- 30
nitas restituatur. Si diebus eisdem alvus
nihil reddit, ducenda est; quo magis supe-
riores partes leventur.

Nonnunquam autem ingens inflamma-
tio

tio tanto impetu erumpit, ut oculos è sua sede propellat. *πρόπτωση* id, quoniam oculi procidunt, Græci appellant. His utique, si vires patiuntur, sanguinem mitti: si id fieri non potest, alvum duci, longioremque in ediam induci, necessarium est. Opus autem lenissimis medicamentis est. Ideoque Cleonis collyrio quidam, quod ex duobus antepositum est, utuntur. Sed optimum est Nilei: neque de ullo magis inter omnes authores convenit.

9. *Nilei collyrium, omnium optimum.*

Id habet nardi Indici, papaveris lachrymæ, singulorum \mathfrak{p} . *. gummi \mathfrak{p} . i. *. croci \mathfrak{p} . ii. *. foliorum rosæ recentium \mathfrak{p} . iv. *, quæ vel aqua pluviali, vel vino levi subaustero coguntur. Neque alienum est, malicorium, vel fertulam campanam ex vino coquere, deinde conterere: aut myrrham nigram cum rosæ foliis miscere: aut hyoscyami folia cum ovi vitello cocta: aut farinam cum acaciæ succo, vel passo, aut mulso. Quibus si folia quoque papaveris adjiciuntur, aliquanto valentiora sunt. Horum aliquo præparato, penicillo fovere oculos oportet, ex aqua calida expresso, in qua ante vel myrti vel rosæ folia decocta sint: deinde, ex illis aliquid imponi. Præter hæc, ab occipitio incisa cute, cucurbitula adhibenda est.

Quod si per hæc restitutus oculus in sedem suam non est, eodemque modo prolapsus permanet, scire oportet, lumen esse amissum: deinde futurum, ut indurescat

is, aut in pus vertatur. Si suppuratio se ostendit, ab eo angulo, qui temporis propior est, incidi oculus debet; ut, effuso pure, inflammatio ac dolor finiatur, & intus tunicæ residant, quo minus foeda postea facies sit. Utendum deinde vel iisdem collyriis ex lacte aut ovo; vel croco, cui album ovi misceatur. At, si induruit, & sic emortuus est, ut ne in pus verteretur; quatenus foede prominebit, excidendum erit sic, ut hamo summa tunica apprehendatur, atque infra id scalpellus incidat: tum eadem medicamenta erunt injicienda, donec omnis dolor finiatur. Iisdem medicamentis in eo quoque oculo utendum est, qui primum procidit, deinde per plura loca fissus est.

10. *De Carbunculis oculorum.*

Solent etiam carbunculi ex inflammatione nasci, nonnunquam in ipsis oculis, nonnunquam in palpebris: & in his ipsis, modo ab interiore, modo ab exteriori parte. In hoc casu alvus ducenda est: cibus minuendus: lac potui dandum; ut acria, quæ læserunt, leniantur. Quod ad cataplasmata & medicamenta pertinet, his utendum, quæ adversus inflammationes proposita sunt. Atque hic quoque Nilei collyrium optimum est. Si tamen carbunculus in exteriori palpebræ parte est, ad cataplasmata aptissimum est lini semen ex mulso coctum; aut, si id non est, tritici farina eodem modo cocta.

11. *De Pustulis oculorum.*

Pustulæ quoque ex inflammationibus interdum oriuntur. Quod si inter initia protinus incidit, magis etiam servanda sunt, quæ de sanguine & quiete supra proposui: sin serius, quam ut sanguis mitti possit, alvus tamen ducenda est. Si id quoque aliqua res inhibet, utique victus ratio servanda est. Medicamentis autem hic quoque lenibus opus est; quale Nilei, quale Cleonis est.

12. *Philetis collyrium, ad pustulas oculorum.*

Id quoque, quod Philetis vocatur, huic aptum est. Habet enim myrrhæ, papaveris lachrymæ, singulorum p. 4. *. plumbi eloti, terræ samiæ, quæ αἰςιγ vocatur, tragacanthæ, singulorum p. 17. *. stibii cocti, amyli, singulorum p. 71. *. spodii eloti, cerussæ elotæ, singulorum p. 7111. *. quæ 20 aqua pluviali excipiuntur. Usus collyrii, vel ex ovo, vel ex lacte est.

13. *De Ulceribus oculorum, & de**Αἰςιβάνη collyrio.*

Ex pustulis ulcera interdum fiunt; eaque recentia æque lenibus medicamentis nutrienda sunt, & iisdem fere, quæ supra in pustulis proposui. Fit quoque proprie ad hæc, quod Αἰςιβάνη vocatur. Habet æris combusti, & eloti, papaveris lachrymæ frictæ singulorum p. 1. *. spodii eloti, thuris, stibii combusti & eloti, myrrhæ, gummi, singulorum p. 17. *.

14. *De Imminutione oculorum.*

Evenit etiam, ut oculi, vel ambo, vel sin-

inguli, minores fiant, quam esse naturaliter debeant. Idque & acer pituitæ cursus in lippitudine efficit, & continuati fletus, & ictus parum bene curati. In his quoque iisdem lenibus medicamentis ex muliebri lacte utendum est: cibis vero his, qui maxime corpus alere, & implere consueverunt: vitandaque omni modo causa, quæ lachrymas excitet, & cura domesticorum. quorum etiam, si quid forte incidit, ejus notitiæ subtrahendum: atque acria quoque medicamenta, & acres cibi non alio magis nomine his nocent, quam quod lachrymas movent.

15. *De Pediculis palpebrarum.*

15

Genus quoque vitii est, qui inter pilos palpebrarum pediculi nascuntur. id *ὀφθαλμίας* Græci nominant. Quod cum ex malo corporis habitu fiat, raro non ultra procedit: sed fere, tempore interposito, pituitæ cursus acerrimus sequitur; exulceratisque vehementer oculis, aciem quoque ipsam corrumpit.

His alvus ducenda est: caput ad cutem tondendum, diuque quotidie jejunis perfricandum. His, ambulationibus aliisque exercitationibus diligenter utendum: garizandum ex mulso, in quo nepeta & pinguis ficus decocta sit: sæpe in balneo multa calida aqua fovendum caput: vitandi acres cibi; lacte pingui vinoque utendum: bibendumque liberalius, quam edendum est. Medicamenta vero intus quidem lenia danda sunt; ne quid acrioris pitu-

pituitæ concitent: super ipsos vero pediculos alia, quæ necare eos, & prohibere, ne similes nascantur, possint. Ad idipsum spumæ nitri p. i. *. sandarachæ p. i. *. uvæ staminis, p. *. i. simul teruntur, adjiciturque vetus oleum pari portione, atque acetum, donec eis mellis crassitudo sit.

16. De Oculorum gravioribus morbis, qui ex inflammationibus oriuntur, & validioribus medicamentis curantur, & de Andreae collyrio, & de *Alg niggel* &c.

Hactenus oculorum morbi, qui lenibus medicamentis nutriuntur. Genera deinde alia sunt, quæ diversam curationem desiderant; fere ex inflammationibus nata, sed finitis quoque his manentia. atque imprimis in quibusdam perseverat tenuis pituitæ cursus. Quibus alvus ab inferiore parte evocanda est, demendumque aliquid ex cibo. Neque alienum est, illini frontem ex compositione Andreae. Quæ habet gummi p. i. *. cerussæ, stibii, singulorum p. i i. *. spumæ argenti coctæ & elotæ p. i v. *. sed ea spuma ex aqua pluviali coquitur; & arida hæc medicamenta ex succo myrti conteruntur. His illita fronte, cataplasma quoque superinjiciendum ex farina, quæ frigida aqua coacta sit, cuique aut acaciæ succus, aut cupressus adjecta sit. Cucurbitula quoque, inciso vertice, recte accommodatur; aut ex temporibus sanguis emit- titur. Inungi vero eo debet, quod habet squamæ æris, papaveris lachrymæ, singulorum p. *. cervini cornu combusti & eloti,

ti, plumbi eloti, gummi, singulorum p. iv.
 *. thuris p. xii. Hoc vero collyrium quia
 cornu habet, *Ἀλκὴ κίχρη* nominant. Quo-
 tiescunque non adjicio, quod genus hu-
 moris adjiciendum sit, aquam intelligis
 volo.

17. *Μεμεσίδιον, Euelpidis collyrium.*

Ad idem Euelpidis, quod *μεμεσίδιον*
 nominabat. In eo papaveris lachrymæ, &
 albi piperis, singulæ uncia sunt, gummi¹⁰
 libra, æris combusti p. i. *. Inter has au-
 tem curationes, post intermissione[m] ali-
 quam, profunt balneum & vinum. Cum-
 que omnibus lippientibus vitandi cibi sint,
 qui extenuant; tum præcipue, quibus te-¹⁵
 nuis humor diu fertur. Quod si jam fasti-
 dium est eorum, quæ pituitam crassior[m]
 reddunt, sicut in hoc genere materiæ ma-
 xime promptum est; confugiendum est ad
 ea, quæ, quia ventrem, corpus quoque ad-²⁰
 stringunt.

18. *De Oculorum ulceribus supercrescenti-
 bus, sordidis, cavis, veteribus.*

At ulcera, si cum inflammatione finita²⁵
 non sunt, aut supercrescentia, aut sordida,
 aut certe vetera esse consuerunt. Ex his su-
 percrescentia collyrio, quod *μεμεσίδιον*
 vocatur, optime reprimuntur. Sordida
 purgantur & eodem, & eo, quod Smilion³⁰
 nominatur.

19. *Smilion collyrium.*

Habet æruginis p. vi. *. gummi tantun-
 dem, ammoniaci, minii sinopici, singu-
 101

lorum ꝑ. xvi. *. quæ quidam ex aqua; quidam, quo vehementiora sint, ex aceto terunt.

20. *Phynon collyrium Euelpidis.*

5 Id quoque Euelpidis, quod Phynona appellabat, hic utile est: croci ꝑ. i. *. papaveris lachrymæ, gummi, singulorum ꝑ. ii. *. æris combusti & eloti, myrrhæ, singulorum ꝑ. iv. piperis albi ꝑ. vi. *. Sed ante liotum, hoc unguendum est.

21. *Sphæron collyrium Euelpidis.*

Id quoque ejusdem, quod Sphæron nominabat, eodem valet. Lapidis hæmatitis eloti ꝑ. ii. *. piperis grana sex, cadmiæ
15 clotæ, myrrhæ, papaveris lachrymæ, singulorum ꝑ. iii. *. croci ꝑ. iv. *. gummi ꝑ. viii. *. quæ cum vino aminæo contemruntur.

22. *Liquidum Euelpidis collyrium.*

20 Liquidum quoque medicamentum ad idem componebat. in quo erant hæc: æruginis ꝑ. *. minii combusti, atramenti sutorii, cinnamomi, singulorum ꝑ. iii. *. croci, nardi, papaveris lachrymæ, singulorum
25 ꝑ. i. *. myrrhæ ꝑ. ii. *. æris combusti ꝑ. iii. *. cineris ex odoribus ꝑ. iv. *. piperis grana xv. Hæc ex vino austero teruntur: deinde cum passi tribus heminis decoquuntur, donec corpus unum sit. Idque medi-
30 camentum vetustate efficacius fit.

23. *De cavis oculorum ulceribus.*

Cava vero ulcera commodissime implent ex his, quæ supra posita sunt, Sphæ-
rion, & id quod Philetis vocatur. Idem

Sphæriori vetustis ulceribus & vix ad cicatricem venientibus optime succurrit.

24. *Hermonis collyrium.*

Est etiam collyrium, quod cum ad plura valeat, plurimum tamen proficere in his ulceribus videtur. Refertur ad Hermonem authorem, quod habet piperis longi p. i. z. *. albi p. *. cinnamomi, costi, singulorum p. i. *. atramenti futorii, nardi, casia, castorei, singulorum p. i. i. *. gallæ p. v. *. myrrhæ, croci, thuris, lycii, cerussæ, singulorum p. v. i. i. *. papaveris lachrymæ p. x. i. *. aloe, æris combusti, cadmiæ, singulorum p. x. v. i. *. acaciæ, stibii, gummi, singulorum p. x. v. *. 15

25. *De Cicatricibus oculorum, quæ ex ulceribus factæ sunt, & de Asclepia, & Canopite, & Pyxino, collyriis.*

Factæ vero ex ulceribus cicatrices duobus vitiis periclitantur; ne aut cavæ, aut crassæ sint. Si cavæ sunt, potest eas implere id, quod Sphæriori vocari dixi; vel id, quod Asclepias nominatur. Habet hoc papaveris lachrymæ p. i. i. *. sagapeni, opopanax, singulorum p. i. i. i. *. æruginis p. 25 iv. *. gummi p. v. i. i. i. *. piperis p. x. i. i. *. cadmiæ elotæ, cerussæ, singulorum p. x. v. i. *. At, si crassæ cicatrices sunt, extenuat vel Smilioni, vel Canopite collyrium; quod habet cinnamomi, acaciæ, singulorum p. 30 i. *. cadmiæ elotæ, croci, myrrhæ, papaveris lachrymæ, gummi, singulorum p. i. i. *. piperis albi, thuris, singulorum p. i. i. i. *. æris combusti p. i. x. *. cum aqua pluviali.

tili. Vel Euelpidis Pyxinum, quod ex his
constat: salis fossilis p. iv. *. ammoniaci
thymiamatis p. viii. *. papaveris lachry-
mæ p. xii. *. cerussæ. p. xv. *. piperis albi,
5 croci cilicii, singulorum p. l. ii. *. gum-
mi p. xiiii. *. cadmiæ elotæ p. ix. *. Ma-
xime tamen tollere cicatricem videtur id,
quod habet gummi p. iiii. *. æruginis p.
i. *. crocomagnatis p. iv. *.

IO 26. *De alio genere Inflammationis oculorum.*

Est etiam genus inflammationis, in qua, si
cui tument ac distenduntur cum dolore
oculi, sanguinem ex fronte mitti necessa-
rium est: multaque aqua calida caput atque
15 oculos fovere: gargarizare ex lenticula, vel
ex fici cremore: inungi acribus medica-
mentis, quæ supra comprehensa sunt; ma-
ximeque eo, quod Sphæriorion nominatur,
quodque lapidem hæmatiten habet. Atque
20 alia quoque utilia sunt, quæ ad extenuan-
dam aspritudinem fiunt; de qua protinus
dicam.

Hæc autem inflammationem oculorum
fere sequitur; interdum major, interdum
15 levior. Nonnunquam etiam ex aspritu-
dine lippitudo fit, atque ipsam deinde
aspritudinem auget, fitque ea in aliis bre-
vis, in aliis longa, & quæ vix unquam fi-
niatur.

30 In hoc genere valetudinis quidam cras-
sas, durasque palpebras, & ficulneo folio,
& asperato specillo, & interdum scalpello
eradunt; versasque quotidie medicamen-
tis suffricant. Quæ neque nisi in magna

vetustaque aspritudine, neque sæpe facienda sunt. Nam melius eodem ratione victus & idoneis medicamentis pervenitur. Ergo exercitationibus utemur, & balneo frequentiore; multaque oculorum palpebras aqua calida fovebimus: cibi autem sumendi sunt acres & extenuantes.

27. *Cæsarianum collyrium.*

At medicamentum id, quod Cæsarianum vocatur, habet atramenti futorii p. 10 i. *. misyos p. *. piperis albi p. v. *. papaveris lachrymæ gummi, singulorum p. ii. *. cadmiæ lotæ. p. iii. *. stibii p. vi. *. Satisque constat, hoc collyrium adversus omne genus oculorum valetudinis idoneum esse; exceptis his, quæ lenibus nutriuntur.

28. *Hieracis collyrium.*

Id quoque, quod Hieracis nominatur, ad aspritudinem potest. Habet myrrhæ p. i. 20 *. ammoniaci thymiamatis p. ii. *. æruginis rasæ p. iv. *. cum aqua pluviali. Ad idem idoneum est etiam id, quod Canopite, & id quod Smilion vocatur, & id quod Pyxinum, & id quod Sphærimon. Si autem composita medicamenta non adsunt, felle caprino, vel quam optimo melle satis commode aspritudo curatur.

29. *De arida lippitudine.*

Est etiam genus aridæ lippitudinis, quod 30 *Ξηροφθαλμία* Græci appellant. Sub hoc neque tument, neque fluunt oculi, sed rubent tantum, & cum dolore quodam fere levi ac prurigine graves sunt, & palpebræ
citra

citra duritiem ullam noctu præ gravi pituita inhærescunt : quantoque minor generi huic impetus, tanto finis minus expeditior est.

5 In hoc vitio multum ambulare, multum exerceri , lavari sæpe , ibique desudare, multaue fricatione uti necessarium est. Cibi neque qui implent, neque nimium acres, apti sunt , sed inter hos medii. Mane , ubi
10 concoxisse manifestum est, non est alienum ex sinapi gargarizare , tum deinde caput atque os diutius perfricare.

30. *Rhinion collyrium.*

Collyrium vero hoc aptissimum est,
15 quod Rhinion vocatur. Habet myrrhæ p. i. *. papaveris lachrymæ, acaciæ succi, piperis, gummi, singulorum p. i. *. lapidis hæmatitis, lapidis phrygii, lycii, lapidis scissilis, singulorum p. i i. *. æris combusti p. i v. *. Ac pyxinum quoque eidem accommodatum est.

31. *De Scabris oculis.*

Si vero scabri oculi sunt , quod maxime in angulis esse consuevit , potest prodesse
25 Rhinion , id quod supra positum est. Potest similiter prodesse id, quod habet æruginis rasæ, piperis longi, papaveris lachrymæ, singulorum p. i i. *. piperis albi, gummi, singulorum p. i v. *. cadmiæ lotæ ,
30 cerussæ, singulorum p. v i. *. Nullum tamen melius est, quam Euelpidis, quod βασιλικόν nominabat. Habet papaveris lachrymæ, cerussæ , lapidis Asii , singulorum p. i i. *. gummi p. x i i i. *. piperis albi p. i v. *.

366 A. CORN. CELSI Lib. 6.
croci p. vi. *. pforici p. xiii. *. Nulla
autem per se materia est, quæ Pforicum
nominetur; sed chalcitidis aliquid, & cad-
miæ dimidio plus ex aceto simul conte-
runtur, idque in vas fictile inditum, & con-
tectum ficulneis foliis, sub terra reponitur
diebus viginti, & rursus sublatum teritur,
& sic appellatur pforicum. Verum de ba-
filico quoque collyrio convenit, ad omnes
affectus oculorum id esse idoneum, qui
non lenibus medicamentis curantur.

At, ubi non sunt medicamenta compo-
sita, scabros angulos lævant & mel & vi-
num. Succurritque & his & aridæ lippit-
rudini, si quis panem ex vino subactum
super oculum imponit. Nam, cum fere sit
humor aliquis, qui modo ipsum oculum,
modo angulos, aut palpebras exasperat, sic
&, si quid prodit humoris, extrahitur; &, si
quid juxta est, repellitur.

32. De Caligine oculorum.

Caligare vero oculi nonnunquam ex lip-
pitudine, nonnunquam etiam sine hac,
propter senectutem, imbecillitatemve a-
liam, consueverunt. Si ex reliquiis lippitu-
dinis id vitium est, adjuvat collyrium,
quod Aesclepias nominatur. Adjuvat & id,
quod ex crocomagmate fit.

33. Διὰ πρῶκ collyrium.

Proprie etiam ad id componitur, quod
διὰ πρῶκ vocant. Habet piperis p. i. *.
croci cilicii, papaveris lachrymæ, cerussæ,
singulorum p. i. *. pforici, gummi, singu-
lorum p. iv. *.

34. *De Caligine propter senectutem, aut aliam imbecillitatem.*

At, si ex senectute aliave imbecillitate id est, recte inungi potest, & melle quam optimo, & cyprino, & oleo vetere. Commodissimum tamen est, balsami partem unam, & olei veteris, aut cyprini partes duas, mellis quam acerrimi partes tres miscere. Utilia quoque huic medicamenta sunt, quæ ad localiginem proxime, quæque ad extenuandas cicatrices supra comprehensa sunt.

Cuicunque vero oculi caligabunt, huic opus erit multa ambulatione, atque exercitatione, frequenti balneo, ubi totum quidem corpus perfricandum est, præcipue tamen caput ex irino, donec insudet; velandumque postea, nec detegendum, antequam sudor & calor domi conquierint. Tum cibis utendum acribus, & extenuantibus: interpositisque aliquibus diebus, ex sinapi gargarizandum.

35. *De Suffusione oculorum.*

Suffusio quoque, quam Græci *ἰνέχυσις* nominant, interdum oculi pupillæ, quam 25cernit, se opponit. Quod si inveteraverit, manu curandum est. Inter initia nonnunquam certis observationibus discutitur. Sanguinem ex fronte vel naribus mittere; in temporibus venas adurere; gargarizando 30do pituitam evocare; suffumigare; oculos acribus medicamentis inungere, expedit. Victus optimus est, qui pituitam extenuat.

36. *De Resolutione oculorum.*

At ne resolutio quidem oculorum

(quam *παραλυσιν* Græci nominant) alio victus modo, vel aliis medicamentis curanda est. Exposuisse tantum genus vitii satis est. Igitur interdum evenit, modo in uno oculo, modo in utroque, aut ex ictu aliquo, aut ex morbo comitiali, aut ex distentione nervorum, qua vehementer ipse oculus convulsus est, ut is neque quoquam intendi possit, neque omnino consistat; sed hac illucve sine ratione moveatur, ideo-
10 que ne conspectum quidem rerum præstet.

37. *De Mydriasi oculorum.*

Non multum ab hoc malo distat id, quod *μυδρίασιν* Græci vocant. Pupilla diffunditur & dilatatur, aciesque ejus hebe-
15 scit, ac pene caligat. Difficillime genus id imbecillitatis eliditur. In utraque vero, id est paralyfi & mydriasi, pugnandum est per eadem omnia, quæ in caligine oculorum præcepta sunt, paucis tantum mutatis: si-
20 quidem ad caput irino interdum acetum, interdum nitrum adjiciendum est; oculos vero melle inungi satis est. Quidam in posteriore vitio calidis aquis usi, relevatione: quidam sine ulla manifesta causa subito
25 obæcati sunt. Ex quibus nonnulli, cum aliquandiu nihil vidissent, repentina profusione alvi, lumen receperunt. Quo minus alienum videtur, & recenti re & inter-
posito tempore, medicamentis quoque mo-
30 liri dejectiones, quæ omnem noxiam materiam in inferiora depellant.

38. *De Imbecillitate oculorum.*

Præter hæc imbecillitas oculorum est,
ex

ex qua quidem interdum satis, noctu nihil cernunt, quod in fœminam bene respondentibus menstruis non cadit. Sed sic laborantes inungi oportet sanguine jecinoris 5 (maxime hircini; sin minus, caprini) ubi id assum coquitur, excepto: atque edi quoque ipsum jecur debet. Licet tamen etiam iisdem medicamentis non inutiliter uti, quæ vel cicatrices, vel aspritudinem exte-
 10 nuant: Quidam contrito semine portulacæ mel adjiciunt eatenus, ne id ex specillo distillet, eoque inungunt. Utendum vero est exercitationibus, balneo, & fricationibus.

15 39. *Ad Oculos, qui extrinsecus offenduntur, & sanguine suffusi sunt.*

Et hæc quidem in ipsis corporibus oriuntur. Extrinsecus vero interdum sic ictus oculum lædit, ut sanguis in eo suffundatur. Huic nihil commodius est, quam sanguine vel columbæ, vel palumbæ, vel hirundinis inungere. Neque id sine causa fit; cum harum acies extrinsecus læsa, interposito tempore in antiquum statum redeat, celerrimeque hirundinis. Unde etiam locus fabulæ factus est, per parentes id herba restitui, quod per se sanescit. Eorum ergo sanguis nostros quoque oculos ab externo casu commodissime tuetur, hoc ordine; ut sit hirundinis optimus, deinde palumbæ, minimum efficax columbæ, & sibi ipsi, & nobis.

Supra percussum vero oculum, ad inflammationem leniendam, non est alienum

imponere etiam cataplasmata. Sed sal armeniacus, vel quilibet alius quam optime teri debet, sic, ut ei paulatim oleum adjiciatur, donec crassitudo strigmenti fiat. Id deinde miscendum est cum hordeacea farina, quæ ex mulso decocta sit. Facile autem, recognitis omnibus, quæ medici quoque prodiderunt, apparere cuilibet potest, vix ullum ex iis, quæ supra comprehensa sunt, oculi vitium esse, quod non simplicibus quoque, & promptis remediis subinde removeri possit.

C A P. VII.

De Aurium morbis.

15

HACTENUS in oculis ea reperiuntur, in quibus medicamenta plurimum possunt: ideoque ad aures transeundum est; quarum usum proximū à luminibus natura nobis dedit. Sed in his aliquanto majus periculum est. nam vitia oculorum intra ipsos nocent; aurium inflammationes doloresque, interdum etiam ad dementiam mortemque præcipitant. Quomagus inter initia protinus succurrendum est, ne majori periculo locus sit.

Ergo, ubi primum dolorem aliquis sensit, abstinere & continere se debet. Postero die, si vehementius malum est, caput tondere, idque irino unguento calido perungere, & operire. At magnus cum febre vigiliaque dolor exigit, ut sanguis quoque mittatur. Si id aliquæ causæ prohibent, alvus solvenda est. Cataplasmata quoque calida,

calida, subinde mutata, proficiunt; siue
foeni græci, siue lini, siue alia farina ex
mulso decocta. Recte etiam subinde admo-
ventur spongiæ; ex aqua calida expressæ.
5 Tum, levato dolore, ceratum circumdari de-
bet ex irino, aut cyprino factum. In quibus-
dam tamen melius, quod ex rosa est, proficit.
Si vehemens inflammatio somnum ex toto
prohibet, adjici cataplasmati debent, pa-
10 paveris cortices fricti atque contriti, sic ut
ex his pars dimidia sit; eaque tum simul ex
passo vel mulso decoquuntur. In aurem ve-
ro infundere aliquod medicamentum oport-
tet; quod semper ante tepesceri convenit,
15 commodissimeque per strigilem instillatur.
ubi auris repleta est, super lana mollis ad-
denda est, quæ humorem intus contineat.
Et hæc quidem communia sunt.

Medicamentum vero est & rosæ, & ra-
20 dicum arundinum succus, & oleum, in quo
lumbrici cocti sunt, & humor ex amaris nu-
cibus, aut ex nucleo mali persici expressus.
Composita vero ad inflammationem dolo-
remque leniendum hæc fere sunt: casto-
25 rei, papaveris lachrymæ pares portiones
conteruntur, deinde adjicitur his passum.
Vel papaveris lachrymæ, croci, myrrhæ
par modus sic teritur, ut invicem modo
rosa, modo passum instilletur. Vel id, quod
30 amarum in ægyptia faba est, conteritur,
rosa adjecta. Quibus myrrhæ quoque pau-
lulum à quibusdam miscetur, vel papaveris
lachrymæ, aut thus cum muliebri lacte, vel
amararum nucum cum rosa succus. Vel ca-
storei,

storei, myrrhæ, papaveris lachrymæ pares portiones cum passo. Vel croci p. i. *. myrrhæ, aluminis scissilis, singulorum p. iii. *. quibus, cum teruntur, paulatim miscentur passi cyathi tres, mellis minus cyatho. Idque ex primis medicamentis est. Vel papaveris lachryma ex aceto. Licet etiam compositione uti Themisonis; quæ habet castorei, opopanacis, papaveris lachrymæ ex aceto, singulorum p. ii. *. spumæ nitri p. iv. *. quæ contrita passo excipiuntur, donec cerati crassitudinem habeant; atque ita reponuntur. Ubi usus requirit, rursus id medicamentum, adjecto passo, pistillo teritur. Illud perpetuum est, quotiescunque crassius medicamentum est, quam ut in aurem instillari possit, adijciendum eum esse humorem, ex quo id componi debet, donec satis liquidum sit.

2. De Pure & malo odore aurium.

20

Si vero pus quoque aures habent, recte lycium per se infunditur; aut irinum unguentum; aut porri succus cum melle; aut centaureæ succus cum passo; aut succus mali punici in ipsius cortice tepefactus, adjecta myrrhæ exigua parte. Recte etiam miscentur myrrhæ, quam *σακτιν* cognominant, p. i. *. croci tantundem, nuces amaræ xxv. mellis sesquicyathus. quæ contrita, cum utendum est, in cortice mali punici tepefiant. Ea quoque medicamenta, quæ oris exulcerati causa componuntur, æque ulcera aurium sanant. Quæ si vetustiora sunt, & multa sanies fluit, apta

pta compositio, quæ ad authorem Erasistratum refertur. habet piperis, croci, singulorum, p. i. *. myrrhæ, misy cocti, singulorum p. ii. *. æris combusti p. ii. *. hæc ex vino teruntur: deinde ubi inaruerunt, adjiciuntur passi heminæ tres, & simul incoquantur. Cum vero utendum est, adjicitur his mel & vinum. Est etiam Ptolemæi chirurgi medicamentum, quod habet lentisuci, gallæ, singulorum p. i. *. omphacii p. i. *. succum punici mali. Est & Menophili validum admodum, quod ex his constat: piperis longi p. i. *. castorei p. ii. *. myrrhæ, croci, papaveris lachrymæ, nardi Syriaci, thuris, malicorii, ex Ægyptia faba partis interioris, nucum amararum, mellis quam optimi, singulorum p. i v. *. Quibus, dum conteruntur, adjicitur acetum quam acerrimum, donec crassitudo in his passi fiat. Est & Cratonis: cinnamomi, cassiæ, singulorum p. i. *. nardi, lycii, myrrhæ, singulorum p. i. *. aloes p. ii. *. mellis cyathi tres, vini sextarius. Ex quibus lycium cum vino decoquitur; deinde de his alia miscentur. At, si multum puris, malusque odor est, æruginis rasæ, thuris, singulorum p. ii. *. mellis cyathi duo, aceti quatuor simul incoquantur. ubi utendum est, dulce vinum miscetur. Aut aluminiis scissilis, papaveris lachrymæ, acaciæ succi par pondus miscetur, hisque adjicitur hyoscyami succi dimidio minor, quam unius ex superioribus, portio; eaque trita ex vino diluuntur. Per se quoque

que hyoscyami succus satis proficit.

3. *Compositiones ad omnia aurium vitia.*

Commune vero auxilium adversus omnes aurium casus, jamque usu comprobatum Asclepiades composuit. In eo sunt cin-
namomi, casia, singulorum p. i. *. floris
junci rotundi, castorei, piperis albi & lon-
gi, amomi, myrobalani, singulorum scri-
puli duo, thuris masculi, nardi syriaci,
myrrha pinguis, croci, spumæ nitri, singu-
lorum p. ii. *. Quæ separatim contrita,
rursus mixta, ex aceto conteruntur; atque
ita condita, ubi utendum est, aceto diluun-
tur. Eodem modo commune auxilium
auribus laborantibus est Polybi sphragis ex
dulci vino liquata. Quæ compositio priori
libro continetur.

Quod si & sanies profluit, & tumor est,
non alienum est, mixto vino per oricula-
rium clysterem eluere; & tum infundere
vinum austerum cum rosa mixtum, cui
spodii paulum sit adjectum, aut lycium
cum lacte, aut herbæ sanguinalis succum
cum rosa, aut mali punici succum cum exi-
gua parte myrrha. 25

4. *De Ulcere sordido aurium.*

Si sordida quoque ulcera sunt, melius
mulso eluuntur; & tum aliquod ex his,
quæ supra scripta sunt, quod mel habeat,
infunditur. Si magis pus profluit, & caput
utique tendendum, & multa calida aqua
perfundendum, & gargarizandum, & usque
ad lassitudinem ambulandum, & cibo mo-
dico utendum est. Si cruor quoque ex ul-
ceribus

ceribus apparet, lycium cum lacte debet infundi; vel aqua, in qua rosa decocta sit, succo aut herbæ sanguinalis, aut acaciæ adjecto.

5 Quod si super ulcera caro increvit, ea-
que mali odoris, & sanguinem fundit, aqua
tepida elui debet; tum infundi id, quod
ex thure & ærugine, & aceto, & melle fit,
aut mel cum ærugine incoctum. Squama
10 quoque æris cum sandaracha contrita per
fistulam recte instillatur.

5. *De Vermibus aurium.*

Ubi vero vermes orti sunt, si juxta sunt,
protrahendi oriculario specillo sunt: si
15 longius, medicamentis enecandi; caven-
dumque, ne postea nascantur. Ad utrun-
que proficit album veratrum cum aceto
contritum. Elui quoque aurem oportet vi-
no, in quo marrubium decoctum sit. Sic
20 mortui vermes in primam auris partem
prolabuntur, unde facillime educi possunt.

6. *Ad Compressa aurium foramina.*

Si foramen auris compressum est, & in-
tus crassa sanies subest, mel quam optimum
25 indendum est. Si id parum proficit, mellis
cyatho & dimidio, æruginis rasæ p. 11. *.
adjiciendum est, incoquendumque, & eo
utendum. Iris quoque cum melle ad idem
proficit. Item mellis & rosæ scripuli duo.
30 Item galbani p. 11. *. myrrhæ cum melle,
& fellis taurini, singulorum p. 11. *. vini
quantum satis est ad myrrham diluendam.

7. *Ad Gravem auditum.*

Ubi vero gravius aliquis audire cœpit
(quod

(quod maxime post longos capitis dolores evenire consuevit) in primis aurem ipsam considerare oportet. Apparebit enim aut crusta, qualis super ulcera innascitur, aut sordium coitus. Si crusta est, infundendum est aut oleum calidum, aut cum melle ærugo, vel porri succus, aut cum mulso nitri paulum. Atque, ubi crusta ex auricula procidit, eluenda est aqua tepida; quo facilius ea per se diducta oriculario specillo protrahat. Si sordes eæque molles sunt, eodem specillo eximendæ sunt. At, si duræ sunt, acetum & cum eo nitri paululum injiciendum est; cumque emollitæ sunt, eodem modo elui aurem, purgarique oportet. Quod si capitis gravitas manet: attendendum idem; & leniter, sed diu perfri-candum est, adjecto vel irino vel laureo oleo, sic ut utrilibet paululum aceti misceatur: tum diu ambulandum, leniterque post unctiorem aqua calida caput foven-dum: cibisque utendum ex imbecillissima & media materia; magisque assumendæ dilutæ potiones: nonnunquam gargari-zandum est. Infundendum autem in aurem castoreum cum aceto & laureo oleo & succo radiculae corticis: aut cucumeris agrestis succus, adjectis rosæ foliis contritis. Immaturæ quoque uvæ succus cum rosa instillatus, adversus surditatem satis proficit.

8. De Sonitu aurium:

Aliud vitii genus est, ubi aures intra se ipsæ sonant. Atque hoc quoque fit, ne exter-

ternum sonum accipiant. Levissimum est, ubi id ex gravedine est: pejus, ubi ex morbo, capitisve longis doloribus incidit: pessimum, ubi, magnis morbis venientibus, maximeque comitiali, provenit. Si ex gravedine est, purgare aurem oportet, & spiritum continere, donec inde humor aliquis exspumet. Si ex morbo vel capitis dolore, quod ad exercitationem, frictionem, 10 perfusionem, gargarizationemque pertinet, eadem facienda sunt: cibis non utendum nisi extenuantibus: in aurem dandus radiculae succus cum rosa, vel cum succo radicis ex cucumere agresti, vel castoreum 15 ex aceto, & laureo oleo. Veratrum quoque cum aceto conteritur, deinde melle costeo excipitur, & inde collyrium factum in aurem demittitur. Si sine his coepit, ideoque novo metu terret, in aurem 20 dari debet castoreum cum aceto, vel irino, vel laureo oleo; aut huic mixtum castoreum cum succo nucum amararum; aut myrrha & nitrum cum rosa & aceto. Plus tamen in hoc quoque proficit victus ratio: 25 eademque facienda sunt, quæ supra comprehendendi, cum majore quoque diligentia: & præterea, donec is sonus finiatur, à vino abstinendum.

Quod si simul & sonus est, & inflammatio, laurum oleum conjecisse abunde est, aut id, quod ex amaris nucibus exprimitur; quibus quidam vel castoreum, vel myrrham miscent.

9. *Ad ea, quæ in aurem inciderunt, extrahenda.*

Solet etiam interdum in aurem aliquid incidere, ut calculus, aliquodve animal. Si pulex intus est, compellendum eo lanæ paululum est; quo ipse si subit, & simul extrahitur. Si non est secutus, aliudve animal est, specillum lana involutum in resinam quam glutinosissimam, maximeque terebinthinam demittendum, idque in aurem injiciendum, ibique vertendum est. 10
utique enim comprehendet & eximet. Sin aliquid exanime est, specillo oriculario protrahendum est, aut hamulo retuso paululum recurvato. Si ista nihil proficiunt, potest eodem modo resina protrahi. Sternu- 15
tamenta quoque admota id commode elidunt, aut oriculario clystere aqua vehementer intus compulsa. Tabula quoque collocatur media, inhærens capitibus utrinque pendentibus, superque eam homo de- 20
ligatur in id latus versus, cujus auris eo modo laborat, sic ut extra tabulam non emineat: tum malleo caput tabulæ, quod à pedibus est, feritur; atque ita concussa aure, id quod inest, excidit. 25

C A P. V I I I.

De Narium morbis.

NARES vero exulceratas fovere oportet vapore aquæ calidæ. Id & 30
spongia expressa atque admota fit, & subjecto vase oris angusti, calida aqua repleto. Post id fomentum, illinenda ulcera sunt, aut plumbi recremento, aut cerussa,

russa, aut argenti spuma. cum quodlibet horum aliquis conterit, ei, dum teritur, invicem vinum & oleum myrteum adjiciat, donec mellis crassitudinem fecerit. Sin autem ea ulcera circa os sunt, pluresque crustas & odorem foedum habent, quod genus Græci ὀζυραν appellant; sciri quidem debet, vix ei malo posse succurri. Nihilominus tamen hæc tentari possunt; ut
10 caput ad cutem tondeatur, assidueque vehementer perfricetur, multaque calida aqua perfundatur: multa eidem ambulatio sit; cibus modicus, neque acer, neque valentissimus. Tum in narem ipsam mel cum
15 exiguo modo resinæ terebinthinæ conjiciatur (quod specillo quoque involuto lana fit) attrahaturque spiritu is succus, donec in ore gustus ejus sentiatur. Sub his enim crustæ resolvuntur, quæ tum per
20 sternutamenta elidi debent. Puris ulceribus vapor aquæ calidæ subjiciendus est: deinde adhibendum aut lycium ex vino dilutum, aut amurca, aut omphacium, aut menthæ, aut marrubii succus; aut atra-
25 mentum sutorium, quod candefactum, deinde contritum sit; aut interior scillæ pars contrita; sic ut horum cuilibet mel adjiciatur. Cujus in cæteris admodum exigua pars esse debet; in atramento sutorio
30 tanta, ut ea mistura liquida sit; cum scilla utique pars major; involvendumque lana specillum est, & in eo medicamentum tingendum, eoquæ ulcera implenda sunt. Rursusque linamentum involutum & oblon-

380 A. CORN. CELSI Lib. 6.
longum eodem medicamento illinendum,
demittendumque in narem, & ab inferiore
parte leniter deligandum. Idque per hie-
mem & ver bis die; per æstatem & autum-
num, ter fieri debet.

5

2. De Carnosi carunculis narium.

Interdum vero in naribus carunculæ
quædam similes muliebribus mammis na-
scuntur, hæque imis partibus, quæ car-
tilaginosæ sunt, inhærent. Has curare o-
portet medicamentis adurentibus; sub qui-
bus ex toto consumuntur. Πολύπτεσς vero
est caruncula, modo alba, modo subrubra,
quæ narium ossibus inhæret; & modo ad
labra tendens narem implet, modo retro
per id foramen, quo spiritus à naribus ad
fauces descendit, adeo increscit, ut post
uvam conspici possit; strangulatque homi-
nem, maxime austro aut euro flante; fere-
que mollis est, raro dura; eaque magis spi-
ritum impedit, & nares dilatat; fereque
καρκινώδης est; itaque attingi non debet il-
lud. Aliud genus fere quidem ferro cura-
tur; interdum tamen inarescit, si addita in
narem per linamentum aut penicillum ea
compositio est, quæ habet minii sinopici,
chalcitidis, calcis, sandarachæ, singulorum
P. I. *. atramenti futorii P. I I. *.

C A P. I X.

De Dentium dolore.

39

IN dentium autem dolore, qui ipse quo-
que maximis tormentis annumerari po-
test, vinum ex toto circumcidendum
est;

est: cibo quoque primo abstinendum ; de-
 inde eo modico mollique utendum , ne
 mandentis dentes irriter ; tum extrinsecus
 admovendus per spongiam vapor aquæ ca-
 lidæ ; imponendumque ceratum ex cypri-
 no aut irino factum , lanaque id compre-
 hendendum, caputque velandum est. Quod
 si gravior dolor est , utiliter & alvus duci-
 tur, & calida cataplasmata super maxillam
 10 injiciuntur, & ore humor calidus cum me-
 dicamentis aliquibus continetur , sæpius-
 que mutatur. Cujus rei causa & quinque-
 folii radix in vino mixto coquitur, & hyos-
 cyami radix vel in posca, vel in vino mix-
 15 to coquitur sic , ut paululum his salis adjici-
 ciatur; & papaveris non nimium aridi cor-
 tices, & mandragoræ radix , eodem modo.
 Sed in his tribus utique vitandum est , ne,
 quod haustum erit, devoretur. Ex populo
 20 quoque alba cortex radicis in hunc usum
 in vino mixto recte coquitur ; aut in aceto
 cornu cervini ramentum & nepeta cum te-
 da ac ficu pingui : item ficus pinguis vel
 in mulso, vel in aceto & melle ; ex quibus
 25 cum ficus discocta est , is humor percola-
 tur. Specillum quoque lana involutum
 in calidum oleum demittitur , eoque ipse
 dens fovetur. Quinetiam quædam quasi
 cataplasmata in dentem ipsum induntur.
 30 in quem usum ex malo punico acido atque
 arido malicorii pars interior cum pari por-
 tione & gallæ & pinei corticis conteritur,
 misceturque his minium ; eaque contrita
 aqua pluviali coguntur : aut panacis, pa-
 paveris

paveris lachrymæ, peucedani, uvæ taminie
 sine feminibus pares portiones conterun-
 tur: aut galbani partes tres, papaveris la-
 chrymæ pars quarta. Quicquid dentibus
 admotum est, nihilo minus supra maxil-
 lam ceratum (quale supra posui) esse debet
 lana obiectum. Quidam etiam myrrhæ,
 cardamomi, singulorum P. I. *. croci, pyre-
 thri, ficorum, piperis, singulorum P. IV. *.
 sinapis P. VIII. *. contrita linteolo illinunt, 10
 imponuntque in humero partis ejus, qua
 dens dolet; si is superior est, à scapulis; si
 inferior, à pectore: idque dolorem levat;
 & cum levavit, protinus submovendum
 est.

15

Si vero exesus est dens, festinare ad exi-
 mendum eum, nisi res coegit, non est ne-
 cesse: sed tum omnibus fomentis, quæ su-
 pra posita sunt, adjiciendæ quædam valen-
 tiores compositiones sunt, quæ dolorem 20
 levant. quales hæ sunt, quæ habent papa-
 veris lachrymæ P. I. *. piperis P. II. *. foreos
 P. X. *. quæ contrita galbano excipiuntur,
 idque circundatur: aut Menemachi, maxi-
 me ad maxillares dentes; in qua sunt, croci 25
 P. I. *. cardamomi, thuris fuliginis, ficorum,
 piperis, pyrethri, singulorum P. IV. *. sinapis
 P. VIII. *. Quidam autem miscent pyrethri,
 piperis, elaterii, singulorum P. I. *. alumi-
 nis scissilis, papaveris lachrymæ, uvæ ta- 30
 minie, sulphuris ignem non experti, bi-
 tuminis, lauri baccarum, sinapis, singulo-
 rum P. II. *. Quod si dolor eximi eum co-
 git, piperis semen cortice liberatum, & eo-
 dem

dem modo bacca hederæ coniecta in ejus
foramen, dentem findit, isque per testas ex-
cidet. Plani quoque piscis (quam nos pa-
stinacam, Græci *πυρίνα* vocant) aculeus tor-
5 retur, deinde conteritur, resinaque exci-
pitur, quæ denti circumdata hunc solvit.
Alumen quoque scissile in foramen conje-
ctum dentem citat. Sed id tamen involu-
tum in lanula demitti commodius est; quia
10 sic & dentem servat, & dolorem levat.
Hæc à Medicis accepta sunt: sed agrestium
experimento cognitum est, cum dens do-
luerit, herbam mentastrum cum suis radi-
cibus evelli debere, & in pelvem mitti, su-
15 praque aquam infundi, collocarique juxta
sedentem hominem undique veste conte-
ctum; tum in pelvem candentes filices de-
mitti, sic, ut aqua tegantur, hominemque
eum hiantē ore vaporem excipere, ut su-
20 pra dictum est. undique inclusum. Nam &
sudor plurimus sequitur, & per os conti-
nens pituita defluit; idque longiorem, sæpe
annuam valetudinem bonam præstat.

C A P. X.

De Tonsillis.

25 **S**I vero tonsillæ sine exulceratione per
inflammationem intumescunt, caput
quoque velandum est, & extrinsecus is
30 locus vapore calido fovendus; multa am-
bulatione utendum; caput in lecto subli-
me habendum; gargarizandumque reprimen-
tibus medicamentis. Radix quoque ea,
quam dulcem appellant, contusa & in passo mul-

mulsove decocta, idem præstat. Leniterque quibusdam medicamentis eas illini non alienum est; quæ hoc modo sunt. Ex malo punico dulci succus exprimitur, & ejus sextarius ad lenem ignem decoquitur, donece ei mellis crassitudo sit; tum croci, myrrhæ, aluminis scissilis, singulorum p. ii. *. per se conteruntur, paulatimque his adjiciuntur vini lenis cyathi duo, mellis unus; deinde priori succo ista miscentur, & rursus leniter incoquantur: aut ejusdem succi sextarius eodem modo coquitur, atque eadem ratione trita hæc adjiciuntur; nardi p. *. omphacii p. i. *. cinnamomi, myrrhæ, casia, singulorum p. i. *. Ea-15 dem autem hæc & auribus & naribus purulentis accommodata sunt. Cibus in hac quoque valetudine lenis esse debet, ne exasperet.

Quod si tanta inflammatio est, ut spiritum 20 impediat, in lecto conquiescendum; cibo abstinendum, neque assumendum quicquam præter aquam calidam est: alvus quoque ducenda est: gargarizandumque ex fico & mulso: illinendumque mel cum 25 omphacio. extrinsecus admovendus, sed aliquanto diutius, vapor calidus, donec ea suppurent, & per se aperiantur. Si pure substante non rumpuntur hi tumores, incidendi sunt: deinde mulso calido garga-30 rizando.

At, si modicus quidem tumor, sed exulceratio est, furfurum cremori ad gargarizando paulum mellis adjiciendum est, illi-

illinendaque ulcera hoc medicamento: passim quam dulcissimi tres heminae ad unam coquuntur; tum adjicitur thuris p. i. *. croci, myrrhæ, singulorum, p. *. iterumque omnia fervere. Ubi pura ulcera sunt, eodem furfurum cremore, vel lacte gargarizandum est. Atque hic quoque cibis lenibus opus est; quibus adjici dulce vinum potest.

10

CAP. XI.

De Oris ulceribus.

ULCERA autem oris, si cum inflammatione sunt, & parum pura ac rubicunda sunt, optime his medicamentis curantur, quæ supra posita ex malis punicis fiunt. Continendusque sæpe ore reprimens cremor est, cui paulum mellis sit adjectum: utendumque ambulationibus, & non acri cibo. Cum vero pura ulcera esse cœperunt, lenis humor, interdum etiam quam optima aqua ore continenda est. Prodestque assumptum purum vinum, pleniorque cibus, dum acribus vacet: inspergigue ulcera debent alumine scissili, cui dimidio plus gallæ immaturæ sit adjectum.

Si jam crustas habent, quales in adustis esse consuerunt, adhibendæ sunt compositiones, quas Græci *ἀσθμας* nominant. Habent hæ junci quadrati, myrrhæ, sandarachæ, aluminis, pares portiones: aut croci, myrrhæ, singulorum p. ii. *. iridis, aluminis scissilis, sandarachæ, singulorum p. iv. *. junci quadrati p. viii. *. aut gallæ,

R

myr-

myrrhæ , singulorum p. ii. *. aluminis
 scissilis p. ii. *. rosæ foliorum p. iv. *. Qui-
 dam autem croci p. *. aluminis scissilis,
 myrrhæ , singulorum p. i. *. fandarachæ
 p. ii. *. junci quadrati p. iv. *. miscent.
 Priora arida insperguntur : hoc cum melle
 illinitur ; neque ulceribus tantum , sed
 etiam tonsillis.

Verum ea longe periculosissima sunt ul-
 cera , quas *αφθæ* Græci appellant ; sed in
 pueris. hos enim sæpe consumunt. in viris
 & mulieribus idem periculum non est.
 Hæc ulcera à gingivis incipiunt ; deinde
 palatum , totumque os occupant ; tum ad
 uvam faucesque descendunt. quibus obse-
 sis, non facile fit, ut puer convalescat. ac
 miserius etiam est , si lactens adhuc infans
 est ; quo minus imperari remedium aliquod
 potest. Sed inprimis nutrix cogenda est
 exerceri ambulationibus , & his operibus,
 quæ superiores partes movent : mittenda
 in balneum , jubendaque ibi calida aqua
 mammas perfundere : tum alenda cibus le-
 nibus , & his qui non facile corrumpun-
 tur : potione , si febricitat puer, aquæ : si
 sine febre est, vini diluti. ac, si alvus nutrici
 substitit , ducenda est. Si pituita in os ejus
 coit , vomere debet. Tum ipsa ulcera per-
 ungenda sunt melle, cui rhus quem syria-
 cum vocant, aut amaræ nuces adjectæ sunt :
 vel mistis inter se rosæ foliis aridis, nucleis
 pini, mentha, collectis cum melle : vel eo
 medicamento, quod ex moris fit : quorum
 succus eodem modo , quo punici mali , ad
 mellis

mellis crassitudinem coquitur, eademque ratione ei crocum, myrrha, alumen, vinum, & mel miscetur. Neque quicquam dandum, à quo humor evocari possit. Si
 5 vero jam firmior puer est, gargarizare debet his fere, quæ supra comprehensa sunt. Ac, si leniora medicamenta in eo parum proficiunt, adhibenda sunt ea, quæ adurendo crustas ulceribus inducant. Valens
 10 quoque est scissile alumen, vel chalcitis, vel atramentum sutorium. Prodest etiam famēs & abstinētia, quanta maxima imperari potest. Cibus debet esse lenis. Ad purganda tamen ulcera, interdum caseus ex
 15 melle recte datur.

C A P. X I I.

De Linguae ulceribus.

20 **L**I N G U A quoque ulcera non aliis medicamentis egent, quam quæ prima parte superioris capitis exposita sunt. Sed quæ in latere ejus nascuntur, diutissime durant. Videndumque est, num contra dens aliquis acutior sit, qui sanescere
 25 sæpe ulcus eo loco non finit, ideoque li-
 mandus est.

C A P. X I I I.

De Parulidibus & ulceribus gingivarum.

30 **S**O L E N T etiam interdum juxta dentes in gingivis tubercula quædam oriri dolentia; *παρυλίδας* Græci appellant. Hæc initio leniter sale contrito perfricare oportet; aut inter se mixtis sale fossili, com-

busto cupresso , nepeta ; deinde eluere os cremore lenticulæ , & inter hæc hiare , donec pituitæ satis profluat. In maiore vero inflammatione iisdem medicamentis utendum est , quæ ad ulcera oris supraposita sunt : & mollis linamenti paululum involvendum aliqua compositione ex his , quas *αἰσιν* vocari dixi ; demittendumque id inter dentem & gingivam : quod si durior erit , & id prohibebit , extrinsecus admo-10 vendus erit spongiæ vapor calidus , imponendumque ceratum. Si suppuratio se ostendet , diutius eo vapore utendum erit : & continendum ore calidum mulsum , in quo ficus decocta sit. Idemque subcrudum in-15 cidendum , ne , si ibi diutius pus permanferit , os lædat. Quod si maior is tumor est , commodius totus exciditur , sic ut ex utraque parte dens liberetur. Pure exempto , si levis plaga est , satis est ore calidam aquam 20 continere , & extrinsecus fovere eodem vapore : si maior est , lenticulæ cremore uti , iisdemque medicamentis , quibus cætera ulcera oris curantur.

Alia quoque ulcera in gingivis plerun-25 que oriuntur , quibus eadem , quæ in reliquo ore , succurrunt. Maxime tamen mander ligustrum oportet , succumque cum ore continere. Fit etiam interdum , ut ex gingivæ ulcere , siue *παραλὶς* fuit , siue non 30 fuit , diutius pus feratur , dente aut corrupto , aut fracto , vel aliter vitiato osse : maximeque id per fistulam evenire consuevit. Quod ubi incidit , locus aperiendus,

Cap. 14. *De Dentibus.* *Cap. 15. De Ulceribus.*
 dus, dens eximendus; testa ossis, si qua de-
 cessit, recipienda est; si quid vitiosum est, ra-
 dendum. Post quæ, quid fieri debeat, su-
 pra in aliorum ulcerum curatione compre-
 hensum est. Si vero à dentibus gingivæ re-
 cedunt, eædem antheræ succurrunt. Uti-
 le est etiam pira aut mala non permatura
 mandere, & ore eum humorem continere.
 Idemque præstare non acre acetum in ore
 retentum potest.

Quod si minor in ea inflammatio, laeserere, eique adjicere frigidam aquam satis est, eamque aquam cochleari exceptam ipsi uvæ subjicere. Ac mediocriter eam tummentem aqua quoque frigida, eodem modo subjecta, reprimit. Ex eadem autem aqua gargarizandum quoque est, vel cum lalere, vel sine eo. At curationis uvæ productæ per manum, ratio subjecta est.

C A P. X V.

10

De Cancro oris.

Si quando autem ulcera oris cancer invalit, primo considerandum est, num malus corporis habitus sit; eique occurrendum: deinde ipsa ulcera curanda. Quod si in summa parte id vitium est, satis proficit anthera, humido ulceri arida inspersa; sicciori, cum exigua parte mellis illita. Si paulo altius, chartæ combustæ partes duæ, auripigmenti pars una. Si penitius malum descendit, chartæ combustæ partes tres, auripigmenti pars quarta: aut pares portiones salis fricti, & iridis frictæ: aut etiam pares portiones chalcitidis, calcis, auripigmenti. Necessarium autem est linamentum in rosa tingere, & super adurentia medicamenta imponere; ne vicinum & sanum locum lædant. Quidam etiam in acris aceti heminam frictum salem congiunt, donec tabescere desinat; deinde id acetum coquunt, donec exiccetur; eumque salem contritum inspergunt. Quoties autem medicamentum injicitur, & ante & post

post os diluendum est vel cremore lenticulæ, vel aqua, in qua aut ervum, aut oleæ, aut verbenæ decoctæ sint, sic, ut cuilibet eorum paululum mellis misceatur. Acetum quoque ex scilla retentum ore, satis adversus hæc ulcera proficit: & ex aceto cocto sali, sicut supra demonstratum est, rursus mistum acetum. sed & diu continere utrumlibet, & id bis aut ter die facere, prout vehemens malum est, necessarium est. Quod si puer est, cui id incidit, specillum lana involutum in medicamentum demittendum est, & super ulcus tenendum; ne per imprudentiam adurentia devoret.

At, si dolor in gingivis est, moventurque aliqui dentes, refigi eos oportet. nam curationem vehementer impediunt. Si nihil medicamenta proficient, ulcera erunt adurenda. Quod tamen in labris ideo non est necessarium, quoniam excidere commodius est. Et id quidem, æque adustum, atque excisum, sine ea curatione, quæ corpori manu adhibetur, impleri non potest. Gingivarum vero ossa, quæ hebetia sunt, in perpetuum ustione nudantur. neque enim postea caro increscit. Imponenda tamen adustis lenticula est, donec sanitatem, qualis esse potest, recipiant.

CAP. XVI.

De Parotidibus.

Hæc in capite fere medicamentis egent. Sub ipsis vero auribus oriri *parotidis* solent; modo in secunda

valetudine, ibi inflammatione orta; modo post longas febres, illuc impetu morbi converso. Id abscessus genus est. Itaque nullam novam curationem desiderat: an unadversionem tantummodo hanc habet necessariam, sicut, si sine morbo id intumuit, primum reprimentibus experimentum fiat: si ex adversa valetudine, illud inimicum est, maturarique & quam primum aperiri commodius est.

10

C A P. XVII.

De Umbilico prominente.

AD umbilicos vero prominentes, ne manu ferroque utendum sit, ante tentandum est, ut abstineant. alvus his ducetur: imponatur super umbilicum id, quod ex his constat; cicuræ & fuliginis, singulorum P. I. *. cerussæ elotæ P. IV. *. plumbi eloti P. VIII. *. ovis duobus; quibus etiam solani succus adjicitur. Hoc diutius impositum esse oportet; & interim conquiescere hominem; cibo modico uti, sic ut videntur omnia infantia.

C A P. XVIII.

25

De Obscænarum partium vitiis.

PROXIMA sunt ea, quæ ad partes obscænas pertinent. quarum apud Græcos vocabula & tolerabilius se habent, & accepta jam usu sunt; cum in omni fere medicorum volumine atque sermone jactentur: apud nos foediora verba, ne consuetudine quidem aliqua verecundius loquen-

quentium commendata sunt: ut difficilis hæc explanatio sit, simul & pudorem, & artis præcepta servantibus. Neque tamen ea res à scribendo detertere me debuit: Primum, ut omnia, quæ salutaria accepi, comprehendere: dein, quia in vulgus eorum curatio etiam præcipue cognoscenda est, quæ invitissimus quisque alteri ostendit.

2. *De Colicæ morbis.*

10 Igitur si ex inflammatione coles intumuit, reduciq; summa cutis, aut rursus induci non potest, multa calida aqua fovendus locus est. Ubi vero glans contacta est, oriculario quoque clystere inter eam
15 cutemque aqua calida inferenda est si mollita sic & extenuata cutis reducenti paruit, expeditior reliqua curatio est: si tumor vicit, imponenda est vel lenticula vel marrubium, vel oleæ folia ex vino co-
20 cta, sic ut cuilibet eorum, dum teritur, mellis paululum adjiciatur: sursumque coles ad ventrem deligandus est; quod in omni curatione ejus necessarium est: isque homo continere se, & abstinere à cibo debet,
25 & potione aquæ tantum à siti vindicari: Postero die rursus adhibendum iisdem rationibus aquæ fomentum est, & tum vi quoque experiundum, an cutis sequatur: Eaque, si non parebit, leviter summa scal-
30 pello concidenda erit. nam, cum sanies profluxerit, extenuabitur is locus, & facilius cutis ducetur.

Sive autem hoc modo victa erit, sive nunquam repugnaverit; ulcera vel in cutis

ulteriore parte, vel in glande, ultrave eam in cole reperientur: quæ necesse est, aut pura siccaque sint, aut humida & purulenta. Si sicca sunt, primum aqua calida fovenda sunt: deinde imponendum licium, ex vino est, aut amurca cocta cum eodem, aut cum rosa butyrum. Si tenuis iis humor inest, vino eluenda sunt; tum butyro rosæ & mellis paululum, & resinæ terebinthinæ pars quarta adjicienda est, eoquo 10 utendum. At, si pus ex iis profluit, ante omnia elui mulso calido debent: tum imponi piperis P. I. *. myrrhæ P. II. *. croci, misyos cocti, singulorum P. II. *. quæ ex vino austero coquuntur, donec mellis crassitudinem habeant. Eadem autem compositio tonsillis, uvæ madenti, oris nariumque ulceribus accommodata est. Aliud ad idem; piperis P. I. *. myrrhæ P. I. *. croci P. II. *. misyos P. I. *. æris combusti P. II. *. 20 quæ primum ex vino austero conteruntur; deinde, ubi inaruerunt, iterum teruntur ex passi tribus cyathis, & incoquuntur, donec visci crassitudinem habeant. Ærugo quoque cum cocto melle, & ea, quæ ad oris ul- 25 cera supra comprehensa sunt, curant. At Erasistrati compositio, aut Cratonis, recte super purulenta naturalia imponitur. Folia quoque oleæ ex novem cyathis coquuntur; his adjicitur aluminis scissilis P. IV. *. 30 lycii P. VII. *. mellis sesquicyathus: ac, si plus puris est, id medicamentum ex melle: si minus, ex vino diluitur. Illud perpetuum est; post curationem, dum inflammatio

matio manet , quale suprapositum est , cataplasma super dare , & quotidie ulcera eadem ratione curare. Quod si pus & multum , & cum malo odore cœpit profluere , selui cremore lenticulæ debet , sic , ut ei mellis paululum adjiciatur ; aut oleæ , aut lentisci folia , vel marrubium decoquendum est , eoque humore eodem modo cum melle utendum : imponendaque eadem ; aut etiam omphacium cum melle ; aut id , quod ex ærugine & melle ad aures fit ; aut compositio Andronis ; aut anthera , sic , ut ei paululum mellis adjiciatur. Quidam ulcera omnia , de quibus adhuc dictum est ,
15 lycio ex vino curant.

Si vero ulcus latius atque altius serpit , eodem modo elui debet : imponi vero , aut ærugo aut omphacium cum melle , aut Andronis compositio ; aut marrubii , myrrhæ , croci ,
20 aluminis scissilis costi , rosæ foliorum aridorum , gallæ , singulorum p. 1. *. minii sinopici p. 11. *. quæ per se singula primum teruntur , deinde juncta iterum , melle adjecto , donec liquidi cerati crassitudinem
25 habeant ; tum in æneo vase leniter coquuntur , ne superfluant ; cum jam guttæ indurescunt , vas ab igne removetur : idque medicamentum tum , prout opus est , aut ex melle aut ex vino liquatur. Idem autem
30 per se etiam ad fistulas utile est.

Solet etiam interdum ad nervos ulcus descendere ; profluitque pituita multa , fæcies tenuis malique odoris , non coacta , at aquæ similis , in qua caro recens lota est :
dolo-

doloresque is locus, & punctiones habet. Id genus quamvis inter purulenta est, tamen lenibus medicamentis curandum est; quale est emplastrum *παραφάρμακον* ex rosa liquatum, sic, ut thuris quoque paululum eis misceatur: aut id, quod ex butyro, rosa, resina, melle fit; supra vero à me positum est. Præcipueque id ulcus multa calida aqua fovendum est, velandumque, neque frigori committendum. 10

Interdum autem per ipsa ulcera coles sub cute exesus est sic, ut glans excidat. Sub quo casu cutis ipsa circumcidenda est. Perpetuumque est, quoties glans, aut ex cole aliquid, vel excidit, vel abscinditur, illam esse servandam, ne confidat, ulcerique agglutinetur, ac neque reduci possit postea, & fortasse fistulam quoque urinæ intercludat.

Tubercula etiam, quæ *φύμαλα* Græci vocant, circa glandem oriuntur; quæ vel medicamentis, vel ferro aduruntur; & cum crustæ exciderunt, squama æris inspergitur, ne quid ibi rursus increascit.

3. De Cancro, qui in Cole nascitur. 25

Hæc citra cancrum sunt; qui cum in reliquis partibus, tum in his quoque vel præcipue ulcera infestat. Incipit à nigrítie. quæ si cutem occupavit, protinus specillum subjiciendum, eaque incidenda est; 30 deinde oræ vulsellaprehendendæ, tum, quicquid corruptum est, excidendum, sic, ut ex integro quoque paulum dematur, & adurendum. Quoties quid ultum est, id

id quoque sequitur, ut imponenda lenticula sit: deinde, ubi crustæ exciderunt, ulcera sicut alia curentur.

At, si cancer ipsum colem occupavit, inspersenda aliqua sunt ex adurentibus, maximeque id, quod ex calce, chalcitide, auripigmento componitur. Si medicamenta vincuntur, hic quoque scalpello, quicquid corruptum est, sic, ut aliquid secum integri trahat, præcidi debet. Illud quoque æque perpetuum est; exciso cancro, vulnus esse adurendum. Sed si ex medicamentis, si ex ferro crustæ occalluerint, magnum periculum est, ne his decidentibus, ex cole profusio sanguinis insequatur. Ergo longa quiete & immobili pene corpore opus est, donec ex ipso crustæ maturæ leniter resolvantur. At si vel volens aliquis, vel imprudens, dum ingreditur immature, crustas diduxit, & fluit sanguis, frigida aqua adhibenda est. Si hæc parum valet, decurrendum est ad medicamenta, quæ sanguinem supprimunt. Si ne hæc quidem succurrunt, aduri diligenter & timide debet: neque ullo postea motu dandus eidem periculo locus est.

4. De Phagedæna in Cole nascente.

Nonnunquam etiam id genus ibi cancri, quod *Φαγέδæνα* à Græcis nominatur, oriri solet. In quo minime differendum, sed protinus iisdem medicamentis occurrendum est; &, si parum valent, ferro adurendum. Quædam etiam nigrities est, quæ non sentitur, sed serpit, ac, si sustinuimus, usque ad

ad vesicam tendit : neque succurri postea potest. Sed, si in summa glande circa fistulam urinæ est , prius in eam tenue specillum demittendum est , ne claudatur; deinde id ferro adurendum : si vero alte penetravit, quicquid occupatum est, præcidendum est. Cætera eadem , quæ in aliis cancris, faciendæ sunt.

5. *De Carbunculo, qui in cole nascitur.*

Occallescit etiam in cole interdum aliquid ; idque omni pene sensu caret. quod ipsum quoque excidi debet. Carbunculus autem ibi natus , ut primum apparet , oriculario clystere eluendus est : deinde ipse quoque medicamentis urendus , maxime- 15 que chalcitide cum melle, aut ærugine cum cocto melle , aut ovillo stercore frictio & contrito cum eodem melle. Ubi is excidit , liquidis medicamentis utendum est , quæ ad oras ulceris componuntur. 20

6. *De Testiculorum morbis.*

In testiculis vero , si qua inflammatio sine ictu orta est , sanguis ex talo mittendus est : à cibo abstinendum : imponendum, quod est ex fabæ farina ex mulso cocta , & 25 cum cumino contrito ex melle coacta ; aut contritum cuminum cum cerato ex rosa facto ; aut lini semen frictum , contritum, & in mulso coctum ; aut tritici farina ex mulso cocta cum cupresso ; aut lilii radix 30 contrita. At, si iidem induruerunt, imponi debet lini vel fœni Græci semen ex mulso coctum ; aut ex cyprino ceratum ; aut similia ex vino contrita , cui paululum croci sit adjectum.

adjectum. Si vetustior jam durities est, maxime proficit cucumeris agrestis radix ex mulso cocta, deinde contrita.

Si ex ictu tument, sanguinem mitti necessarium est; magisque, si etiam livent. Imponendum vero utrumlibet ex his, quæ cum cumino componuntur, supraque posita sunt; aut ea compositio, quæ habet nistri cocti P. I. *. resinæ pineæ, cumini, singulorum P. II. *. uvæ taminix sine seminibus P. IV. *. mellis quantum satis sit ad ea cõgenda. Quod si ex ictu testiculus aliquidem defuit, fere quoque pus increfcit; neque aliter succurri potest, quam si, inciso sero-
15 to, & pus emissum, & ipse testiculus excisus est.

7. De Ani morbis.

De Rhagadibus.

Anus quoque multa tædii que plena mazola recipit, nec à se multum abhorrentes curationes habet. Ac primum in eo sæpe, & quidem pluribus locis, cutis scinditur; *ῥαγάδες* Græci vocant. Id si recens est, quiescere homo debet, & in aqua calida deside-
25 re. Columbina quoque ova coquenda sunt, & ubi induruerunt, purganda: deinde alterum jacere in aqua bene calida debet, altero calido foveri locus, sic, ut invicem utroque aliquandiu utatur. Tum tetra-
30 pharmacum, aut rhyodes rosa diluendum est; aut cæsypum recens miscendum cum cerato liquido ex rosa facto; aut eidem cerato liquido plumbum elotum adjiciendum; aut resinæ terebinthinæ myrrha;
aut

aut spumæ argenti vetus oleum; & quolibet ex his id perungendum. Si, quicquid læsum est, extra est, neque intus reconditum, eodem medicamento tinctum linamentum superdandum est, & quicquid ante adhibuimus, cerato contegendum. In hoc autem casu, neque acribus cibis utendum, neque asperis, nec alvum compri-
mentibus: ne aridum quidem quicquam satis utile est, nisi admodum paulum. Li-
quida, lenia, pingua, glutinosa, meliora sunt. Vino leni uti nihil prohibet.

8. De Condylomate.

Condyloma autem est tuberculum, quod ex quadam inflammatione nasci solet. Id ubi ortum est, quod ad quietem, cibos, potionesque pertinet, eadem servari debent, quæ proxime scripta sunt. Iisdem etiam ovis recte tuberculum id fovetur. sed desidere ante homo in aqua debet, in qua verbenæ decoctæ sunt ex reprimentibus: tum recte imponitur & lenticula cum exigua mellis parte, fertula campana ex vino cocta, & rubi folia contrita cum cerato ex rosa facta; & cum eodem cerato con-
tritum vel cotoneum malum, vel malicorii ex vino cocti pars interior: & chalcitis cocta atque contrita, deinde œsypo ac rosa excepta; & ex ea compositione, quæ habet thuris p. i. *. aluminis scissilis p. ii. *. cerussæ p. iii. *. spumæ argenti p. v. *. quibus, dum teruntur, invicem rosa & vinum instillatur. Vinculum autem ei loco linteolum aut panniculus quadratus est, qui

qui ad duo capita duas ansas , ab altera vero parte totidem fascias habet ; cumque subjectus est , ansis ad ventrem datis , à posteriore parte in eas adductæ fasciæ conjiciuntur , atque , ubi artatæ sunt , dexterior sinistra , sinisterior dextra procedit , circumdatæque circa alvum inter se novissime nodo deligantur. Sed , si vetus condyloma jam induruit , neque sub his curationibus desit , aduri medicamento potest , quod ex his constat ; æruginis p. 11. * . myrrhæ p. iv. * . gummi p. viii. * . thuris p. xii. * . stibii , papaveris lachrymæ , acaciæ , singulorum p. xvi. * . Quo medicamento quidam etiam ulcera , de quibus proxime dixi , renovant. Si id nondum in condylomate proficit , adhiberi possunt etiam vehementius adurentia. Ubi consumptus est tumor , ad medicamenta lenia transeundum est.

9. De Hemorrhoidibus.

Tertium autem ani vitium est , ora venarum tanquam capitulis quibusdam turgentia , quæ sæpe sanguinem fundunt ; hæmorrhoides Græci vocant. Idque etiam in ore vulvæ foeminarum incidere consuevit. Atque in quibusdam parum tuto suppressitur ; qui sanguinis profluvio imbecilliores non fiunt. habent enim purgationem hanc , non morbum. Ideoque curati quidam , cum sanguis exitum non haberet , inclinata in præcordia ac viscera materia , subitis & gravissimis morbis correpti sunt. Si cui verò id nocet , is desiderare in aqua ex ver-

verbenis debet : imponere maxime malicorium cum aridis rosæ foliis contritum ; aut ex his aliqua , quæ sanguinem supprimunt. Solet autem oriri inflammatio, maxime ubi dura alvus eum locum læsit. Tum, in aqua dulci desidendum est , & id fove-
 dum ovis , imponendi vitelli cum rosæ foliis ex passo subactis: idque, si intus est, digito illinendum ; si extra , superillitum panniculo imponendum est. Ea quoque medicamenta, quæ recentibus scissuris posita sunt , hic idonea sunt. Cibis vero in hoc casu iisdem, quibus in prioribus, utendum est. Si ista parum juvant , solent imposita medicamenta adurentia ea capitula
 15 absumere. At , si jam vetustiora sunt , sub authore Dionysio inspergenda sandaracha est : deinde imponendum , quod ex his constat ; squamæ æris , auripigmenti , singulorum ꝑ. v. *. fæxi calcis ꝑ. viii. *. po-
 20 stero die acu compungendum. Adustris capitulis fit cicatrix, quæ sanguinem fundi prohibet. Sed, quoties is suppressus est, ne quid periculi afferat , multa exercitatione digerenda materia est : prætereaque & vi-
 25 ris, & fœminis, quibus menstrua non proveniunt , interdum ex brachio sanguis mittendus est.

10. *Si Anus, vel Os vulvæ procidit, qua curatione utendum sit.*

30

At , si anus ipse , vel os vulvæ procidit (nam id quoque interdum fit) considerari debet , purum ne id sit , quod provolutum est, an humore mucoso circumdatum. Si
 purum

purum est, in aqua desidere homo debet, aut falsa, aut cum verbenis vel malicorio incocta. Si autem humidum, vino austero sublavandum est, illinendumque fece vini & combusta. Ubi utrolibet modo curatum est, intus reponendum est; imponendaque plantago contrita; vel folia salicis in aceto cocta; tum linteolum & lana, eaque super deliganda sunt, cruribus inter se devinctis.

10

11. *De Fungo ani aut vulva.*

Fungo quoque simile ulcus in eadem sede nasci solet. Id, si hiems est, egelida; si aliud tempus, frigida aqua fovendum est: dein squama æris inspergenda, supraque
15 ceratum ex myrteo factum, cui paululum squamæ, fuliginis, calcis sit adjectum. Si hac ratione non tollitur, vel aliis medicamentis similibus, vel vehementioribus, ferro adurendum est.

20

C A P. X I X.

De Digitorum ulceribus.

DIGITORUM autem vetera ulcera commodissime curantur, aut lycio,
25 aut amurca cocta, cum utrilibet vinum adjectum est. In iisdem recedere caruncula ab unguibus cum magno dolore consuevit; *πτερόχλον* Græci appellant. Oportet alumen Melium rotundum in
30 aqua liquare, donec mellis crassitudinem habeat: tum, quantum ejus aridi fuit, tantundem mellis infundere, & rudicula miscere, donec similis croco color fiat, eoque illinere. *Quidam* ad eundem usum deco-
quere

quere simul malunt, cum paria pondera
aluminis aridi & mellis miscuerunt. Si
hac ratione ea non exciderunt, excidenda
sunt: deinde digiti fovendi aqua ex ver-
benis, imponendumque super medicamen-
tum ita factum: chalcitis, malicorium,
squama æris excipiuntur fico pingui le-
viter cocta & melle; aut chartæ combustæ,
auripigmenti, sulphuris ignem non exper-
ti par modus cerato miscetur ex myrteo 10
facto; aut æruginis rasæ p. i. *. squamæ
æris p. ii. *. mellis cyatho coguntur; aut
pares portiones miscentur, saxi calcis,
chalcitidis, auripigmenti. Quicquid ho-
rum impositum est, tegendum linteolo 15
aqua madefacto est. Tertio die digitus re-
solvendus, & si quid aridi est, iterum ex-
cidendum, similisque adhibenda curatio
est. Si non vincitur, purgandum est scal-
pello, tenuibusque ferramentis adurendum, 20
& sicut reliqua usta, curandum.

At, ubi scabri ungues sunt, circum ape-
riri debent, qua corpus contingunt: tum
super eos ex hac compositione aliquid im-
poni; sandarachæ, sulphuris, singulorum 25
p. ii. *. nitri, auripigmenti, singulorum
p. iv. *. resinæ liquidæ p. viii. *: tertio-
que id die resolvendum est. Sub quo me-
dicamento vitiosi ungues cadunt, & in
eorum locum meliores renascuntur. 30

LIBER SEPTIMUS.

P R Æ F A T I O.

5 *De Chirurgica , & qui in ea claruerint ,
& qualis esse Chirurgus debeat , &
quid hoc in libro describatur.*

10 **T**ertiam esse medicinæ partem , quæ
manu curet , & vulgo notum , & à
me propositum est. Ea non quidem
medicamenta atque victus rationē omittit;
sed manu tamen plurimum præstat. estque
ejus affectus inter omnes medicinæ par-
15 tes evidentissimus. Siquidem in morbis cum
multum fortuna conferat , eademque sæpe
salutaria , sæpe vana sint ; potest dubitari,
secunda valetudo medicinæ, an corporis be-
neficio contigerit. In his quoque, in quibus
20 medicamentis maxime nitimur , quamvis
profectus evidentior est, tamen sanitatem &
per hæc frustra quæri , & sine his reddi sæ-
pe, manifestum est. Sicut in oculis quoque
deprehendi potest ; qui à medicis diu ve-
25 xati , sine his interdum sanescunt. At in ea
parte , quæ manu curat , evidens est , om-
nem profectum , ut aliquid ab aliis adju-
vetur , hinc tamen plurimum trahere. Hæc
autem , pars cum sit vetustissima, magis ta-
30 men ab illo parente omnis medicinæ Hip-
pocrate , quam à prioribus exculta est. De-
inde , posteaquam diducta ab aliis habere
professores suos cœpit, in Ægypto quoque
increvit , Philoxeno maxime authore , qui
plu-

pluribus voluminibus hanc partem diligentissime comprehendit. Gorgias quoque & Sostratus, & Herones & Apollonii duo, & Ammonius Alexandrinus, multique alii celebres viri, singuli quædam reppererunt. Ac Romæ quoque non mediocres professores, maximeque nuper Tryphon pater, & Euelpistus Phlegetis filius, &, ut ex scriptis ejus intelligi potest, horum eruditissimus Meges, quibusdam in melius mutatis, aliquantum ei disciplinæ adjecerunt.

Esse autem chirurgus debet adolescens, aut certe adolescentiæ propior; manu strenua, stabili, nec unquam intremiscente, eaque non minus sinistra, quam dextra; promptus; acie oculorum acri, claraque; animo intrepidus, immisericors, sic, ut sanari velit eum, quem accepit, non ut clamore ejus motus, vel magis, quam res desiderat, properet, vel minus, quam necesse est, se- cet: sed perinde faciet omnia, ac si nullus ex vagitibus alterius affectus oriretur.

Potest autem requiri, quod huic parti proprie vindicandum sit: quia vulnerum quoque ulcerumque multorum curationes, quas alibi executus sum, Chirurghi sibi vendicant. Ego eundem quidem hominem posse omnia ista præstare concipio: atque, ubi se diviserunt, eum laudo, qui quamplurimum percipit. Ipse autem huic parti ea reliqui, in quibus vulnus facit medicus, non accipit; & in quibus vulneribus ulceribusve plus profici manu, quam medicamento, credo: tum, quicquid ad ossa per-
tinet.

tinet. Quæ deinceps exequi aggrediar, dilatisque in aliud volumen ossibus, in hoc cætera explicabo: præpositisque his, quæ in qualibet parte corporis fiunt, ad ea, quæ proprias sedes habent, transibo.

CAP. I.

De Vexatis.

10 **V**EXATA igitur in quacunque parte corporis sint, quamprimum sic curari debent, ut, qua dolor est, ea scalpello cutis crebro incidatur, detergeaturque eodem adverso profluens
15 sanguis. quod si paulo tardius subvenitur, jamque etiam rubor est; qua rubet corpus: si tumor quoque accessit, quacunque is est, id idem optimum auxilium est. Tum superdanda reprimentia
20 sunt; maximeque lana succida ex aceto & oleo. Quod si levior is casus est, possunt etiam, sine scalpello, imposita eadem mereri. Et, si nihil aliud est, cinis quoque; maxime ex sarmentis: si is non est, quilibet
25 alius ex aceto, vel etiam ex aqua coactus.

CAP. II.

De his, quæ per se intumescunt, quomodo incidenda, & curanda sint.

30 **V**ERUM hoc quidem promptum est. In his autem negotium majus est, quæ per se, vitio intus orto, intumescunt, & ad suppurationem spectant.
Ea

Ea omnia genera abscessuum esse alias proposui, medicamentaque his idonea executus sum : nunc superest , ut dicam , quæ in iis manu fieri debeant. Ergo, priusquam indurescant , cutem incidere , & cucurbitulam accommodare oportet ; quod, quicquid illud malæ corruptæque materiæ coit , extrahat : idque iterum , tertioque recte fit, donec omne indicium inflammationis excedat. Neque tamen fas est , nihil à cucurbitula agere.

Interdum etiam fit , sed raro , ut quicquid abscedit , velamento suo includatur. id antiqui tunicam nominabant. Meges, quia tunica omnis nervosa est , dixit, non nasci sub eo vitio nervum , quo caro consumeretur , sed , subjecto jam vetustiore pure , callum circumdari. Quod ad curationis rationem nullo modo pertinet ; quia quicquid , si tunica est, idem , si callus est, fieri debet: neque ulla res prohibet, etiam si callus est, tamen , quia cingit , tunicam nominari : tum , pure quoque maturiore, hæc interdum esse consuevit. ideoque, quod sub ea est , extrahi per cucurbitulam non potest. sed facile id intelligitur , ubi nihil admota illa mutavit. Ergo , siue id incidit, siue jam durities est , in hac auxilii nihil est: sed, ut alias scripsi, vel avertenda concurrens eo materia, vel digerenda, vel ad maturitatem perducenda est. Si priora contigerunt , nihil præterea necessarium est. Si pus maturuit , in alis quidem & inguinibus raro secandum est : item ubicunque

que mediocris abiceffuseft : item quoties
in fumma cute, vel etiam carne vitium eft;
nifi feftinare curandi imbecillitas cogit.
Satisque eft cataplafmatibus efficere, ut per
5 fe pus aperiatur. nam fere fine cicatrice po-
teft effe is locus, qui expertus ferrum non
eft. Si autem akius malum eft, confidera-
ri debet, nervofusne is locus fit, an non
fit. Nam, fi fine nervis eft, candenti ferra-
10 mento aperiri debet. cujus hæc ratio eft,
quod exigua plaga diutius ad pus evocan-
dum pateat, parvaque pofttea cicatrix fit.
At, fi nervi juxta funt, ignis alienus eft; ne
diffendantur & membrum debilitent: ne-
15 ceffaria vero opera scalpelli eft. Sed cætera
etiam fubruda aperiri poffunt; inter ner-
vos ultima expectanda maturitas eft, quæ
cutem extenuet, eique pus jungat, quo
propius reperiatur. Jamque alia rectam
20 plagam defiderant, ut in carne: alia vero
vehementer cutem extenuant, in quibus
tota ea fuper pus excidenda eft. Semper au-
tem, ubi scalpellus admovetur, id agendum
eft, ut & quam minimæ & quam pauciffimæ
25 plagæ fint: cum eo tamen, ut neceffitati
fuccurramus, & in modo, & in numero.
Nam majores finus, latius; interdum etiam
duabus, aut tribus lineis incidendi funt. Dā-
daque opera, ut imus finus exitum habeat;
30 ne quis humor intus fubfidat, qui proxima
& adhuc fana rodendo finuet. Eft etiam in
rerum natura, ut cutis latius excidenda fit.
Nam, ubi poft longos morbos totius corpo-
ris habitus vitiatus eft, lateque fe finus infu-

fudit, & in eo jam cutis pallet; scire licet, eam jam emortuam esse, & inuilem futuram. Ideoque excidere commodius est: maxime, si circa articulos majores id evenit, cubantemque ægrum fluens alvus exercuit, neque per alimenta quicquam corpori accedit. Sed excidi ita debet, ut plaga ad similitudinem myrtei folii fiat, quo facilius sanescat. Idque perpetuum est; ubicunque medicus & quacunque de causa cutem excidit. Pure effuso, in alis vel inguinibus linamento opus non est; sed sponsia ex vino imponenda est. In cæteris partibus, si æque ea linamenta supervacua sunt, purgationis causa paulum mellis infundendum; dein glutinantia superdanda: si illa necessaria sunt, super ea quoque similiter dari sponsia eodem modo ex vino expressa debet. Quando autem linamentis opus sit, quando non sit, alias dictum est. Cætera eadem, incisa suppuratione, facienda sunt, quæ, ubi per medicamenta rupta est, facienda esse proposui.

C A P. I I I.

De bonis, malisve signis Suppurationum.

25

PROTINUS autem, quantum curatio efficiat, quantumque aut sperari aut temeri debeat, ex quibusdam signis intelligi potest; fereque iisdem, quæ in vulneribus exposita sunt. Nam bona signa sunt, somnum capere, facile spirare; siti non confici, cibum non fastidire, si febricula fuit, ea vacare: itemque habere pus album, læve, non

non foedi odoris. Mala sunt, vigilia, spiritus gravitas, sitis, cibi fastidium, febris; pus nigrum, aut feculentum, & foedi odoris: item procedente curatione eruptio sanguinis; aut si, antequam sinus carne impleatur, oræ callosæ fiunt, illa quoque ipsa carne hebetæ, nec firma. Deficere tamen animam, vel in ipsa curatione, vel postea, pessimum omnium est. Quinetiam mor-
10 bus ipse, si subito solutus est, dein suppuratio exorta est; si effuso pure permanet, non injuste terret. Estque inter causas timoris, si sensus in vulnere rodentium non est. Sed ut hæc ipsa fortuna huc illucve
15 discernit; sic medici partium est, eniti ad reperiendam sanitatem. Ergo, quoties ulcus resolverit, eluere id, si reprimendus humor videbitur, vino & aqua pluviatili mixto, vel aqua, in qua lenticula costæ sit,
20 debeat: si purgandum erit, mulso; rursusque imponere eadem. Vbi jam repressus videbitur humor, ulcusque purum erit, produci carnem conveniet, & foveri ulcus pari portione vini ac mellis, superque im-
25 poni spongiam ex vino & rosa tinctam. per quæ caro producitur. Plus tamen, ut alias quoque dixi, victus ratio eo confert. Ea est, solutis jam febribus & cibi cupiditate red-
dita, balneum rarum; quotidiana, sed lenis
30 gestatio; cibi potionesque corpori faciendæ aptæ. Quæ omnia, per medicamenta quoque suppuratione rupta, sequuntur. Sed, quia magno malo vix sine ferro mederi licet, in hunc locum reservata sunt.

CAP. IV.

De Fistulis.

ADVERSUS fistulas quoque, si altius penetrant, ut ad ultimas demitti collyrium non possit, si tortuosæ sunt, si multiplices, majus in manu, quam in medicamentis præsidium est; minusque operæ est, si sub cute transversæ feruntur, quam si recta intus tendunt. Igitur, si sub cute transversa fistula est, demitti specillum debet, supraque id ea incidi. Si flexus reperiuntur, hi quoque simul specillo & ferro persequendi sunt. Idemque faciendum, si plures se quasi rivuli ostendunt. Ubi ad fines fistulæ ventum est, excidendus ex ea totus callus est, superque fibulæ dandæ, & medicamentum, quo glutinetur. At, si recta subter tendit, ubi, quo maxime ferat, specillo exploratum est, excidi is sinus debet: dein fibula oris cutis injicienda est, eique glutinantia medicamenta superdanda sunt; aut, si corruptius ulcus est (quod interdum ossi vitiato fit) ubi id quoque curatum est, pus moventia.

2. *De Costarum fistulis.*

Solent autem inter costas fistulæ subter ire. Quod ubi incidit, eo loco costa ab utraque parte præcidenda & eximenda est, ne quid intus corruptum relinquatur. Solent quoque, ubi costas tranierunt, septum id, quod transversum à superioribus visceribus intestina discernit, violare. Quod intelligi potest & ex loco, & ex magnitudine doloris,

ris, & quia nonnunquam spiritus eò cum humore quasi bullante prorumpit, maximeque, si hunc ore ille continuit. In eo medicinæ locus nullus est. In cæteris vero, quæ circa costas sanabilia sunt, pinguia medicamenta inimica sunt; cæteris, quæ ad vulnera accommodantur, uti licet: optime tamen sicca linamenta, vel, si purgandum aliquid videtur, in melle tincta imponuntur.

3. De Ventris fistulis.

Ventri nullum os subest; sed ibi perniciosæ admodum fistulæ fiunt: adeo ut Solstratus insanabiles esse crediderit. Id non ex
15 toto ita se habere usus ostendit. Et quidem, quod maxime mirum videri potest, tutior fistula est contra jecur, & lienem, & ventriculum, quam contra intestina: non quo perniciosior ibi res sit, sed quo alteri
20 periculo locum faciat. Cujus experimento moti quidam authores parum modum rei cognoverunt. Nam venter sæpe etiam telo perforatur, prolapsaque intestina conduntur, & oras vulneris futuræ comprehen-
25 dunt. quod quemadmodum fiat, mox indicabo. Itaque, etiam ubi tenuis fistula abdomen perripit, excidere eam licet, futuraque oras conjungere. Si vero ea fistula intus patuit, excisa necesse est latius
30 foramen relinquat. quod nisi permagna vi sui non potest; utique ab interiore parte, qua quasi membrana quædam finit abdomen, quam *μεγατόραν* Græci vocant. Ergo, ubi aliquis ingredi ac moveri cœpit,

rumpitur illa futura, atque intestina solvuntur. quo fit, ut pereundum homini sit. Sed non omnimodo res ea desperationem habet: ideoque tenuioribus fistulis adhibenda curatio est.

4. De Ani fistulis.

Propriam etiamnum animadversionem desiderant eæ, quæ in ano sunt. In has demisso specillo, ad ultimum ejus caput incidit cutis debet: dein novo foramine specillum educi lino sequente, quod in aliam ejus partem, ob idipsum perforatam, conjectum sit. Ibi linum apprehendendum ligandumque cum altero capite est, ut laxè cutem, quæ super fistulam est, teneat. Idque linum debet esse crudum, & duplex triplexve, sic tortum, ut unitas in eo facta sit. Interim autem licet negocia agere, ambulare, lavare, cibum capere, perinde atque sanissimo. Tantummodo id linum bis in die, soluto nodo, ducendum est sic, ut subeat fistulam pars, quæ superior fuit. Neque committendum est, ut id linum putrescat: sed tertio quoque die nodus resolvendus est, & ad caput alterum recens linum alligandum, eductoque vetere, id in fistula cum simili nodo relinquendum. Sic enim id paulatim cutem, quæ supra fistulam est, incidit: simulque & id sanescit, quod à lino relictum est; & id, quod ab eo mordetur, inciditur. Hæc ratio curationis longa, sed sine dolore est.

Qui festinant, adstringere cutem lino debent, quo celerius secetur; noctuque expeni-

penicillo tenuia quædam intus demittere, ut cutis hoc ipso extenuetur, quo extenditur. sed hæc dolorem movent. Adjicitur celeritati, sicut tormento quoque, si & linum, & id, quod ex penicillo est, aliquo medicamento illinitur ex iis, quibus cal- lum exedi proposui. Potest tamen fieri, ut ad scalpelli curationem etiam illo loco veniendum sit, si intus fistula fert, si multi-
plex est. Igitur in hæc genera demisso spe-
cillo, duabus lineis incidenda cutis est; ut media inter eas habenula tenuis admodum injiciatur, ne protinus oræ coeant; sitque locus aliquis linamentis, quæ quam pau-
cissima superinjicienda sunt; omniaque eodem modo facienda, quæ in abscessibus posita sunt. Si vero ab uno ore plures sinus erunt, recta fistula scalpello erit incidenda ab eo; cæteræ, quæ jam patebunt, lino exci-
piendæ. Si intus aliqua procedet, quo fer- rum tuto pervenire non poterit, collyrium demittendum erit.

Cibus autem in omnibus ejusmodi casibus, siue manu, siue medicamentis agetur, dari debet humidus; potio liberalis, diu-
que aqua. ubi jam caro increfcit, tum de- mum & balneis raris utendum erit, & cibis corpus implentibus.

C A P. V.

De Telis è corpore extrahendis.

TELA quoque, quæ illata corporibus intus hæserunt, magno negotio sæpe ejiciuntur. Sunt enim quædā difficul-

tates ex generibus eorum ; quædam ex his
sedibus, in quas illa penetrarunt. Omne au-
tem telum extrahitur , aut ab ea parte, qua
venit , aut ab ea, in quam tetendit. illic
viam , qua redeat , ipsum sibi fecit : hic , à
scalpello accipit. nam contra mucronem
caro inciditur. Sed si non alte telum infe-
dit , & in summa carne est , aut certe ma-
gnas venas & loca nervosa non transit; ni-
hil melius est, quam, qua venit, id revelle-
re. Si vero plus est , per quod telo rever-
tendum , quam quod perumpendum est ;
jamque venas nervosque id transit , com-
modius est aperire quod superest , eaque
extrahere. nam & propius petitur , & tu-
tius evellitur. Et in majore membro, si
medium mucro transit , facilius sanescit,
quod pervium est ; quia utrinque medica-
mento fovetur. Sed, si retro telum reci-
piendum , amplianda plaga est ; quo faci-
lius id sequatur, quoque minor oriatur in-
flammatiō : quæ major fit , si ab illo ipso
telo, dum redit , corpus laniatur. Item, si
ex alia parte vulnus aperitur, laxius esse de-
bet, quam ut telo postea transeunte amplie-
tur. In summa autem utraque parte ista
habenda cura est , ne nervus , ne vena ma-
jor, ne arteria incidatur. Quorum ubi ali-
quid detectum est , excipiendum hamo re-
tuso est , abducendumque à scalpello. Ubi
autem incisum est satis, telum eximendum
est : tunc quoque eodem modo , & eadem
cura habita, ne sub eo, quod eximitur, ali-
quid eorum lædatur , quæ tuenda esse pro-
posui.

2. *De Sagittis recipiendis.*

Hæc communia sunt : præter quæ propria quædam in singulis telorum generibus sunt , quæ protinus subjiciam. Nihil tam facile in corpus , quam sagitta , conditur , eademque altissime infidit. Hæc autem eveniunt , & quia magna vi fertur illa , & quia ipsa angusta est. Sæpius itaque ab altera parte , quam ex qua venit , recipienda
10 est ; præcipueque , quia fere spiculis cingitur ; quæ magis laniant , si retro , quam si contra trahuntur. Sed inde , aperta via , caro diduci debet ferramento factoad similitudinem Græcæ literæ *π* : deinde , ubi appa-
15 ruit mucro , si ei arundo inhæret , propellenda est , donec ab altera parte apprehendi & extrahi possit. Si jam illa decidit , solumque intus ferrum est ; mucro vel digitis apprehendi , vel forcipe , atque ita educi
20 debet. Neque alia ratio extrahendi est , ubi ab ea parte , qua venit , evelli magis placuit. nam , ampliato magis vulnere , aut arundo , si inest , evellenda est ; aut , si ea non est , ferrum ipsum. Quod si spicula apparue-
25 runt , eaque brevia & tenuia sunt , forcipe ibi comminui debent , vacuumque ab his telum educi : si ea majora valentioraque sunt , fissis scriptoriis calamis contegenda , ac , ne quid dilacerent , sic evellenda sunt.
30 & in sagittis quidem hæc observatio est.

3. *De Latistelis educendis.*

Latum vero telum , si aliquis intus in carne habuerit , ab altera parte educi non expedit ; ne ingenti vulnere ipsi quoque

ingens vulnus adjiciamus. Evellendum est ergo quodam genere ferramenti, quod *Διοκλής γρηφοίκον* Græci vocant; quoniam authorem Dioclem habet: quem inter priscos maximosque medicos fuisse, jam posui. Lamina est ferrea, vel ænea etiam, ab altero capite duos utrinque deorsum conversos uncus habens; ab altero duplicata lateribus, leviterque extrema eam in partem inclinata, quæ sinuata est; insuperio etiam ea parte inclinata, quæ perforata est. Hæc juxta telum transversa demittitur: deinde, ubi ad inium mucronem ventum est, paululum torquetur, ut telum foramine suo excipiat: cum in cavo mucro est, illico 15 duo digiti, subjecti partis alterius uncis, simul ferramentum id extrahunt, & telum.

4. *De alio telorum genere.*

Tertium genus telorum, quod interdum evelli debet, est plumbea glans, aut 20 lapis, aut simile aliquid, quod, perrupta cute, integrum intus insedit. In omnibus his latius vulnus aperiendum, idque, quod inest, ea, qua venit, forcipe extrahendum est. Accedit vero aliquid difficultatis sub 25 omni ictu, si telum vel ossi inhæsit, vel in articulo se inter duo ossa demersit. In osse usque eo movendum est, donec laxetur is locus, qui mucronem momordit; & tunc vel manu vel forcipe telum extrahendum est. 30 quæ ratio quoque in dentibus ejiciendis est. Et vix unquam ita telum non sequitur. sed, si morabitur, excuti quoque cum aliquo ferramento poterit. Ultimum est, ubi non

non evellitur, terebra juxta forare, & ab eo foramine, ad speciem literæ v contra telum os excidere sic, ut lineæ, quæ diducuntur, ad telum spectent: eo facto, id necesse est labet, & facile auferatur.

Inter duo vero ossa si per ipsum articulum perruperit, circa vulnus duo membra fasciis habenisve deliganda, & per has in diversas partes diducenda sunt, ut nervos distendant: quibus extentis, laxius inter ossa spatium est, ut sine difficultate telum recipiatur. Illud videndum est, sicut in aliis locis posui, ne quis nervus, aut vena, aut arteria à telo lædatur, dum id extrahitur: eadem scilicet ratione, quæ supra posita est.

5. *De Venenato telo evellenda.*

At, si venenato quoque telo quis ictus est, iisdem omnibus, si fieri potest, etiam festinantius actis, adjicienda curatio est, quæ vel epoto veneno, vel à serpente ictis adhibetur. Vulneris autem ipsius, extracto telo, medicina non alia est, quam quæ esset, si corpore icto nihil inhæsisset. de qua satis alio loco dictum est.

C A P. VI.

De Gangliis, & Meliceride, & Atheromate, & Steatomate, capitis tuberculis.

30

HÆC evenire in qualibet parte corporis possunt: reliqua certas sedes habent. de quibus dicam, orsus à capite. In hoc multa variaque tubercula oriun-

oriuntur ; *ζάγλια* , *μελικηαίδας* , & *ἀσπεράμαζα* nominant ; aliisque etiamnum vocabulis quædam alii discernunt ; quibus ego *στατώμαζα* quoque adjiciam. quæ quamvis & in cervice , & in alis , & in lateribus ori-
 ri solent ; per se tamen non posui ; cum ista omnia mediocres differentias habeant , ac neque periculo terreant , neque diverso genere curentur. Omnia autem ista & ex parvulo incipiunt , & diu paulatimque in-
 crescunt , & tunica sua includuntur. Quædam ex his dura ac renitentia , quædam mollia cedentiaque sunt : quædam spatio nudantur , quædam testa capillo suo permanent , fereque sine dolore sunt. Quid
 intus habeant , ut conjectura præfagiri potest ; sic ex toto cognosci , nisi cum ejecta sunt , non potest. Maxime tamen in his , quæ renituntur , aut lapillis quædam similia , aut concreti confertique pili reperiun-
 tur. In his vero , quæ cedunt , aut melli simile aliquid , aut tenui pulticulæ , aut quasi rasæ cartilagini , aut carni hebeti & cruentæ , quibus alii aliique colores esse consueverunt. Fereque ganglia renituntur : athe-
 romati subest quasi tenuis pulticula : meliceridi liquidior humor ; ideoque pressu circumfluit : steatomati pingue quiddam , idque latissime patere consuevit , resolvit-
 que totam cutem superpositam sic , ut ea la-
 bet ; cum in cæteris sit adstrictior. Omnia , derafa ante , si capillis conteguntur , per medium oportet incidere , ut effundatur , quicquid intus coit. Sed steatomatis tuni-
 ca

ca quoque secanda est : quia non facile à
cute & subiecta carne ea separatur. At in
cæteris ipsa tunica inviolata servanda est.
5 Protinus autem, cum ista alba & intenta se
ostendit , tum scalpelli manubriolo didu-
cenda à cute & carne est, ejiciendaque cum
eo , quod intus tenet. Si quando tamen ab
inferiore parte tunicæ musculus inhæsit, ne
10 is lædatur , superior pars illius decidenda,
alia ibidem relinquenda est. Ubi tota ex-
empta est , committendæ oræ , fibulaque
his injicienda , & super medicamentum
glutinans dandum est. Vbi vèl tota tunica,
15 vel aliquid ex ea relictum est , pus moven-
tia adhibenda sunt.

C A P. V I I.

*De Oculorum vitiis, quæ scalpello
& manu curantur.*

20 S E D ut hæc neque genere vitii , neque
ratione curationis inter se multum di-
stant : sic in oculis, quæ manum postu-
lant , & ipsa diversa sunt , & aliter aliter-
25 que curantur. Igitur in superioribus pal-
pebris vesicæ nasci solent , pingues graves-
que ; quæ vix attollere oculos sinunt , le-
vesque pituitæ cursus, sed assiduos, in ocu-
lis movent. Fere vero in pueris nascuntur.
30 Oporter , compresso digitis duobus oculo,
atque ita cute intenta , scalpello transversa
linea incidere , suspensa leviter manu , ne
vesica ipsa vulneretur , & ut , loco ei pate-
facto , ipsa prorumpat; tum digitis eam ap-
prehendere, & evellere. facile enim sequi-
tur.

tur. Dein superinungi collyrio debet ex iis aliquo, quo lippientes oculi superinunguntur: quo paucissimis diebus cicatrix inducitur. Molestius est, ubi incisa vesica est. effundit enim humorem; neque postea, quia tenuis admodum est, potest colligi. Si forte id incidit, eorum aliquid imponendum est, quæ puri movendo sunt.

2. *De Cisti.*

In eadem palpebra super pilorum locum tuberculum parvulum nascitur, quod à similitudine hordei, à Græcis *ῥαϊς* nominatur. Tunica quiddam, quod difficulter maturescit, comprehensum est. Id vel calido pane, vel cera subinde calefacta foveri oportet sic, ne nimius is calor sit, sed facile à parte sustineatur. hac enim ratione sæpe discutitur, interdum concoquitur. Si pus se ostendit, scalpello dividi debet, & quicquid intus humoris est, exprimi: eodem deinde vapore postea quoque foveri, & superinungi, donec ad sanitatem perveniat.

3. *De Chalazio.*

Alia quoque quædam in palpebris huic non dissimilia nascuntur; sed neque utique figuræ ejusdem, & mobilia, simulatque digito huc vel illuc impelluntur. Quæ, quia grandini similia sunt, *χαλαζία* Græci vocant. Hæc incidi debent, si sub cute sunt, ab exteriori parte; si sub cartilagine, ab interiori: dein scalpelli manubriolo deducenda ab integris partibus sunt. Ac, si intus plaga est, inungendum primo lenibus
dein-

deinde acrioribus : si extra , superdandum
emplastrum , quo id glutinetur.

5. *De Ungue oculorum.*

Unguis vero , quod *πτερύγιον* Græci vo-
cant, est membranula nervosa, quæ oriens
ab angulo, nonnunquam ad pupillam quo-
que pervenit, eique officit. Sæpius à narium,
interdum etiam à temporum parte nasci-
tur. Hunc recentem non difficile est discu-
tere medicamentis , quibus cicatrices in
oculis extenuantur. Si inveteravit, jamque
ei crassitudo quoque accessit, excidi debet.
Post abstinentiam vero unius diei , vel ad-
versus in sedili contra medicum is homo
collocandus est , vel sic aversus , ut in gre-
mium ejus caput resupinus effundat. Qui-
dam, si in sinistro oculo vitium est, adver-
sum : si in dextro , resupinum collocari
volunt. Alteram autem palpebram à mini-
stro diduci oportet , alteram à medico : sed
ab hoc , si ille adversus est , inferiorem ; si
supinus , superiorem. Tum idem medicus
hamulum acutum , paulum mucrone intus
recurvato, subjicere extremo ungui debet,
eumque infigere ; atque eam quoque pal-
pebram tradere alteri : ipse, hamulo appre-
henso , levare unguem , eumque acu traji-
cere linum trahente : deinde acum ponere,
lini duo capita apprehendere , & per ea
erecto ungue , si qua parte oculos inhæret,
manubriolo scalpelli diducere, donec ad an-
gulum veniat: deinde invicem modo remit-
tere, modo attrahere, ut sic & initium ejus, &
finis anguli reperiatur. Duplex enim pericu-
lum

lum est; ne vel ex ungue aliquid relinqua-
tur, quod exulceratum vix ullam recipiat
curationem; vel ex angulo quoque carun-
cula abscindatur, quæ, si vehementius un-
guis ducitur, sequitur quoque ac decipit.
Si abscissa est, patefit foramen, per quod
postea semper humor descendit; ~~quod~~
Græci vocant. Verus ergo anguli finis uti-
que noscendus est; qui ubi satis constitit,
non nimium adducto ungue scalpellus ad-
hibendus est; deinde sic excidenda mem-
branula, ne quid ex angulo lædatur. Ei de-
inde ex melle linamentum superdandū est,
supraque linteolum, & aut spongia aut lana
saccida: proximisque diebus diducendus
quotidie oculus est, ne cicatrice inter se pal-
pebræ glutinentur (siquidem id quoque ter-
tium periculum accedit) eodemque modo
linamentum imponendum, ac novissime
inungendum collyrio, quo ulcera ad cica-
tricem perducuntur.

Sed ea curatio vere esse debet, aut
certe ante hiemem. De qua re, ad plu-
ra loca pertinente, semel dixisse satis erit.
Nam duo genera curationum sunt: alia,
in quibus eligere tempus non licet, sed
utendum est eo, quod incidit; sicut in
vulneribus, & fistulis: alia, in quibus nul-
lus dies urget, & expectare tutissimum &
facile est; sicut evenit in iis, quæ & tardè
increscunt, & dolore non cruciant. In his
ver expectandum est: aut, si quid magis pres-
sit, melior tamen autumnus quam hiems vel
æstas est; atque is ipse medius, jam fra-
ctis

Atis æstibus, & nondum ortis frigoribus. Quo magis autem necessaria pars erit, quæ tractabitur, hoc quoque majori periculo subiecta est. & sæpe, quo major plaga facienda, eo magis hæc temporis ratio servabitur.

5. *De Encanthide.*

Ex curatione vero unguis, ut dixi, vitia nascuntur, quæ ipsa aliis quoque de causis
10 oriri solent. Interdum enim fit in angulo, parum ungue exciso, vel aliter, tuberculum, quod palpebras parum diduci patitur: *ἐγκανθίς* Græce nominatur. Excipi hamulo, & circumcidi debet: hic quoque dili-
15 genter temperata manu, ne quid ex ipso angulo abscindatur. Tum exiguum linamentum respergendum est vel cadmia, vel atramento futorio; inque cum angulum, diductis palpebris, inferendum, supraque eo-
20 dem modo deligandum: proximisque diebus similiter nutriendum, ut primo; tantum aqua egelida, vel etiam frigida foveatur.

6. *De Ancyloblepharo.*

Interdum inter se palpebræ coalescunt,
25 aperiri que non potest oculus. Cui malo solet etiam illud accedere, ut palpebræ cum albo oculi cohærescant; scilicet, cum in utrovis fuit ulcus negligenter curatum. sanescendo enim, quod diduci potuit &
30 debuit, glutinabitur; *ἀγκυλοβλήφαρος* sub utroque vitium Græci vocant. Palpebræ tantum inter se cohærentes, non difficulter diducuntur; sed interdum frustra. nam rursus glutinantur. Experiri tamen oportet;

tet; quia bene res sæpius cedit. Igitur ad-
 versum specillum inferendum, diducen-
 dæque eo palpebræ sunt: deinde exigua
 penicilla interponenda, donec exulceratio
 ejus loci finiatur. At, ubi albo ipsius oculis
 palpebra inhæsit, Heraclides Tarentinus
 author est, adverso scalpello subsecare, ma-
 gna cum moderatione, ut neque ex oculo,
 neque ex palpebra quicquam abscinda-
 tur; ac, si necesse est, ex palpebra potius. 10
 Post hæc, inungatur oculus medicamentis,
 quibus aspritudo curatur: quotidieque pal-
 pebra vertatur, non solum ut ulceri medi-
 camentum inducatur, sed etiam ne inhæ-
 reat: ipsique etiam ægro præcipiatur, ut
 sæpe eam duobus digitis attollat. Ego sic
 restitutum esse neminem memini. Meges
 se quoque multa tentasse, neque unquam
 profuisse, quia semper iterum oculo palpe-
 bra inhæserit, memoriæ prodidit. 20

7. De *Agilope*.

Etiamnum in angulo, qui naribus pro-
 prior est, ex aliquo vitio quasi parva fistu-
 la aperitur, per quam pituita assidue destil-
 lat: *αἰζίλωπα* Græci vocant. Idque assi- 25
 due male habet oculum: nonnunquam
 etiam, exeso osse, usque ad nares penetrat.
 Idque interdum naturam carcinomatis ha-
 bet: ubi intentæ venæ & recurvatæ sunt,
 color pallet, cutis dura est, & levi tactu ir- 30
 ritatur, inflammationemque in eas partes,
 quæ conjunctæ sunt, evocat. Ex his eos,
 qui quasi carcinoma habent, curare peri-
 culosum est. nam mortem quoque ea res
 ma-

maturat. Eos vero, quibus ad nares tendit, supervacuum. neque enim sanescunt. At, quibus id in angulo est, potest adhiberi curatio; cum eo, ne ignotum sit, esse difficilem. quanto autem angulo propius id foramen est, tanto difficilior est; quoniam perangustum est, in quo versari manus possit: recenti tamen re mederi facilius est. Hamulo autem summum ejus foraminis excipiendum; deinde totum id cavum, sicut in fistulis dixi, usque ad os excidendum; oculoque & cæteris junctis partibus bene obtectis, os ferramento adurendum est vehementius. quod si jam carie vexatum est, quo crassior huic squama abscedat, quidam adurentia imponunt; ut atramentum sutorium, vel chalcitidem, vel æruginem rasam. quod & tardius & non idem facit. Osse adusto, curatio sequitur eadem, quæ in cæteris uestis.

8. *De Pili palpebrarum oculum irritantibus.*

Pili vero, qui in palpebris sunt, duabus de causis oculum irritare consueverunt. Nam modo palpebræ summa cutis relaxatur, & procidit; quo fit, ut ejus pili ad ipsum oculum convertantur, quia non simul cartilago quoque se remittit: modo sub ordine naturali pilorum alius ordo subcrescit, qui protinus intus ad oculum tendit. Curationes vero hæ sunt. Si pili nati sunt, qui non debuerunt, tenuis acus ferrea ad similitudinem spathe lata, in ignem conjicienda est: deinde candens, sublata palpebra sic, ut ejus perniciosi pili in conspectum curantis

rantis veniant, sub ipsis pilorum radicibus angulo immittenda est, ut ea tertiam partem palpebræ transvehat: deinde iterum, tertioque ad alterum angulum. quo fit, ut omnes pilorum radices adustæ emoriantur. Tum superimponendum medicamentum est, quod inflammationem prohibeat: atque ubi crustæ exciderunt, ad cicatricem perducendum. Facillime autem id genus sanescit. Quidam ajunt, acu transsui juxta pilos exteriorem partem palpebræ oportere, eamque transmitti duplicem capillum muliebrem ducentem; atque ubi acus transit, in ipsius capilli finem, qua duplicatur, pilum esse injiciendū, & per eum in superiorem palpebræ partem attrahendum, ibique corpori adglutinandum, & imponendum medicamentū, quo foramen glutinetur. sic enim fore, ut is pilus in exteriorem partem postea spectet. Id primum fieri non potest, nisi in pilo longiore; cum fere breves eo loci nascantur. Deinde, si plures pili sunt, necesse est longum tormentum sit, & toties acus transiens magnam inflammationem moveat. Novissime, cum humor aliquis ibi subsit, oculo & ante per pilos & tum per palpebræ foramina affecto, vix fieri potest, ut gluten, quo vinctus est pilus, non resolvatur: eoque fit, ut is eo, unde vi abductus est, redeat. Ea vero curatio, quæ palpebræ laxioris ab omnibus frequentatur, nihil habet dubii. Siquidem oportet coniecto oculo mediam palpebræ cutem, siue ea superior, siue inferior est, apprehendere

dere digitis , ac levare . tum considerare ,
quantulo detracto futurum sit , ut naturali-
ter se habeat . Siquidem hic quoque duo
pericula circumstant : si nimium fuerit ex-
cisum , ne contegi oculus non possit ; si pa-
rum , ne nihil actum sit , & frustra se-
ctus aliquis sit . Quod deinde incidendum
videbitur , per duas lineas atramento no-
tandum est sic , ut inter oram , quæ pilos
10 continet , & propiorem ei lineam , aliquid
relinquatur , quod apprehendere acus po-
stea possit . His constitutis , scalpellus adhi-
bendus est : & , si superior palpebra est , an-
te ; si inferior , postea propius ipsis pilis in-
15 cidendum : initiumque faciendum in sinis-
tro oculo , ab eo angulo , qui temporis ; in
dextro , ab eo , qui naribus propior est : id-
que , quod inter duas lineas est , exciden-
dum . deinde oræ vulneris inter se simplici
20 futura committendæ , operiendusque ocu-
lus est : & , si parum palpebra descendet , la-
xanda utique ; si nimium , aut adstringenda ,
aut etiam rursus tenuis habenula ab ulte-
riore ora excidenda . Ubi secta est , aliæ su-
25 turæ adjiciendæ , quæ supra tres esse non
debent . Præter hæc , in superiore palpebra
sub pilis ipsis incidenda linea est , ut ab in-
feriore parte diducti pili sursum spectent .
Idque , si levis inclinatio est , etiam solum
30 satis tuctur . Inferior palpebra eo non eget .
His factis , spongia , ex aqua frigida expres-
sa , super deliganda est . Postero die gluti-
nans emplastrum injiciendum . Quarto fu-
tura tollenda est , & collyrio , quod inflam-
matio-

mationes reprimat, superinungendum.

9. *De Lagophthalmo.*

Nonnunquam autem, nimium sub hac curatione excisa cute, evenit, ut oculus non contegatur. Idque interdum etiam, alia de causa fit. *λαγόφθαλμος* Græci appellant. In quo si nimium palpebræ deest, nulla id restituere curatio potest: si exiguum, mederi licet. Paulum infra supercilium cutis incidenda est lunata figura, 10 cornibus ejus deorsum spectantibus. Altitudo esse plagæ usque ad cartilaginem debet, ipsa illa nihil læsa. nam, si ea incisa est, palpebra concidit, neque attolli postea potest. Cute igitur tantum diducta fit, ut paululum in ima oculi ora descendat; hiantem scilicet super plaga. in quam linamentum injiciendum est, quod & conjungi diductam cutem prohibeat, & in medio carunculam creet: quæ ubi eum locum implevit, 15 postea recte oculus operitur.

10. *De Entropio.*

Ut superioris autem palpebræ vitium est, quo parum descendit, ideoque oculum non contegit: sic inferioris, quo parum 25 sursum attollitur, sed pendet & hiat, neque potest cum superiore committi. Atque id quoque evenit interdum ex simili vitio curationis, interdum etiam senectute. *ἐντροπίος* Græci vocant. Si ex mala curatione 30 est, eadem ratio medicinæ est, quæ supra posita est: plagæ tantum cornua ad maxillas, non ad oculum convertenda sunt: Si ex senectute est, tenui ferramento id

id totum extrinsecus adurendum est; deinde melle inungendum à quarto die, vapore aquæ calidæ fovendum, inungendumque medicamentis ad cicatricem perducantibus.

11. *De Staphylomate.*

Hæc fere circa oculum in angulis palpebrisque incidere consueverunt. In ipso autem oculo nonnunquam summa attollitur tunica, sive ruptis intus membranis aliquibus, sive laxatis; & similis figura acino fit. unde id *στυφύλωμα* Græci vocant. Curation duplex est. Altera, ad ipsas radices per medium traussuere acu, duo lina ducente; deinde alterius lini duo capita ex superiore parte, alterius ex inferiore adstringere inter se, quæ paulatim secando id excidant. Altera, in summa parte ejus ad lenticulæ magnitudinem excidere; deinde spodium aut cadmiam infricare. Utrolibet autem facto, album ovi lana excipiendum & imponendum; posteaque vapore aquæ calidæ fovendus oculus, & lenibus medicamentis unguendus est.

12. *De Clavis oculorum.*

Clavi autem vocantur callosa in albo oculi tubercula; quibus nomen à figuræ similitudine est. Hos ad imam radicem perforare acu commodissimum est, infraque eam excidere, deinde lenibus medicamentis inungere.

13. *De Oculorum natura.*

Suffusionis jam alias feci mentionem; quia cum recens incidit, medicamentis quo-

quoque sæpe discutitur : sed, ubi vetustior facta est, manus curationem desiderat. quæ inter subtilissimas haberi potest. De qua antequam dico, paucis ipsius oculi natura indicanda est. Cujus cognitio, cum ad plura loca pertineat, tum vel præcipue ad hunc pertinet. Is igitur summas habet duas tunicas : ex quibus superior à Græcis *κριαιδής* vocatur ; eaque, qua parte alba est, satis crassa, pupillæ loco extenuatur. Huic interior adjuncta est media parte, qua pupilla est, modico foramine concava, circa tenuis, ulterioribus partibus ipsa quoque plenior. quæ *χρειαιδής* à Græcis nominatur. Hæ duæ tunicæ, cum interiora oculi cingant, rursus sub his coeunt ; extenuatæque & in unum coactæ per foramen, quod inter ossa est, ad membranam cerebri perveniunt, eique inhærescunt. Sub his autem, qua parte pupilla est, locus vacuus est : deinde infra rursus tenuissima tunica, quam Herophilus *δραχνοιδής* nominavit. Ea media subsidit ; eoque cavo continet quiddam, quod, à vitri similitudine, *υαλοιδής* Græci vocant. Id neque liquidum, neque aridum est ; sed quasi concretus humor. Ex cujus colore pupillæ color vel niger est, vel cæsius, cum summa tota tunica alba sit. Id autem superveniens ab interiore parte membranula includit. Sub his gutta humoris est, ovi albo similis : à qua videndi facultas proficiscitur. *κρυσταλοιδής* à Græcis nominatur.

14. *De Suffusione.*

Igitur vel ex morbo, vel ex ictu concre-
scit humor sub duabus tunicis, qua locum
5 vacuum esse proposui; isque paulatim in-
durefcens; interiori potentiæ se opponit.
Vitii ejus plures species sunt, quædam sana-
biles, quædam quæ curationem non ad-
mittunt. Nam si exigua suffusio est, si im-
10 mobilis, colorem vero habet marinæ aquæ,
vel ferri nitentis, & à latere sensum aliquem
fulgoris relinquit, spēs supereſt. Si magna
est, si nigra pars oculi, amissa naturali fi-
gura, in aliam se vertit, si suffusioni color
15 cœruleus est, aut auro similis, si labat, &
hac atque illac movetur, vix unquam suc-
curritur. Fere vero pejor est, quo ex gra-
viore morbo, majoribusve capitis dolori-
bus, vel ictu vehementiore orta est. Neque
20 idonea curationi senilis ætas est; quæ sine
novo vitio, tamen aciem hebetem habet:
ac ne puerilis quidem; sed inter has media
ætas. Oculus quoque curationi neque exi-
guus, neque concavus, satis opportunus
25 est. Atque ipsius quoque suffusionis quæ-
dam maturitas est. Expectandum igitur est,
donec jam non fluere, sed duritie quadam
concrevisse videatur.

Ante curationem autem modico cibo
30 uti, bibere aquam triduo debet; pridie, ab
omnibus abstinere. Post hæc in adverso
sedili collocandus est loco lucido, lumine
adverso, sic ut contra medicus paulo altius
sedeat; à posteriore autem parte caput ejus,
qui curabitur, minister contineat, & im-

mobile id præstet: nam levi motu eripi
acies in perpetuum potest. Quin etiam ip-
se oculus, qui curabitur, immobilior fa-
ciendus est, super alterum lana imposita &
deligata. Curari vero sinister oculus dex-
tra manu, dexter sinistra debet. Tum acus
admovenda est, aut acuta, aut certe non
nimium tenuis, eaque demittenda, sed re-
cta, est per summas duas tunicas medio
loco inter nigrum oculi & angulum tem-
pori propiorem, è regione mediæ suffusio-
nis sic, ne qua vena lædatur. Neque ta-
men timide demittenda est, quia inanilo-
co excipitur. Ad quem cum ventum est,
ne mediocriter quidem peritus falli potest,
quia prementi nihil renititur. Ubi eo ven-
tum est, inclinanda acus ad ipsam suffu-
sionem est, leniterque ibi verti & paulatim
eam deducere infra regionem pupillæ de-
bet, ubi deinde eam transiit, vehementius
imprimi, ut inferiori parti infidat. Si hæ-
sit, curatio expleta est. Si subinde redit,
eadem acu magis concidenda, & in plures
partes dissipanda est: quæ singulæ & faci-
lius conduntur, & minus late officiunt.
Post hæc educenda acus recta est, impo-
nendumque est lana molli exceptum ovi
album, & supra, quod inflammationem
coerceat, atque ita devinciendum.

Post hæc opus est quiete, abstinencia,
lenium medicamentorum inunctionibus,
cibo (qui postero die satis mature datur)
primum liquido, ne maxillæ laborent;
deinde, inflammatione finita, tali, qualis in
vul-

vulneribus propositus. Quibus, ut aqua quoque diutius bibatur, necessario accedit.

15. *De Pituita oculorum.*

De pituitæ quoque tenuis cursu, qui oculos infestat, quatenus medicamentis agendum est, jam explicui. Nunc ad ea veniam, quæ curationem ex manu postulant. Animadvertimus autem quibusdam nunquam siccescere oculos, sed semper humore tenui madere: quæ res aspritudinem continuat, & ex levibus momentis inflammationes & lippitudines excitat, totam denique vitam hominis infestat. Idque in quibusdam nulla ope adjuvari potest, in quibusdam sanabile est. Quod primum discrimen nosse oportet, ut alteris succurratur, alteris manus non injiciatur.

Ac primum supervacua curatio est in his, qui ab infantibus id vitium habent; quia necessario mansurum est usque mortis diem. Deinde non necessaria etiam in his, quibus non multa, sed acris pituita est; siquidem manu nihil adjuvantur; medicamentis, & victus ratione, quæ crassiorem pituitam reddit, ad sanitatem perveniunt. Lata etiam capita vix medicinæ patent. Tum interest, pituitam emittant venæ, quæ inter calvariam & cutem sunt, an quæ inter membranam cerebri & calvariam: superiores enim per tempora oculos rigant; inferiores, per eas membranas, quæ ab oculis ad cerebrum tendunt. Potest autem adhiberi remediū his, quæ supra os fluunt; non potest his, quæ ab osse. Ac ne his qui-

436 A. CORN. CELSI *Lib. 7.*
dem succurritur, quibus pituita utrinque
descendit : quia levata altera parte, nihi-
lominus altera infestat.

Quid sit autem, hac ratione cognoscitur.
Raso capite ea medicamenta, quibus in lip-
pitudine pituita suspenditur, à superciliis
usque ad verticem illini debent : si sicci
oculi esse cœperunt, apparet per eas venas,
quæ sub cute sunt, irrigari : si nihilomi-
nus madent, manifestum est sub osse de-
scendere : si est tumor, sed levior, duplex
vitium est. Plurimi tamen ex laborantibus
reperiuntur, quos superiores venæ exer-
ceant ; ideoque pluribus etiam opitulari
licet. Idque non in Græcia tantummodo,
sed in aliis quoque gentibus celebre est :
adeo ut nulla medicinæ pars magis per na-
tiones quasque exposita sit.

Reperti in Græcia sunt, qui novem li-
neis cutem capitis inciderent : duabus in
occipitio rectis, una super eas transversa :
dein duabus super aures, una inter eas item
transversa : tribus denique inter verticem
& frontem rectis. Reperti sunt, qui à ver-
tice recta eas lineas ad tempora deduce-
rent ; cognitisque, ex motu maxillarum,
musculorum initiis, leviter super eòs cu-
tem inciderent, diductisque per retusos
hamos oris, infererent linamenta sic, ut
neque inter se cutis antiqui fines commit-
terentur, & in medio caro increticeret, quæ
venas, ex quibus ad oculos transfret, adtrin-
geret. Quidam etiam atramento duas li-
neas duxerunt à media aure ad mediam al-

teram

teram aurem ; deinde à naribus ad verticem : tum ubi lineæ committebantur, scalpello inciderunt ; & post sanguinem effusum , os ibidem adusserunt. Nihilominus & autem & in temporibus , & inter frontem atque verticem eminentibus venis idem candens ferrum admoverunt.

Frequens curatio est , venas in temporibus adurere. quæ fere quidem in ejusmodi malo tument : sed tamen, ut inflentur magisque se ostendant, cervix ante modice deliganda est. Tenuibus autem ferramentis, & retusis venæ adurendæ ; donec in oculos pituitæ cursus conquiescat. Id enim signum est quasi excæcatorum itinerum, per quæ humor ferebatur.

Valentior tamen medicina est , ubi tennes conditæque venæ sunt , ideoque legi non possunt , eodem modo cervice deligata , retentoque ab ipso spiritu , quo magis venæ prodeant , atramento notare eas contra tempora , & inter verticem ac frontem : deinde cervice resoluta , quæ notæ sunt, venas incidere, & sanguinem mittere : ubi satis fluxit , tenuibus ferramentis adurere. contra tempora quidem , timide ; ne subjecti muscoli, qui maxillas tenent , sentiant : inter frontem vero & verticem, vehementer sic, ut squama ab ossè recedat.

Efficacior tamen etiamnum est Afrorum curatio, qui verticem usque ad os adurant sic , ut squamam remittat. Sed nihil melius est , quam quod in Gallia quoque Comata fit , ubi venas in temporibus & in su-

periore capitis parte legunt. Aduſta quo modo curanda ſint, jam explicui. Nunc illud adjicio; neque ut cruſtæ decidant, neque ut ulcus impleatur, aduſtis venis, eſſe prope-
randum; ne vel ſanguis erumpat, vel cito ſ-
pus ſupprimatur: cum per hoc ficceſcere
eas partes opus ſit; per illud exhauriri
opus non ſit. Si quando tamen ſanguis eru-
perit, infrianda medicamenta eſſe, quæ
ſic ſanguinem ſupprimant, ut ne adurant. 10
Quemadmodum autem venæ deligendæ
ſint, quidque lectis his faciendum ſit, cum
venero ad crurum varices, dicam.

C A P. V I I I.

*De Aurium morbis, qui manu &
ſcalpello curantur.*

VERUM ut oculi multiplicem cu-
rationem, etiam manus exigunt:
ſic in auribus admodum pauca ſunt, 20
quæ in hac medicinæ parte tractentur. So-
let tamen evenire vel à prima natali die
protinus, vel poſtea facta exulceratione,
deinde per cicatricem aure repleta, ut fo-
ramen in ea nullum ſit, ideoque audiendi 25
uſu careat. Quod ubi incidit, ſpecillo ten-
tandum eſt, alte ne id repletum, an in ſum-
mo tantum glutinatum ſit. Nam ſi alte
eſt, prementi non cedit: ſi in ſummo, ſpecil-
lum protinus recipit. Illud attingi non 30
oportet; ne ſine effectus ſpe oriatur diſten-
tio nervorum, & ex ea mortis periculum
ſit: hoc facile curatur. Nam qua cavum
eſſe debet, vel medicamentum aliquod
impo-

imponendum est ex adurentibus, vel candente ferro aperiendum, vel etiam scalpello incidendum. Cumque id patefactum, & jam ulcus purum est, injicienda eo pinna est, illita medicamento cicatricem inducente: circaque id, medicamentum dandum, ut cutis circa pinnam sanescat; quo fit, ut ea remota, postea facultas audiendi
10 sit.

At ubi aures perforatæ sunt, & offendunt, trajicere id cavum celeriter candente acu satis est, ut leniter ejus oræ exulcerentur; aut etiam adurente medicamento
15 idem exulcerare: postea deinde imponere id quod purget; tum quod eum locum repleat, & cicatricem inducat. Quod si magnum id foramen est, sicut solet esse in his, qui majora pondera auribus gesserunt,
20 incidere, quod super est, ad extremum oportet: supra deinde oras scalpello exulcerare, & postea suere, ac medicamentum, quo id glutinetur, imponere. Tertium est, si quid ibi curti est, sarcire. quæ res cum
25 in labris quoque & naribus fieri possit, eandem autem curationem habeat, simul explicanda est.

CAP. IX.

30 *Curta in auribus, labrisque ac naribus, quomodo sarciri & curari possint.*

CURTA igitur in his tribus, ac si qua parte parva sunt, curari possunt: si qua majora sunt, aut non accipiunt curationem, aut ita per hanc ipsam defor-

mantur, ut minus indecora ante fuerint. Atque in aure quidem & naribus deformitas sola timeri potest: in labris vero, si nimium contracta sunt, usus quoque necessario jactura fit; quia minus facile & cibus assumitur, & sermo explicatur. Neque enim creatur ibi corpus; sed ex vicino adducitur. quod etsi in levi mutilatione, & nihil eripere, & fallere oculum potest; in magna, non potest. Neque simile autem corpus, neque quod mali habitus est, neque in quo difficulter ulcera sanescunt, huic medicinæ idoneum est; quia nusquam aut celerius cancer occupat, aut difficilior tollitur. 15

Ratio curationis ejusmodi est: id quod curtatum est, in quadratum redigere; ab interioribus ejus angulis lineas transversas incidere, quæ citeriorem partem ab ulteriore ex toto diducant; deinde ea, quæ sic resolvimus, in unum adducere. Si non satis junguntur, ultra lineas, quas ante fecimus, alias duas lunatas, & ad plagam transversas immittere, quibus summa tantum cutis diducatur: sic enim fit, ut facilius quod adducitur, sequi possit. quod non vi cogendum est; sed ita adducendum, ut ex facili subsequatur, & dimissum non multum recedat. 25

Interdum tamen ab altera parte cutis haud omnino adducta deformem, quem reliquit locum, reddit. Hujusmodi loci altera pars incidenda, altera intacta habenda est. Ergo neque ex imis auribus, neque ex me-

medio naso imisve narium partibus, neque ex angulis labrorum quicquam attrahere tentabimus. Utrunque autem petemus, si quid summis auribus, si quid imis aut mediis naribus, aut mediis labris deerit. Quæ tamen interdum etiam duobus locis curata esse consueverunt : sed eadem ratio curandi est. Si cartilago in eo, quod incisum est, eminet, excidenda est : neque enim aut
 10 glutinatur, aut acuto tuto trajicitur. Neque longe tamen excidi debet, ne inter duas oras liberæ cutis utrinque coitus puris fieri possit. Tum junctæ oræ inter se suendæ sunt, utrinque cute apprehensa ; & qua
 15 priores lineæ sunt, ea quoque futuræ injiciendæ sunt. Siccis locis, uti naribus illita spuma argenti, satis proficit. In interiores vero, lunatasque plagas, linamentum dandum est; ut caro increescens vulnus im-
 20 pleat. Summaque cura, quod ita sutum est, tuendum esse, apparere ex eo potest, quod de cancro supra posui. Ergo etiam tertio quoque die fovendum erit vapore aquæ calidæ: rursusque idem medicamentum
 25 injiciendum. quo fere septimo die glutinatum est. Tum futuræ eximi, & ulcus ad sanitatem perducere debet.

C A P. X.

De Polypo.

30

POLYPUM vero, qui in naribus nascitur, præcipue ferro curari jam alias posui. Ergo etiam hunc ferramento acuto, in modum spathe facto, resolvere

T 5

ab

442 A. CORN. CELSI *Lib. 7.*
ab osse oportet : adhibita diligentia , ne in-
fra cartilago lædatur ; in qua difficilis cu-
ratio est. Ubi abscissus est, unco ferramen-
to extrahendus est. Tum implicitum lina-
mentum , vel aliquid ex penicillo resper-
gendum est medicamento , quo sanguis
supprimitur , eoque nares leniter implen-
dæ. Sanguine suppresso , linamento ulcus
purgandum est. Ubi purum est, eo pinna,
eodem modo, quo in aure supra positum
est , medicamento illita , quo cicatrix in-
ducitur , intus demittenda , donec ex toto
id sanescat.

C A P. XI.

De Ozæna.

15

ID autem vitium , quod ὀζῆνα à Græcis
vocatur , si medicamentis non cederet,
quemadmodum manu curandum esset,
apud magnos Chirurgos non reperi. Cre-
do, quia res raro ad sanitatem satis proficit;
cum aliquod in ipsa curatione tormentum
habeat. Apud quosdam tamen positum est,
vel subtilem fistulam , vel enodem scripto-
rium calamum in narem esse conjicien-
dum , donec sursum ad os perveniat : tum
per id tenue ferramentum candens dan-
dum esse ad ipsum os : deinde adustum lo-
cum purgandum esse ærugine & melle :
ubi purus est , lycio ad sanitatem perdu-
cendum. Vel narem incidendam esse ab
ima parte ad os , ut & conspici locus possit,
& facilius candens ferramentum admoveri.
Tum sui narem debere ; & adustum qui-
dem

dem ulcus eadem ratione curari: futuram vero illini vel spuma argenti, vel alio glutinante.

C A P. X I I.

5 *De Oris vitiis, quæ manu & ferro curantur.*

1. *De Dentibus.*

- 10 **I**N ore quoque quædam manu curantur. Ubi in primis dentes nonnunquam moventur, modo propter radicum imbecillitatem, modo propter gingivarum marcescentium vitium. Oportet in utrolibet candens ferramentum gingivis admove-
15 re, ut leviter attingat, non ut insadat. Adustræ gingivæ melle illinendæ, & mulso eluendæ sunt. Ut pura ulcera esse coeperunt, arida medicamenta infrienda sunt ex his, quæ reprimunt.
- 20 Si vero dens dolores movet, eximique cum, quia medicamenta nihil adjuvant. placuit, circumradi debet, ut gingiva ab eo resolvatur; tum is concutiendus est. Eademque facienda, donec bene moveatur.
- 25 nam dens hærens cum summo periculo evellitur, ac nonnunquam maxilla loco movetur. Idque etiam majore periculo in superioribus dentibus fit; quia potest tempora oculosve concutere. Tum, si fieri potest, manu; si minus, forcipe dens excipiendus est.

At si exesus est ante, id foramen vel linamento, vel bene accommodato plumbo replendum est, ne sub forcipe confringatur.

Recta

Reſta vero forceps ducendus eſt , ne inflexis radicibus os raram , cui dens inhæret, parte aliqua frangatur. Neque ideo nullum ejus rei periculum eſt ; utique in dentibus brevibus , qui fere longiores radices habent : ſæpe enim forceps , cum dentem comprehendere non poſſit , aut fruſtra comprehendat , os gingivæ prehendit & frangit.

Protinus autem, ubi plus ſanguinis profluat , ſcire licet , aliquid ex oſſe fractum eſſe. Ergo ſpecillo conquirenda eſt teſta, quæ reſceſſit , & vulſella protrahenda eſt : ſi non ſequitur, incidi gingiva debet, donec labans oſſi teſta recipiatur. Quod ſi fractum ſtatim non eſt, ſed intumeſcit extrinſecus maxilla , ut os hiare non poſſit , foris imponendum calidum ex farina & fico cataplaſma eſt, donec ibi pus moveatur : tum incidi gingiva debet. Pus quoque multum profluens , oſſis fracti nota eſt. Itaque etiam tumid extrahi convenit. Nonnunquam etiam, eo læſo, fiſſura fit. quæ eradi debet.

Dens autem ſcaber, qua parte niger eſt, radendus eſt , illinendusque roſæ flore contrito , cui gallæ quarta pars & altera myrrhæ ſit adjecta : continendumque ore crebro vinum meracum. Atque in eo caſu velandum caput , ambulatione multa , fri- catione capitis, cibo non acri utendum eſt.

At, ſi ex ictu vel alio caſu aliqui labant dentes , auro cum his , qui bene hærent, vincendi ſunt ; continendaque ore reprimenda

mentia, ut vinum, in quo malicorium decoctum, aut in quod galla candens coniecta sit. Si quando etiam in pueris antedens nascitur, quam prior excidat, is, qui cadere debuit, circumradendus & evellendus est; is, qui natus est in locum prioris, quotidie digito adurgendus, donec ad justam magnitudinem perveniat. Quotiescunque dente exempto radix relicta est, protinus ea quoque ad id facto forcipe, quam *πίδαγμα* Græci vocant, eximenda est.

2. De Tonsillis induratis.

Tonsillas autem, quæ post inflammationes induruerunt, ~~ἀσπιδίς~~ autem à Græcis appellantur, cum sub levi tunica sint, oportet digito circumradere & evellere: si ne sic quidem resolvuntur, hamulo excipere, & scalpello excidere: tum ulcus aceto eluere, & illinire vulnus medicamento, quo sanguis supprimitur.

3. De Uva.

Uva, si cum inflammatione descendit, dolorique est, & subrubicundi coloris, præcidi sine periculo non potest: solet enim multum sanguinem effundere, itaque melius est iis uti, quæ alias proposita sunt. Si vero inflammatio quidem nulla est, nihilominus autem ea ultra justum modum à pituita diducta est, & tenuis, acuta, alba est, præcidi debet. itemque, si ima, livida & crassa; summa, tenuis est. Neque quicquam commodius est, quam vulsella apprehendere, sub eaque, quod volumus, excidere. Neque enim ullum periculum est,

446 A. CORN. CELSI Lib. 7.
ne plus minusve præcidatur : cum liceat
tantum infra vulsellâ relinquare , quantum
inutile esse manifestum est ; idque præci-
dere, quo longior uva est , quam esse natu-
raliter debet. Post curationem eadem fa-
cienda sunt, quæ in tonsillis proxime po-
sui.

4. De Lingua.

Lingua vero quibusdam cum subiecta
parte à primo natali die juncta est ; qui ob
id ne loqui quidem possunt. Horum ex-
trema lingua vulsellâ apprehendenda est,
sub eaque membrana incidenda : magna
cura habita, ne venæ, quæ juxta sunt , vio-
lentur , & profusione sanguinis noceant.¹⁵
Reliqua curatio vulneris in prioribus po-
sita est. Et plerique quidem, ubi confanue-
runt, loquuntur. Ego autem cognovi, qui,
succisa lingua, cum abunde super dentes
eam promeret, non tamen loquendi facul-²⁰
tatem consecutus est. Adeo in medicina,
etiam , ubi perpetuum est , quod fieri de-
bet , non tamen perpetuum est id , quod
consequi convenit.

5. De Abscessu sub lingua.

25

Sub lingua quoque interdum aliquid
abscedit; quod fere consistit in tunica, do-
loresque magnos movet. Quod, si exiguum
est , incidi semel satis est : si majus, summa
cutis usque ad tunicam excidenda est; dein-³⁰
de utrinque oræ hamulis excipiendæ, &
tunica, undique circumdata, liberanda est :
magna diligentia per hanc curationem ha-
bita, ne qua major vena incidatur.

6. De

6. De Labris.

Labra autem sæpe finduntur, eaqueres
habet cum dolore etiam hanc molestiam,
quod sermo prohibetur; qui subinde eas
5 rimas cum dolore diducendo sanguinem
citât. Sed has, si in summo sunt, medica-
mentis curare commodius est, quæ ad ul-
cera oris fiunt: si vero altius descenderunt,
necessarium est tenui ferramento adurere.
10 quod spathæ simile, quasi transcurrere, non
imprimi debet. Postea facienda eadem sunt,
quæ in naribus adustis exposita sunt.

C A P. XIII.

15 De Cervicis vitio.

AT in cervice, inter cutem & asperam
arteriam, tumor increscit (*βρογχική*
αλω Græci vocant) quo, modo ca-
ro hebes, modo humor aliquis, melli aquæ-
20 ve similis, includitur; interdum etiam mi-
nutis ossibus pili immisti. Ex quibus quic-
quid est, quod tunica continetur, potest
adurentibus medicamentis curari. Quibus
summa cutis cum subiecta tunica exuritur.
25 quo facto, siue humor est, profluit; siue
quid densius, digitis educitur: tum ulcus
sub linamentis sanescit. Sed scalpelli cura-
tio brevior est. Medio tumor una linea
inciditur usque ad tunicam: deinde vitio-
30 sus sinus ab integro corpore digito separa-
tur, totusque cum velamento suo eximi-
tur: tum aceto, cui vel salem vel nitrum
aliquis adjecit, eluitur; oræque una sutura
junguntur; cæteraque eadem, quæ in alijs
su-

futuris, superinjiciuntur: leniter deinde, ne fauces urgeat, deligatur. Si quando autem tunica eximi non potuerit, intus inspergenda adurentia, linamentisque id curandum, & cæteris pus moventibus. 5

C A P. XIV.

De Umbilici vitiis.

SU NT etiam circa umbilicum plura vitia; de quibus, propter raritatem, inter 10 auctores parum constat. Verisimile est autem, id à quoque prætermisum, quod ipse non cognoverat: à nullo id, quod non viderat, fictum. Commune omnibus est, umbilicum indecore prominere. Cas æ 15 requiruntur? Meges tres has posuit: modo intestinum eo irrumperè, modo omentum, modo humorem. Sostratus nihil de omento dixit. Duobus iisdem adjecit, carnem ibi interdum increfcere; eamque modo inte- 20 gram esse, modo carcinomati similem. Gorgias ipse quoque omenti mentionem omisit: sed eadem tria causatus, spiritum quoque interdum eo dixit irrumperè. Heron omnibus his quatuor positis, & omenti 25 mentionem habuit, & ejus, quod simul & omentum & intestinum habuerit.

Quod autem horum sit, his indiciis cognoscitur. Ubi intestinum prolapsum est, tumor neque durus, neque mollis est: om- 30 ni frigore minuitur; non solum sub omni calore, sed etiam retento spiritu crescit: sonat interdum; atque, ubi resupinatus est aliquis, relapso intestino, ipse desidit. Vbi vero

vero omentum est, cætera similia sunt, tumor mollior, & ab ima parte extenuatus in verticem est; si quis apprehendit, elabitur. Ubi utrumque est, indicia quoque mixta sunt, & inter utrumque mollities. At caro durior est, semperque etiam resupinato corpore tumet, prementique non cedit, prioribus facile cedentibus. Si vitiosa est, easdem notas habet, quas in carcinomate exposui. Humor autem, si premittitur, circumfluit. At spiritus pressus cedit, sed protinus redit: resupinato quoque corpore tumorem in eadem figura tenet.

Ex his id, quod ex spiritu vitium est, 15 medicinam non admittit. Caro quoque, carcinomati similis, cum periculo tractatur. itaque omittenda est. Sana excidi debet; idque vulnus linamentis curari. Humorem quidam vel inciso summo tumore 20 effundunt, & vulnus iisdem linamentis curant. In reliquis variæ sententiæ sunt. Ac resupinandum quidem corpus esse, res ipsa testatur; ut in uterum, sive intestinum, sive omentum est, relabatur. Si 25 nus vero umbilici, tum vacuus, à quibusdam duabus regulis excipitur; vehementerque earum capitibus deligatis, ibi emoritur: à quibusdam ad imum acu trajectatur, duo lina ducente; deinde utriusque lioni 30 duobus capitibus diversæ partes adstringuntur (quod in urva quoque oculi fit:) nam sic id, quod supra vinculum est, moritur. Adjecerunt quidam, ut, antequam vincirent, summum una linea inciderent; quo

quo facilius digito demisso, quod illuc irrupisset, depellerent: tum deinde vincirent. Sed abunde est, jubere spiritum continere, ut tumor, quantus maximus esse potest, se ostendat: tum imam basim ejus atramento notare; resupinatoque homine, digitis tumorem eum premere, ut, si quid relapsum non est, manu cogatur: post hæc, umbilicum adtrahere, & qua nota atramenti est, lino vehementer adstringere: deinde partem superiorem aut medicamentis, aut ferro adurere, donec emoriatur: atque, ut cæterausta, ulcus nutrire. Idque non solum ubi intestinum, vel omentum, vel utrumque est; sed etiam, ubi humor est, optime proficit.

Sed ante quædam visenda sunt, ne quod ex vinculo periculum sit. Nam curationi neque infans, neque aut robustus annis, aut senex aptus est; sed a septimo fere anno ad quartumdecimum. Deinde ei corpus idoneum est id, quod integrum est: at quod mali habitus est, quodque papulas, impetigines, similiaque habet, idoneum non est. Levibus quoque tumoribus facile subvenitur: at in eorum, qui nimis magni sunt, curatione periculum est. Tempus autem anni & autumnale, & hibernum vitandum est. Ver idoneum maxime est. Ac prima æstas non aliena est. Præter hæc, abstinere pridie debet. Neque id satis est: sed alvus quoque ei ducenda est; quo facilius omnia quæ excesserunt, intra uterum confidant.

C A P. XV.

Quomodo Aqua hydropicis emittatur.

5 **A**QUAM his, qui hydropici sunt, emitti oportere, alias dixi. nunc, quemadmodum id fiat, dicendum. Quidam autem sub umbilico, fere quatuor interpositis digitis à sinistra parte; quidam, ipso umbilico perforato, id facere consueverunt: 10 quidam, cute primum adusta, deinde interiore abdomine inciso; quia, quod per ignem divisum est, minus celeriter coit. Ferramentum autem demittitur magna cura habita, ne qua vena incidatur. Id tale esse 15 debet, ut fere tertiam digiti partem latitudo mucronis impleat: demittendumque ita est, ut membranam quoque transeat, qua caro ab interiore parte finitur: eo tum plumbea aut ænea fistula injicienda est, vel recur- 20 vatis in exteriorem partem labris, vel eadem circumcingente quadam remora; ne tota intus delabi possit. Hujus ea pars, quæ intra, paulo longior esse debet, quam quæ extra; ut ultra interiorem membranam 25 procedat. Per hanc effundendus humor est: atque ubi major pars ejus evocata est, claudenda demisso linteolo fistula est; & in vulnere, si id ustum non est, relinquenda. Deinde per insequentes dies circa singulas 30 heminas emittendum, donec nullum aquæ vestigium appareat. Quidam tamen etiam non usta cute, protinus fistulam recipiunt, & super vulnus spongiam expressam ex aqua frigida, vel ex aceto deligant: deinde postero

stero die rursus fistulam demittunt (quod recens vulnus paululum diductum patitur) ut, si quid humoris superest, emittatur: idque bis ita fecisse contenti sunt.

CAP. XVI.

5

*De Ventre, ictu perforato, &
Intestinis vulneratis.*

NONNUMQUAM autem venter ictu aliquo perforatur; sequiturque, ut intestina evolvantur. Quod ubi incidit, protinus considerandum est, an integra ea sint; deinde, an his color suus maneat. Si tenuius intestinum perforatum est, nihil profici posse, jam retuli. Latius 15 intestinum sui potest: non quod certa fiducia sit; sed quod dubia spes, certa desperatione sit potior. interdum enim glutinatur. Tum, si utrumlibet intestinum lividum, aut pallidum, aut nigrum est, quibus illud quoque necessario accedit, ut sensu careat, medicina omnis inanis est. Si vero adhuc ea sui coloris sunt, cum magna festinatione succurrendum est: momento enim alienantur externo & insueto spiritu 25 circumdata. Resupinandus autem homo est, coxis erectioribus; &, si angustius vulnus est, quam ut intestina commode refundantur, incidendum est, donec satis pateat. Ac, si jam sicciora intestina sunt, perluenda aqua sunt, cui paululum admodum olei sit adjectum. Tum minister, oras vulneris leniter diducere manibus suis, vel etiam duobus hamis, membranæ interiori inje- 30 ctis,

Etis, debet: medicus priora semper intestina,
quæ posteriora prolapsa sunt, condere sic,
ut orbium singulorum locum servet. Re-
positis omnibus, leniter homo concutien-
5 dus est. quo fit, ut per se singula intestina in
suas sedes reducantur, & in his confidant.
His conditis, omentum quoque confide-
randum est: ex quo, si quid jam nigri &
emortui est, forfice excidi debet: si quid
10 integrum est, leniter super intestina redu-
ci: futura autem, neque summæ cutis, ne-
que interioris membranæ per se, satis pro-
ficit; sed utriusque. Et quidem è duobus
linis facienda est, & spissior quam alibi;
15 quia & rumpi facilius motu ventris potest,
& non æque magnis inflammationibus pars
ea exposita est. Igitur in duas acus fila con-
jicienda, æque duabus manibus tenendæ;
& prius interiori membranæ futura inji-
20 cienda est sic, ut sinistra manus in dexte-
riore ora, dextra in sinisteriore à principio
vulneris orsa, ab interiori parte in exte-
riorem acum immittat. quo fit, ut ab intesti-
nis ea pars semper acuum longe sit, quæ
25 acuta; propinqua, retusa est. Semel utra-
que parte trajecta, permutandæ acus inter
manus sunt, ut ea sit in dextra, quæ fuit in
sinistra, ea veniat in sinistram, quam dex-
tra continuit: iterumque eodem modo per
30 oras immittendæ sunt: atque ita tertio
& quarto, deincepsque permutatis inter
manus acubus includenda plaga. Post hæc,
eadem fila, eademque acus ad cutem trans-
ferendæ, similique ratione ei quoque parti

utraq; sutura injicienda; semper ab interiore parte acubus venientibus, semper inter manus trajectis. Dein glutinantia injicienda. Quibus aut spongiam, aut succidam lanam ex aceto expressam accedere debere, manifestius est, quam ut semper dicendum sit. Impositis his leniter deligari venter debet.

CAP. XVII.

*De Interiore membrana
abdominis rupta*

10

INTERDUM tamen vel ex ictu aliquo, vel retento diutius spiritu, vel sub gravi fasce, interior abdominis membrana, superiore cute integra, rumpitur. Quod foeminis quoque ex utero sæpe evenire consuevit: fitque præcipue circa ilia. Sequitur autem, cum superior caro mollis sit, ut non satis intestina contineat, hisque intenta cutis indecora intumescat. Atque id quoque aliter atque aliter curatur. Quidam enim per acum duobus linis ad imam basim immissis sic utrinque devinciunt, quemadmodum & in umbilico, & in uva positum est, ut, quicquid super vinculum est, emoriatur. Quidam medium tumorem excidunt, ad similitudinem myrtacei folii (quod semper eodem modo servandum esse jam posui) & tum oras sutura jungunt. Commodissimum est autem, re-supinato corpore, experiri manu, qua parte is tumor maxime cedat, quia necesse est, ea parte rupta membrana sit; quaque inte-
gra

gra est, ea magis obnitatur: tum, qua rupta videbitur, incidendæ scalpello duæ tuni-
cæ sunt, ut, exciso medio, interior mem-
brana utrinque recentem plagam habeat;
quia, quod vetus est, sutura non coit. Loco
patefacto, si qua parte membrana non no-
vam plagam, sed veterem habet, tenuis
excidenda habena est, quæ tantum oras
ejus exulceret. Cætera, quæ ad futuram,
Oreliquamque curationem pertinent, supra
comprehensa sunt.

2. *De Varicibus ventris.*

Præter hæc evenit, ut in quorundam
ventribus varices sint, quarum quia nulla
15 alia curatio est, quam quæ in cruribus esse
consuevit, tum eam partem explanaturus,
hanc quoque eo differo.

C A P. X V I I I.

20 *De Testiculorum natura, & morbis.*

VENIO autem ad ea, quæ in natura-
libus partibus circa testiculos oriri
solent. quæ quo facilius explicem,
prius ipsius loci natura paucis proponenda:
25 est. Igitur testiculi simile quiddam glan-
dulis habent. nam sanguinem non emit-
tunt, & omni sensu carent: dolent autem
in ictibus & inflammationibus tunicarum,
quibus hi continentur. Dependent vero ab
30 inguinibus per singulos nervos, quos *κρυσ-
ματιδες* Græci nominant. cum quorum u-
troque binæ descendunt & venæ & arteriæ.
Hæc autem tunica conteguntur tenui, per-
volsa, sine sanguine, alba, quæ *ελυττος*

à Græcis nominatur. Super eam valentior tunica est, quæ interiori vehementer ima parte inhæret. *δαρτὶς* Græci vocant. Multæ deinde membranulæ venas & arterias, eosque nervos comprehendunt; atque inter duas quoque tunicas superioribus partibus tenues patulæque sunt. Hætenus propria utrique testiculo & velamenta & auxilia sunt. Communis deinde utrique, omnibusque interioribus sinus est, qui¹⁰ etiam conspicitur à nobis. *ἄρσις* Græci, scrotum nostri vocant. Isque ab ima parte mediis tunicis leviter innexus, à superiore tantum circumdatus est.

Sub hoc igitur plura vitia esse consue-¹⁵ verunt, quæ modo ruptis tunicis, quas ab inguinibus incipere proposui, modo his integris fiunt. siquidem interdum vel ex morbo primum inflammatur, deinde postea pondere abrumpitur, vel ex ictu aliquo²⁰ protinus rumpitur tunica, quæ diducere ab inferioribus partibus intestina debuit. Tum pondere eo devolvitur, aut omentum, aut etiam intestinum: atque ibi reperta via, paulatim ab inguinibus in infe-²⁵ riores quoque partes nisum, subinde nervosas tunicas, & ob id, quod dixi, patentes diducit. *ἐντεροκήλιω* & *ἐπιπλοκήλιω* Græci vocant: apud nos indecorum, sed commune his, herniæ nomen est. 30

Deinde, si descendit omentum, nunquam in scroto tumor tollitur, sive inedia fuit, sive corpus huc illucve conversum, aut alio quovis modo collocatum: itemque, si

si retentus est spiritus, non magnopere increfcit, tactu vero inæqualis est, & mollis, & lubricus.

At fi inteftinum quoque descendit, tumor is fine inflammatione modo minuitur, modo increfcit; estque fere fine dolore &, cum conquiefcit aliquis aut jacer, interdum ex toto defidit, interdum fic minuitur, ut in fcroto exiguæ reliquiae
 10 mancant: at sub clamore, & iatietate, & fi sub aliquo pondere is homo nixus est, crefcit: frigore omni contrahitur, calore diffunditur; estque tum fcrotum & rotundum, & tactu leve: idque, quod fubest, lubricum est; fi preffum est, ad inguen revertitur; dimiffumque, iterum cum quodam quafi murmure devolvitur. & id quidem in levioribus malis evenit. Nonnunquam autem ftercore accepto vastius
 20 tumet, retroque compelli non potest: adfertque tum dolorem & fcroto, & inguinibus, & abdomini. Nonnunquam ftomachus quoque affectus primum rufam bilem per os reddit, deinde viridem, quibusdam etiam nigram.

Integris vero membranis interdum eam partem humor diffendit. Atque ejus quoque fpecies duæ funt. Nam vel inter tunicas is increfcit, vel in membranis, quæ
 30 ibi circa venas & arterias funt, ubi hæ gravatæ occalluerunt. Ac ne ei quidem humori, qui inter tunicas est, una fedes est. Nam modo inter fummam & mediam, modo inter mediam & imam confiftit.

Græci communi nomine, quicquid est, *ὕδρονκέλευ* appellant: nostri vero, scilicet nullis discriminibus satis cognitis, hoc quoque sub eodem nomine, quo priora, habent.

Signa autem quædam communia sunt, 5 quædam propria. Communia, quibus humor deprehenditur: propria, quibus locus. Humorem subesse discimus, si tumor est, nunquam ex toto se remittens, sed interdum levior, aut propter famem, aut 10 propter febriculam, maximeque in pueris: isque mollis est, si non nimius humor subest; at, si is vehementer increvit, renititur sicut uter repletus & arcte adstrictus: venæ quoque in scroto inflantur; & si digito 15 premimus, cedit humor, circumfluenque id, quod non premitur, attollit; & tanquam in vitro cornuve per scrotum apparet; isque, quantum in ipso est, sine dolore est. Sedes autem ejus sic deprehenditur. Si in- 20 ter summam mediamque tunicam est, cum digitis duobus premimus, paulatim humor inter eos revertens subit: scrotum remissius & albidius est; si ducitur, aut nihil, aut paululum intenditur: testiculus ea parte 25 neque visu, neque tactu sentitur. At, si sub media tunica est, intentum scrotum magis se attollit, adeo ut superior coles sub tumore eo delitefeat.

Præter hæc æque integris tunicis ramex 30 innascitur. *κισσοκέλευ* Græci adpellant, cum venæ intumescunt. Hæ quandoque intortæ, conglomeratæque ad superiorem partem, vel ipsum scrotum implent, vel mediam

mediam tunicam, vel imam: interdum etiam sub ima tunica, circa ipsum testiculum nervumque ejus, increfcunt. Ex his eæ, quæ in ipfo fcroto funt, oculis patent: hæ vero, quæ mediæ imæve tunicæ infident, ut magis conditæ non æque quidem cernuntur, fed tamen etiam vifui fubjectæ funt: præterquam quod & tumoris aliquid eft, pro venarum magnitudine & modo; & id prementi magis renititur, ac per ipfos venarum toros inæquale eft; &, qua parte id eft, testiculus magis jufto dependet. Cum vero etiam fuper ipfum testiculum nervumque ejus id malum increvit, aliquanto longius testiculus ipfe descendit, minorque altero fit, utpote alimento amiffo.

Raro, fed aliquando caro quoque inter tunicas increfcit. *σπερμακήλιω* Græci vocant.

Interdum etiam ex inflammatione tumet ipfe testiculus, ac febres quoque adfert; &, nifi celeriter ea inflammatio conquievit, dolor ad inguina atque ilia pervenit; partesque hæ intumefcunt, & nervus, ex quo testiculus dependet, plenior fit, fimulque indurefcit.

Super hæc, inguen quoque nonnunquam ramices implant. *βεζωνοκήλιω* adpellant.

De Testiculorum curationibus communibus:

& primo de incisione & curatione

Inguinis, vel Scroti.

His cognitis, de curatione dicendum est. In qua quædam communia omnium sunt, quædam propria singulorum. Prius de communibus dicam. Loquar autem nunc de his, quæ scalpellum desiderant. nam quæ vel sanari non possint, vel aliter nutriri debeant, dicendum erit, simul ac ad species singulas venero. Inciditur autem interdum inguen, interdum scrotum. In utraque curatione homo ante per triduum bibere aquam; pridie abstinerere etiam à cibo debet: ipso autem die collocari supinus: deinde, si inguen incidendum est, idque jam pube contegitur, ante radendum est: tum, extento scroto, ut cutis inguinis intenta sit, id incidendum sub imo ventre, qua cum abdomine tunicæ inferiores committuntur. Aperiendum autem audacter est, donec summa tunica, quæ ipsius scroti est, incidatur, perveniatque ad eam, quæ mediâ est. Plaga facta, foramen deorsum versus subest. In id demittendus est sinistræ manus digitus index, ut diductis intervenientibus membranulis, sinum laxet. Minister autem, sinistra manu comprehenso scroto, sursum versus cum debet extendere, & quam maxime ab inguinibus abducere; primum cum ipso testiculo, dum medicus omnes membranulas,

nulas, quæ super mediam tunicam sunt, si digito diducere non potest, scalpello abscindat: deinde sine eo, ut is delapsus ipsi plagæ jungatur, digitoque inde promatur, & super ventrem cum duabus suis tunicis collocetur. Inde, si qua vitiosa sunt, circuncidenda sunt. In quibus cum multæ venæ discurrant, tenuiores quidem præcidi protinus possunt: majores vero ante longiore lino deligandæ sunt; ne periculose sanguinem fundant.

Si media tunica vexata erit, aut sub ea malum increverit, excidenda erit sic, ut alte ad ipsum inguen præcidatur. Infra tamen non tota demenda est: nam quod ad basin testiculi vehementer cum ima tunica connexum est, excidi sine summo periculo non potest. itaque ibi relinquendum est.

20 Idem in ima quoque tunica, si læsa est, faciendum est. Sed non à summa inguinis plaga, verum infra paululum ea abscindenda; ne, læsa abdominis membrana, inflammationes moveat. Neque tamen nimium ex ea rursum relinquendum est; ne postea sinuetur, & sedem eidem malo præstet.

Purgatus ita testiculus per ipsam plagam cum venis, & arteriis, & nervo suo leniter demittendus est; videndumque, 30 ne sanguis in scrotum descendat, neve concretus aliquo loco maneat. Quæ ita fient, si venis vinciendo medicus prospexerit. Lina, quibus capita earum continebuntur, extra plagam dependere debent.

bunt. quæ , pure orto , sine ullo dolore excident. Ipsi autem plagæ injiciendæ duæ fibulæ sunt ; & insuper medicamentum, quo glutinetur.

Solet interdum ab altera ora necessarium , esse aliquid excidi , ut cicatrix major & latior fiat. quod ubi incidit , linamenta super non fulcienda , sed leviter tantum ponenda sunt ; supraque ea , quæ inflammationem repellant, id est , ex aceto vel lanaio succida , vel spongia : cætera eadem , quæ , ubi pus moveri debet , adhibenda sunt. At, cum infra incidi oportet , resupinato homine , subjicienda sub scroto sinistra manus est ; deinde id vehementer apprehendendum , & incidendum ; si parvulum est, quod nocet , modice , ut tertia pars integra , ad sustinendum testiculum , infra relinquatur : si majus est, etiam amplius, ut paululum tantummodo ad imum, cui testi-20 culus insidere possit , integrum maneat. Sed primo rectus scalpellus quam levissima manu teneri debet , donec scrotum ipsum diducat : tum inclinandus mucro est , ut transversas membranas secet , quæ inter25 summam mediamque tunicam sunt. At, si vitium in proximo est , mediam tunicam attingi non oportet : si sub illa quoque conditur , etiam illa incidenda est ; sicut tertia quoque , si illa vitium tegit. Ubicumque30 autem repertum malum est , ministrum ab inferiore parte exprimere moderate scrotum oportet : medicum, digito manubriolo scalpelli diducta inferiore parte , tunicam

cam extra collocare; deinde eam fer-
ramento, quod à similitudine corvum vo-
cant, incidere sic, ut intrare duo digiti,
index & medius possint: his deinde conse-
ctis, incidenda reliqua pars tunicæ, & inter
digitos scalpellus immittendus est, exi-
mendumque aut effundendum quicquid
est noxium.

Quamcunque autem tunicam quis viola-
10 vit, illam quoque debet excidere; ac me-
diam quidem, ut supra dixi, quam altissi-
me ad inguen; imam autem, paulo infra.
Cæterum antequam excidantur, hæ quo-
que vinciri lino summa cura debent; &
15 ejus lini capita extra plagam relinquenda
sunt, sicut in aliis quoque venis, quæ id
requiesierint.

Eo facto, testiculus intus reponendus
est: oræque scroti futuris inter se com-
20 mittendæ; neque paucis, ne parum gluti-
nentur, & longior fiat curatio; neque
multis, ne inflammationem augeant. At-
que hic quoque videndum est, nequid in
scroto sanguinis maneat: tum imponen-
25 da glutinantia sunt.

Si quando autem in scrotum sanguis de-
fluxit, aliquidve concretum ex eo decidit,
incidi subter id debet; purgatoque eo
spongia, acri aceto madens, circumdari.
30 Deligatum autem vulnus omne, quod ex
his causis factum est, si dolor nullus est,
quinque primis diebus non est resollen-
dum, sed bis die tantum aceto irroranda,
lana vel spongia imposita: si dolor est, ter-

tia, die resolvendum; & ubi fibulæ sunt, hæ incidendæ; ubi linamentum, id mutandum est; rosaque & vino madefaciendum id, quod imponitur. Si inflammatio increfcit, adjiciendum prioribus cataplasma, ex lenticula & melle; vel ex malicorio, quod in austero vino coctum fit; vel ex his mixtis. Si sub his inflammatio non conquierit, post diem quintum multa calida aqua vulnus fovendum, donec scro- 10 tum ipsum & extenuetur, & rugosius fiat: tum imponendum cataplasma ex triticea farina, cui resina pinea adjecta fit. quæ ipsa, si robustus curatur, ex aceto; si tener, ex melle coquenda sunt. Neque dubium, 15 est, quodcunque vitium fuit, si magna inflammatio est, quin ea, quæ pus movent, imponenda sint.

Quod si pus in ipso scroto ortum est, paululum id incidi debet, ut exitus detur; 20 linamentumque eatenus imponendum est, ut foramen tegat. Inflammatione finita, propter nervos propiore cataplasmate, dein cerato utendum est. Hæc proprie ad ejusmodi vulnera pertinent. Cætera, & in 25 curatione, & in victu, similia his esse debent, quæ in alio quoque vulnerum genere præcepimus.

C A P. XX.

De Intestini in scrotum devoluti curatione.

30

His propositis ad singulas species veniendum est. Ac, si cui parvulo puer- ro intestinum descendit, ante scalp-
pellum.

pellum experienda vinctura est. Fascia ejus rei causa fit , cui uno loco pila assuta est ex panniculis facta , quæ ad repellendum intestinum ipsi illi subjicitur : deinde reliqua fasciæ pars arcte circumdatur. sub quo sæpe & intus compellitur intestinum, & inter se tunicæ glutinantur. Rursus, si ætas processit , multumque intestini descendisse ex
10 tumore magno patet , adjiciunturque dolores & vomitus (quæ ex stercore, per cruditatem eo delapso, fere accidunt) scalpellum adhiberi sine perniciæ non posse , manifestum est : levandum tantummodo ma-
15 lum , & per alias curationes extrahendum est.

Sanguis mitti ex brachio debet : deinde, si vires patiuntur , imperanda tridui abstinencia est ; si minus , certe pro vi corporis
20 quam longissima. Eodem vero tempore superhabendum cataplasma ex lini semine, quod ante aliquis ex mulso decoxerit. Post hæc , & farina hordeacea cum resina injicienda ; & ipse demittendus in solum
25 aquæ calidæ , cui oleum quoque adjectum sit ; dandumque aliquid cibi levis & calidi. Quidam etiam alvum ducunt. Id ducere aliquid in scrotum potest, educere ex eo non potest. Per ea vero, quæ supra scripta sunt,
30 levato malo, si quando alias dolor revertetur , eadem erunt facienda.

Sine dolore quoque si multa intestina prolapsa sunt , secari super vacuum est : non quo excludi à scroto non possint (nisi tamen id inflammatio prohibuit) sed quo

repulsa inguinibus immorentur, ibique tumorem excitent, atque ita fiat mali non finis, sed mutatio.

At in eo, quem scalpello curari oportebit, simulatque ad mediam tunicam vulnus in inguine factum pervenerit, duobus hamulis ea juxta ipsas oras apprehendi debet, dum eductis omnibus membranulis medicus eam liberet. Neque enim nisi cum periculo læditur, quæ incidenda est; cum intestinum esse, nisi sub ea, non possit. Ubi diducta autem erit, ab inguine usque ad testiculum incidi debet sic, ne ipse lædatur; tum excidi. Fere tamen hanc curationem puerilis ætas, & modicum malum recipit.

Sin vir robustus est, majusque id vitium est, extrahi testiculus non debet, sed in sua sede permanere. Id hoc modo fit. Inguen eadem ratione usque ad mediam tunicam scalpello aperitur; eaque tunica eodem modo duobus hamis excipitur sic, ut à sinistro testiculus catenus contineatur, ne per vulnus exeat: tum ea tunica deorsum, versus scalpello inciditur; sub eaque index digitus sinistræ manus ad imum testiculum demittitur, eumque ad plagam compellit: deinde dextræ manus duo digiti, pollex atque index, venam & arteriam & nervum tunicamque eorum à superiore tunica diducunt. quod si aliquæ membranulæ prohibent, scalpello resolvuntur, donec ante oculos tota jam tunica sit. Excisis, quæ excidenda sunt, repositoque testiculo,

culo, ab ora quoque ejus vulneris, quod in inguine est, demenda habenula paulo latior est; quo major plaga sit, & plus creare carnis possit.

8

C A P. XXI.

De Omenti in scrotum prolapsi curatione.

AT si omentum descendit, eodem quidem modo, quo supra scriptum est, aperiendum inguen, diducendæque tunicæ sunt. Considerandum autem est, majorne ejus modus, an exiguus sit. Nam quod parvulum est, super inguen in uterum vel digito vel adverso specillo repellendum est: si plus est, finire oportet dependere, quantum ex utero prolapsum est; idque adurentibus medicamentis illinere, donec emoriatur & excidat. Quidam hic quoque duo lina acu trajiciunt, binisque singulorum capitibus diversas partes adstringunt. Sub quo æque, sed tardius emoritur. Adjicitur tamen hic quoque celeritati, si omentum super vinculum illinitur medicamentis, quæ exedunt, nec erodunt. *ομφαλινγί* Græci vocant. Fuerunt etiam, qui omentum forfice præciderent. Quod in parvulo non est necessarium: si majus est, potest profusionem sanguinis facere; siquidem omentum quoque venis quibusdam, etiam majoribus illigatum est. Neque vero, si discisso ventre id, quod prolapsum est, forfice præciditur, cum & emortuum sit, & aliter tutius avelli non possit, inde huc exemplum transferendum est.

Vul-

Vulnus autem curari, si reductum omentum est, futura debet: si id amplius fuit, & extra emortuum est, excisis oris, sicut supra propositum est.

2. *De Hernia aquosa curatione.*

5

Si vero humor intus est, incidendum est: in pueris quidem, inguen; nisi in his quoque liquoris ejus major modus prohibet: in viris vero, & ubicunque multus humor subest, scrotum. Deinde, si inguen incidum est, eo protractis tunicis humor effundi debet: si scrotum, & sub hoc protinus vitium est, nihil aliud quam humor est effundendus, abscindendæque membranae sunt, si quæ eum continuerunt; deinde eluendum id ex aqua, quæ vel falem adjectum, vel nitrum habeat: si sub media, imave tunica, totæ hæ extra scrotum collocandæ, excidendæque sunt.

C A P. XXII.

20

De Ramicis curatione.

RAMEX autem, si super ipsum scrotum est, adurendus est tenuibus & acutis ferramentis, quæ ipsis venis infigantur; cum eo, ne amplius quam has urant; maximeque, ubi inter se implicatæ glomerantur, eo ferrum id admovendum est; tum super farina ex aqua frigida subacta injicienda est; utendumque eo vinculo, quod idoneum esse ani curationibus posui: tertio die lenticula cum melle imponenda est: post, ejectis crustis, ulcera melle purganda, rosa implenda, & ad cicatricem aridis linamentis

mentis perducenda sunt. Quibus vero super mediam tunicam venę tument, incidendum inguen est, atque tunica promenda, ab eaque venę digito vel manubriolo scalpelli separandæ. qua parte vero inhærebunt, & ab superiore & ab inferiore parte lino vinciendæ; tum sub ipsis vinculis præcidendæ, reponendusque testiculus est. At, ubi supra tertiam tunicam ramex insedit, 10 mediam excidi necesse est. Deinde, si duæ tresve venę tument, & ita pars aliqua obsidetur, ut major eo vitio vacet, idem faciendum, quod supra scriptum est; ut ab inguine, & à testiculo deligatæ venę præci- 15 dantur,isque condatur. Sin totum id ramex obsederit, per plagam demittendus digitus index erit, subjiciendusque venis sic, ut paulatim eas protrahat æque adducendo, donec is testiculus par alteri fiat; tum fibulæ 20 oris sic injiciendæ, ut simul eas quoque venas comprehendant. Id hoc modo fit. Acus ab exteriori parte oram vulneris perforat: tum non per ipsam venam, sed per membranam ejus immittitur, per eamque in alteram oram compellitur. Venę vulnerari non debent, ne sanguinem fundant. Membrana semper inter has venas est, ac neque periculum affert, & filo comprehensas illas abunde tenet. itaque etiam satis est, duas 30 fibulas esse. Tum venę, quęcunque protractę sunt in ipsum inguen, aversio specillo compelli debent. Solvendi fibulæ tempus, inflammatione finita, & purgato vulnere, est; ut una simul & oras & venas cicatrix devinciatur.

Ubi

Ubi vero inter imam tunicam & ipsum testiculum nervumque ejus ramex ortus est, una curatio est, quæ totum testiculum abscindit. Nam neque ad generationem quicquam is confert, & omnibus indecore, quibusdam etiam cum dolore dependet. Sed tum quoque inguen incidendum, media tunica promenda, atque excidenda est: idem in ima faciendum; nervusque, ex quo testiculus dependet, præcidendus. Post id 10 venæ & arteriæ ad inguen lino deligandæ, & infra vinculum abscindendæ sunt.

C A P. XXIII.

*De Carne, quæ inter tunicas testiculorum 15
concrevit, & de Nervo indurato.*

CARO quoque, si quando inter tunicas increvit, nihil dubii est, quin eximenda sit: sed id, ipso scroto inciso, fieri commodius est. 20

At, si nervus induruit, curari res neque manu, neque medicamento potest. Urgent enim, febres ardentes; & aut virides, aut nigri vomitus: præter hæc, ingens sitis, & linguæ asperitudo; fereque à die tertio spu- 25 mans bilis alvo cum rosione redditur. Atque neque assumi facile cibus, neque contineri potest: neque multo post extremæ partes frigescunt, tremor oritur, manus si- 30 ne ratione extenduntur; deinde in fronte frigidus sudor, eumque mors sequitur

C A P. XXIV.

De Ramice inguinis.

5 **V**BI vero in ipso inguine ramex est, si tumor modicus est, semel incidi; si major, duabus lineis debet, ut medium excidatur: deinde, non extracto testiculo, sicut intestinis quoque prolapsis interdum fieri docui, colligendæ venæ, vinciendæque, ubi tunicis inhærebunt, & sub
10 his nodis præcidendæ sunt. Neque quicquam novi curatio vulneris ejus requirit.

C A P. XXV.

15 *Ad tegendam Glandem colis, si nuda est.*

AB his ad ea transeundum est, quæ in cole ipso fiunt. In quo si glans nuda est, vultque aliquis eam decoris causa tegere, fieri potest: sed expeditius in
20 puero, quam in viro; in eo, cui id naturale est, quam in eo, qui quarundam gentium more circumcisis est; in eo, cui glans parva juxtaque eam cutis spatiosior, brevis ipse coles est, quam in quo contraria his sunt.
25 Curatio autem eorum, quibus id naturale est, ejusmodi est. Cutis circa glandemprehenditur & extenditur, donec illam ipsam condat; ibique deligatur: deinde, juxta pubem, in orbem tergus inciditur, donec
30 coles nudetur; magnæque cura cavetur, ne vel urinæ iter, vel venæ, quæ ibi sunt, incidantur. Eo factò, cutis ad vinculum inclinatur, nudaturque circa pubem velut circulus; tum super eo linamenta dantur, ut ca-

ro increſcat & id impleat, ſatisque vela-
menti ſupra latitudo plagæ præſtet. Sed,
donec cicatrix ſit, vinctum eſſe id debet; in
medio tantum relicto exiguo urinæ itine-
re. At in eo, qui circumciſus eſt, ſub circu-
lo glandis ſcalpello diducenda cutis ab in-
teriore cole eſt. Non ita dolet, quia, ſum-
mo ſoluto, diduci deorſum uſque ad pubem
manu poteſt; neque ideo ſanguis profluit.
Reſoluta autem cutis rurfus extenditur ul-
tra glandem: tum multa frigida aqua fove-
tur; emplaſtroque circumdatur, quod va-
lenter inflammationem reprimat; proximis-
que diebus abſtinere, donec prope à fame
victus ſit; ne forte eam partem ſatietas ex-
citet. Ubi jam ſine inflammatione eſt, deli-
gari debet à pube uſque circulum: ſuper
glandem autem adverſo emplaſtro impoſito
induci. ſic enim ſit, ut inferior pars glutine-
tur; ſuperior ita ſaneſcat, ne inhæreat. 20

2. *Quomodo Glans penis conteſta aperiri poſſit.*

CONTRA, ſi glans ita conteſta eſt, ut nu-
dari non poſſit (quod vitium Græci
Φίμωσις appellant) aperienda eſt.
Quod hoc modo ſit. Subter à ſumma ora, 25
cutis inciditur recta linea uſque ad fre-
num; atque ita ſuperius tergus relaxatum,
cedere retro poteſt. Quod ſi parum ſic
profectum eſt, aut propter anguſtias, aut
propter duritiem tergoris, protinus trian- 30
gula forma cutis ab inferiore parte exci-
denda eſt ſic, ut vertex ejus ad frenum;
baſis in tergo extremo ſit. Tum ſuperdan-
da linamenta ſunt, aliaque medicamenta
quæ

quæ ad sanitatem perducant. Necesse est, donec cicatrix sit, conquiescere : nam ambulatio, atterendo, ulcus sordidum reddit.

5 3. *Infibulandi ratio.*

Infibulare quoque adolescentulos interdum valetudinis causa quidam consueverunt : ejusque hæc ratio est. Cutis, quæ super glandem est, extenditur, notaturque utrin-
10 que à lateribus atramento, qua perforetur ; deinde remittitur. Si super glandem notæ revertuntur, nimis apprehensum est, & ultra notari debet : si glans ab his libera est, is locus idoneus fibulæ est. Tum, qua notæ
15 sunt, cutis acu filum ducente transuitur, ejusque filii capita inter se deligantur, quotidieque id movetur, donec circa foramina cicatriculæ fiant. Ubi hæ confirmatæ sunt, excepto filo fibula inditur, quæ, quo
20 levior, eo melior est. Sed hoc quidem sæpius inter supervacua, quam inter necessaria est.

C A P. X X V I.

De Urinæ reddendæ difficultate, & curatione.

25 **R**E s vero interdum cogit emoliri manu urinam, cum illa non redditur ; aut quia senectute iter ejus collapsum est ; aut quia calculus, vel concretum
30 aliquid ex sanguine intus se opposuit : ac mediocris quoque inflammatio sæpe eam reddi naturaliter prohibet. Idque non in viris tantummodo, sed in foeminis quoque interdum necessarium est. Ergo æneæ fistulæ
fiunt:

fiunt: eæque, ut omni corpori, ampliori minorique sufficiant, ad mares, tres; ad fœminas, duæ medico habendæ sunt. Ex virilibus maxima decem & quinque est digitorum; media, duodecim; minima, novem: ex muliebribus major, novem; minor, sex. Incurvas vero esse eas paululum, sed magis viriles oportet, lævesque admodum; ac neque nimis plenas, neque nimis tenues.

10

Homo tum, resupinus eo modo, quo in curatione calculi figuratur, super subscilium aut lectum collocandus est. Medicus autem à dextro latere, sinistra quidem manu colem masculi continere, dextra vero fistulam demittere in iter urinæ debet: atque ubi ad cervicem vesicæ ventum est, simul cum cole fistulam inclinatam in ipsam vesicam compellere, eamque, urina reddita, recipere. Fœmina brevius urinæ iter, simul & rectius habet, quod carunculæ simile, inter imas oras super naturale positum, non minus sæpe auxilio eget, sed aliquanto minus difficultatis exhibet.

25

Nonnunquam etiam prolapsus in ipsam fistulam calculus, qui subindè ea extenuatur, non longe ab exitu inhærescit. Eum, si fieri potest, oportet evellere, vel oriculario specillo, vel eo ferramento, quo in sectione calculus protrahitur. Si id fieri non potuit, cutis extrema quamplurimum attrahenda &, condita glande, lino vincienda est: deinde à latere recta plaga coles-

les.

les incidendus, & calculus eximendus est: tum cutis remittenda. sic enim fit, ut incisum colem integra pars cutis contegat, & urina naturaliter profluat.

5 2. *Calculosis qua curatio adhibeatur.*

Cum vesicæ vero, calculique facta mentio sit; locus ipse exigere videtur, ut subjiciam, quæ curatio calculosis, cum aliter succurri non potest, adhibeatur. Ad quam
10 festinare, cum præceptum sit, nullo modo convenit. Ac neque omni tempore, neque in omnixetate, neque in omni vitio id experiendum est: sed solo vere, in eo corpore, quod jam novem annos, nondum quatuordecim
15 excessit; & si tantum mali subest, ut neque medicamentis vinci possit, neque etiam trahi posse videatur, quo minus interposito aliquo spatio interimat. non quo non interdum etiam temeraria medicina pro-
20 ficiat; sed quo sæpius utique in hoc fallat, in quo plura & genera & tempora periculi sunt. quæ simul cum ipsa curatione proponam.

Igitur, ubi ultima experiri statutum est,
25 ante aliquot diebus victu corpus præparandum est, ut modicos, ut salubres cibos, ut minime glutinosos assumat, ut aquam bibat. Ambulandi vero inter hæc exercitatione utatur, quo magis calculus ad
30 vesicæ cervicem descendat. Quod an inciderit, digitis quoque, sicut in curatione docebo, demissis cognoscitur. Ubi ejus rei fides est, pridie is puer in jejunio continendus est; & tum loco calido curatio adhi-

Homo prævalens & peritus in sedili alto confidit, supinumque eum & aversum, super genua sua coxis ejus collocatis, comprehendit; reductisque ejus cruribus, ipsum quoque jubet, manibus ad suos poplites datis, eos, quam maxime possit, attrahere; simulque ipse sic eos continet. Quod si robustius corpus ejus est, qui curatur, duobus sedilibus junctis, duo valentes insi-¹⁰ dunt: quorum & sedilia & interiora crura inter se deligantur, ne diduci possint. Tum is super duorum genua eodem modo collocatur; atque alter, prout confedit, sinistrum crus ejus, alter dextrum, simulque ipse poplites suos attrahit. Sive autem unus, sive duo continent, super humeros ejus suis pectoribus incumbunt. Ex quibus evenit, ut inter ilia sinus super pubem sine ullis rugis sit extensus, & in angustum²⁰ compulsa vesica, facilius calculus capi possit. Præter hæc, etiamnum à lateribus duo valentes objiciuntur, qui circumstantes, labare vel unum vel duos, qui puerum continet, non sinunt. ²⁵

Medicus deinde, diligenter unguibus circumcisis, sinistræ manus duos digitos, indicem & medium, leniter prius unctos oleo, simul in anum ejus demittit; dextræque digitos super imum abdomen leniter³⁰ imponit; ne, si utrinque digiti circa calculum vehementer concurrerint, vesicam lædat. Neque vero festinanter in hac re, ut in plerisque, agendum est; sed ita, ut
quam

quam maxime id tuto fiat. nam læsa vesica nervorum distentiones cum periculo mortis excitat. Ac primum circa cervicem quaeritur calculus. ubi repertus, minore negotio expellitur. Et ideo dixi, ne curandum quidem, nisi cum hoc indicium suis cognitum est. Si vero aut ibi non fuit, aut recessit retro, digiti ad ultimam vesicam dantur; paulatimque dextra quoque manus ejus ultra translata subsequitur.

Atque, ubi repertus est calculus (qui necesse est in manus incidat) eo curiosius deducitur, quo minor læviorque est; ne effugiat, id est, ne sæpius agitanda vesica sit. Ergo ultra calculum dextra semper manus ei se opponit; sinistra eum compellit deorsum digitis, donec ad cervicem pervenitur. In quam, si oblongus est, sic compellendus est, ut ne pronus exeat: si planus, sic, ut transversus sit: si quadratus, ut duobus angulis sedeat: si altera parte plenior, sic, ut prius ea, qua tenuior sit, evadat. In rotundo nihil interesse, ex ipsa figura patet; nisi, si lævior altera parte est, ut ea antecedit.

Cum jam eo venit, ut super vesicæ cervicem sit, juxta anum incidi cutis plaga lunata usque ad cervicem vesicæ debet, cornibus ad coxas spectantibus paululum: deinde ea parte, qua strictior ima plaga est, etiamnum sub cute, altera transversa plaga facienda est, qua cervix aperiatur; donec urinæ iter pateat sic, ut plaga paulo major, quam calculus sit. Nam, qui metu
fistu-

fistulæ (quam illo loco *σπορῶδης* Græci vocant) parum patefaciunt, cum majore periculo eodem revolvuntur: quia calculus iter, cum vi promitur, facit, nisi accipit. idque etiam perniciosius est, si figura quoque calculi, vel asperitudo aliquid eo contulit. Ex quo & sanguinis profusio, & distentio nervorum fieri potest. quæ si quis evasit, multo tamen patientiorem fistulam habiturus est rupta cervice, quam habuisset, si incisa.

Cum via patefacta est, in conspectum calculus venit: in cuius corpore multum discrimen est. Ideo, si exiguus est, digitis ab altera parte propelli, ab altera protrahi potest. Si major, injiciendus à superiore ei parte uncus est, ejus rei causa factus. Is est ad extremum tenuis, in semicirculi speciem retusæ latitudinis; ab interiori parte lævis, qua corpori jungitur; ab interiori asper, qua calculum attingit. Isque longior potius esse debet: nam brevior extrahendi vim non habet. Ubi injectus est, in utrumque latus inclinandus est, ut appareat calculus, & teneatur; quia, si apprehensus est, ille simul inclinatur. Idque eo nomine opus est, ne, cum adduci uncus cœperit, calculus intus effugiat, hic in oram vulneris incidat, eamque convulneret. In qua re, quod periculum esset, jam supra proposui.

Ubi satis teneri calculum patet, eodem pene momento triplex motus adhibendus est: in utrumque latus; deinde extra, sic
tamen

tamen, ut leniter id fiat, paululumque primo calculus attrahatur: quo facto, attolendus uncus extremus est, uti intus magis maneat, faciliusque illum producat.

Quod si aliquando à superiore parte calculus parum commode comprehenditur, à latere erit apprehendendus. Hæc est simplicissima curatio.

Sed varietas rerum quasdam etiamnum animadversiones desiderat. Sunt enim quidam non asperi tantummodo, sed spinosi quoque calculi, qui per se quidem delapsi in cervicem, sine ullo periculo eximuntur. In vesica vero, non tuto vel hi conquiruntur, vel attrahuntur: quoniam, ubi illam convulnerant, ex distentione nervorum mortem maturant; multoque magis, si spina aliqua vesicæ inhæret, eamque, cum deduceretur, duplicavit. Colligitur autem eo, quod difficilius urina redditur, in cervice calculum esse; eo, quod cruenta distillat, illum esse spinosum: maximeque id sub digitis quoque experiendum est, neque adhibenda manus, nisi id consistit. Ac tum quoque leniter intus digiti obijciendi, ne violenter promovendo convulnerent: tum incidendum. Multi hic quoque scalpello usi sunt. Meges (quoniam is infirmior est, potestque in aliqua prominentia incidere, incisoque super illam corpore, qua cavum subest, non secare, sed relinquere, quod iterum incidi necesse sit) ferramentum fecit rectum, in summa parte labrosum, in ima semicirculatum acutum.

tumque. Idreceptum inter duos digitos, indicem ac medium, super pollice inposito sic deprimebat, ut simul cum carne, si quid ex calculo prominebat, incideret. Quo conlequebatur, ut semel, quantum satis esset, aperiret. Quocunque autem modo cervix ea parte secta est, leniter extrahi, quod asperum est, debet; nulla, propter festinationem, vi admota.

3. *Signa calculorum, vel arenosorum, vel mollium.*

10

At calculus arenosus, & ante manifestus est; quoniam urina, quæ redditur, arenosa est: & in ipsa curatione; quoniam inter subjectos digitos neque æque, sed leniter renititur, & insuper dilabitur. Item molles calculos, & ex pluribus minutisque, sed inter se parum adstrictis, compositos indicat urina, secum trahens quasdam quasi squamulas. Hos omneis, leniter permuta-

25 *Quicquid autem ex his in conspectum venit, vel digitis, vel unco eximendum est.*

At, si plures calculi sunt, singuli protrahi debent; sic tamen, ut, si quis exiguus supererit, potius relinquatur. Siquidem in vesica difficulter invenitur; inventusque celeriter effugit. Ita longa inquisitione vesica læditur, excitatque inflammationes mortiferas; adeo ut quidam non secti, cum diu frustra per digitos vesica esset agitata,

tata,

tata, decesserint. Quibus accedit etiam, quod exiguus calculus, ad plagam urina postea promovente, excidit.

Si quando autem is major non videtur, nisi rupta cervice, extrahi posse, findendus est, cuius repertor Ammonius, qui ob id *Ἀμμόνιος* cognominatus est. Id hoc modo fit. Unco injicitur calculo sic, ut facile eum conclusum quoque teneat, ne is retro revolvatur: tum ferramentum adhibetur crassitudinis modicæ, prima parte tenui, sed retusa, quod admotum calculo, & ex altera parte ictum, findat; magna cura habita, ne aut ad ipsam vesicam ferramentum perveniat, aut calculi fractura ne quid incidat.

4. De Calculis fœminarum.

Hæ vero curationes in fœminis quoque similes sunt; de quibus parum, propriè tamen quædam dicenda sunt. Siquidem in his, ubi parvulus calculus est, scalpellus supervacuus est; quia is urina in cervicem compellitur, quæ & brevior, quam in maribus, & laxior est. Ergo & per se sæpe excidit, & si in urinæ itinere, quod est angustius, inhæret, eodem tamen unco sine ulla noxa educitur. At in majoribus calculis necessaria eadem curatio est. Sed virgini subjici digiti tanquam masculo, mulieri per naturalia ejus debent. Tum, virgini quidem, sub ima sinistèriore ora; mulieri vero, inter urinæ iter & os pubis, incidendum est sic, ut utroque loco plaga transversa sit. neque terreri convenit, si plus ex muliebri corpore sanguinis profluit.

5. *Qua curatio calculo evulso habenda sit.*

Calculo evulso, si valens corpus est, neque magnopere vexatum, sinere oportet sanguinem fluere, quo minor inflammatio oriatur. Atque, ingredi quoque eum paululum, non alienum est, ut excidat, si quid intus concreti sanguinis mansit. Quod si per se non destitit, rursus, ne vis omnis intereat, suppressi debet. Idque protinus, in imbecillioribus, ab ipsa curatione faciendum est. Siquidem, ut distentione nervorum periclitatur aliquis, dum vesicae ejus agitatur; sic alter metus excipit, remotis medicaminibus, ne tantum sanguinis profluat, ut occidat. Quod ne incidat, desidere is debet in acre acetum, cui aliquantum salis sit adjectum. sub quo & sanguis fere conquiescit, & adstringitur vesica, ideoque minus inflammatur. Quod si parum proficit, agglutinanda cucurbitula est, & in genibus, & coxis, & super pubem.

Ubi jam satis vel evocatus est sanguis, vel prohibitus, resupinus collocandus est sic, ut caput humile sit, coxæ paululum excitentur: ac super vulnus imponendum est duplex aut triplex linteolum, aceto madens. Deinde, interpositis duabus horis, in solium is aquæ calidæ resupinus demittendus est sic, ut à genibus ad umbilicum aqua teneat, cætera vestimentis circumdata sint; manibus tantummodo pedibusque nudatis, ut & minus digeratur, & ibi diutius maneat. Ex quo sudor multus oriri solet: qui spongia subinde in facie detergendus est.

est. Finisque ejus fomenti est, donec infirmo
mando offendat. Tum multo is oleo per-
ungendus, inducendusque hapsus lanæ
mollis, tepido oleo repletus, qui pubem, &
5 coxas, & inguina, & plagam ipsam, conte-
ctam eodem ante se linteolo, protegat:isque
subinde oleo, tepido madefaciendus est; ut
neque frigus ad vesicam admittat, & ner-
vos leniter molliat. Quidam cataplasmatibus
10 calefacientibus utuntur. Ea plus pondere
nocent, atque vesicam urgendo vulnus ir-
ritant, quam calore proficiunt. Ergo ne
vinculum quidem ullum necessarium est.

Proximo die, si spiritus difficiliter red-
15 ditur, si urina non exit, si locus circa pu-
bem mature intumuit, scire licet, in vesi-
ca sanguinem concretum remansisse. Igi-
tur, demissis eodem modo digitis, leniter
pertractanda vesica est, & discutienda, si
20 qua coierunt: quo fit, ut per vulnus po-
stea procedant. Non alienum etiam est, ori-
culario clystere acetum nitro mixtum per
plagam in vesicam compellere. nam sic
quoque discutiuntur, si qua cruenta coi-
25 erunt. Eaque facere etiam primo die con-
venit, si timemus, ne quid intus sit: ma-
ximeque, ubi ambulando id elicere imbe-
becillitas prohibuit. Cætera eadem facien-
da sunt: ut demittatur in solium, ut eodem
30 modo panniculus, eodem lana superinji-
ciatur.

Sed neque sæpe, neque tamdiu in aqua
calida puer habendus, quam adolescens
est; infirmus, quam valens; levis, quam

graviores inflammationes adfectus; is, cujus corpus digeritur, quam is, cujus adstrictum est. Inter hæc vero, si somnus est, & æqualis spiritus, & madens lingua, & sitis modica, & venter imus sedet, & mediocris est cum febre modica dolor, scire licet, recte procedere curationem.

At in his inflammatio fere quinto vel septimo die finitur: qua levata, solum supervacuum est. supini tantummodo vulnus aqua calida fovendum est, ut, si quid urinæ rodit, abluatur. Imponenda autem medicamenta sunt pus moventia; & si purgandum ulcus videbitur, melle liniendum. Id, si rodet, rosa temperabitur. Huic curationi aptissimum videtur *εἰς τὸ ἀφαιεῖν* emplastrum. nam & sebum habet ad pus movendum, & mel ad ulcus repurgandum: medullam etiam, maximeque vitulinam; quæ in id, ne fistula relinquatur, præcipue proficit. Linamenta vero tum super ulcus non sunt necessaria; super medicamentum, ad id continendum, recte imponuntur. At, ubi ulcus purgatum est, puro linamento ad cicatricem perducendum est.

Quibus temporibus tamen, si felix curatio non fuit, varia circa pericula oriuntur. Quæ præfagire protinus licet, si continua vigilia est, si spiritus difficultas, si lingua arida est, si sitis vehemens, si venter imus tumet, si vulnus hiat, si transfiliens urina id non rodit, si similiter ante tertium diem quædam livida excidunt, si is aut nihil aut tarde respondet, si vehementes dolores

lores sunt, si post diem quintum magnæ febres urgent, & fastidium cibi permanet, si cubare in ventrem jucundius est. Nihil tamen pejus est distentione nervorum, & ante nonum diem, vomitu bilis. Sed cum inflammationis sit metus, succurri abstinentia, modicis & tempestivis cibis; inter hæc, fomentis, & quibus supra scripsimus, oportet.

10

CAP. XXVII.

De Cancro, qui excisa vesica nascitur.

15 **P**ROXIMUS canceri metus est. Is cognoscitur, si, & per vulnus, & per ipsum colem, fluit sanies mali odoris, cumque ea quædam à concreto sanguine non abhorrentia, tenuesque carunculæ lanulis similes. præter hæc, si oræ vuln-
20 oris aridæ sunt, si dolent inguina, si febris non definit, eaque in noctem augetur, si inordinati horrores accedunt. Considerandum autem est, in quam partem cancer is tendat. Si ad colem, indurefcit is locus, &
25 rubet, & tactu dolorem excitat, testiculi-
que intumescunt: si in ipsam vesicam, ani dolor sequitur, coxæ tumescunt, non facile crura extendi possunt: at, si in alterutrum latus, oculis id expositum est, pares-
30 que utrinque easdem notas, sed minores, habet.

Primum autem ad rem pertinet corpus recte jacere, ut superior pars semper ea sit, in quam vitium fertur. Ita, si ad colem it,

486 A. CORN. CELSI *Lib. 7.*
fupinus is collocari debet : ſi ad veſicam, in
ventrem : ſi in latus , in id, quod integrius
eſt. Deinde, ubi ventum fuerit ad curatio-
nem , homo in aquam demittetur , in qua
mærrubium decoctum ſit , aut eupreſſus ,
aut myrtus ; idemque humor clyſtere in-
tus adigeretur : tum ſuperponetur lenticula
cum malicorio mixta ; quæ utraque ex vi-
no decocta ſint ; vel rubus , aut oleæ folia,
eodem modo decocta ; aliave medicamenta ,
quæ ad cohibendos purgandosque can-
cros propoſuimus. ex quibus , ſi qua erunt ari-
da , per ſcriptorium calamum inſpira-
buntur.

Ubi ſtare cœperit cancer , muſſo ulcus
eluetur. vitabiturque eo tempore ceratum;
quod , ad recipiendum id malum, corpus
emollit. potius plumbum elotum cum
vino inungetur : ſuper quæ idem linteolo
illitum imponetur. Sub quibus perveniri
ad ſanitatem poteſt : cum eo tamen , quod
non ignoremus , orto cancro ſæpe affici
ſtomachum , cui cum veſica quoddam
conſortium eſt : exque eo fieri , ut neque
retineatur cibus, neque, ſi quis retentus eſt,
concoquatur , neque corpus alatur : ideo-
que ne vulnus quidem aut purgari, aut ali
poſſit. quæ neceſſario mortem maturant.

Sed ut his ſuccurri nullo modo poteſt;
ſic à primo tamen die tenenda ratio cura-
tionis eſt. In qua quædam obſervatio, ad
cibum quoque potionemque pertinens,
neceſſaria eſt. Nam cibus inter principia,
non niſi humidus dari debet : ubi ulcus
purga-

purgatum est, ex media materia. olera & salsamenta semper aliena sunt. Potione opus est, non immodica. Nam, si parum bibitur, accenditur vulnus, & vigilia urget, & vis corporis minuitur: si plus æquo assumitur, subinde vesica impletur, coque irritatur. Non nisi aquam autem bibendam esse, manifestius est, quam ut subinde dicendum sit.

10 Solet vero sub ejusmodi victu evenire, ut alvus non reddatur. Hæc aqua ducenda est, in qua vel fœnum græcum, vel malva decocta sit. Idem humor rosa mixtus in ipsum vulnus oriculario clystere agendus, ubi id rodit urina, neque purgari patitur. Fere vero primo per vulnus exit hæc: deinde, eo sanescente, dividitur, & pars per colem descendere incipit, donec ex toto plaga claudatur. Quod interdum tertio mense, interdum non ante sextum, nonnunquam exacto quoque anno fit.

Neque desperari debet solida glutinatio vulneris, nisi ubi aut vehementer rupta
25 cervix est, aut ex cancro multæ magnæque carunculæ, simulque nervosa aliqua exciderunt. Sed, ut vel nulla ibi fistula, vel exigua admodum relinquatur, summa cura providendum est. Ergo, cum jam ad cicatricem vulnus tendit, extentis jacere
30 feminibus & cruribus oportet; nisi tamen molles arenosive calculi fuerunt: sub his enim tardius vesica purgatur. ideoque diutius plagam patere necessarium est: & tum

demum, ubi jam nihil tale extra fertur, ad cicatricem perducitur.

Quod si, antequam vesica purgata est, oræ se glutinarunt, dolorque & inflammatio redierunt, vulnus digitis vel averso, specillo diducendum est; ut torquentibus exitus detur. Hisque effusis, cum diutius pura urina descendit, tum demum, quæ cicatricem inducant, imponenda sunt, extendendique, ut supra docui, pedes, quam maxime juncti.

Quod si fistulæ merus ex his causis, quas propoliui, subesse videbitur; quo facilius claudatur ea, vel certe coangustetur, in anum quoque danda plumbea fistula est; 15 extensisque cruribus femina talique inter se deliganda sunt, donec, qualis futura est, cicatrix sit.

C A P. XXVIII.

20

Si Naturalia foeminarum non admittunt concubitum, quomodo curari conveniat.

Et hoc quidem commune esse maribus & foeminis potest. Proprie vero quæ- 25 dam ad foeminas pertinent: ut in primis, quod earum naturalia nonnunquam, inter se glutinatis oris, concubitum non admittunt. Idque interdum evenit protinus in utero matris: interdum exulcera- 30 tione in his partibus facta, & per malam curationem his oris sanescendo junctis. Si ex utero est, membrana ori vulvæ opposita est: si ex ulcere, caro id replevit.

Opor-

Oportet autem membranam duabus lineis, inter se transversis, incidere ad similitudinem literæ [†], magna cura habita, ne urinæ iter violetur: deinde undique eam membranam excidere. At, si caro increvit, necessarium est recta linea patefacere: tum ab ora vel vulsella vel hamo apprehensam, tanquam habenulam, excidere: & intus implicitum in longitudinem linamentum (λημνίσκον Græci vocant) in aceto tinctum demittere, supraque succidam lanam aceto madentem deligare: tertio die solvere, & vulnus, sicut alia vulnera, curare. Cumque jam ad sanitatem tendet, plurimam fistulam medicamento cicatricem inducente illinere, eamque intus dare: supraque idem medicamentum injicere, donec ad cicatricem plaga perveniat.

CAP. XXIX.

Qua ratione Partus emortuus ex utero excutiat.

UB I concepit autem aliqua, si jam prope maturus partus intus emortuus est, neque excidere per se potest, adhibenda curatio est. Quæ numerari inter difficillimas potest. nam & summam prudentiam moderationemque desiderat, & maximum periculum affert. Sed ante omnia vulvæ natura mirabilis, cum in multis aliis, tum in hac re quoque facile cognoscitur.

Oportet autem ante omnia resupinam mulierem transverso lecto sic collocare, ut

feminibus ejus ipsius ilia comprimantur. quo fit, ut & inus venter in conspectu medici sit, & infans ad os vulvæ compellatur; quæ, emortuo partu, id comprimit: ex intervallo vero paululum dehiscit. Hac occasione usus medicus, unctæ manus indicem digitum primum debet inserere, atque ibi continere, donec iterum os adaperiatur, rursusque alterum digitum demittere debebit, & per easdem occasiones alios, donec tota esse intus manus possit. Ad cujus rei facilitatem multum confert & magnitudo vulvæ, & vis nervorum ejus, & corporis totius habitus, & mentis etiam robur: cum præsertim intus nonnunquam etiam 15 duæ manus dari debeant.

Pertinet etiam ad rem, quam calidissimum esse inum ventrem, & extrema corporis; neque dum inflammationem accepisse, sed recenti re protinus adhiberi medicinam. Nam, si corpus jam intumuit, neque demitti manus, neque educi infans, nisi ægerrime potest; sequiturque sæpe cum vomitu, & cum tremore, mortifera nervorum distentio. Verum intus emortuo 25 corpori manus injecta protinus habitum ejus sentit. nam aut in caput, aut in pedes conversum est, aut in transversum jacet: fere tamen sic, ut vel manus ejus, vel pes in propinquo sit. 30

Medici vero propositum est, ut infantem manu dirigat vel in caput, vel etiam in pedes, si forte aliter compositus est. Ac, si nihil aliud est, manus vel pes apprehensus, corpus rectius

rectius reddit. nam manus in caput, pes in pedes eum convertet. Tum, si caput proximum est, demitti debet uncus, undique laevis, acuminis brevis, qui vel oculo, vel auri, vel ori, interdum etiam fronti recte injicitur: deinde attractus infantem educit. Neque tamen quolibet is tempore extrahi debet. nam, si compresso vulvæ ore id tentatum est, non emittente eo, infans abrum-
 10 pitur, & unct acumen in ipsum os vulvæ delabitur; sequiturque nervorum distentio, & ingens periculum mortis. Igitur, compressa vulva, conquiescere; liante, leniter trahere oportet; & per has occasio-
 15 nes paulatim eum educere. Trahere autem dextra manus uncum; sinistra, intus posita, infantem ipsum, simulque dirigere eum debet.

Solet etiam evenire, ut is infans humore distendatur; exque eo profluat foedi odoris sanies. Quod si tale est, indice digito corpus illud forandum est, ut, effuso humore, extenuetur: tum id leniter per ipsas manus recipiendum est. nam uncus in-
 25 jectus putri corpusculo facile elabitur. in quo quid periculi sit, supra positum.

Sed in pedes quoque conversus infans non difficulter extrahitur. namque his apprehensus per ipsas manus commode educi-
 30 tur.

Si vero transversus est, neque dirigi potuit, uncus alæ injiciendus, paulatimque attrahendus est. Sub quo fere cervix replicatur, retroque caput ad reliquum corpus spectat.

ſpectat. Remedio eſt, cervix præciſa; ut ſeparatim utraque pars auferatur. Id unco fit, qui, priori ſimilis, in interiore tantum parte per totam aciem exacuitur. Tum id agendum eſt, ut ante caput, deinde reliqua pars, auferatur: quia fere, majore parte extracta, caput in vacuam vulvam prolabitur, extrahique ſine ſummo periculo non poteſt.

Si tamen id incidit, ſuper ventrem mulieris duplici panniculo injecto, valens homo, non imperitus, à ſiniſtro latere ejus debet aſſiſtere, & ſuper imum ventrem ejus duas manus imponere; alteraque alteram premere. quo fit, ut illud caput ad os vulvæ compellatur, idque tum eadem ratione, quæ iſ ſupra poſita eſt, unco extrahi poſſit.

At, ſi pes alter juxta repertus eſt, alter retro cum corpore eſt, quicquid prolapſum eſt, paulatim abſcindendum eſt. Et, ſi clunes os vulvæ urgere cœperunt, iterum retro repellendæ ſunt, conquiſitusque pes ejus adducendus. Aliæque etiamnum difficultates faciunt, ut, qui ſolidus non exit, conciſus eximi debeat.

Quoties autem infans protractus eſt, tradendus miniſtro eſt. Is eum ſupinis manibus ſuſtinere, medicus deinde ſiniſtra manu leniter trahere umbilicum debet ita, ne abruptat, dextraque cum ſequi uſque ad eas, quas Secundas vocant, quod velamentum infantis intus fuit: hiſque ultimis apprehenſis, venulas membranulaſque omnes eadem ratione manu diducere à vulva. totumque illud extrahere, & ſi quid
intus

intus præterea concreti sanguinis remanet. Tum compressis in unum feminibus, illa in conclavi collocanda est, modicum calorem, sine ullo perflatu, habente. Super
 5 imum ventrem ejus imponenda lana succida, in aceto & rosa tineta. Reliqua curatio talis esse debet. qualis in inflammationibus, & in his vulneribus, quæ in nervosis locis sunt, adhibetur.

10 C A P. XXX.

De Ani vitiis.

ANI quoque vitia; ubi medicamentis non vincuntur, manus auxilium de-
 15 siderant. Ergo, si qua fissa in eo vetustate induruerunt, jamque callum habent, commodissimum est, ducere alvum; tum spongiam calidam admove-
 20 re, ut relaxentur illa, & foras prodeant: ubi in conspectu sunt, scalpello singula excidere, & ulcera renovare; deinde imponere linamentum molle, & super linteolum illitum melle; locumque eum molli lana implere, & ita vincire: altero die, deincepsque cæte-
 25 ris, lenibus medicamentis uti; quæ ad recentia eadem vitia necessaria esse, alias proposui: utique per primos dies sorbitionibus eum sustinere; paulatim deinde cibis ad-
 30 dere aliquid, generis tamen ejus, quod eodem loco præceptum est. Si quando autem ex inflammatione pus in his oritur, ubi primum id apparuit, incidendum est; ne anus ipse suppuret. Neque tamen ante pro-
 perandum est. nam, si crudum incisum est, in-

inflammationi multum accedit, & puris aliquanto amplius concitatur. His quoque vulneribus, lenibus cibis, iisdemque medicamentis opus est.

2. *De Condylomatibus.*

5

At tubercula, quæ *κνιδυλαίματα* appellantur, ubi induruerunt, hac ratione curantur. Alvus ante omnia ducitur. Tum vulsella tuberculum apprehensum, juxta radices exciditur. Quod ubi factum est, eadem sequuntur, quæ supra post curationem adhibenda esse proposui: tantummodo, si quid increscit, squama æris coercendum est.

3. *De Hemorrhoidibus.*

15

Ora etiam venarum, fundentia sanguinem, sic tolluntur. Ubi sanguini, qui effluit, sanies adjicitur, alvus acribus ducitur; quo magis ora promoveantur. eoque fit, ut omnia vasa, quasi capitula conspicua sint. Tum, si capitulum exiguum est, basimque tenuem habet, adstringendum lino paulum supra est, quam ubi cum ano committitur, imponendaque spongia ex aqua calida est, donec id liveat: deinde aut ungue, aut scalpello, supra nodum id exulcerandum est. Quod nisi factum est, magni dolores subsequuntur: interdum etiam urinæ difficultas. Si id majus est, & basis latior, hamulo uno aut altero excipiendum est, paululumque supra basim incidendum: neque relinquendum quicquam ex eo capitulo, neque quicquam ex ano demendum est. quod consequitur is, qui neque nimium, neque parum hamos ducit.

ducit. Qua incisum est, acus debet immitti, infraque eam lino id capitulum alligari. Si duo triave sunt, intimum quodque primum curandum est: si plura, non omnia simul; ne tempore eodem undique teneræ cicatrices sint. Si sanguis profluit, excipiendus est spongia: deinde linamentum imponendum, ungenda femina, & inguina, & quicquid juxta ulcus est, ceratumque superdandum, & farina hordeacea calida implendus is locus, & sic deligandus est. Postero die is desidere in aqua calida debet, eodemque cataplasmate foveri. Ac bis die, & ante curationem, & post eam, coxendices ac femina liquido cerato perungenda sunt; tepidoque is loco continendus. Interpositis quinque aut sex diebus, oriculario specillo linamenta educenda, &, si capitula simul non exciderunt, digito promovenda: tum leonibus medicamentis, iisdemque, quæ alibi posui, ulcera ad sanitatem perducenda. Finito vitio, quemadmodum agendum esset, jam alias superius exposui.

CAP. XXXI.

De Varicibus.

AB his ad crura proximus transitus est. In quibus orti varices non difficili ratione tolluntur. Huc autem & earum venularum, quæ in capite nocent; & eorum varicum, qui in ventre sunt, curationem distuli: quoniam ubique eadem est. Igitur vena omnis, quæ noxia est, aut adusta tabescit, aut manu exciditur.

Si

Si recta; si, quatinvis transversa, tamen simplex; si modica est, melius aduritur. Si curva est, & velut in orbes quosdam implicatur, pluresve inter se involvuntur, utilius excidere est.

Adurendi ratio hæc est. Cutis superinciditur: tum, patefacta vena, tenui & retuso ferramento candente modice premitur; vitaturque, ne plagæ ipsius oræ adurantur: quas reducere hamulis facile est. Id interpositis fere quaternis digitis per totum varicem fit: & tum superponitur medicamentum, quo adusta sanantur.

At exciditur hoc modo. Cute eadem ratione super venam incisa, hamulo oræ excipiuntur; scalpelloque undique à corpore vena diducitur; caveturque, ne inter hæc ipsa lædatur; eique retusus hamulus subjicitur; interpositoque eodem fere spacio, quod supra positum est, in eadem vena idem fit: quæ, quo tendat, facile hamulo extento cognoscitur.

Ubi jam idem, quacunque varices sunt, factum est, uno loco adducta per hamulum vena præciditur: deinde, qua proximus hamus est, attrahitur & evellitur; ibique rursus abscinditur. Ac sic undique varicibus crure liberato, tum plagarum oræ committuntur, & super emplastrum glutinans injicitur.

C A P. XXXII

De Digitis cohærentibus, & curvatis.

5 **A**T, si digiti vel in utero protinus, vel propter communem exulcerationem postea cohæserunt, scalpello diducuntur: dein separatim uterque non pingui emplastro circumdatur: atque ita per
10 se uterque sanescit.

Si vero fuit ulcus in digito, posteaque male inducta cicatrix curvum eum reddidit; primum malagma tentandum est: dein, si id nihil prodest (quod & in veteri
15 cicatrice, & ubi nervi læsi sunt, evenire consuevit) videre oportet, nervine id vitium, an cutis sit. Si nervi est, attingi non debet: neque enim sanabile est. Si cutis, tota cicatrix excidenda est, quæ fere callo-
20 sa efficit, ut extendi digitus non possit. Tum rectus sic ad novam cicatricem perducendus est.

C A P. XXXIII.

De Gangræna.

25 **G**A N G R Æ N A M inter ungues alasque, aut inguina nasci; & si quando medicamenta vincuntur, membrum præcidi oportere, alio loco mihi dictum est.
30 Sed id quoque cum periculo summo fit. nam sæpe in ipso opere, vel profusione sanguinis vel animæ defectione moriuntur. Verum hic quoque nihil interest, an satis tutum præsidium sit, quod unicum est.
Igitur

Igitur inter sanam vitiatamque partem incidenda scalpello caro usque ad os est sic, ut neque contra ipsum articulum id fiat, & potius ex sana parte aliquid excidatur, quam ex ægra relinquatur. Ubi ad os ventum est, reducenda ab eo sana caro, & circa os subsecanda est, ut ea quoque parte aliquid ossis nudetur: dein id ferrula præcidendum est, quamproxime sanæ carni etiam inhærenti: ac tum frons ossis, quam ferrula exasperavit, lævanda est, supraque inducenda cutis. quæ sub ejusmodi curatione laxa esse debet, ut quam maxime undique os contegat. Quo cutis indurata non fuerit, id linamentis erit contegendum, & super id spongia ex aceto deliganda. Cætera postea sic facienda, ut in vulneribus, in quibus pus non moveri debet, præceptum est.

20

LIBER OCTAVUS.

CAP. I.

*De positu & figura Ossium totius
humani corporis.*

25



UPEREST ea pars, quæ ad ossa pertinet. Quæ quo facilius accipi possit, prius positus figurasque eorum indicabo. Igitur calvaria incipit ex interiore parte concava, extrinsecus gibba, utrinque lævis, & qua cerebri membranam contegit, & qua cute, capillum gignente, contegitur. Eaque sunt.

sum-

simplex, ab occipitio & temporibus; duplex, usque in verticem à fronte, est. Os-
saeque ejus, ab exterioribus, dura; ab in-
terioribus, quibus inter se connectuntur,
5 molliora sunt. Interque ea venæ discur-
runt, quas his alimentum subministrare,
credibile est.

Raro autem calvaria solida, sine futuris
est: locis tamen æstuosis facilius invenitur.
10 & id caput firmissimum, atque à dolore
tutissimum est: ex cæteris, quo futuræ
pauciores sunt, eo capitis valetudo com-
modior est. neque enim certus earum nu-
merus est, sicut nec locus quidem. Fere
15 tamen duæ, super aures, tempora à supe-
riore capitis parte discernunt: tertia, ad la-
tera per verticem tendens, occipitium à
summo capite diducit: quarta, ab eodem
vertice per medium caput ad frontem pro-
20 cedit; eaque modo sub imo capillo desinit,
modo frontem ipsam secans inter superci-
lia finitur. Ex his cæteræ quidem futuræ
in unguem committuntur: hæ vero, quæ
super aures transversæ sunt, totis oris pau-
25 latim extenuantur; atque ita inferiora ossa
superioribus leniter insidunt. Crassissimum
vero in capite os post aurem est; qua ca-
pillus, ut verisimile est, ob id ipsum non
gignitur. Super hos quoque musculos, qui
30 tempora contegunt, os medium, in exte-
riorem partem inclinatum, positum est. At
facies futuram habet maximam. quæ à
tempore incipiens, per medios oculos, na-
resque transversa per venit ad alterum tem-
pus.

pus. A qua breves duæ sub interioribus angulis deorsum spectant. Et malæ quoque in summa parte singulas transversas futuras habent. A mediisque naribus, aut superiorum dentium gingivis, per medium palatum una procedit; aliaque transversa idem palatum secat. Et futuræ quidem in plurimis hæ sunt.

Foramina autem, intra caput, maxima oculorum sunt; deinde narium; tum quæ in auribus habemus. Ex his, quæ oculorum sunt, recta simpliciaque ad cerebrum tendunt. Narium duo foramina ossis medio discernuntur. siquidem hæc primum à supereiliis, angulisque oculorum, ossis inchoantur ad tertiam fere partem: deinde in cartilaginem versa, quo propius ori descendant, eo magis caruncula quoque molliuntur. Sed ea foramina, quæ à summis ad intimas nares simplicia sunt, ibi rursus in bina itinera dividuntur: aliaque ex his, ad fauces pervia, spiritum & reddunt & accipiunt; alia ad cerebrum tendunt. In ultima parte in multa & tenuia foramina dissipantur, per quæ sensus odoris nobis datur. In aure quoque primo rectum & simplex iter procedendo flexuosum fit. Quod juxta cerebrum in multa & tenuia foramina diducitur, per quæ facultas audiendi est. Juxta ea duo parvuli quasi sinus sunt; superque eos finitur os, quod transversum à genis tendens, ab inferioribus ossibus sustinetur. Jugale appellari potest ab eadem similitudine, à qua id Græci

Græci *Στομαθίς* appellant. Maxilla vero est molle os, eaque una est. Cujus eadem & media, & etiam ima pars, mentum est: à quo utrinque procedit ad tempora; sola-
 5 que ea movetur. Nam malæ cum toto osse, quod superiores dentes excipit, immobiles sunt. Verum ipsius maxillæ partes extremæ quasi bicornes sunt. Alter processus, intra latior, vertice ipso tenuatur, longiusque procedens sub osse jugali subit,
 10 & super id temporum musculis illigatur. Alter brevior & rotundior, & in eo sinu, qui juxta foramina auris est, cardinis modo fit; ibique huc & illuc se inclinans maxillæ facultatem motus præstat.
 15

Duriore osse dentes sunt: quorum pars maxillæ, pars superiori osse malarum hæret. Ex his quaterni primi, quia secant, *τομῆσι* à Græcis nominantur. Hi deinde
 20 quatuor caninis dentibus ex omni parte cinguntur. Ultra quos utrinque fere maxillares quini sunt, præterquam in iis, in quibus genuini, qui sero gigni solent, non increverunt. Ex his primores singulis radicibus; maxillares utique binis; quidam
 25 etiam ternis, quaternisve nituntur. Fereque longior radix brevior dentem edit; rectique dentis recta etiam radix, curvi flexa est. Ex ea radice in pueris novus
 30 dens subit, qui multo sæpius priorem expellit: interdum tamen supra infrave eum se ostendit.

Caput autem spina excipit. Ea constat ex vertebra quatuor & viginti. Septem in cer-

cervice sunt, duodecim ad costas, reliquæ quinque sunt proximæ costis. Hæ teretes brevesque, ab utroque latere, processus duos exigunt: mediæ perforatæ, qua spinæ medulla cerebro commissa descendit: latera quoque inter duos processus tenuibus cavis pervia, per quæ à membrana cerebri similes membranulæ deducuntur. Omnesque vertebrae (exceptis tribus summis) à superiore parte in ipsis processibus parum¹⁰ desidentes sinus habent: ab inferiore alios deorsum versus processus exigunt. Summa igitur protinus caput sustinet, per duos sinus receptis exiguis ejus processibus. Quod fit, ut caput deorsum parvis tuberibus ex-¹⁵asperetur. Secunda superioris parti inferiori inseritur. Quod ad circuitum pertinet, pars summa angustiore orbe finitur, itaque superior secundæ circumdata in latera quoque caput moveri finit. Tertia eodem²⁰ modo secundam excipit. Ex quo facilis cervici mobilitas est. Ac, ne sustinere quidem caput posset, nisi utrinque recti valentesque nervi collum continerent, quos *καρπῖνες* Græci adpellant. siquidem ho-²⁵rum inter omnes flexus alter semper intentus ultra prolabi superiora non patitur. Jamque vertebra tertia tubercula, quæ inferiori inserantur, excipit. Cæteræ processibus deorsum spectantibus in inferio-³⁰res insinuantur, ac per sinus, quos utrinque habent, superiores accipiunt, multisque nervis & multa cartilagine continentur. Ac sic, uno flexu modico in primum dato,

dato, cæteris negociis homo & rectus infistit, & alioqui ad necessaria opera curvatur.

Infra cervicem vero summa costa contra humeros sita est. Inde septem inferiores usque ad imum pectus perveniunt: hæque, primis partibus rotundæ & leniter quasi capitulatæ, vertebrarum transversis processibus, ibi quoque paululum sinuatis, inhærent: inde lateſcunt, & in exteriorem partem iorecurvatæ paulatim in cartilaginem degenerant; eaque parte rursus in interiora leniter flexæ committuntur cum ossè pectoris. Quod valens ac durum à faucibus incipit, ab utroque latere lunatum, & à præcordiis, jam ipsum quoque cartilagine molli-
15 tum, terminatur. Sub costis vero superioribus quinque (quas *κόσται* Græci nominant) breves tenuioresque, atque ipsæ quoque paulatim in cartilaginem versæ, extremis
20 abdominis partibus inhærescunt; imaque ex his, majore jam parte nihil, nisi cartilago est.

Rursus, à cervice duo lata ossa utrinque ad scapulas tendunt: nostri scutula operta;
25 *ὠμοπλάταις* Græci nominant. Ea in summis verticibus sinuata, ab his triangulâ, paulatimque lateſcentia ad spinam tendunt; & quo latiora quaque parte sunt, hoc hebetiora. Atque ipsa quoque, in imo cartilaginosa, posteriore parte velut innatant; quoniam, nisi in summo, nulli ossi inhærescunt. Ibi vero validis musculis nervisque constri-
30 cta sunt.

At à summa costa paulo interius, quam

quam ubi ea media est, os excrescit, ibi quidem tenue, procedens vero, quo propius lato scapularum ossi fit, eo plenius latiusque est, paululum in interiora curvatum. quod protinus altera verticis partes modice intumescens, sustinet jugulum. Id ipsum recurvum ac inter durissima ossa numerandum, altero capite in eo, quod posui, altero in exiguo sinu pectoralis ossis insidit, paululumque motu brachii movetur, & cum lato osse scapularum, infra caput ejus, nervis & cartilagine connectitur.

Hinc humerus incipit, extremis utrinque capitibus tumidus, mollis, sine medulla, cartilaginosus: medius teres, durus, medullosus: leniter cavus, in priorem & interiorem; gibbus, in posteriorem & exteriorem partem. Prior autem pars est, quæ à pectore est: posterior, quæ ab scapulis: interior, quæ ad latus tendit: exterior, quæ ab eo recedit. quod ad omnes articulos pertinere, in ulterioribus patebit. Superius autem humeri caput rotundius, quam cætera ossa, de quibus adhuc dixi, verticillati scapularum ossi inferitur, ac majore parte extra id situm nervis deligatur. At inferius duos processus habet: inter quos, quod medium est, magis etiam extremis partibus sinuatur.

Quæ res sedem brachio præstat. quod constat ex ossibus duobus. Radius, quem *κνερκίδα* Græci adpellant, superior breviorque, & primo tenuior, rotundo & leniter cavo capite exiguum humeri tuberculum recipit. quod ibi nervis & cartilagine continet-

tinetur. Cubitus inferior longiorque, & primo plenior, in summo capite duobus quasi verticibus extantibus in sinum humeri, quem inter duos processus ejus esse propolui, se inserit. Primò vero duo, radii & brachii, ossa juncta paulatim dirimuntur, rursusque ad manum cocunt, modo crassitudinis mutato. Siquidem ibi radius plenior, cubitus admodum tenuis est. Dein radius, in caput cartilaginofum confurgens, in cervicem ejus insinuatur. Cubitus rotundus in extremo, parte altera paululum procedit. Ac, ne sæpius dicendum sit, illud ignorari non oportet, plurima ossa in cartilaginem desinere, nullum articulum non sic finiri. Neque enim aut moveri posset, nisi lævi inniteretur; aut cum carne nervisque conjungi, nisi ea media quædam materia committeret.

20 In manu vero prima palmæ pars ex multis minutisque ossibus constat, quorum numerus incertus est. Sed oblonga omnia, & triangula, structura quadam inter se connectuntur, cum invicem superior alterius planities sit: eoque fit ex his vnus ossis paululum in interiora concavi species. Verum ex manu duo exigui processus in sinum radii conjiciuntur. Tum ex altera parte quinque ossa recta, ad digitos tendentia, 30 palmam explent. A quibus ipsi digiti oriuntur: qui ex ossibus ternis constant. omniumque eadem ratio est. Interius os in vertice sinuatur, recipitque exterioris exiguum tuberculum; nervique ea continent. A quibus

bus orti vngues indurescunt. ideoque non ossi, sed carni magis radicibus suis inhærent. At superiores quidem partes sic ordinatæ sunt.

Ima vero spina in coxarum osse desinit; quod transversum longeque valentissimum, vulvam, vesicam, rectum intestinum tuetur. Idque ab exteriori parte gibbum; ad spinam, resupinatum; à lateribus, id est, in ipsis coxis, sinus rotundos habet. A quibus oritur os, quod pectinem vocant; idque, super intestina sub pube transversum, ventrem firmat: rectius in viris, recurvatum magis in exteriora in foeminis, ne partum prohibeat.

Inde femina oriuntur. Quorum capita rotundiora etiam, quam humerorum sunt; cum illa ex cæteris rotundissima sint. Infra vero duos processus à priore & à posteriore parte habent. Dein dura, & medullosa, & ab exteriori parte gibba, rursus ab inferioribus quoque capitibus intumescunt: superiora in sinus coxæ, sicut humeri in ea ossa, quæ scapularum sunt, conjiciuntur; tum infra introrsus leviter tendunt, quo æqualius superiora membra sustineant. Atque in eo inferiora quoque capita media sinuantur, quo facilius excipi à cruribus possint. Quæ commissura osse parvo, molli, cartilaginoso regitur. patellam vocant. Hæc super innatans, nec ulli ossi inhærens, sed carne & nervis deligata, pauloque magis ad femoris os tendens, inter omnes crurum flexus juncturam tuetur.

Ipsium autem crus est ex ossibus duobus.
Etenim

Etenim per omnia femur humero, crus vero brachio simile est: adeo ut habitus quoque & decor alterius ex altero cognoscatur. quod ab ossibus incipiens, etiam in carne respondet. Verum alterum os ab exteriori parte suræ positum est: quod ipsum quoque sura recte nominatur. Id brevius, supraque tenuius, ad ipsos talos intumescit. Alterum à priori parte positum, cui tibiæ nomen
 10 est, longius & in superiore parte plenus, solum cum femoris inferiore capite committitur; sicut cum humero cubitus. Atque ea quoque ossa, infra supraque conjuncta, media, ut in brachio, dehiscunt.

15 Excipitur autem crus infra osse ex transverso talorum; idque ipsum super os calcis situm est. quod quadam parte sinuatur, quadam excessus habet, & procedentia ex talo recipit, ut in sinum ejus inseritur. Idque
 20 sine medulla durum, magisque in posteriorem partem projectum, teretem ibi figuram repræsentat. Cætera ossa pedis ad eorum, quæ in manu sunt, similitudinem instructa sunt. Plantæ palmis, digiti digitis,
 25 ungues unguibus respondent.

C A P. I I.

Ossa vitata & corrupta quibus signis cognoscantur; & qua ratione curentur.

30

OMNE autem os, ubi injuria accessit, aut vitatur, aut finditur, aut frangitur, aut foratur, aut colliditur, aut de loco movetur. Id, quod vitatum est,

primo fere pingue fit; deinde vel nigrum, vel cariosum, quæ, supernatis gravibus ulceribus aut fistulis, hisque vel longa vetustate, vel etiam cancro occupatis, eveniunt. Oportet autem ante omnia os nudare, ulcere exciso; & si latius est ejus vitium, quam ulcus fuit, carnem subsecare, donec undique os integrum patefiat: tum id, quod pingue est, semel iterumve satis est admoto ferramento adurere, ut ex eo squama secedat; aut radere, donec jam aliquid cruoris ostendatur, quæ integri ossis nota est. nam necesse est aridum sit id, quod vitiatum est. Idem in cartilagine quoque læsa faciendum est. siquidem ea quoque scalpello radenda est, donec integrum id sit, quod relinquitur. Deinde, sive os sive cartilago rasa est, nitro bene trito respergendum est. Neque alia facienda sunt, ubi caries, nigritiesve in summo osse est. siquidem id vel paulo diutius eodem ferramento adurendum, vel radendum est. Qui radit hæc, audacter imprimere ferramentum debet, ut & agat aliquid, & maturius desinat. Finis est, cum vel ad album os, vel ad solidum ventum est. Albo finiri ex nigritie vitium, soliditate quadam ex carie, manifestum est. Accedere etiam cruoris aliquid integro, supra dictum est. Si quando autem altius descenderit utrumlibet, dubium est.

30

In carie quidem expedita cognitio est, si specillum tenue in foramina demittitur; quod magis minusve intrando, vel in summo cariæ esse, vel altius descendisse, testatur.

Colligi

Colligi idem potest etiam ex dolore, & ex febre, quæ ubi mediocria sunt, illa alte descendisse non potest. Manifestior tamen adacta terebra fit. nam finis vitii est, ubi 5 scobis nigra esse desit. Igitur, si caries alte descendit, per terebram urgenda crebris foraminibus est, quæ altitudine vitium æquent: tum in ea foramina demittenda candentia ferramenta sunt, donec siccum 10 os ex toto fiat. simul enim & post hæc solvetur ab inferiore osse, quodcumque vitiatum est; & is sinus carne replebitur; & humor aut nullus postea feretur, aut mediocris.

15 Sin autem nigrities est, aut si caries ad alteram quoque partem ossis transit, oportet excidi. Idem quoque in carie, ad alteram partem ossis penetrante, fieri potest. Sed, quod totum vitiatum, totum eximendum 20 est. Si inferior pars integra est, eatenus, quod corruptum est, excidi debet. Item siue capitis, siue pectoris os, siue costa cariota est, inutilis ustio, sed excidendi necessitas est. Neque audiendi sunt, qui, osse 25 nudato, diem tertium expectant, ut tunc excidant. ante inflammationem enim tutius omnia tractantur. Itaque, quantum fieri potest, eodem momento & cutis incidenda est, & os detegendum, & omni vitio liberandum est. Longeque perniciosissimum 30 est, quod in osse pectoris est: quia vix, etiam si recte cessit curatio, veram sanitatem reddit.

Quomodo os excidatur; & de Modiolo, & Terebra, ferramentis ad id paratis.

EXCIDITVR vero os duobus modis. Si parvulum est, quod læsum est, modiollo, quem *κωλίζιον* Græci vocant: si spatiosius, terebris. Vtriusque rationem proponam. Modiolus ferramentum concavum, teres, est, imis oris ferratum: per quod medium clavus, ipse quoque interiore orbe cinctus demittitur. Terebrarum autem duo genera sunt: alterum simile ei, quo fabri utuntur; alterum capituli longioris, quod ab acuto mucrone incipit, deinde subito latius fit; atque iterum ab alio principio paulo minus quam æqualiter sursum procedit.

Si vitium in angusto est, quod comprehendere modiolus possit, ille potius aptatur. At, si caries subest, medius clavus in foramen demittitur. Si nigrities, angulo scalpri sinus exiguus sit, qui clavum recipiat, ut, eo insistente, circumactus modiolus delabi non possit: deinde is habena, quasi terebra, convertitur. Estque quidam premendi modus, ut & foretur, & circumagatur: quia, si leviter imprimitur, parum proficit; si graviter, non movetur. Neque alienum est, instillare paululum rosæ, vel lactis, quo magis lubrico circumagatur. quod ipsum tamen, si copiosius est, aciem ferramenti hebetat. At, ubi jam iter modiollo impressum est, medius clavus educitur, & ille per

per se agitur. deinde, cum sanitas inferioris partis scobe cognita est, modiolus remove-
tur.

At, si latius vitium est, quam ut illo com-
prehendatur, terebra res agenda est. Ea fo-
ramen fit in ipso fine vitioli ossis atque in-
tegrum: deinde alterum non ita longe, ter-
tiumque, donec tactus is locus, qui exci-
dendus est, his cavis cinctus sit. atque ibi
10 quoque, quatenus terebra agenda sit, sco-
bis significat. Tum excisorius scalper ab al-
tero foramine ad alterum malleolo adactus
id, quod inter utrumque medium est, ex-
cidit; ac sic ambitus similis ei fit, qui in an-
15 gustiorem orbem modiololo imprimitur. U-
tro modo vero id circumductum est, idem
excisorius scalper, & in osse corrupto pla-
nus, summam quamque testam lævet, donec
integrum os relinquatur.

20 Vix unquam nigrities integrum, caries
per totum os perrumpit, maximeque ubi
vitiata calvaria est. Id quoque vitii specillo
significatur. quod depressum in id fora-
men, quod infra solidam sedem habet, &
25 renitens aliquid invenit, & madens exit. Si
pervium invenit, altius descendens inter os
& membranam, nihil oppositum invenit,
educiturque siccum: non quo non subsit
aliqua vitiosa sanies; sed quoniam ibi, ut
30 in latiore sede, diffusa sit.

Sive autem nigrities, quam terebra dete-
xit, sive caries, quam specillum ostendit, os
transit, modioli quidem usus fere superva-
cuis est; quia latius pateat necesse est, quod

tam alte processit. Terebra vero ea, quam secundo loco posui, utendum; eaque, ne nimis incalescat, subinde in aquam frigidam demittenda est. Sed tum majore cura agendum est; cum jam aut simplex os dimidium; perforatum est; aut in duplici superius. illud spatium ipsum; hoc sanguis significat. Ergo tum lentius ducenda habena, suspendendaque magis sinistra manus est, & sæpius attollenda, & foraminis altitudo consideranda; ut, quodcumque os perripitur, sentiamus, neque periclitemur, ne mucrone cerebri membrana lædatur: ex quo graves inflammationes, cum periculo mortis oriuntur. 15

Factis foraminibus, eodem modo media septa, sed multo circumspectius, excidenda sunt; ne forte angulus scalpri eandem membranam violet; donec fiat aditus, per quem membranæ custos immittatur. *μηνιζοφύλλο* 20 *λανγ* Græci vocant. lamina autem ænea est, firma, paululum resima, ab exteriori parte lævis. Quæ demissa sic, ut exterior pars ejus cerebro propior sit, subinde ei subjicitur, quod scalpri discutiendum est: ac, si 25 excipit ejus angulum, ultra transire non patitur: eoque & audacius, & tutius, scalprium malleolo subinde medicus ferit, donec excisum undique os, eadem lamina levetur, tollique sine ulla noxa cerebri possit. 30 Ubi totum os ejectum est, circumradendæ lævandæque sunt oræ, &, si quid scobis membranæ insedit, colligendum. Ubi, superiori parte sublata, inferior relicta est, non

non oræ tantum, sed os quoque totum lævandum est; ut sine noxa postea cutis incre-scat, quæ aspero ossi innascens protinus non sanitatem, sed novos dolores movet.

5 Patefacto cerebro, quâ ratione agendum sit, dicam, cum ad fracta ossa pervenero. Si basis aliqua servata est, superimponenda sunt medicamenta non pingua, quæ recentibus vulneribus accommodantur; super-
10 praque imponenda lana succida, oleo atque aceto madens. Ubi tempus processit, ab ipso osse caro increfcit, eaque factum manu finum complet. Si quod etiam os adustum est, à parte sana recedit; subitque inter in-
15 tegram atque emortuam partem caruncula, quæ, quod abscessit, expellat. eaque fere, quia testa tenuis & angusta est, *λεπίς*, id est squama, à Græcis nominatur.

Potest etiam evenire, ut ex ictu neque fin-
20 datur os, neque perfringatur; sed summum tantum collidatur, exaspereturque. Quod ubi incidit, radi & lævari satis est. Hæc quamvis maxime fiunt in capite, tamen cæteris quoque ossibus communia sunt: ut,
25 ubicunque idem incidet, eodem remedio sit utendum. At, cum ea fracta, fissa, forata, collisa sunt, quasdam proprias in singulis generibus, quasdam communes in pluribus curationes requirunt. De quibus protinus
30 dicam, initio ab eadem calvaria accepto.

De Calvaria fracta.

IGITUR, ubi calvaria percussa, protinus
requirendum est, num bilem is homo
vomuerit; num oculi ejus obcæcati sint;
num obmutuerit; num per nares aureve
sanguis ei effluxerit; num conciderit; num
sine sensu quasi dormiens jacuerit. Hæc
enim non nisi osse fracto eveniunt. Atque,
ubi inciderunt, scire licet, necessariam, sed
difficilem curationem esse. Si vero etiam
torpor accessit; si mens non constat, si ner-
vorum vel resolutio vel distentio secuta
est; verisimile est, etiam cerebri membra-
nam esse violatam: eoque in angusto magis
spes est. At, si nihil horum secutum est, &
jam potest dubitari, an os fractum sit; &
protinus considerandum est, lapide, an li-
gno, an ferro, an alio telo percussum sit,
& hoc ipso lævi an aspero, mediocri an va-
stiore, vehementer an leviter. quia quo mi-
tior ictus fuit, eo facilius os ei restitisse cre-
dibile est. Sed nihil tamen melius est, quam
certiore id nota explorare. Ergo, qua plaga
est, demitti specillum oportet, neque nimis
tenue, neque acutum; ne, cum in quosdam
naturales sinus inciderit, opinionem fracti
ossis frustra faciat: neque nimis plenum;
ne parvulæ rimulæ fallant. Ubi specillum
ad os venit, si nihil nisi læve & lubricum
occurrit, integrum id videri potest: si quid
asperi est, utique qua futuræ non sint, fra-
ctum s esse testatur.

A futuris se deceptum esse, Hippocrates memoriam tradidit, more scilicet magnorum virorum, & fiduciam magnarum rerum habentium. Nam levia ingenia, quia nihil habent, nihil sibi detrahunt. Magno ingenio, multaue nihilominus habituro, convenit etiam simplex veri erroris confessio; præcipueque in eo ministerio, quod utilitatis causa posteris traditur; ne qui decipiantur eadem ratione, qua quis ante deceptus est. Sed hæc quidem alioquin memoria magni professoris, uti interponeremus, effecit.

15 Potest autem futura eo nomine fallere, quia æque aspera est; ut aliquis hanc esse, etiam si rima est, existimet eo loco, quo subesse hanc verisimile est. Ergo eo nomine decipi non oportet: sed os deoperire tutissimum est. Nam neque utique certa sedes, ut supra posui, futurarum est: & potest idem & naturaliter commissum & ictu fissum esse, juxta ve aliquid fissum habere. Quin aliquando etiam, ubi ictus fuit vehementior, quamvis specillo nihil invenitur, tamen aperire commodius est. At, si ne tum quidem rima manifesta est, inducendum super os atramentum scriptorium est, deinde scalpro id deradendum. nigriti-
25
30 em enim continet, si quid fissum est.

Solet etiam evenire, ut altera parte fuerit ictus, & os altera fiderit. Itaque, si graviter aliquis percussus est, si mala indicia subsecuta sunt, neque ea parte, qua cutis discissa est, rima reperitur; non incommodum

dum est, parte altera considerare, num quis locus mollior sit, & tumeat; eumque aperire: siquidem ibi fissum os reperietur. Nec tamen magno negotio cutis sanescit, etiamsi frustra sc̃cta est. Os fractum, nisi succursum est, gravibus inflammationibus afficit, difficiliusque postea tractatur.

Raro, sed aliquando tamen, evenit, ut os quidem totum integrum maneat, intus vero ex ictu vena aliqua in cerebri membrana rupta aliquid sanguinis mittat; isque ibi concretus magnos dolores moveat, & oculos quibusdam obcæcet. Sed fere contra id dolor est, & eo loco cute incisa, pallidum os reperitur. ideoque id quoque os excidendum est. Quacumque autem de causa curatio hæc necessaria est, si nondum satis cutis patefacta est, latius aperienda est, donec, quicquid læsum est, in conspectu sit. In quo ipso videndum est, ne quid ex ipsa membranula, quæ sub cute calvariam cingit, super os relinquantur: siquidem hæc scalpro terebrisve lacerata vehementes febres cum inflammationibus excitat. Itaque eam commodius est ex toto ab osse deduci. Plagam, si ex vulnere est, talem necesse est habeamus, qualem acceperimus. Si manu facienda est, ea fere commodissima est, quæ duabus transversis lineis literæ x figuram accipit; ut deinde à singulis procedentibus angulis cutis subsecetur.

Inter quæ, si sanguis fertur, spongia subinde in aceto tincta cohibendus est, occupandusque objectis linamentis, & caput altius

tius excitandum. Neque id vitium ullum metum , nisi inter musculos , qui tempora continent, adfert : sed ibi quoque nihil tutius fit.

5 In omni vero fisso fractove osse , protinus antiquiores medici ad ferramenta veniebant , quibus id exciderent. Sed multo melius est , ante emplastra experiri , quæ calvarix causa componuntur. eorumque
10 aliquod oportet ex aceto molitum per se super fissum fractumve os imponere: deinde super id , aliquanto latius quam vulnus est, eodem medicamento illitum linteolum, & præterea succidam lanam aceto tin-
15 ctam: tunc vulnus deligare, & quotidie resolovere ; similiterque curare usque ad diem quintum. A sexto die etiam vapore aquæ calidæ per spongiam fovere: cæteraque eadem facere. Quod si caruncula increfcere
20 coeperit , & febricula aut soluta fuerit , aut levior, & cupiditas cibi reverterit, satisque somni accedat , in eodem medicamento erit perseverandum. Procedente deinde tempore emolliendum id emplastrum, ad-
25 jecto cerato ex rosa facto; quo facilius carnem producat. nam per se reprimendi vim habet. Hac ratione sæpe rimæ callo quodam implentur ; estque ea ossis velut cicatrix. & latius fracta ossa, si qua inter se non
30 cohærebunt, eodem callo glutinantur. estque id aliquanto melius velamentum cerebro , quam caro , quæ exciso osse increfcit. Si vero sub prima curatione febris intenditur, brevesque somni , & iidem per
som-

somnia tumultuosi sunt, ulcus madet, neque alitur, & in cervicibus glandulæ oriuntur, magni dolores sunt, cibique super hæc fastidium increfcit; tum demum ad manum scalprumque veniendum est. 5

Duo vero sub ictu calvariæ pericula sunt; ne vel findatur vel medium defidat. Si fissum est, possunt oræ esse compressæ: vel quia altera super alteram excessit; vel etiam, quia vehementer rursus se commiserunt. Ex quo evenit, ut humor ad membranam quidem descendat, exitum vero non habeat; ac sic eam irriter, & graves inflammationes moveat.

At ubi medium os defedit, eandem cerebri membranam urget: interdum etiam ex fractura quibusdam velut aculeis pungentibus. His ita succurrendum est, ut tamen quam minimum ex osse dematur. Ergo, si ora alteri infedit, fatis est id, quod eminere, plano scalpro excidere. Quo sublato, si rima hiat aliquantum, curationi fatis est. At, si oræ inter se comprimuntur, à latere ejus, interposito digiti spatio, terebra foramen faciendum est: ab eoque scalpro per duabus lineis ad rimam agendus, ad similitudinem literæ Δ ; sic, ut vertex ejus à foramine, basis ad rimam sit. 25

Quod si rima longius patet, ab altero foramine rursus similis sinus fieri debet: 30 & ita nihil latere sub eo osse conflatum potest, abundeque exitus datur intus lædentibus. Ne si fractum quidem os defecit, totum excidi necesse est: sed, si ve-

tum perfractum est, & ab alio ex toto recessit, siue circumpositæ calvariæ inhæret exigua parte, ab eo, quod naturaliter se habet, scalpro dividendum est. Deinde in eo, quod defedit, juxta rimam, quam fecimus, foramina faciendâ sunt, si in angusto noxa est, duo; si latius patet, tria; septaque eorum excidenda: & tum scalper utrinque ad rimam agendus sic, ut lunatum sinum 10 faciat, imaque parse ejus intus ad fracturam, cornua ad os integrum spectent. Deinde, si qua labant, & ex facili removeri possunt, forcipe ad id factò colligenda sunt, maximeque ea, quæ acuta membranam infestant. Si id ex facili fieri non potest, sub- 15 jicienda lamina est, quam custodem ejus membranæ esse, proposui: & super eam, quicquid spinosum est, & intus eminet, excidendum est. eadem lamina, quicquid 20 deorsum insedit, attollendum. Hoc genus curationis efficit, ut, qua parte fracta ossa tamen inhærent, solidentur: qua parte abrupta sunt, sine ullo tormento sub medicamenti tempore excidant, spaciumque in- 25 ter hæc satis illis magnum ad extrahendam saniem relinquatur, plusque in osse propugnaculi cerebrum habeat, quam habiturum fuit, eo exciso.

His factis, ea membrana acri aceto res- 30 pergenda est; ut, siue aliquid sanguinis ex caprofluit, cohibeatur, siue intus concretus cruor remanet, discutiatur: tum idem medicamentum eodem modo, qui supra positus est, mollium, ipsi membranæ imponen-

ponendum est : cæteraque eodem modo
facienda sunt , quæ ad linteolum illitum,
& lanam succidam pertinent : collocandus-
que is loco intepido : & curandum quoti-
die vulnus ; bis etiam , æstate.

Quod si membrana per inflammationem
intumuerit , infundenda erit rosa tepida. Si
usque eo tumebit , ut super ossa quoque
emineat , coercebit eam bene trita lenticu-
la , vel folia vitis contrita , & cum recenti
vel butyro , vel adipe anserino mixta : cer-
vixque molliri debebit liquido cerato , ex
irino facto. At , si parum pura membrana
videbitur , par modus ejus emplastri &
mellis miscendus erit ; idque superinfun-
dendum ; ejusque continendi causa utrum
aut alterum linamentum injiciendum ; &
super linteolo , cui emplastrum illitum sit,
contegendum. Ubi satis pura membrana
est , eadem ratione adjiciendum emplastro
ceratum , ut carnem producat.

Quod ad abstinentiam vero , & primos
ulterioresque cibos potionesque pertinet ,
eadem , quæ in vulneribus præcepi , servan-
da sunt : eo magis , quo periculosius hæc
pars afficitur. Quinetiam , cum jam non
solum sustineri , sed ali cibis quoque oport-
tebit , tamen erunt vitanda , quæcunque
mandenda sunt : item fumus , & quicquid
excitat sternutamentum. Spem vero cer-
tam faciunt , membrana mobilis ac sui co-
loris , caro increfcescens rubicunda , facilis
motus maxillæ atque cervicis. Mala signa
sunt , membrana immobilis , nigra , vel livi-
da.

da, vel aliter coloris corrupti, dementia, acris vomitus, nervorum vel resolutio vel distentio, caro livida, maxillarum rigor, atque cervicis. Cætera, quæ ad somnum, 5 cibi desiderium, febrem, puris colorem attinent, eadem, quæ in cæteris vulneribus, vel salutaria, vel mortifera sunt.

Ubi bene res cedit, incipit ab ipsa membrana; vel, si os eo loco duplex est, inde 10 quoque caro increascens id, quod inter ossa vacuum est, replet: nonnunquam etiam super calvariam excrescit. Quod si incidit, inspergenda squama æris est, ut id reprimat & cohibeat, eaque carni superdanda, 15 quæ ad cicatricem perducant. Omnibusque ea locis commode inducitur, excepta frontis ea parte, quæ paululum super id est, quod inter supercilia est. Ibi enim vix fieri potest, ut non per omnem ætatem sit exulceratio: quæ linreolo, medicamentum habente, contegenda erit. Illa utique, capite 20 fracto, servanda sunt, ut, donec jam valida cicatrix erit, vitentur sol, ventus, frequens balneum, major vini modus.

25

C A P. V.

De Naso fracto.

IN naribus vero, & os, & cartilago frangi solet, & quidem modo adversâ, modo 30 à latere. Si adversâ fracta sunt, alterumve ex his, nares desidunt, difficulter spiritus trahitur. Si à latere os fractum est, is locus cavus est: si cartilago, in alteram partem nares declinantur.

Quic-

Quicquid è cartilagine concidit, excitandum leniter est, aut subjecto specillo, aut duobus digitis utrinque compressis: deinde in longitudinem implicata linamenta, & molli pellicula cincta circumsumtaque, intus injicienda sunt; aut eodem modo compositum aliquid ex arido penicillo; aut grandis pinna, gummi, vel fabrili glutine illita, & molli pellicula circumdata, quæ desidere cartilaginem non sinunt. Sed, 19 si adversa ea fracta est, æqualiter utraque naris implenda est. Si à latere, id, quod inferitur, crassius esse debet ab ea parte, in quam nasus jacet, ab altera tenuius. Extrinsecus autem circumdanda habena est 15 mollis, medio illita mixtis inter se similia & thuris fuligine: eaque ultra aures ducenda, & fronti duobus capitibus agglutinanda est. id enim corpori quasi gluten inhærescit, & cum induruit, nares commode con- 20 tinet. Sin, quod intus inditum est, lædit, sicut maxime fit, ubi interior cartilago perfracta est, exercitatae nares eadem tantummodo habena continendæ sunt: deinde, post quatuordecim dies id ipsum demen- 25 dum est. Resolvitur autem aqua calida; eaque tumens locus quotidie fovendus est.

Sin os fractum est, id quoque digitis in suam sedem reponendum est: atque ubi adversum id ictum est, utraque naris im- 30 plenda est; ubi à latere, ea, in quam os impulsus est: imponendumque ceratum, & paulo vehementius deligandum est; quia callus eo loco non ad sanitatem tantummodo,

modo ; sed etiam ad tumorem increfcit. à tertio die fovendum id aqua calida eft ; tantoque magis , quanto propius effe fanitati debet. Quod fi plura erunt fragmenta, nihilominus intrinfecus fingula in fuas fedes digitis erunt compellenda ; imponendaque extrinfecus eadem habena, & super eam ceratum ; neque ultra fascia adhibenda eft.

10 At, fi quod fragmentum undique refolutum cum cæteris non glutinabitur , intelligetur quidem ex humore , qui multus ex vulnere feretur ; vulfella vero extrahetur : finitisque inflammationibus, imponetur ali-
15 quod medicamentum ex iis , quæ leniter reprimunt. Pejus eft , ubi aut offi aut cartilagini fractæ cutis quoque vulnus accessit. id admodum raro fit. Si incidit , illa quidem nihilominus eadem ratione in fuas
20 fedes excitanda funt: cuti vero superimponendum emplastrum aliquod ex his , quæ recentibus vulneribus accommodata funt: sed infuper nullo vinculo deligandum eft.

C A P. V I.

25

De Auribus fractis.

IN aure quoque interdum rumpitur cartilago. Quod si incidit , antequam pus oriatur, imponendum glutinans medicamentum eft. sæpe enim suppurationem prohibet , & aurem confirmat. Illud & in hac & in naribus ignorari non oportet; non quidem cartilaginem ipsam glutinari , circa tamen carnem increfcere , solidarique
30 eum

eum locum. Itaque, si cum cute cartilago rupta est, cutis utrinque sinitur. Nunc autem de ea dico, quæ, cute integra, frangitur. In ea vero si jam pus natum est, aperienda altera parte cutis; & ipsa cartilago contra lunata plaga excidenda est: deinde utendum est medicamento leniter sanguinem supprime, quale lycium est aqua dilutum, donec sanguis fluere desinat: tum imponendum linteolum cum emplastro, sic, ut pingue omne vitetur: & à parte posteriore lana mollis auri subjicienda est, quæ, quod est inter hanc & caput, compleat: tum leniter ea deliganda est; & à tertio die, vapore, ut in naribus posui, fovenda. Atque in his quoque generibus abstinentia primis temporibus necessaria est, donec inflammatio finiatur.

C A P. VII.

20

De Maxilla fracta, & quibusdam ad omnia ossa pertinentibus.

AB his ad maxillam venturus indicanda quædam puto communiter ad omnia ossa pertinentia, ne sæpius eadem dicenda sint. Omne igitur os, modo rectum, ut lignum in longitudinem finditur; modo frangitur transversum; interdum obliquum: atque id ipsum nonnunquam retusa habet capita, nonnunquam acuta. quod genus pessimum est: quia neque facile committuntur, quæ nulli retuso inhiuntur; & carnem vulnerant, interdum quoque nervum aut musculum. *Quin-*
etiam

etiam aliquando plura fragmenta à fragmento fiunt. Sed in aliis quidem ossibus ex toto sæpe fragmentum à fragmento recedit: Maxillæ vero semper aliqua, parte etiam vexata, ossa inter se cohærent.

Igitur inprimis digitis duobus utrinque prementibus, & ab ore, & à mento, omnia ossa in suam sedem compellenda sunt: deinde, si maxilla transversa fracta est (sub quo casu fere dens super proximum dentem excidit) ubi ea in suam sedem collocata est, duo proximi dentes, aut, si hi labant, posteriores inter se seta deligandi sunt. id in alio genere fracturæ supervacuum est. cætera eadem facienda. Nam linteolum duplex, madens vino & oleo, superinjiciendum est, cumque eo simila & thuris fuligo: deinde aut fascia, aut mollis habena, medio in longitudinem incisa, ut utrinque mentum complectatur; & inde capita ejus supra caput adducta ibi ligentur.

Illud quoque ad omnia ossa pertinens dictum erit; famem primum esse necessariam: deinde, à die tertio, humidum cibum; sublata inflammatione, paulo plenior, eumque, qui carnem alat: vinum per omne tempus esse alienum. Deinde tertio die resolvi debere; foverique per spongiam vapore calidæ; eademque, quæ primo foverant, superdari: idem quinto die fieri, & donec inflammatio finiatur; quæ vel nono die, vel septimo fere solvitur: ea sublata, rursus ossa esse tractanda, ut, si quod fragmentum loco suo non est, reponatur. neque id esse sol-

526 A. CORN. CELSI Lib. 8.
solvendum, nisi duæ partes ejus temporis,
intra quod quæque ossa confervent, transf-
jerint.

Fere vero inter quartumdecimum & u-
num & vigesimum diem sanescunt, maxilla, 5
malæ, jugulum, pectus, latum os scapula-
rum, costæ, spina coxarum, os tali, calx, ma-
nus, planta: inter vigesimum & trigesi-
mum diem, crura, brachiaque: inter septi-
mum & vigesimum & quadragesimum, 10
humeri & femora.

Sed de maxilla illud quoque adjicien-
dum est, quod humidus cibus diu asumen-
dus sit. Atque etiam, cum tempus processit,
in lagano similibusque aliis perseveran- 15
dum est, neque quicquam edendum, donec
ex toto maxillam callus firmaverit. Item-
que, primis utique diebus, habendum silen-
tium.

C A P. V I I I.

20

De Ingulo fracto.

IUGULUM vero, si transversum fractum
est, nonnunquam per se recte coit, &
nisi movetur, sanari sine vinctura potest: 25
nonnunquam vero, maximeque ubi mo-
tum est, elabitur; fereque id, quod à pe-
ctore est, super id, quod ab humero est, in
posteriolem partem inclinatur. Cujus ea
ratio est, quod per se non movetur; sed cum 30
humeri motu consentit. Itaque, eo consi-
stente, super id humerus agitatur. Raro
vero admodum in priorem partem jugulum
inclinatur; adeo ut magni professores nun-
quam

quam se vidisse memoriæ mandaverint. Sed locuples tamen ejus rei author Hippocrates est.

Verum, ut dissimilis uterque casus est, sic quædam dissimilia requirit. Ubi ad scapulas jugulum tendit, simul dextra manu plana propellendus in posteriorem partem humerus est, & illud in priorem attrahendum. Ubi ad pectus conversum est, ipsum
10 quidem retro dandum, humerus autem in priorem partem adducendus est: ac, si is inferior est, non id, quod à pectore est, depressum est, quia immobile est; sed humerus ipse attollendus: si autem superior
15 est, id, quod à pectore est, implendum lana, & humerus ad pectus deligandus est. Si acuta fragmenta sunt, incidi contra cutis debet; & ex ossibus ea, quæ carnem vulnerant, præcidenda; tum retusa ossa committenda sunt; & si quod ab aliqua parte eminet, opponendum est triplex linteolum in vino & oleo tinctum. Si plura fragmenta sunt, excipienda sunt ex ferula facto canaliculo, eodemque intus incerato, ne fascia
25 diducatur. quæ jugulo composito circumdanda est sæpius potius, quam valentius. quod ipsum quoque in omnibus fractis perpetuum est. A dextro vero jugulo, si id fractum est, ad alam sinistram; à sinistro, ad
30 dexteram, rursusque sub ala sua fascia dari debet: post hæc, si jugulum ad scapulas inclinatum est, brachium ad latus; si in partem priorem, ad cervicem deligandum est: supinusque homo collocandus. cætera eadem

dem facienda; quæ supra comprehensa sunt.

2. *De diversis ossium curis.*

Sunt vero plura ossa fere immobilia, vel dura, vel cartilaginosa; quæ vel franguntur, vel forantur, vel colliduntur, vel fi-
duntur, ut malæ, pectus, latum os scapularum, costæ, spina coxarum, os tali, calx, manus, planta. Horum omnium eadem curatio est. Si supra vulnus est, id suis medicamentis nutriendum est. quo sanescenté,
rimas quoque ossis, aut, si quod foramen est, callus implet. Si cutis integra est, & os læsum esse, ex dolore colligimus, nihil aliud, quam quiescendum; imponendum-
que ceratum est, & leniter deligandum, do-
nec sanitate ossis dolor finiatur.

C A P. IX.

De Costis fractis.

PROPRIE tamen quædam de costis dicenda sunt; quia juxta viscera sunt, & gravioribus periculis is locus expositus est. Costa igitur interdum sic finditur, ut ne summum quidem os, sed interior pars ejus, quæ rara est, lædatur: interdum
sic, ut eam totam is casus perruperit. Si tota fracta non est, nec sanguis expuitur, nec febricula sequitur, nec quicquam suppurat, nisi admodum raro, nec dolor magnus est; tactu tamen is locus leviter indol-
escit: sed abunde est eadem, quæ supra scripta sunt, facere; & à media fasciâ incipere deligare, ne in alterutram partem hæc cutem inclinet. Ab uno vero & vigesimo
die,

die, quo utique os esse debet glutinatum, id agendum cibus uberioribus est, ut corpus quam plenissimum fiat, quo melius os vestiatur: quod illo loco tenerum adhuc injuriæ sub tenui cute expositum est. Per omne autem tempus curationis, vitandus clamor, sermo quoque, tumultus, ira, motus vehementior corporis, fumus, pulvis, & quicquid vel tussim vel sternutamentum movet: ne spiritum quidem magnopere continere expedit.

At, si tota costa perfracta est, casus asperior est. Nam & graves inflammationes, & febris, & suppuratio, & sæpe vitæ periculum sequitur, & sanguis spuitur. Ergo, si vires patiuntur, ab eo brachio, quod super eam costam est, sanguis mittendus est: si non patiuntur, alvus, tamen sine ullo acri, ducenda est; diutiusque inedia pugnandum. Panis vero ante septimum diem non assumendus, sed una sorbitione vivendum: imponendumque ei loco ceratum ex lycio factum, cui cocta quoque resina adjecta sit, aut Polyarchi malagma; aut panni ex vino & rosa & oleo; superque imponenda lana succida mollis, & duæ fasciæ à mediis orfæ, minimeque adstrictæ. Multo vero magis omnia vitanda, quæ supra posui; adeo, ut ne spiritus quidem sæpius movendus sit. Quod si tussis infestabit, ad id potio sumenda erit, vel ex trixagine, vel ex ruta, vel ex herba stœchade, vel ex cumino & pipere. Gravioribus vero doloribus urgentibus, cataplasma imponi quoque conveniet,

Z

veniet, vel ex lolio, vel ex hordeo, cui pinguis fici tertia pars sit adjecta. Et id quidem interdum superjacebit: noctu vero idem aut ceratum, aut malagma, aut pan-
ni; quia potest cataplasma decidere. Ergo quotidie quoque resolvetur, donec jam cerato aut malagmate possimus esse contenti. Et decem quidem diebus extenuabitur fame corpus; ab undecimo vero alii incipiet. ideoque etiam laxior, quam primo, fascia sit, qua ligabitur. Fereque ea curatione ad quadragesimum diem perveniet.

Sub qua si metus erit suppurationis, plus malagma, quam ceratum ad digerendum proficiet. Si suppuratio vicerit, neque per 15 quæ supra scripta sunt, discuti potuerit; omnis mora vitanda erit, ne os infra vitietur: sed, qua parte maxime tumebit, demittendum erit candens ferramentum, donec ad pus perveniat; idque effundendum. Si nusquam tumor se ostendit, ubi maxime pus sub- 20 sit, sic intelligemus. creta cimolia totum locum illinemus, & ficcari patiemur: quo loco maxime humor intus perseverabit, ibi pus proximum erit; eoque uri debet. Si latius aliquid abscedet, duobus aut tribus locis erit perforandum; demittendumque linamentum, aut aliquid ex penicillo. quod summum lino sit devinctum, ut facile educatur. Reliqua eadem, 30 quæ in cæteris adustis, facienda sunt. Ubi purum erit ulcus, alii corpus debebit, ne tabes, perniciofa futura, id malum subsequatur. Nonnunquam etiam, levius ipso osse affecto,

Cap. 10. MEDICINA. 531
affecto, & inter initia neglecto, non pus,
sed humor quidam mucco similis, intus
coit; mollescitque contra cutis. In qua si-
mili uestione utendum est.

5 2. De Spina fracta.

In spina quoque est, quod proprie note-
mus. Nam si quid ex vertebra excidit, aut
aliquo modo fractum est, locus quidem
concavus fit; punctiones autem in eo sen-
10 tiuntur: quia necesse est ea fragmenta spi-
nosa esse. quo fit, ut homo in anteriorem
partem subinde nitatur. Hæc noscendæ rei
causa sunt. Medicamentis vero iisdem opus
est, quæ prima parte hujus capituli exposita
15 sunt.

C A P. X.

*De Humerorum, brachiorum, femorum, crura-
rum, digitorum fracturum, vel evul-
20 sorum, communibus curationibus.*

SIMILES rursus ex magna parte casus cu-
rationesque sunt humeris & femoribus.
Communia etiam quædam humeris,
brachiis, femoribus, cruribus, digitis: si-
25 quidem ea minime periculose media fran-
guntur: at, quo propior fractura capiti vel
superiori vel inferiori est, eo peior est. nam
& majores dolores adfert, & difficiliter cu-
ratur. Earum maxime tolerabilis est sim-
30 plex, eaque transversa: peior, ubi obliqua,
atque ubi fragmenta: pessima, ubi eadem
acuta sunt. Nonnunquam autem fracta in
his ossa in suis sedibus remanent: multo sæ-
pius excidunt, aliudque super aliud effer-
Z 2 tur.

532 A. CORN. CELSI Lib. 8.
tur. idque ante omnia considerari debet: &
sunt notæ certæ. Si suis sedibus sunt mota,
refima, punctiōisq̃ue sensum repræsen-
tant; & tactu inæqualia sunt. Si vero non
adversa, sed obliqua junguntur (quod fit, s̃
ubi loco suo non sunt) membrum id altero
latere brevius est, & muscoli ejus tu-
ment.

Ergo, si hoc deprensū est, protinus id
membrum oportet extendere. Nam nervi to-
musculique, intenti per ossa, contrahun-
tur: neque in suum locum veniunt, nisi il-
los per vim aliquis intendit. Rursus, si pri-
mis diebus id omissum est, inflammatio
oritur. Sub qua & difficile, & periculose, 15
vis nervis adhibetur. nam distentio nervo-
rum vel cancer sequitur; vel certe, cum
mitissime agitur, pus. itaque, si ante reposita
ossa non sunt, post eam reponenda sunt.
Intendere autem digitum vel aliud quod- 20
que membrum, si adhuc tenerum est, etiam
unus homo potest; cum alteram partem
dextra, alteram sinistra prendit. Valentius
membrum duobus eget, qui in diversa con-
tendant. Si firmiores nervi sunt, ut in vi- 25
ris robustis, maximeque eorum feminibus
& cruribus evenit; habenis quoque, vel li-
neis fasciis utrinque capita articulorum
deliganda, & per plures & in diversa du-
cenda sunt. Ubi vero paulo longius, quam 30
naturaliter esse debet, membrum vis fecit;
tum demum ossa manibus in suam sedem
compellenda sunt: indiciumque ossis repo-
siti est dolor sublatus. At membrum alteri
æqua-

æquatum, involvendum duplicibus triplicibusve pannis in vino & oleo tinctis: quos lineos esse; commodius est.

Fere vero fasciis sex opus est. Prima brevissima adhibenda: quæ circa fracturam ter voluta sursum versum feratur, & quasi in cochleam serpat; satisque est, eam ter hoc quoque modo circuire. Altera dimidio longior ea: quæ, si qua parte os eminet, ab 10 ea, si totum æquale est, undelibet super fracturam incipere debet, priori adversa, deorsumque tendere; atque iterum ad fracturam reversa, in superiore parte ultra priorem fasciam desinere. Super has injiciendum latiore linteo ceratum est, quod eas 15 contineat. Ac, si qua parte os eminet, triplex ei pannus objiciendus, eodem vino & oleo madens. Hæc tertia fascia comprehendenda sunt, quartaque, sic, ut semper in- 20 sequens priori adversa sit, & tertia tantum in inferiore parte, tres in superiore finiant: quia satius est sæpius circuire, quam adstringi: siquidem id, quod adstrictum est, alienatur, & cancro opportunum est. Ar- 25 ticulum autem quamminime vincire opus est: sed, si juxta hunc os fractum est, necesse est.

Deligatum vero membrum in diem tertium continendum est. Eaque vinctura talis 30 esse debet, ut primo die nihil offenderit, non tamen laxa visa sit; secundo laxior; tertio jam pene resoluta. Ergo tum rursum id membrum deligandum, adjiciendaque prioribus quinta fascia est, iterum-

que quinto resolvendum est, & tum sex fasciis involvendum, sic, ut tertia & quinta infra, cæteræ supra finiantur. Quotiescunque autem solvitur membrum, calida aqua fovendum est. Sed, si juxta articulum fractura est, diu instillandum vinum est, exigua parte olei adjecta, eademque omnia facienda, donec ab eo inflammatio solvatur, vel tenuius quoque, quam ex consuetudine, id membrum fiat. quod si septimus¹⁰ dies non dedit, certe nonus exhibet. tum facillime ossa tractantur.

Rursus ergo, si parum commissa sunt, committi debent: si qua fragmenta eminent, in suas sedes reponenda sunt: deinde¹⁵ eodem modo membrum deligandum, ferulæque superaccommodandæ sunt, quæ fissæ circumpositæque ossa in sua sede contineant: &, in quam partem fractura inclinat, ab ea latior valentiorque ferula im-²⁰ponenda est. Easque omnes circa articulum esse oportet refirmas, ne hunc lædant, nec ultra adstringi, quam ut ossa contineant: & cum spatium laxentur, tertio quoque die paulum habenis suis coartari; ac, si²⁵ nulla prurigo, nullus dolor est, sic manere, donec duæ partes ejus temporis, quo os quodque confervet, compleantur: postea levius aqua calida fovere, quia primo digeri materiam opus est, tum evocari. Er-³⁰go cerato quoque liquido id leniter est ungendum, perfricandaque summa cutis est; laxiusque id deligandum est. Tertio quoque die solvendum, sic, ut remota calida aqua,

aqua, cætera eadem fiant ; tantummodo singulæ fasciæ , quoties resolutæ fuerint, subtrahantur.

2. *De Humero fracto.*

5 Hæc communia sunt : illa propria .
Siquidem humerus fractus est , non sic,
ut membrum aliud, intenditur : sed homo
collocatur alto sedili , medicus autem hu-
miliore adversus. Una autem fascia , bra-
10 chium amplexa, ex cervice ipsius , qui læ-
sus est, id sustinet : altera , ab altera parte
super caput data, ibi accipit nodum: tertia,
vincto imo humero deorsum demittitur,
ibi quoque capitibus ejus inter se vinctis.
15 Deinde ab occipitio ipsius , minister sub ea
fascia, quam secundo loco posui , porrecto,
si dexter humerus ducendus est , dextro, si
sinister , sinistro brachio , demissum inter
femina ejus , qui curatur , baculum tenet:
20 medicus super eam fasciam, de qua tertio
loco dixi, plantam injicit dextram , si sini-
ster, sinistram , si dexter humerus curatur;
simulque alteram fasciam minister attollit,
alteram premit medicus: quo fit, ut leniter
25 humerus extendatur. Fasciis vero , si me-
dium aut imum os fractum est , breviori-
bus opus est; si summum , longioribus : ut
ab eo sub altera quoque ala per pectus ad
scapulas porrigantur. Protinus vero bra-
30 chium, cum deligatur, sic inclinandum est,
ut id , quod afficitur , ante fasciis quoque
sic figuratum sit , ne postea suspensum ali-
ter, atque cum deligabatur , humerum in-
clinat : brachioque suspenso , ipse quoque

humerus ad latus leniter deligandus est: per quæ fit, ut minime moveatur: ideoque ossa sic se habent, ut aliquis composuit. Cum ad ferulas ventum est, extrinsecus esse earum longissimæ debent: à lacerto breviores; sed sub ala brevissimæ. Sæpiusque resolvendæ sunt, ubi in vicinia cubiti humerus fractus est, ne ibi nervi rigescant, & inutile brachium efficiatur. Quoties solutæ sunt, fractura manu continenda; cubitus aqua calida fovendus, & molli cerato perfricandus; ferulæque vel omnino non imponendæ contra eminentia cubiti, vel aliquanto breviores sint.

3. De Brachio fracto.

15

At, si brachium fractum est, in primis considerandum est, alterum os, an utrumque comminutum sit: non quo alia in ejusmodi casu curatio sit admovenda; sed primum, ut valentius extendatur, si utrumque os fractum est; quia necesse est minus nervos contrahi altero osse integro, eosque intendente: deinde, ut curiosius omnia in continendis ossibus fiant, si neutrum alteri auxilio est. nam, ubi alterum os integrum est, plus opis in eo, quam in fascis ferulisque est. Deligari autem brachium debet, paululum pollice ad pectus inclinato; siquidem is maxime brachii naturalis habitus sit: idque involutum mitella commodissime excipitur. quæ latitudine ipsa brachio, perangustis capitibus collo injicitur: atque ita commode brachium ex cervice suspensum est. Idque

pau-

paulum supra cubiti alterius regionem pendere oportet.

4. *De Cubito fracto.*

Quod si ex summo cubito quid fractum sit, glutinare id vinciendo alienum est. fit enim brachium immobile. Ac, si nihil aliud quam dolori occurrendum est, idem, qui fuit, ejus usus est.

5. *De Cruribus Femoribusque fractis.*

10 In crure æque ad rem pertinet, alterum saltem os integrum manere, commune vero ei femorique est, quod, ubi deligatum est, in canalem conjiciendum est. Is canalis ab inferiori parte foramina habere debet, per quæ, si quis humor excesserit, de-
15 scendat: & à planta moram, quæ simul & sustineat eam, & delabi non patiatur: & à lateribus cava, per quæ loris datis, moræ
20 quædam crus femurque, ut collocatum est, detineant. Esse etiam is debet, à planta, si crus fractum est, circa poplitem; si femur, usque ad coxam; si juxta superius caput femoris, sic, ut ipsa quoque ei coxa insit.
25 Neque tamen ignorari oportet, si femur fractum est, fieri brevius; quia nunquam in antiquum statum revertitur: summisque digitis postea cruris ejus insisti. ex quo multa debilitas est; foedior tamen, ubi for-
30 tunæ negligentia quoque accessit.

6. *De Digito fracto.*

Digitum satis est ad unum furculum deligari post inflammationem.

7. *Communes curationes ad humeros, brachia,
crura, femina, digitosque confractos
pertinentes.*

His proprie ad singula membra pertinentibus, rursus ista communia sunt: primis diebus fames: deinde tum, cum jam increfcere callum oportet, liberalius alimentum: longa à vino abftinentia: fomentum aquæ calidæ, dum inflammatio eft, liberale; cum ea defit, modicum: tum etiam longior ulterioribus, è liquido cerato, membris, & mollis tamen unctio. Nec protinus exercendum id membrum; fed paulatim ad antiquos ufus reducendum eft.

Gravius aliquanto eft, cum offis fracturæ carnis quoque vulnus acceffit; maximeque, fi id musculi femoris aut humeri fenferint. nam & inflammationes multo graviores, & promptiores caneros habent. Ac femur quidem, fi offa inter fe cefferunt, fere præcidi neceffe eft. Humerus vero quoque in periculum venit; fed facilius confervatur. Quibus periculis etiam magis id expositum, quod juxta ipfos articulos icturn eft. Igitur curiofus id agendum eft, & per mediam plagam musculus transversus præcidendus: fanguis vero, fi parum fluxit, mittendus: corpus inedia in decimum diem extenuandum. Ac reliqua quidem membra lentius intendenda, & lenius in his offa in fuam fedem reponenda funt: his vero neque intendi nervos, neque offa tractari, fatis expedit. ipfique homini permittendum eft, ut fic ea collocata habeat, quem-

quemadmodum minimum læduntur. Omnibus autem his vulneribus imponendum primo linamentum ex vino madens, cui rosæ paulum admodum adjectum sit: cætera eadem. Deliganda fasciis sunt, aliquanto, quam vulnus, laxioribus; scilicet laxius, quam si ea plaga non esset, quantoque facilius & alienari & occupari cancro vulnus potest. numero potius fasciarum id agendum est, ut laxæ quoque æque contineant.

Quod in femore humerove sic fiet, si ossa forte recte concurrerint: sin aliter se habebunt, eatenus circumdari fascia debet, ut impositum medicamentum contineat. Cætera eadem, quæ supra scripsi, facienda sunt præterquam quod neque ferulis, neque canalibus, inter quæ vulnus sanescere non potest; sed pluribus tantummodo & latioribus fasciis opus est: ingerendumque subinde in eas est calidum oleum, & vinum; magisque hoc. In principio fame utendum; vulnus calida aqua fovendum; frigusque omni ratione vitandum est, & transeundum ad medicamenta, quæ puri movendo sunt. Majorque vulneri, quam ossi cura adhibenda. ergo quotidie solvendum nutriendumque est.

Inter quæ si quod parvulum fragmentum ossis eminet, id, si retusum est, in suam sedem dandum: si acutum, ante acumen ejus, si longius est, præcidendum; si brevius, limandum, & utrumque scalpro lævandum: tum ipsum recondendum est, ac si id manus facere non potest, vulsella, quali

quali fabri utuntur, injicienda est acutæ ossis prominentis cuspidi, ab ea parte, qua firma est; ut ea parte, qua gibba est, emi-nens os in suam sedem compellat. Si id ma-jus est, membranulisque cingitur, finire & oportet has sub medicamentis resolvi, id-que os, ubi jam nudatum est, abscin-dere; quod maturius scilicet faciendum est. potestque ea ratione & os coire, & vulnus sanescere: illud suo tempore; hoc, prout id se habet.

Nonnunquam etiam in magno vulnere evenit, ut fragmenta quædam velut emo-riantur, neque cum cæteris coeant. quod hic quoque ex modo fluentis humoris col-15 ligitur. Quo magis necessarium est, sæpius ulcus resolvere, quam nutrire: sequitur-que fere, ut id os per se post aliquot dies excidat; aut, cum jam ante misera conditio vulneris sit, tamen id interdum majus diu-20 turniusque faciat. Sæpe etiam integra cute os abrumpitur, protinusque prurigo & do-lor oritur. Quare solvere, si accidit, ma-turius oportet, & fovere aqua, per æstatem, frigida; per hiemem, ægelida: deinde ce-25 ratum myrteum imponere.

Interdum fractura quibusdam velut acu-leis carnem vexat. Quo à prurigine & pun-ctionibus cognito, aperire id medicus, eosque aculeos præcidere necesse habet.30 Reliqua vero curatio in utroque hoc casu eadem est, quæ, ubi plagam ictus proti-nus intulit. Puro jam ulcere, cibus hic quoque utendum est carnem producenti-bus.

bus. Si brevius adhuc membrum est, & ossa loco suo non sunt, paxillus tenuis & lævissimi generis inter ea demitti debet, sic, ut capite paululum emineat;isque quotidie plenior adigendus^o est, donec par id membrum alteri fiat. Tum paxillus removendus, vulnusque sanandum est. Cicatrix vero inducta fovenda aqua frigida est, in qua myrtus, hederæ, aliæve similes verbenæ decoctæ sint: illinendumque medicamentum, quod siccet. & magis etiam hic quiescendum, donec id membrum confirmetur.

Si quando vero ossa non conferbuerant, quia sæpe soluta, sæpe mota sunt, in aperto deinde curatio est. possunt enim coire. Si vetustas occupavit, membrum extendendum est, ut aliquid lædatur: ossa inter se manu dividenda, ut concurrendo exasperentur, & si quid pingue est, eradatur, totumque id quasi recens fiat. magna tamen cura habita, ne nervi musculive lædantur. Tum vino fovendum est, in quo malicorium decoctum sit; imponendumque id ipsum ovi albo mixtum: tertio die resolvendum, fovendumque aqua, in qua verbenæ, de quibus supra dixi, decoctæ sint: quinto die idem faciendum, ferulæque circumdandæ; cætera, & ante, & post, eadem facienda, quæ supra scripsi. Solent tamen interdum adversa inter se ossa confervere: eoque & brevius membrum, & indecorum fit; & si capita acutiora sunt, assidue puncturæ sentiuntur. Ob quam causam frangi rursus

rursus ossa & dirigidebent. Id hoc modo fit. Calida aqua multa id membrum fovetur, & ex cerato liquido perfricatur, intenditurque: inter hæc, medicus pertractans ossa, ut adhuc tenero callo, manibus ea di-
 ducit, compellitque id, quod eminet, in suam sedem: & si parum valuit, ab ea parte, in quam os se inclinat, involutam lana regulam objicit; atque ita deligando, assuescere iterum vetustæ sedi cogit. 10

Nonnunquam autem recte quidem ossa conferbuerunt, superincrevit vero nimius callus; ideoque locus intumuit. Quod ubi incidit, diu leniterque id membrum perfricandum est ex oleo, & sale, & nitro; 15 multumque aqua calida salsa fovendum; & imponendum malagma, quod digerat; adstrictiusque alligandum: oleribusque, & præterea vomitu utendum. per quæ cum carne callus quoque extenuatur: confert-
 que aliquid de sinapi cum ficu in alteram pariter membrum impositum, donec id paulum erodat, eoque evocet materiam. Ubi his tumor extenuatus est, rursus ad ordinem vitæ revertendum est. 25

C A P. X I.

De Ossibus luxatis.

At de fractis quidem ossibus hætenus dictum sit. Moventur autem ea sedi-
 bus suis duobus modis. Nam modo, quæ juncta sunt, inter se dehiscunt: ut cum latum os scapularum ab humero recedit; & in brachio, radius à cubito; & in crure, tibia
 à sura;

à sura; &, interdum saltu, calcis os à talo; quod raro tamen fit: modo articuli suis sedibus excidunt. Ante de prioribus dicam.

Quorum ubi aliquid incidit, protinus is
5 locus cavus est, depressusque digitus sinum invenit. deinde gravis inflammatio oritur; atque in talo præcipue: siquidem febres quoque; & caneros, & nervorum vel distentiones, vel rigores, qui caput scapulis
10 annectunt, movere consuevit. Quorum vitandorum causa, faciendæ eadem sunt, quæ in ossibus mobilibus læsis. Atque id ubi incidit, protinus his locis imponenda, quæ supra proposita sunt, ut dolor tumorque
15 per ea tollantur. Nam diducta ossa nunquam rursus inter se junguntur: &, ut aliquid decoris eo loco, sic nihil usus admittitur:

Maxilla vero & vertebræ, omnesque articuli, cum validis nervis comprehenduntur, excidunt aut vi expulsi, aut aliquo casu nervis vel ruptis, vel infirmatis; faciliusque in pueris & adolescentulis, quam in robustioribus. Hique elabuntur in priorem & in posteriorem, in anteriorem & in
25 exteriorem partem: quidam omnibus modis, quidam certis. Suntque quædam communia omnium signa, quædam propria cujusque. siquidem semper ea parte tumor
30 est, in quam os prorumpit; ea sinus, à qua recessit. Et hæc quidem in omnibusprehenduntur, alia vero in singulis. quæ, simulatque de quoque dicam, proponenda erunt.

Sed ut excidere omnes articuli possunt, sic non omnes reponuntur. Caput enim nunquam compellitur, neque in spina vertebra, neque ea maxilla, quæ, utraque parte prolapsa, antequam reponeretur, inflammationem movit. Rursum, qui nervorum vitio prolapsi sunt, compulsi quoque in suas sedes iterum excidunt. Ac, quibus in pueritia exciderunt, neque repositi sunt, minus quam cæteri crescunt: omniumque, quæ loco suo non sunt, caro emacrescit, magisque in proximo membro, quam ulteriore. utputa, si humerus loco suo non est, major in eo ipso fit macies, quam in brachio; major in hoc, quam in manu. Tum pro se-
dibus, & pro casibus, qui inciderunt, aut major aut minor usus ejus membri relinquitur: quoque in eo plus usus superest, eo minus id extenuatur.

Quicquid autem loco suo motum est, ante inflammationem reponendum est. Si illa occupavit, dum conquiescat, laceffendum non est: ubi finita est, tentandum est in his membris, quæ id patiuntur. Multum autem eo confert & corporis & nervorum habitus. Nam, si corpus tenue, si humidum est, si nervi infirmi, expeditius os reponitur; sed & multo facilius excidit, & postea minus fideliter continetur. Quæ contraria his sunt, melius continent: sed id, quod expulsum est, difficulter admittunt. Oportet autem ipsam inflammationem levare, succida lana ex aceto superimposita: à cibo, si valentioris articuli casus est, triduo; interdum

dum etiam quinque diebus abstinere: bibere aquam calidam , dum sitis finiatur : curiosiusque hæc facere , his ossibus motis, quæ validis plenisque musculis continentur: si vero etiam febris accessit, multo magis: deinde die quinto fovere ex aqua calida; remotaque lana, ceratum imponere ex cyprino factum; nitro quoque adjecto , donec omnis inflammatio finiatur. Tunc infriktionem ei membro adhibere: cibis uti bonis; uti vino modice: jamque ad usus quoque suos id membrum promovere, quia motus, ut in dolore pestifer , sic alias saluberrimus corpori est. Hæc communia sunt: 15 nunc de singulis dicam.

C A P. XII.

De Maxilla luxata.

20 **M**AXILLA in priorem partem propellitur, sed modo altera parte, modo utraque. Si altera, in contrariam partem ipsa mentumque inclinatur: dentes paribus non respondent; sed sub his , qui secant, canini sunt. At, si utraque, 25 totum mentum inclinatur, & in exteriorem partem promovetur; inferioresque dentes longius, quam superiores excedunt; intenteque temporum muscoli apparent. Primo quoque tempore homo in sedili collocan- 30 dus est, sic, ut minister à posteriore parte caput ejus contineat, vel sic, ut juxta parietem is sedeat , subjecto inter parietem & caput ejus scorteo pulvino duro , eoque caput per ministrum urgeatur , quo sit immobilius.

tum

tum medici digiti pollices, linteolis vel fasciis, ne dilabantur, involuti in os ejus conjiciendi, cæteri extrinsecus admovendi sunt. ubi vehementer maxilla apprehensa est, si una parte procidit, concutiendum mentum, & ad guttur adducendum est: tunc simul & caput adprehendendum, & excitato mento, maxilla in suam sedem compellenda, & os ejus comprimendum est, sic, ut omnia pene uno momento fiant. Sin 10 utraque parte prolapsa est, omnia eadem facienda; sed æqualiter retro est maxilla agenda. Reposito osse, si cum dolore oculorum & cervicis iste casus incidit, ex brachio sanguis mittendus est. Cum omnibus vero, 15 quorum ossa mota sunt, primo liquidioribus conveniat, tum his præcipue: adeo ut sermo quoque frequens, motu oris temporum nervos lædat.

C A P. X I I I.

20

De Capite luxato.

CAPUT duobus processibus in duos sinus summæ vertebræ demissis super cervicem contineri, in prima parte 25 proposui. Hi processus interdum in posteriorem partem excidunt: quo fit, ut nervi sub occipitio extendantur, & mentum pectori adglutinetur, neque bibere is, neque loqui possit, interdum sine voluntate se- 30 men emittat. quibus celerrime mors supervenit. Ponendum autem hoc esse credidi, non quo curatio ejus rei ulla sit; sed ut res indiciis cognosceretur, & non putarent sibi me-

medicum defuisse, si qui sic aliquem perdidissent.

C A P. X I V.

De Spina luxata.

5 IDEM casus manet eos, quorum in spina
vertebræ exciderunt. Id enim non po-
test fieri, nisi & medulla, quæ per me-
dium; & duabus membranulis, quæ per
10 duos à lateribus processus feruntur; & ner-
vis, qui continent, ruptis. Excidunt autem
& in posteriorem partem, & in priorem; &
supra septum transversum, & infra. Si in
utramvis partem exciderint, à posteriore
15 parte vel tumor, vel sinus erit. Si super se-
ptum id incidit, manus resolvuntur, vomit-
us, aut dissentio nervorum sequitur, spiri-
tus difficulter movetur; dolor urget, & aures
obtusæ sunt. Si sub septo, femina resolvun-
20 tur, urina supprimitur, interdum etiam
sine voluntate prorumpit. Ex ejusmodi
casibus, ut tardius, quam ex capitis, sic ta-
men intra triduum homo moritur. Nam,
quod Hippocrates dixit, vertebra in exte-
25 riorem partem prolapsa, pronum hominem
collocandum esse, & extendendum, tum cal-
ce aliquem super ipsum debere consistere, &
intus impellere: in his accipiendum est,
quæ paululum excefferunt; non in his, quæ
30 toto loco motæ sunt. Nonnunquam enim
nervorum imbecillitas efficit, ut, quamvis
non exciderit vertebra, paululum tamen in-
priorem partem promineat. id non jugu-
lat. Sed ab interiore parte non contingit
quidem

quidem propelli. Ab exteriori si quid propulsum est, plerumque iterum redit: nisi, quod admodum rarum est, vis nervis destituta est.

C A P. XV.

5

De Humero luxato.

HUMERUS autem modo in alam excidit, modo in partem priorem. Si in alam delapsus est, ei junctus cubitus recedit ab latere, sursumque ad ejusdem partis aurem cum humero porrigi non potest, longiusque altero id brachium est. Si in priorem partem, summum quidem brachium extenditur, minus tamen, quam naturaliter; difficiliusque in priorem partem, quam in posteriorem cubitus porrigitur.

Igitur, si in alam humerus excidit, & vel puerile adhuc est corpus, vel molle, certe imbecillibus nervis intentum est, satis est collocare id in sedili; & ex duobus ministris alteri imperare, ut caput lati scapularum ossis leniter reducat; alteri, ut brachium extendat: ipsum posteriore parte residentem, humerum genu sub ala ejus cogere, si mulque & latum os, & altera manu brachium ejus ad latus impellere.

At, si vastius corpus, nervi ve robustiores sunt, necessaria est spatha lignea, quæ & crassitudinem duorum digitorum habet, & longitudine ab ala usque ad digitos pervenit. in qua summa capitulum est rotundum, & leniter cavum; ut recipere particulam aliquam ex capite humeri possit: inque

que ea bina foramina tribus locis sunt, inter se spatio distantibus; in quæ lora mollia conjiciuntur. Eaque spatha, fascia involuta, quo minus tactu lædat, ad alam à brachio dirigitur, sic, ut caput ejus summæ alæ subjiciatur: deinde, loris suis ad brachium deligatur; uno loco, paulum infra humeri caput; altero, paulum supra cubitum; tertio, supra manum, cui rei protinus
10 intervalla tunc quoque foraminum aptata sunt. Sic brachium deligatum super scalæ gallinariæ gradum trajicitur, ita altæ, ut consistere homo ipse non possit; simulque in alteram partem corpus demittitur, in al-
15 teram brachium intenditur: eoque fit, ut capite ligni caput humeri impulsus in suam sedem, modo cum sono, modo sine hoc compellatur. Multas esse alias rationes, scire facile est uno Hippocrate lecto; sed
20 non alia magis usu comprobata est.

At, si in partem priorem humerus incidit, supinus homo collocandus; fasciaque, aut habena, media ala circumdanda est, capitaque ejus post caput hominis ministro
25 tradenda; brachium alteri; præcipiendumque, ut ille habenam, hic brachium extendat: deinde medicus, caput quidem hominis sinistra debet repellere; dextra vero cubitum cum humero attollere, & os in
30 suam sedem compellere. faciliusque id in hoc casu, quam in priore revertitur. Reposito humero, lana alæ subjicienda est; si in interiore parte os fuit, ut ei opponatur; si in priore, ut tamen commodius deligatur.

tur. Tum fascia, primum sub ala obvoluta, caput ejus debet comprehendere, deinde per pectus ad alteram alam, ab eaque ad scapulas, rursusque ad ejusdem humeri caput tendere, sæpiusque ad eandem rationem circumagi, donec bene id teneat. Vincetus hac ratione humerus commodius continetur, si adductus ad latus sit, & ad id quoque fascia deligetur.

CAP. XVI.

10

De Cubito luxato.

IN cubito autem tria coire ossa, humeri, & radii, & cubiti ipsius, ex his, quæ prima parte hujus voluminis posita sunt, intelligi potuit. Si cubitus, qui annexus humero est, ab hoc excidit, radius, qui adjunctus est, interdum distrahitur, interdum subsistit. In omnes vero quatuor partes excidere cubitus potest: sed, si in priorem prolapsus est, extentum brachium est, neque recurvatur: si in posteriorem, brachium curvum est, neque extenditur, breviusque altero est; interdum febrem, vomitumque bilis movet: si in exteriorem, interioremve, brachium porrectum est, sed paululum in eam partem, à qua os recessit, recurvatur.

Quicquid incidit, reponendi ratio una est (neque in cubito tantum, sed in omnibus quoque membris longis, quæ per articulum longa testa junguntur) utrumque membrum in diversas partes extendere, donec spatium inter ossa liberum sit; tum
id

id os, quod excidit, ab ea parte, in quam prolapsum est, in contrarium impellere. Extendendi tamen alia atque alia genera sunt, prout nervi valent, aut ossa huc illuc
 5 ve se dederunt. Ac modo manibus solis utendum est, modo, quædam alia adhibenda.

Ergo, si in priorem partem cubitus prolapsus est, extendi per duas manus, interdum etiam habenis adjectis, satis est: deinde rotundum aliquid, à lacerti parte ponendum est, & super id repente cubitus ad humerum impellendus est. At in aliis casibus commodissimum est eadem ratione
 15 brachium extendere, quæ, fracto humero supra posita est, & tum ossa reponere.

Reliqua curatio eadem est, quæ in omnibus. Celerius tantum sæpiusque id resolvendum est; multoque magis aqua calidiora fovendum, & diutius ex oleo & nitro ac sale perfricandum. In cubito enim celerius, quam in ullo alio articulo, si extra remansit, si intus revertit, callus circumdatur, isque, si per quietem increvit, flexus
 25 illius postea prohibet.

C A P. X V I I.

De Manu luxata.

30 **M**ANUS quoque in omnes quatuor partes prolabitur. Si in posteriorem partem excidit, porrigi digiti non possunt: si in priorem, non inclinantur: si in alterutrum latus, manus in contrarium, id est, aut ad pollicem, aut ad minimum

552 A. CORN. CELSI Lib. 8.
mum digitum convertitur, & reponi non
difficillime potest. Super locum autem du-
rum & renitentem ex altera parte inten-
di manus, ex altera brachium debet, sic, ut
prona sit, si in posteriorem partem os exci-
dit; supina, si in priorem; si in interiorem ex-
terioremve, in latus. Ubi satis nervi didu-
cti sunt, si usque in alterutrum latus proci-
dit, manibus in contrarium repellendum
est. At his, quæ in priorem posterioremve
partem prolapsa sunt, superimponendum
aliquid durum, idque supra prominens os
manu urgendum est, per quod os vis ad-
jecta facilius in suam sedem compellit.

C A P. X V I I I.

15

De Palma luxata.

IN palma quoque ossa interdum suis se-
dibus promoventur, modo in priorem
partem, modo in posteriorem. In latus
enim moveri, paribus ossibus oppositis,
non possunt. Signum id solum est, quod
omnium commune est: tumor ab ea parte,
in quam os venit: sinus ab ea, à qua reces-
sit. Sed sine intentione, digito tantum-
modo bene pressum os in suam sedem re-
vertitur.

C A P. X I X.

De Digitis luxatis.

30

AT in digitis totidem fere casus, ea-
demque signa sunt, quæ in mani-
bus. Sed in his extendendis non æ-
que vi opus est; quod articuli breviores, &
nervi

nervi minus validi sint. Super mensam tantummodo intendi debent, qui vel in priorem vel in posteriorem partem exciderunt; tumque palma compelli: ut ita in locum, unde lapsus est digitus, restituatur.

C A P. XX.

De Femore luxato.

CUM de humeris dixerim; de his quoque, quæ in cruribus sunt, videri possum dixisse: siquidem in hoc casu quædam similitudo est femori & humero, tibiæ & cubito, pedi & manui. quædam tamen separatim quoque de his dicenda sunt.

Femur in omnes quatuor partes promovetur: sæpissime in interiorem; deinde in exteriorem; raro admodum in priorem, aut posteriorem. Si in interiorem partem prolapsus est, crus longius altero & valgius est: extra enim pes ultimus spectat. Si in exteriorem, brevius, varumque fit, & pes intus inclinatur; calx ingressu terram non contingit, sed planta ima; meliusque id crus superius corpus, quam in priore casu, fert, minusque baculo eget. Si in priorem, crus plicari non potest, extensumque alteri cruri ad calcem par est; sed ima planta minus in priorem partem inclinatur: dolorque in hoc casu præcipuus est; & maxime urina supprimitur. Ubi cum dolore inflammatio quievit, commode ingrediuntur, rectusque eorum pes est. Si in posteriorem, extendi non potest crus, breviusque est; ubi consistit, calx quoque terram non contingit.

Magnum autem femori periculum est, ne vel difficulter reponatur, vel repositum rursus excidat. Quidam semper iterum excidere contendunt: sed Hippocrates, & Diocles, & Philotimus, & Nileus, & Heraclides Tarentinus, clari admodum auctores, ex toto se restituisse memoriæ prodiderunt. Neque tot genera machinamentorum quoque, ad extendendum in hoc casu femur, Hippocrates, Andreas, Nileus, Nymphodorus, Protarchus, Heraclides, faber quoque quidam reperissent, si id frustra esset. Sed ut hæc falsa opinio est; sic illud verum: cum ibi valentissimi nervi musculique sint, si suum robur habent, vix admittere, ut reponatur: si non habent, repositum non continere.

Tentandum igitur est, & si tenerius membrum est, satis est habenam alteram ab inguine, alteram à genu intendi: si validius, melius adducent, qui easdem habenas ad valida bacula deligarint; tumque eorum fustium imas partes oppositæ moræ objecerint, superioresque ad se utraque manu traxerint. Etiamnum valentius intenditur membrum super scamnum, cui ab utraque parte axes sunt, ad quos habenæ illæ deligantur: qui, ut in torcularibus, conversi, rumpere quoque, si quis perseveraverit, non solum extendere nervos & musculos possunt. Collocandus autem homo super id scamnum est, aut pronus, aut supinus, aut in latus, sic, ut semper ea pars superior sit, in quam os prolapsum est; ea etiam inferior,

ferior, à qua recessit. Nervis extensis, si in priorem partem os venit, rotundum aliquid super inguen ponendum; subitoque super id genu adducendum est eodem modo, eademque de causa, qua idem in brachio fit; protinusque, si complicari femur potest, intus est.

In cæteris vero casibus, ubi ossa paululum inter se recesserunt, medicus debet id, quod eminet, retro cogere; minister contra coxam propellere. Reposito osse, nihil novi aliud curatio requirit, quam ut diutius is in lecto detineatur; ne, si motum femur fuerit adhuc laxioribus nervis, rursus erumpat. Potest tamen conditus articulus medius aut summus canaliculo aliquo contineri.

C A P. XXI.

De Genu luxato.

20

GENV vero & in anteriorem, & in interioriorem, & in posteriorem partem excidere, notissimum est. In priorem non prolabi, plerique scripserunt. potest- que id vero proximum esse; cum ibidem opposita patella, ipsa quoque caput tibiæ contineat. Meges tamen eum, cui in priorem partem excidisset, à se curatum esse, memoriæ prodidit.

30 In his casibus intendi nervi rationibus iisdem, quas in femore retuli, possunt. Et id quidem, quod in posteriorem partem excidit, eodem modo rotundo aliquo super poplitem imposito, adductoque eo crurè, re-

556 A. CORN. CELSI Lib. 8.
conditur. Cætera vero manibus simul, tum
ossa in diversas partes compelluntur.

C A P. XXII.

De Talò luxato.

5

TALVS quidem in omnes partes prola-
bitur. Ubi in interiorem partem ex-
cidit, ima pars pedis in exteriorem
partem convertitur. Ubi huic contrarius
casus, contrarium etiam signum est. At, si in io
priorem partem prorumpit, à posteriore
latus nervus durus & intentus est; sinus-
que iis pes est. Si in posteriorem, calx pene
conditur, planta major fit. Reponitur au-
tem is quoque per manus; prius in diversa 15
pede & crure diductis. Et in hoc quoque
casu diutius in lectulo perseverandum est;
ne is talus, qui totum corpus sustinet, pa-
rum confirmatis nervis, ferendo oneri ce-
dat, rursusque prorumpat. Calceamentis 20
quoque humilioribus primo tempore uten-
dum; ne vinctura talum ipsum lædat.

C A P. XXIII.

De Planta luxata.

15

PLANTARVM vero ossa iisdem modis,
quibus in manibus; prodeunt; iisdem-
que conduntur. Fascia tantummodo
calcem quoque debet comprehendere: ne,
cum mediam plantam, imumque ejus vin- 30
ciri necesse est, liber talus in medio reli-
ctus, materiam pleniorē recipiat, ideo-
que suppuret.

C A P. XXIV.

De Digitis luxatis.

5 **I**N digitis nihil ultra fieri debet, quam quod in his, qui sunt in manu, positum est.

C A P. XXV.

De his, quæ cum vulnere loco moventur.

10 **H**ÆC facienda sunt in his casibus, ubi sine vulnere ossa exciderunt: sæpe tamen cum vulnere loco moventur. Hic vero & ingens periculum est, & eo
15 gravius, quo majus membrum est, quo ve validioribus nervis aut musculis continetur. Ideoque ab humeris, femoribusque, metus mortis est; ac, si reposita ossa sunt, spes
20 nulla est: non repositis tamen, nonnullum periculum est. Eoque major in utroque timor est, quo propius vulnus articulo est. Nam Hippocrates nihil tuto reponi posse, præter digitos, & plantas, & manus, dixit: atque in his quoque diligenter esse agendum, ne præcipitentur ægri. Quidam
25 brachia quoque & crura reposuerunt: &, ne canceri, distentionesque nervorum orirentur (sub quibus in ejusmodi casu fieri solet mors matura) sanguinem ex brachio miserunt. Verum ne digitus quidem (in quo mi-
30 nimus, ut malum, sic etiam periculum est) reponi debet aut in inflammatione, aut postea, cum jam vetus res est. Si quoque, reposito osse, nervi distenduntur, rursus id protinus expellendum est.

Omne autem membrum, quod cum vulnere loco motum, neque repositum est, sic jacere convenit, ut maxime cubantem juvar: tantum ne moveatur, neve dependeat. In omni tali morbo magnum ex longa fame præsidium est: deinde ex curatione eadem, quæ proposita est. Ubi ossibus fractis vulnus accessit, si nudum os eminet, impedimento semper futurum est. ideo, quod excedit, abscindendum est; imponendaque super arida linamenta sunt, & medicamenta non pingua; donec, quæ saltem esse in ejusmodi re sanitas potest, veniat. nam & debilitas sequitur, & tenuis cicatrix inducitur: quæ necesse est facile noxæ postea pateat.

F I N I S.



C O R R I G E N D A.

Pag. lin. lege

18. 11. medicina d

19. 17. &, qui

21. 21. tamen, si

32. 2. ex loc

36. 24. -at: si

25. -dit: si

40. 29. neque

46. 6. aridæ

71. 18. -pit; tum q

79. 7. infirm

89. 12. -li. quod

92. 9. -rere

95. 29. demittitur

99. 15. panificia

102. 25. &, quæ

107. 11. ambubeia

108. 32. ea, cum

111. 14. -stior est; lon-

117. 17. qui, cum

120. 27. ut in hac .

134. 29. est. quæ

30. -cant. Etiam

153. 16. est, ne

19. -ne, &

155. 5. -cit, fa-

158. 3. siquidem

160. 25. πᾶ, q

162. 2. Quod, si

11. -que, quæc

163. 7. tragorig

166. 3. & splene

168. 1. tamen

5. -situm

Pag. lin. lege

179. 13. -cis, aliquando
sine ferro,

180. 18. Vtricu-

181. 21. aquam sic,

192. 30. -bis. Si

216. 8. serpyl-

219. 13. -tur, interp

235. 5. etiam

239. 30. -sus sic, ut p

246. 25. serpyl-

255. 3. quem

262. 25. quæ, nisi

265. 1. *dele* de

18. -cet id, q

294. 12. his id, q

14. est gra-

295. 4. viscera

297. 15. -dis. At

299. 25. At, si ... cure ge-

306. 27. -per emi

327. 19. -que is locus pæ

399. 10. hæc

340. 32. git

341. 12. Ἀδύκη

344. 20. Eretria

362. 7. -rem. Ha-

369. 10. -ant. Q

371. 9. -bent pap

10. -ti sic, ut

373. 1. -tio est, q

376. 16. -met, at-

377. 25. com-

380. 22. -bet. Illud aliud

Pag.

Pag. lin. lege
 386. 27. subsistit
 387. 34. -li combusto, cu
 388. 9. -varn. Quod
 393. 4. -it. Pri-
 396. 34. idque
 405. 14. effectus
 19. -tem pars, c

Pag. lin. lege
 464. 1. tia die
 489. 3. -ra x,
 490. 19. nequedum
 514. 34. -ctum os
 415. 18. -da; ab eo ca-
 423. 30. oculo
 453. 25. quæ remu-

*Quæ præter esse non puto,
 Quod tiro quis non corrigat,
 Vel doctiorem postulet.
 Meus labor si non placet,
 Amice, fac quid cultius.*

V A L E.